

KŌRA EO EKWOJARJAR ILO RAN KO ELIKTATA



Buk In Jino Nōn Kōra Ro, Eo Kein Kajuōn

Kōra Eo Ekwojarjar Ilo Ran Ko Eliktata

Buk In Jino N̄on Kōra Ro, Eo Kein Kajuōn

Ear Kōmmōn in Kabuñ Eo An Jisōs Kraist
Im Armij Ro Rekwojarjar Ilo Ran Ko Eliktata
Salt Lake City, Utah, United States of America
1990

Jeje ilo © 1985 in
Kabuñ Eo An Jisōs Kraist Im Armij
Ro Rekwojarjar Ilo Ran Ko Eликтata
Emwij Kejbarok Aolep Melim Im Maroñ

Basic Manual for Women, Part A in Marshallese

31113 874

Kadkad

Jino iii

Unit I: Katak Ko An Gospel Eo

Katak Eo 1: Tōmak Ilo Iroiĵ, Jisōs Kraist	1
Katak Eo 2: Ukwelok	9
Katak Eo 3: Baptais Ej Juōn Jino Ekāāl	16
Katak Eo 4: Men in Letok In Jitōb Kwojarjar	21
Katak Eo 5: Nan in Kennan	27
Katak Eo 6: Jitlok	32
Katak Eo 7: Wūjtak	35
Katak Eo 8: Yokwe Im Jerbal	39
Katak Eo 9: Kien Erreo--Kejerbale Maroñ Eo Am Nan Ejake Juōn Mour Ilo Wāween Eo Anij Eaar Jiroñ Kōĵ	42
Katak Eo 10: Belele Indreo	46

Unit II: Kōra Ro Ilo Kabuñ Eo

Katak Eo 11: Priesthood Eo	51
Katak Eo 12: Men In Kaiñi Ko Me Ej Kōmmōn Kin Kajur Eo An Priesthood	55
Katak Eo 13: Kunad Nōn Priesthood Eo	60
Katak Eo 14: Kunan Kōra Eo Me Ej Juōn Ian Kabuñ Eo	63
Katak Eo 15: Kōmōnmōn Kelet Ko Iben Pamle Ko Ad	68
Katak Eo 16: Pamle Iben Dron Ñe Ejota	71
Katak Eo 17: Kwelok Ko An Kabuñ Eo	75
Katak Eo 18: Jiroñlok Ro Jet Kake Gospel Eo Im Kōjeraiki Ro Rekāāl Ian Kabuñ Eo	81
Katak Eo 19: Kapoji Ro Neĵid Nōn Bōk Jerbal In Mijenede	86

Unit III: Kōmōnmōnlok Mweo Imōd

Katak Eo 20: Kōkon Mweo Imōd	90
Katak Eo 21: Kōjerbal Ad Mōnni Ilo Lolātāt	93
Katak Eo 22: Jen Aikuiĵ Najidik Pamle Ko Ad, Me Enaj Jibañ Ir Nōn Bōk Enwiniir Eĵmour	98
Katak Eo 23: Kijen Kōra Ro Reĵ Bōroro Im Ro Reĵ Kaajiriri	101
Katak Eo 24: Bōprae Nañinmij Ko	104
Katak Eo 25: Kadrōklok Juōn Atake Eo	109
Katak Eo 26: Jen Aikuiĵ In Katak Nōn Liki Ad Make	113

Unit IV: Kōwāppenlok Ad Make Im Pamle Ko Ad

Katak Eo 27: Kōwāppenlok Kabiel Ko Ad	117
Katak Eo 28: Kōwāppenlok Mejādik Ko Jen Maroñ Kōjerbali Nōn Kōmmōne Mōnni Nōn Kejbarok Pamle Ko Ad	121
Katak Eo 29: Katak in Ro Neĵid Joñon Aurokin Jerbal	125
Katak Eo 30: Kōwāppenlok Wāwen In Kabwijere Ad Make Im Katak in Ro Neĵid Nōn Kabwijere Air Make	130
Katak Eo 31: Kōmōnōnō Mweo Imōd	135
Katak Eo 32: Ekkatak Gospel eo Ilo Mweo Imōd	141
Katak Eo 33: Kapoji Nōn Katak in Ro Jet	146
Katak Eo 34: Katak Jen Jeje Ko Rekwojarjar	150
Katak Eo 35: Katak in Ro Jet Kin Kajur Eo An Jitōb Kwojarjar	154

President Ro An Kabuñ Eo	157
Nan Ko Kab Lōmnak Ko Am	162

Buk in ear kōmmōn im bojak nōn jibañ kōra ro katak kin katak ko ilo gospel. Armij kajojo ej aikuij juōn buk. En aikuij katak jen e ilo wiik im bōklok ibenlok nōn kilas aolepen Sabat, im en bojak nōn konono kaki men ko ilo katak eo. Bareinwōt, en aikuij bōklok ibenlok an jeje ko rekwojarjar.

Kōjella Nōn Dri Kaki

Ewōr 35 katak ko wōt ilo buk in. Unin men in ej bwe en lewōj nōn yuk elaplok jen juōn wōt ran in katak nōn katak kake jet katak ko elañe ewōr am aikuij ien, im bareinwōt bwe en lewōj nōn yuk ien nōn bar jet dri jibij ro, kwelok ko in kwalok nan in kennan, im bar jet men ko kwonaj kōnan kōmmōni nōn katak kin katak ko.

Kwoj aikuij katak kin aolepen katak ko ilo buk, im ej emmōntata nōn katak kin ir ilo lajrōk eo air lajrōke. Ijoke, en aikuij katak kin jet katak ko ekkar nōn terre ko. Kin wanjoñak, katak eo 25 me ej katak kin wāwen an edrōklok im kejbarok juōn jikin kallip, en aikuij kwaloki mokta ien kallip. Katak ko kaki wāwen in kōmōnmōnlok mweo imōd ren ukōt ekkar nōn aikuij ko an kōra ro ilo am rā.

Ej lelok lōmnak ko i'jemlokin katak kajo nōn jibañ yuk ilo am katak kin katak eo. Lōmnak kein rej kobaik iben katak jen buk in *Katak Kin Gospel*. Emaroñ bwe kwonaj kōnan lelok kunan ro ian kilas eo nōn kwaloki katak ko jen buk in *Katak Kin Gospel*. Elañe kwoj kōmmōn eindrein, kwon aikuij in lelok nōn ir ien elap nōn kapoji katak eo.

Ewōr pija ko i'jemlokin katak ko kajo, me kwonaj kōnan kōjerbali ñe kwoj katak kin katak ko. Ilo jemlokin buk eo ewōr pija ko an president ro an Kabuñ eo im jelalokjen kaki ir. Kwo maroñ bareinwōt kōjerbali pija kein ñe kwoj katak kin katak ko.

Kobaiki joñon am maroñ ro redrik ian kilas eo ilo ien kennanik iben dron. Kwon jibañ ir nōn eñjake bwe elap tokjeir ilo kumi in kilas eo.

Iroi en kōjeramōn yuk ilo am katak kin katak in gospel eo ilo buk in.

Tōmak Ilo Iroiĵ Jisōs Kraist

Unin katak in ej bwe en jibañ kij kōkajurlok ad tōmak ilo Jisōs Kraist.

Tōmak ilo Jisōs Kraist ej einwōt juōn men in edrek. Enaj dreklok elañe jenaj kejbarok e. Enaj mij elañe jej jab. Enaj kōkajurlok ad tōmak ilo Jisōs Kraist elañe jej melele ta eo tōmak ilo Jisōs Kraist, jela mol eo kake E, bokake kien ko An, im anĵo ion men in melejoñ ko me rej itok nōn kij.

Ad Tōmak Ilo Jisōs Kraist Enaj Edreklok Elañe Jej Melele Ta Eo Melelein

Melelein tōmak ej juōn liki ewāppen ilo men ko jej jab loi ak remol (Alma 23:21). Melelein tōmak ilo Jisōs Kraist ej juōn liki ewāppen ilo Jisōs Kraist, ilo An kajur, im ilo katak ko An. Meñe jej jab lo E, ak emol bwe Ej mour. (*Katak Kin Gospel*, jepta 18).

Ñe jej tōmak ilo Jisōs Kraist, jej jar ilo Etan, jej lori katak ko An, im jej atartar ion E nōn jibañ kij.

Ta eo tōmak ilo Jisōs Kraist?

Ewi wāwen kwar kwalok am tōmak ilo Jisōs Kraist rainin?

Nibai ej juōn wanjoñak emmōn kin eo ear tōmak ilo Iroiĵ. Nibai im ro jein ar bōk juōn kien jen Iroiĵ nōn jeblaklok nōn Jerusalem nōn bōki buk in jeje ko an ro droir, me juōn eman enana im elap an kajur ej kejbaroki. Nibai im ro jein rar likuun mijak eman in. Ro jein rar jab kōnan etal bwe rar tōmak bwe ren kar jab maroñ bōki buk in jeje ko jen eman in.

Ak Nibai ear bokake. Ear tōmak ilo Iroiĵ. Ear jab jela ewi wāwen e im ro jein naj maroñ bōk buk in jeje ko, ak ear jela bwe Iroiĵ enaj kar jibañ ir. Nibai ear ba bwe enaj kar etal im kōmmōni men ko me Iroiĵ ear kakien, kinke ear jela bwe Iroiĵ eban lelok nōn kij juōn kien eo im jab kapoji ial in bokake kien eo (I Nibai 3:7).

Kin men in Nibai im ro jein rar jeblaklok nōn Jerusalem nōn bōk buk in jeje ko. Elikin rar kajioñ elōñ kōttan, im jab teru men ko remmōn, Iroiĵ ear lelok juōn ial eo kin air bōk buk in jeje ko im bōklok ir nōn jemeir.


Ta unin Nibai ear kōnan bokake Iroiĵ?

Ewōr elōñ armij ro einwōt Nibai, me tōmak eo air ekajur ilo Iroiĵ. Sister Sajiko Hotta jen Nakoia, Japan ewōr tōmak rōt in. Ej kwalok bwebwenato in:

"Mokta leo beliō im ña ar mari kimro ar kelet bwe kimnaj kar kōjermal ien eo amro, kapeelirro, im men otemjej iamro me jar bōk nōn jermal nōn Kabuñ eo. Men in ej jab pidodo nōn kōmmōne, ak kimro ar maroñ kōmmōne men in kinke kimro ar tōmak ilo Iroiĵ.

"Elikin kimro ar mari, kim ar jokwe ilo juōn jikin ijo etolok jen imōn jar eo. Kim ar bōk juōn jimettan auō ko nōn ilok jen mweo imōmro nōn imōn jar eo, im jet ien ear laplok jen ruo auō. Men in ar kabin amro bōk jermal ko ilo Kabuñ eo. Men in ear jab juōn wōt abañ. Leo beliō ear likuun nañinmij mwijin amro mari kin jilu dre alliñ, im ña iar aikuĵ jermal nōn kōmmōn jāān nōn kemour kimro. Kimro ar jab wōr jabrewōt ien nōn jermal nōn Kabuñ eo.

"Men in ear kainebata ña elap. Iar jela bwe elañe kim maroñ jokwe ijo ebakelok imōn jar eo, innem kimnaj kar maroñ jermal nōn Kabuñ eo im jar ien otemjej. Ak elap an lap wōnen mōko iturin imōn jar eo. Im ejelok amro jāān nōn wiaki juōn mweo ijo. Bōtap iar bareinwōt jela



katak in jeje ko rekwojarjar bwe elañe je tōmak ilo Iroiĵ im kajitōk iben e nōn jibañ kij, Enaj jibañ kij. Kin men in iar ĵar nōn E aolep ran im boñ bwe En jibañ kimro kabukōt juōn mweo ebake imōn ĵar eo bwe kim maroñ ĵerbal nōn Kabuñ eo im ĵar ien otemĵej. Ikar ĵab jela ewi wāwen Iroiĵ eo naj maroñ jibañ kimro loe juōn mweo ebake imōn ĵar eo, ijoke iar ĵar iben tōmak ilo e bwe En jibañ kim.

"Eĵ ĵab eto im wilebeō, eo ear jokwe ilo Nakoia i'mweo imōn ebake imōn ĵar eo, ear kelet nōn etal nōn bar juōn ĵikin im mour ie im ear letok nōn kimro mweo imōn. Iar jela bwe emwiĵ an uak aō ĵar. Kiō, elap amro mōnōnō kinke jenaj kar maroñ jokwe ebakelok imōn ĵar eo im ĵerbal nōn Kabuñ. Ilo ien in ear kadriojlok leo beliō ĵen hospital im kimro ar maroñ ilen ĵar iben dron.

"Juōn terre eo ekadru elikin amro etal nōn Nakoia, rar kōĵellaik bwe enaj kalek juōn imōn ĵar ekāāl nōn am rā. Ar letok kunan rā eo nōn kōmmōn jāān drettan joñon eo emwiĵ air kalikartok, bwe en jibañ kalek imōn ĵar eo. Aolep ro ian rā eo rar ĵino in kōmmōni ĵerbal ko relap nōn kōmmōn jāān.

"Mokta air kōĵelaik bwe renaj kalek juōn imōn ĵar eo ekāāl, leo beliō ear ĵino juōn ĵikin kōmat. Enañin amro kōĵerbal aolepen amro jāān nōn ijino ĵikin kōmat eo an leo beliō. Eĵ ĵab kanuiĵ in lap amro jāān. Iar bareinwōt ĵerbal nōn jibañ an kōmmōn jāān nōn keĵbarok pamle e am, ijoke nā ikar bōroro im mōttan wōt ĵidik enaj kar itok ien im iban bar ĵerbal. Ĵikin kōmat eo an leo beliō ear emmōn wōt ak eĵ ĵab bwe joñon am bōk jāān ĵen e nōn keĵbarok pamle e amro kab jibañ air kalek imōn ĵar eo ekāāl. Ilo terre eo kim ar wōr ĵidik jāān me kim ar keĵbaroki nōn kōllā wōnen hospital eo im taktō ro ñe niñniñ eo neĵimro enaj kar lotak.

"Juōn boñ, president eo an rā ear itok nōn kimro im ear ba bwe reĵ aikuĵiĵi ĵidik wōt jāān nōn kadredrelok joñon kunan rā eo, im ear kajitōk ibemro elañe kimnaj kar maroñ jibañ. Mekarta kim ar wōr jāān eo an niñniñ eo amro wōt kim ar leloki nōn president eo an rā; im joñon eo an ear bwe nōn kadredrelok joñon kunan rā eo.

"Kimro ar ĵab inebata kake iĵo ĵikin jenaj bōk jāān ĵen e kin niñniñ eo amro. Kimro ar tōmak ilo Iroiĵ bwe en kar maroñ jibañ kim.

"Eĵ ĵab tolok im leo beliō ear bōk ĵerbal ĵen Kabuñ eo nōn tellok program in Katak Kin Kabuñ Ko ilo Nakoia. Kim ar ĵab jela kake ĵerbal rōt in ke kimro ar lellok nōn president in rā eo jāān eo me kim ar keĵbarok kin niñniñ eo amro. Ak ar kōllā joñon jāān eo ebwe nōn leo beliō kin an ĵerbal bwe kim ar maroñ kōllā wōnen muri ko an niñniñ eo amro ke e ar lotak. Anij eĵ ba bwe reĵ aikuĵiĵ in tōmak ilo E im kōmmōne ĵabrewōt men eo joñon ad maroñ nōn jibañ kij make iad. Enaj jibañ kij ñe eĵ eindrein. Iĵ jela men in eĵ mol."

Ekijkan Iroiĵ eo ear kōĵeramōn Sister Hotta kab leo belen kin air tōmak ilo E?

Sister Hotta ear lellok bar juōn melelein tōmak ilo Iroiĵ. Ear ba bwe tōmak ilo Iroiĵ eĵ ad kōmmōne men otemĵej joñon ad maroñ nōn jibañ kij make iad, innem atartar ion Iroiĵ kin jibañ ilo ad kōmmōne men ko reĵ ĵab maroñ kōmmōne kij make iad.


Enaj Kōkajurlok Ad Tōmak Ilo Jisōs Kraist Elañe Reĵ Jela Mol Kake E

Nōn kōwāppenlok ad tōmak ilo Jisōs Kraist, reĵ aikuĵiĵ in jela wōn E. Jeban tōmak ilo E elañe reĵ ĵaje kake E. Jeban kōwāppenlok ad tōmak ilo E ñe reĵ katak men in riōb ko kaki E. Tōmak ilo Jisōs Kraist eĵ bed ion mol. Eban bed ion riōb in lōmnak ko kaki E.

Ewi tokĵen ad katak men in mol ko kaki Jisōs Kraist?

Kajitōk iben ruo kōra ro nōn bwebwenato kaki wāwen ko rar bōk jibañ nōn kōwāppenlok air tōmak ilo Jisōs Kraist ke rar katak men in mol ko kaki E.

Ewōr elōñ wāwen ko me jemaroñ katak kin mol kaki Jisōs. Jemaroñ lo E, jemaroñ katak kake E, kōmmōne katak ko an, im ĵar.



Eiet wōt armij ro, einwōt dri kanan eo Josep Smith, rar lo Jisōs. Armij rein rej jela bwe Ej mour. Ijoke, enaīn aolepeduij ar jaīn lo E. Jej aikuij katak kake E kin ad katak jeje ko rekwojarjar, kōmmōni katak ko an, im jar.

Ŋōn jela mol kake Jisōs, jeje ko rekwojarjar rej kwalok jej aikuij tōmak bwe Ej mour, im tōmak bwe Enaj jibaīn kij ŋōn jela kake E elaīe jej likuun kajioī (lale Dri Hibru 11:6). Jej aikuij bōk men kein relap tokjeir ŋōn katak mol kake Jisōs Kraist. Elaīe ad tōmak ekajur bwe Jisōs Kraist ej mour, im bwe Enaj jibaīn kij ŋōn jela mol kake E, jemaroī bareinwōt jela, im jab lo E, bwe ej mour.

*Ta ko ruo jej aikuij bōk ŋōn jino in katak mol kake Jisōs Kraist?
Kwaloki pija ko 1-a kab 1-b.*

Jemaroī katak mol kake Jisōs Kraist kin ad katak jeje ko rekwojarjar im nan ko an ro dri korijeran. Jisōs ear ba bwe elaīe jekōnan katak kake E, jen aikuij katak jeje ko rekwojarjar, kinke jeje ko rekwojarjar rej kennan kin E.

Ekijkan ad katak jeje ko rekwojarjar maroī jibaīn kij ŋōn jela mol kake Jisōs Kraist?

Jemaroī bareinwōt katak mol kake Jisōs Kraist kin ad melejoīe ak kōmmōne katak ko An. Dri kanan eo Alma ear ba bwe elaīe jekōnan jela ŋe juōn men eo ej mol ak jab mol, jen aikuij melejoīe.

Alma ear keidi ad melejoīe juōn men iben ad kalibwini juōn inne ŋōn loe ŋe ej juōn inne emmōn ak nana. Ear ba bwe elaīe jej kalibwini inne eo im kejbarok e, ak ej jab edrōklok, jenaj jela bwe ej juōn inne enana. Ak elaīe jej kalibwini inne eo im kejbarok e, im ej edrōklok, jenaj jela bwe ej juōn inne emmōn. Jej niknik in kōkōmōnmōn e im kejbarok e mae ien inne eo elaplok im juōn mar, innem jenaj jela emol bwe inne eo ej juōn inne emmōn.

Alma ear ba bwe eīn men eo jej aikuij in kōmmōne ŋōn jela elaīe katak ko an Kraist rej mol ak jab. Jen kar aikuij melejoīe ir kin ad katak im kōmmōni ir. Elaīe ear to ad kōmmōni ir im jar jab loi jabrewōt men eo waloktok jen ir, innem jen kar jela bwe katak ko rej jab jimwe, im jen kar jab tōmak ilo ir ak ilo Jisōs Kraist. Ijoke, ŋe etto ad kaminene kaki, im jej loi bwe men ko remmōn ej waloktok jen ir, innem jej jela bwe remol, im jej tōmak ilo ir im ilo Jisōs Kraist. Ilo wāwen in jej katak mol kake Jisōs Kraist im bareinwōt kōwāppenlok ad tōmak ilo E (lale Alma 32:27-39).

Jisōs ear bareinwōt ba bwe elaīe jekōnan jela elaīe katak ko An rej mol, jen aikuij lori ir (Jon 7:16-17).

Ekijkan jej bōk jibaīn ŋōn jela mol kake Jisōs ŋe jej melejoīe katak ko An?

Jemaroī bareinwōt katak mol kake Jisōs kin jar. Eīn juōn wāwen eo elap an lap tokjen me ej katak kin kij mol kake Jisōs. Jisōs ear ba bwe elaīe jekōnan jela elaīe juōn men eo ej mol ak jab, jen kar aikuij in jar ŋōn Jemeduij Ilōn (lale Jemes 1:5).

Dri kanan eo Mōronai ear ba bwe elaīe jej jar iben tōmak ekajur ilo Jisōs Kraist, Jemeduij Ilōn enaj jiroītok kij mol eo, kin kajur eo an Jitōb Kwojarjar eo (lale Mōronai 10:4-5). Kin jar dri kanan eo Josep Smith ear katak mol. Josep Smith ear kōnan jela ewi kabuī eo mol. Kin men in ear jar ŋōn Jemed Ilōn. Kinke Josep Smith ear jar iben tōmak ekajur ilo Iroi, Jemed Ilōn im Jisōs rar itok ŋōn Josep im jiroīlok e mol eo.

Jemaroī bareinwōt katak elōn men ko kaki Jisōs kin jar. Elaīe jenaj jar iben tōmak ekajur ilo Iroi, Jitōb Kwojarjar eo enaj itok im jiroītok kij bwe Jisōs ej Nejin Anij. E ej Dri Lomor an lōl in. Aolepen katak ko An rej mol. Ej yokwe kij. Ear itok ŋōn lōl im ar eītaan im mij ŋōn kōllā wōnen jerawiwi ko ad. Ear kōmōnmōn ial eo bwe jemaroī jerkakbiji jen mij im rollok ŋōn Jemed Ilōn. Ej jela mol in men otemjelok im Enaj kwaloki mol in men otemjelok ŋōn ro rej jerbal ŋōn loi. E ej jimwe ilo an ekajet. Ej mour! Ŋe Jitōb Kwojarjar eo ej

jiroñtok kij men kein, jej jela rej mol. Ad tōmak ilo Jisōs Kraist enaj laplok ilo kajur, bwe jej likuun jela bwe Ej mour, einwōt ad lo E.

Ewi wāwen jar enaj jibañ kij nōn jela mol kake Jisōs Kraist?

Kajitōk iben ruo kōra ro nōn bwebwenato jidik kake wāwen eo Jitōb Kwojarjar ear jibañ irro katak mol kake Jisōs Kraist.

Ad Tōmak Ilo Jisōs Kraist Enaj Laplok Ilo Kajur Elañe Jej Bokake Kien Ko An

Jelalokjen in mol kake Jisōs Kraist ej jab bwe nōn kōkajurlok ad tōmak ilo E. Jen bareinwōt aikuij kejbarok kien ko An.

Ear wōr armij ro me rar lo im eoroñ Jisōs ke ear bed ion lōl in. Bareinwōt rar loi Jisōs kōmmōni elōñ men in bwilōñ ko. Bōtap, rar jab tōmak ilo E kinke rar jab bokake kien ko An. Tōmak ilo Jisōs Kraist ej jab laplok ilo kajur kin ad loe im roñjake wōt. Enaj laplok ñe jej kōmmōni men ko Jisōs ear katak. Ñe jej loe im roñjake wōt im jab bokake, ad tōmak ilo Jisōs Kraist eban laplok. Jen aikuij bokake kien ko An. Elañe jej jab bokake, ad tōmak ilo Jisōs Kraist enaj mōjinolok im enaj jako. Jet ien jej jab jela ewi wāwen jenaj maroñ bokake jet ian kien ko. Ak, ñe jej bokake, Iroi j eo enaj kōjeramōn kij im kalaplok ad tōmak.

Kwaloki pija eo 1-c.

Ro jein Nibai, Lemuel im Lemana, rar jela mol kaki Jisōs. Emwij katakin irro mol ko kaki Jisōs kin jemeir im kin Nibai. Emol, juōn enjel ear ilok nōn Lemuel im Lemana im jiroñlok ir mol. Ak rar jab bokake kien ko. Rar lotan im ba bwe kien ko rebin. Rar lowar nae jemeir im Nibai, me rar dri tel ro air. Kin men in, Lemuel im Lemana rar jab tōmak ilo Jisōs Kraist, im ar jab kōjeramōn irro.

Ak Nibai ear bokake men otemjelok me Iroi j ear kajitōk iben nōn kōmmōni. Kinke Nibai ear kōmmōni ta ko Iroi j ear kajitōk iben nōn kōmmōni, an tōmak ilo Jisōs Kraist ear laplok ilo kajur, im bareinwōt ear bōk jeramōn ko. Ear maroñ jek juōn wa meñe ear jaje kilin jekjek wa. Iroi j ear lelok nōn e kajur elap nōn anjo ion karōk ko renana an ro jein im tellok pamle eo an nōn ene in kalimur. Iroi j ear kwalok nōn e elōñ men ko me renaj kar itok tokelik, im Jitōb Kwojarjar ear bed iben ien otemjej.

Jemaroñ bareinwōt kalaplok ad tōmak ilo Jisōs Kraist einwōt tōmak eo an Nibai kin ad bokake kien ko an Iroi j. Jemaroñ bareinwōt kalaplok ad tōmak ilo Jisōs Kraist kin ad jitlok im ilen jar, im kin ad kōmmōni men ko me dri tel ro ad ilo Kabuñ eo rej kajitōk ibed nōn kōmmōni. Jen aikuij jab lotan kaki ak lowar nae ir.

Etke ad lotan ej kōmōjino lok ad tōmak ilo Jisōs Kraist?

Ad Tōmak Ilo Jisōs Kraist Enaj Laplok Ilo Kajur Elañe Jenaj Anjo Ion Melejoñ Ko Me Rej Itok Nōn Kij

Melejoñ ko me renaj itok nōn kij renaj melejoñe ad tōmak ilo Jisōs Kraist. Elañe jenaj anjo ion melejoñ kein, ad tōmak ilo Jisōs Kraist enaj laplok ilo kajur. Ewōr elōñ wāwen in melejoñ ad tōmak ilo Jisōs Kraist. Ñe jej lōmnak bwe Iroi j ej jab kile ad tōmak im bokake ilo E, ej melejoñe ad tōmak. Ñe jej lōmnak bwe E jajelokjen kaki melejoñ ko ad ak bwe Enaj jab uak jar ko ad, ej melejoñe ad tōmak. Ñe lōmnak kein rej itok nōn kij, jen aikuij in kememej bwe rej itok nōn kij nōn melejoñe ad tōmak ilo Jisōs Kraist, im ñe jej anjo ioir kin ad niknik in kejbarok kien ko an Iroi j jenaj jeramōn im ad tōmak ilo E naj elap an laplok ilo kajur. Dri kanan eo Mōronai ear ba bwe jenaj jeramōn elikin an melejoñe ad tōmak ilo Jisōs Kraist (lale Ether 12:6). Bareinwōt Iroi j ear ba bwe en kar aikuij melejoñe kij ilo men otemjelok nōn kapojak kij kin jeramōn ko An. Melejoñ ko rej waloktok nōn kij nōn kōkajurlok ad tōmak ilo Jisōs Kraist, im jab kōmōjinolok e. Ñe jej anjo ioir naj laplok an edrōklok ad tōmak.



Kunam

Keleti ta eo kwonaj kōmmōne nōn kōkajurluk am tōmak ilo Jisōs Kraist. Kwon je ion pepa men eo bwe en kakememej yuk. Ilo wiik eo kwon konono jen Alma 32:17-43 kab Mōronai 7:33-39.

Bar Jet Jeje Ko Rekwojarjar

Matu 8:5-10 (Kemour dri nañinmij kin tōmak ilo Jisōs Kraist)
Matu 17:20 (Jemaroñ kōmmōne jabrewōt men eo kin tōmak ilo Jisōs Kraist)
Mark 9:23 (Jemaroñ kōmmōne jabrewōt men eo kin tōmak ilo Jisōs Kraist)
Luk 8:43-48 (Kemour dri nañinmij kin tōmak ilo Jisōs Kraist)
Jon 20:24-29 (Ro rejañin loe Jisōs Kraist, ak rej tōmak ilo E, rej jeramōn)
Dri Rom 10:13-17 (Jej aikuij eoroñ katak ko an Jisōs Kraist nōn tōmak ilo E)
II Dri Korint 5:6-7 (Jej bed ion lōl in nōn mour kin tōmak ilo Jisōs Kraist im jab kin ad loe E)
I Nibai 3 (Tōmak eo an Nibai ilo Jisōs Kraist)
I Nibai 4 (Kajur kin tōmak ilo Jisōs Kraist)
Alma 32:17-43 (Katak ko an Alma kake tōmak ilo Jisōs Kraist)
Ether 12:6 (Mōronai ej kameleleik tōmak)
Mōronai 7:33-39 (Ej kōmmōni men in bwilōn ko kin tōmak ilo Jisōs Kraist)

Men In Kōmmōni Mokalok Jen Am Kwaloki Katak In:

1. *Katak japter 18, "Tōmak Ilo Jisōs Kraist," jen buk eo Katak Kin Gospel.*
2. *Katak japter 11, "Mour Eo An Kraist," jen buk eo Katak Kin Gospel.*
3. *Kakememej ro ian kilas eo nōn bōktok jeje ko rekwojarjar nōn ien katak eo.*
4. *Konono jen Alma 32:17-43.*
5. *Konono jen I Nibai, 3 kab 4 japter ko.*
6. *Lelok kunan jet ian kilas nōn kwaloki bwebwenato ko im jeje ko rekwojarjar ilo katak eo.*

1-a Mijenede ro rej katakin gospel eo nōn armij ro i' belakin lōl in.

1-b Juōn pamle ej katak jeje ko rekwojarjar iben dron.

1-c Nibai ej kajimweiki ro jein kin air kōmmōni men ko renana.

Ukwelok

Unin katak in ej bwe en jibañ kij nōn melele ukwelok im kōjerbal e.

Ta Eo Melelein Ukwelok?

Jar itok nōn lōl in nōn kapoji mour ko ad nōn erom einwōt Jemed Ilōn im nōn mour iben. Jisōs Kraist ear kwalok ial eo me jej aikuij in lore nōn erom einwōt E, im nōn erom erreō bwe jemaroñ mour iben. Ak ilo ad etetal ilo ial eo, Setan ej itok im kabo kij nōn jer jen ial eo im lor e. Kij wōj kajo naj maroñ kelet nōn lore ial eo Iroiĵ ear letoke, ak lore Setan (II Nibai 2:16, 27-29).

Enañin aolepeduij ar lori kabo ko an Setan. Ak kin ad kile bwe jar kelet juōn ial eo me ej tellok nōn eñtaan im buromōj, jar kajimweiki ial ko ad im jar jeblaktok nōn ial eo ej mol me Jisōs ear kwaloke nōn kij. Ñe jar kajimweiki ial ko ad bwe innem jej bar bed ilo ial eo me ej tellok nōn mour indreo iben Jemed Ilōn, jej ba bwe jar ukwelok. Jisōs ear ba bwe jabrewōt eo ej ukwelok jen jerawiwi ko an im ej kejbarok kien ko an enaj erreō bwe en mour iben.

Jisōs Kraist ear kwaloktok nōn kij, kin katak ko An im An wanjoñak, ial eo nōn erom einwōt Jemeduij Ilōn im tellokōd nōn mour iben E. Katak ko an Jisōs rej einwōt juōn meram ilo marok. Rej kwaloktok nōn kij ial in etetal bwe jen maroñ jeblaklok nōn Jemeduij Ilōn im erom einwōt E. Jisōs ear ba bwe E ej meram in lōl. Jabrewōt eo ej lor e reban etetal ilo marok, bwe Enaj meramlok nōn ir (Jon 8:12).

Kajitōk iben kōra ro nōn bwebwenato kake juōn ien eo ke rar aikuij in ito-itak ilo marok. Kajitōk ibeir nōn kamelele wāwen air eñjake ke rar loe juōn meram eo.

Ñe jej lori katak ko an Jisōs jenaj mōnōnō. Setan eban tellok kij nōn mōnōnō. Ekōnan bōprae kij jen ad jeblaklok nōn Jemeduij Ilōn im erom einwōt E. Ekōnan anjo im wōr kajur ioōd. Eñin unin an kōnan ad jerawiwi im jab ukwelok jen jerawiwi ko ad. Ej jela bwe elañe jej jerawiwi im jab ukwelok, enaj wōr kajur ioōd.

Setan elikuun etao ilo wāwen ko ej kōjerbali nōn bōprae kij jen ad ukwelok jen jerawiwi ko ad. Ej tellok kij nōn lōmnak bwe men in bwir me jar kōmmōne ej jab bwir, im bwe jar wōr juōn un emmōn nōn kōmmōne e im bwe ejimwe (II Nibai 28:21-22). Ej jela bwe ilo ien eo jej lōmnak ilo wāwen in jeban ukwelok jen jerawiwi ko ad, im enaj wōr kajur ioōd.

Jisōs ej jela bwe Setan ej tellok kij nōn lōmnak ilo wāwen in. Eñin unin E im dri korijeran rej jiroñtok kij nōn ukwelok. Juōn ien eo E ar ba bwe jabrewōt eo ej jerawiwi ej juōn dri korijeran jerawiwi (Jon 8:34). Ekōnan bwe jen jela bwe jerawiwi enaj tellok kij nōn jamōnōnō, im elañe jen kar jab ukwelok, Setan enaj wōr kajur ioōd, im jeban maroñ jeblaklok nōn Jemeduij Ilōn.

Iben nan ko kijñeñe juōn dri kanan eo etan Jakob ear jiroñlok armij ro nōn ukwelok jen jerawiwi ko air. Jakob ear ba nōn ir nōn ruj im kōjaljal to in jerawiwi, me ar lukwōj ir, kin air ukwelok; im kapoj mour ko air kin ran in ekajet. Jakob ear jiroñlok ir bwe elañe ren jab ukwelok, ñe ran in ekajet enaj itok, aolepen jerawiwi ko air renaj kwaloktok. Renaj kememej ir otemjej. Renaj jela bwe rar kōmmōn bwir. Renaj kōnan ukwelok, bōtap renaj jamaroñ. Renaj oware nōn bōk tiriamokake, bōtap enaj rumij, bwe Setan enaj wōr kajur ioir. Jakob ear ba nōn armij ro bwe eaikuij in jiroñlok ir men kein bwe renaj jela eñtaan ko me renaj eñtaan kaki elañe rej jab ukwelok jen jerawiwi ko air (II Nibai 9:45-48).



Elañe jar jerawiwi, jen aikuij ukwelok kiō. Ñe jej kōttar in ukwelok enaj kabinlok ad ukwelok. Elañe jej kōttar mae ien ej itok ran in mij enaj rumij. Jeban maroñ ukwelok im erom erreo.

Kononoik jen Alma 34:32-35.

Ta unin ewōr tokjen ad ukwelok jen jerawiwi ko ad kiō?

Aolepeduij Jen Aikuij Ukwelok

Aolepeduij jej jerawiwi (Dri Rom 3:23); kin men in, aolepeduij jen aikuij ukwelok. Jen aikuij ukwelok jen men in bwir ko jar kōmmōni, einwōt riōp, konono etao, im ba bata etan Iroi. Jej bareinwōt aikuij in ukwelok kin ad jab kōmmōni men ko jekar aikuij in kōmmōne, einwōt kōllā juōn mōttan joñoul eo, jar, kokwojarjar ran in Sabat, kwalok gospel eo ñōn ro jet, ak kōmmōni kunad me ar letok ñōn kij ilo Kabuñ eo. Jej bareinwōt aikuij in ukwelok bwe Setan ej jab maroñ wōr kajur ioōd. Elañe jej jab ukwelok, enaj wōr kajur ioōd.

Kwaloki pija eo 2-a.

Jej bareinwōt aikuij in ukwelok bwe jenaj jab eñtaan ñōn kōllā wōnen jerawiwi ko ad. Jisōs ear ba bwe Ear eñtaan metak im mij ñōn kōllā wōnen jerawiwi ko me aolepeduij jej kōmmōni. Elañe jej ukwelok, enaj kōllā wōnen jerawiwi ko ad, im enaj jolok ad bwir. Bōtap, elañe jej jab ukwelok, jenaj aikuij eñtaan einwōt Ear eñtaan ñōn kōllā wōnen jerawiwi ko ad. Drettan An eñtaan ear lap bwe ear kabōtōktōk e einwōt An menokoru ar bōlīnīn in bōtōktōk. Elañe jej ukwelok jej jab aikuij eñtaan metak in. Men eo wōt jej aikuij in kōmmōne ej ukwelok kiō.

Kwaloki pija eo 2-b.

Jej Bareinwōt Aikuij Ukwelok Bwe Jen Mōnōnō

Dri kanan Alma ear ba bwe ejelok men in mōnōnō ilo jerawiwi. Setan ekōnan ad lōmnak bwe ewōr mōnōnō ilo jerawiwi. Ekōnan bwe jej lōmnak bwe ejelok men in jerawiwi. Bwōlen añlokwin ro rej kōmmōn jerawiwi emōnōnō im emaroñ bwe rej tōmak remōnōnō, bōtap rej jab mōnōnō. Air mōnōnō ej jab aitok im rej eñjake jen air jerawiwi bwe enaj mōkaj in jako, im renaj buromōj im elañe renaj niknik in jerawiwi renaj eñtaan im buromōj ilo mour eo enaj itok bareinwōt. Jerawiwi ejamin kōmōnōnō.


Juōn likao me emmōn drettan ear ba: "Ij kememej joñon aō buromōj kin aō jaje bwe jerawiwi ej jab kabōktok mōnōnō. Elikin aō kadriojlok jen jikul iar ilok jen mweo imō im jokwe ilo juōn em ña make iaō. Iar jino in karek im kōbatat. Iar lōmnak bwe iar mōnōnō, ak kiō ij jela iar likuun buromōj.

"Innem juōn ran iar ba ñōn ña make, 'Elañe jinō im jema maroñ lo iō ta ko naj air lōmnak ko?'

"Ilo ien en iar jino in ukwelok. Bōtap ikar jamin maroñ ukwelok elañe ro jera remmōn, juōn president eo an rā eo emmōn, im Jitōb Kwojarjar eo rar jab jibañ iō. Iben jibañ jen armij rein im Jitōb Kwojarjar eo iar maroñ ukwelok. Kiō ij loi joñon aō jamōnōnō. Ij kamol ñōn kom bwe elañe jej ukwelok im mour ilo kwojarjar, jenaj mōnōnō. Bareinwōt ij jela Iroi eo enaj jibañ kij ñōn ukwelok elañe jej kate wōt kij joñon ad maroñ."

Ñe jej ukwelok jen ad jerawiwi ko, jej rollok ñōn ial eo emol me ej tellok ñōn ailiñ eo celestial. Innem jenaj jab aikuij eñtaan ñōn kōllā wōnen ad jerawiwi ko. Setan eban wōr kajur ioōd, im jenaj mōnōnō. Bareinwōt, jenaj kebakelok Jemeduij Ilōñ; im Jitōb Kwojarjar eo enaj bed ibed ien otemjelok ñōn jibañ kij ñōn jeblaklok ñōn Jemeduij Ilōñ im erom einwōt E.

Kononoik jen Ether 12:27



Ukwelok Ej Jeorlok Bwir Ko Ad

Ñe jej kile bwe ad jerawiwi ko renana iman mejan Anij, jej eñjake buromōj kin ir (II Dri Korint 7:10; Alma 36:12-13). Jen aikuij kammolol Jisōs Kraist kin An eñtaan. Ear eñtaan bwe jemaroñ ukwelok (K & K 19:16-18).

Ñe jej ukwelok, Jemeduij Ilōñ ej jeorlok ad jerawiwi ko. Jemeduij Ilōñ ear ba bwe ro rej ukwelok jen air jerawiwi ko Ej jeorlok bwir ko air, im E (Jemed Ilōñ) enaj jab kememej bwir kōn (K & K 58:42) Ñe jej ukwelok, Jemed Ilōñ ej bōklok jen kemelij ko ad eddro an jerawiwi ko ad. Jej eñjake ainemōn ilo buruōd im ilo ad kemelij, im jej erom erreō. Juōn mijenede ear jiroñtok juōn bwebwenato eo ej kwalok kij ñe jej ukwelok, jemaroñ jeorlok ad jerawiwi ko.

Juōn jiroñ eo ear nañin bojak ñōn baptais ear berre im jab tōmak bwe Jemed Ilōñ enaj jeorlok bwir ko me ear kōmmōni moktalok. Ear jar ñōn Jemed Ilōñ ñōn kajitōk iben bwe En lelok ñōn e juōn kakōlle me enaj kile im jela bwe Ear jeorlok bwir ko an. Ear baptais, im mijenede eo ear kakirmol bwe en juōn ian Kabuñ eo ej kwalok ta ko ear walok:

"Ke iar kamol bwe en juōn ian Kabuñ eo, iar ba ñōn e ñōn bōk Jitōb Kwojarjar. Eidiñ wōt im iar eñjake juōn men eo einwōt jarom ilo enbwini. Iar aepedped, innem kōjemlok jar eo. Innem iar erlokwe peiō ñōn idiki pein, ak ear jab makitkit. E kili mejan im elap an jōñ im dren kōmjatal ar wutlok jen mejan. Ear jijet wōt kin lalim minit im jab makitkit. Innem ear kōbellok mejan, eidiki bōran, jutak, im etal ñōn jikin jijet. Tokelik iar kajitōk iben ta eo ear walok; im ear jiroñtok iō bwe juōn men in aibujuij im ainemōn ear deblak enbwini. Wāwen ear eñjake ear juōn men eo ear jamin eñjake ilo mour eo an. Ear jela, kin an eñjake men in, bwe ear jeorlok jerawiwi ko an.

"Jilu ran ko tokelik iar bar lo e, im ear laplok an aibujuij. Men in ar men in kamol ñōn iō kab mōtta, me ar kwalok wāwen eo me Jitōb eo emaroñ ukōt juōn armij eo ear ukwelok."

Bwebwenato in ej kwaloktok kij ta eo emaroñ waloktok ñe jej ukwelok. Jemaroñ bōk eñjake eo erreō einwōt juōn, eo ej kwaloktok kij bwe Iroi j ear jeorlok jerawiwi ko ad. Ej juōn jeramōn elap ñōn jela bwe Jemed Ilōñ ear jeorlok ad bwir im eban bar kememej ad jerawiwi.

Kwaloki pija eo 2-c.

Ñōn ukwelok, jej aikuij kōmmōni men ko jet, me emwij kameleleiki ilo *Katak Kin Gospel*, japter 19.

Kwaloki juōn pija eo ej kilajrōki kiltōn ko jiljilimjuōn an ukwelok.

Kiltōn ko an ukwelok reindrein:

1. Jej aikuij kwalok bwe jar kōmmōni jerawiwi.
2. Jej aikuij mol in buromōjmōj kin men ko jar kōmmōni.
3. Jej aikuij kabwijrak ad jerawiwi.
4. Jej aikuij jiroñlok dri tel eo ejimwe an Kabuñ eo kaki ad jerawiwi.
5. Jej aikuij kajimweiki ta eo jar kōmmōne im e bwir.
6. Jej aikuij jolok bwir ko an ro jet me rar jerawiwi nae kij.
7. Jej aikuij kejbarok aolepen kien ko an Jemed Ilōñ.

Ñe jej lori kiltōn kein, Jemed Ilōñ enaj jolok ad bwir im eban bar kememej ad jerawiwi ko.

Konono kaki kiltōn ko ñōn ukwelok. Kwaloki pija eo ej kilajrōki kiltōn ko jiljilimjuōn ñōn ukwelok ñe komij bwebwenato kaki kiltōn ko.



Kunam

Ilo wiik eo ej itok, lōmnak kaki men ko kwoj kōmmōni kiō me kwoj jela bwe kwon aikuij ukwelok kaki, im ukwelok jen ir. Kononoik jen japter 19 ilo buk in *Katak Kin Gospel*. Bareinwōt, kononoik jen Mosaia japter 27 im Alma japter 36.

Bar Jet Jeje Ko Rekwojarjar

II Dri Korint 7:8–11 (Buromōj in Anij ej bōktok ukwelok)
I Jon 1:8–9 (Ro otemjej dri jerawiwi)
Enos 1–8 (Ej jeorlok jerawiwi ko kin tōmak)
Mosaia 26:29–31 (Kwaloki jerawiwi ko im jeorlok bwir ko an ro jet)
K & K 42:18–29 (Bokake kien ko)

Men In Kōmmōni Moktalok Jen Am Kwaloki Katak In:

1. *Katak buk in Katak Kin Gospel, japter 12, "Kilajrōk Eo."*
2. *Katak buk in Katak Kin Gospel, japter 19, "Ukwelok."*
3. *Kapoji juōn pija eo ej kilajrōki kiltōn jiljilimjuōn an ukwelok.*
4. *Lelok kunan jet ian kilas eo nōn kwaloki bwebwenato ko im jeje ko rekwojarjar ilo katak eo.*

2-a Kraist ej jar ilo Jikin Kallip in Getsemani.

2-b Kraist ear eñtaan kin ad jerawiwi ko elañe jenaj ukwelok.

2-c Kiltōn ko an ukwelok rej eñinlok kij jen buromōj in anij nōn lōnliñ ilo ad bokake kien ko.

Baptais Ej Juōn Jino Ekāāl

Unin katak in ej bwe en jibañ kij nōn mour ekkar nōn bujen ko jar kōmmōni ilo ien baptais.

Jino

Baptais ej letok juōn ien emmōn nōn jino juōn mour ekāāl, eo erreō jen jerawiwi. Eindrein unin an naetan baptais bar lotak. Ej letok nōn kij juōn ien emmōn nōn bar jino erreō. Jisōs ear ba bwe elañe juōn armij ej jab bar lotak, eban dreloñ ilo ailiñ in Anij (loi Jon 3:3-5).

Dri jilik Paul ear ba bwe jen aikuij bar jino juōn mour ekāāl elikin ad baptais. Ear ba bwe ñe ej katuloki kij ilo dren ilo ad baptais, ej einwōt an kalibwini ad jerawiwi ko an terre ko jemaan. Ñe jej ato jen dren, ej einwōt ad erom juōn armij eo erreō, ekāāl, im bojak nōn jino juōn mour ekāāl (Dri Rom 6:3-4). Juōn jeramōn elap an baptais ej bwe ej letok nōn kij juōn ien nōn jino ekāāl ñe jej jermal nōn bar rollok nōn Jemed Ilōñ.

Dri kanan Alma ear bareinwōt katak kin lōmnak in einwōt ad erom juōn armij ekāāl elikin ad baptais. Ear ba bwe baptais en jab aikuij ukōt buruōd wōt, ak en kar aikuij bareinwōt ukōt wāwen ad mour im añlokwiōd (Alma 5:14).

Emwij an elōñ armij ro eñjake men in, einwōt air erom juōn armij ekāāl elikin air baptais. Juōn kōra ear ba bwe elikin ar baptaisi im kamol e juōn ian Kabuñ eo, ear eñjake erreō im aibujuij ilo aolepen enbwinin. Ro rar jela e mokta jen an baptais im rar lo e elikin rar ba bwe emol ear ukōt añlokwiin. Ear erom juōn kōra eo elaplok an aibujuij (lale Katak Eo 2).

Lōmnak kake wāwen am eñjake ke kwar baptais. Emaroñ bwe kwar jab eñjake men in ukōt iom ilo ien en. Bōtap, elañe kwoj lōmnak kake wāwen am mour ej emmōnlok jen ien am baptais, kwonaj jela bwe emwij an ukōti yuk.

Kajitōk iben juōn ak ruo ian kōra ro nōn kwaloki wāwen air eñjake ke rar baptais. Kajitōk ewi wāwen ear ukōti air mour ko jen ien in air baptais. Kobaiki kōra ro redriklok ilo ien konono.

Men Ko Jej Aikuij Kōmmōni Ñōn Erom Erreo Ñōn Baptais

Ñōn erom erreō bwe jen maroñ baptais, jej aikuij tōmak ilo Jisōs Kraist im ukwelok jen jerawiwi ko ad (Konono jen K & K 20:37). Jeje ko rekwojarjar rej kwalok bwe jej bareinwōt aikuij:

1. kōtaik buruōd,
2. wōr buruōd erup im ettā (lale Aiseia 57:15 im Sam Ko 51:17)
3. kōnan bōk ioōd make etan Jisōs Kraist, im
4. kōnan jermal nōn Jemed Ilōñ aolepen ran ko an ad mour ko.

Ta eo melelein ad bōk ioōd make etan Jisōs Kraist?

Melelein ad bōk ioōd make etan Jisōs Kraist ej einwōt an naetan kij ro nejin (Mosaia 5:7-8), nōn lori katak ko An im An wanjoñak, im nōn erom einwōt E ilo men otemjelok (3 Nibai 27:27).

Kwaloki pija eo 3-a.



Kimij Kōmmōni Bujen Ko Iben Jemed Ilōn Nē Jej Baptais

Nē jej baptais, kimij kōmmōni bujen ko iben Jemed Ilōn. Kimij kalimur bwe:

1. emarōn naetan kij ro driin,
2. jenaj kobaiki Kabuñ eo An,
3. jenaj jibañ ro nejin,
4. jenaj kakirmol kin E ien otemjelok, ilo jabrewōt jikin i'bellakin,
5. jenaj jermal nōn E aolepen ran ko ad.

Jemed Ilōn ej kalimur nōn kij bwe elañe jenaj kōmmōni men kein, Enaj:

1. jeorlok ad jerawiwi ko,
2. letok nōn kij Jitōb Kwojarjar nōn tellok kij iumin aolepen ran ko an ad mour ko,
3. kōjerkakbiji kij ilo ien in jerkakbiji moktata,
4. letok nōn kij mour indreo (lale Mosaia 18:7-17; *Katak Kin Gospel*, japter ko 20 im 23).

Nōn kobaiki iben bujen kein, Dri Kanan eo Spencer W. Kimball ear ba bwe nē jej baptais, jej kalimur iben Jemed Ilōn bwe jenaj kōmmōni men ko rekwojarjar im drike men ko renana.

Ta ko Jemed Ilōn ej kalimur nōn ro rej kejbarok bujen ko me rej kōmmōni iben ilo ien baptais? (nōn jeorlok air jerawiwi ko, kōjerkakbiji ir ilo ien in jerkakbiji moktata, lelok nōn ir mour indreo, im jilkinlok nōn ir Jitōb Kwojarjar bwe en tellok ir jen ran nōn ran).

Ewi wāwen Jitōb Kwojarjar marōn jibañ kij nōn bed wōt ilo mol nōn bujen ko jar kōmmōni ilo ien in baptais?

Bujen ko jej kōmmōni nē jej bōk kwojkwoj eo aolepen wiik ko rej einlok wōt an ko jar kōmmōni ilo ien baptais. Jej jab kōmmōni bujen ko ekāāl nē jej bōk kwojkwoj eo, ak jej kōkāāl ko jar kōmmōni ilo ien baptais.

Kononoik jen K & K 20:77

Juōn kōra eo ear ukōte nōn Kabuñ eo ear ba:

"Ear jab pidodo nōn ukōti wāwen aō mour elikin iar baptais. Ak men eo ear jibañ iō elap ej aō kōkāāl aō bujen ko an baptais aolepen wiik ko nē ij mōnā im idrak kwojkwoj eo ilo kwelok in kwojkwoj.

"Ilo ien aō bōk kwojkwoj, ij lōmnak kake aō baptais, ke ear katuloke iō ilo dren im iar bar ato jen e. Nōn iō, men in katulok ilo dren ej pinejenkwon mij eo an jerawiwi ko aō, im aō ato jen dren eo ej pinejenkwon juōn armij ekāāl, erreō jen jerawiwi im bojak nōn jino juōn mour ekāāl. Ij bareinwōt lōmnak bwe baptais ej pinejenkwon wāwen eo Jemed Ilōn e kōnan bwe jen mour kake. E kōnan bwe jen anjo ion jerawiwi im kabo im nōn wōnmanlok wōt jen ran nōn ran nōn rollok nōn iman mejan.

"Nē ij mōnā im idrak kwojkwoj eo, ij kōkāāl aō bujen eo nōn bōk iō etan Jisōs Kraist im nōn lore E, im bedbed ko an gospel eo, im katak ko An. Ij bareinwōt kōkāāl aō bujen iben Jema Ilōn nōn kajutak Kabuñ eo An im nōn lori dri kanan eo an im aolepen dri tel ro an Kabuñ eo me Ear keleti nōn tellok kij. Ij bareinwōt kōkāāl aō bujen iben nōn kememej E ien otemjej, emol ilo ien in kabo im mōjino. Ij bareinwōt kōkāāl aō bujen nōn kejbarok kien ko An, bwe ij jela elañe ij kōmmōn eindrein, Enaj jilkintok Jitōb Kwojarjar nōn bed iba ien otemjej."

Melelein ad kōkāāl ad bujen ko ej jab ad lōmnak wōt kaki ir. Ebareinwōt melele bwe jen kōmmōni men ko jar kalimur nōn kōmmōni. Elañe jej jab kōmmōni jabrewōt men ak lōmnak wōt kaki ir, jeban bōk jeramōn ko Jemed Ilōn ear kalimurtok nōn kij.

Jej Aikuij Kajioñ Ien Otemjelok N̄on Bed Wōt Erreo Einwōt Ad Erreo Elikin Jar Baptais

Ilo ien ad baptais, kijuij kajojo ar erom juōn armij erreo im ekāāl. Ebin n̄on bed wōt erreo n̄e jej mour ion juōn lōl ijo ewōr elap jerawiwi im kabo ie. Ak jemaroñ erreo ien otemjej elañe jenaj kōmmōni men ko jar kalimur n̄on kōmmōni im elañe jenaj lori katak ko an dri kanan ro im jeje ko rekwojarjar. Rej katakin kij bwe elikin jar baptais, jej aikuij (jeje men ko i'łllok ion board):

1. jar ien otemjej,
2. jitlok kin jibañ jen Jemed Ilōn,
3. kweloklok iben Kabuñ eo,
4. bed wōt erreo n̄on bōk kwojkwoj,
5. jibañ ro jet,
6. lori tel ko an Jitōb Kwojarjar, im
7. bokake aolepen kien ko

(Mōronai 6:4-9)

Kajitōk iben ro ian kilas n̄on reilok n̄on lajrōk ion board eo im lōmnak kaki men ko rej aikuij kōmmōnmōnlok.

Baptais Ej Jino Wōt

Jet armij ro rej lōmnak bwe men eo wōt rej aikuij kōmmōne n̄on bōk mour indreo ej baptais. Men in ej jab mol. Baptais ej jino wōt ilo ial eo n̄on bōk mour indreo. Dri kanan eo Nibai ear ba bwe baptais wōt ej jab bwe n̄on bōk mour indreo. Ear ba bwe elikin baptais, jej aikuij wōnmanlok wōt kin ad mol n̄on bujen ko jar kōmmōni, im kin ad tōmak ilo Jisōs Kraist, im kin ad yokwe armij otemjej, im kin ad mour ekkar n̄on aolepen katak ko kajo an Kraist, im kin ad bed wōt ilo mol n̄on jemlokin. Nibai ear ba bwe elañe jej kōmmōni men kein, jenaj bōk mour indreo (2 Nibai 31:19-21).

Dri kanan Josep Fielding Smith ear ba bwe juōn kunan Kabuñ eo ej n̄on katakin armij ro men ko rej aikuij kōmmōni, elikin air baptais, n̄on bōk aolepen jeramōn ko an gospel. President Smith ear ba bwe elikin baptais, jen aikuij kejbarok aolepen kien ko, bed wōt ilo mol n̄on jemlokin, im mour ilo wāwen eo enaj kōmaroñ kij n̄on bōk abōneid einwōt abōnein Anij im en tellokōd n̄on mour ilo ailiñ eo celestial iben E.

Jemlokin

Ñe jej baptais, kijuij kajojo jej erom juōn armij eo ekāāl im erreo, bojak n̄on bōk juōn mour eo ekāāl. Jej kōmmōni bujen ko iben Jemed Ilōn, eo ear kalimur bwe elañe jenaj kejbarok kien ko An, Enaj jilkintok Jitōb Kwojarjar n̄on bed ibed ien otemjej, im Enaj bareinwōt letok n̄on kij mour indreo.

Kunam

Kōlmenlokjen kaki ta ko kwar kōmmōni jen ien am baptais. Jino rainin n̄on ukwelok jen men kōn mae ien kwoj kōmmōni men ko ejimwe im jab men ko ebwir.

Bar Jet Jeje Ko Rekwojarjar

Dri Galatia 3:27-29 (Erom juōn ilo Kraist, kin baptais)

I Piter 3:21 (Baptais im jerkakbiji eo)

K & K 27:2 (Bōk kwojkwoj eo)

Men In Kōmmōni Moktalok Jen Am Kwaloki Katak In:

1. *Kononoik jen buk eo Katak Kin Gospel, japter 20, "Baptais."*
 2. *Bōk juōn chalkboard im chalk ak kwon kōmmōni pija ko kaki men ko jej aikuij kōmmōni mokta ad baptais im men ko jej aikuij kōmmōni elikin ad baptais nōn bed wōt erre o elikin ad baptais (lale Mōronai 6:4-9).*
 3. *Lelok kunan ro ian kilas nōn kwaloki bwebwenato ko im jeje ko rekwojarjar ilo katak in.*
-

3-a Juōn jiroñ eo ej baptais.

Men In Letok In Jitōb Kwojarjar

Unin katak in ej nōn jibañ kij melele jeramōn ko relap me remaroñ itok jen ad bōk men in letok in Jitōb Kwojarjar.

Ta Eo Men In Letok In Jitōb Kwojarjar?

Men in letok in Jitōb Kwojarjar ej melim nōn wōr Jitōb Kwojarjar tellok kij ien otemjej. Mokta jen ad kobalok iben Kabuñ, jar jab wōr men in letok in. Ke ear katak kin kij gospel eo moktalok jen ad kobalok iben Kabuñ eo, Jitōb Kwojarjar ear itok im jironōtok kij bwe gospel eo me ar kwaloktok nōn kij ej mol. Ak ilo ien en kim ar jab wōr melim nōn wōr Jitōb Kwojarjar ibed ien otemjelok. Jar jab bōk melim in, eo ej naetan men in letok in Jitōb Kwojarjar, mae ien jar baptais, ke ear kōkirmol kij ro ian Kabuñ eo kin ro emwij air bōk maroñ in Melkizedek Priesthood.

Men In Letok In Jitōb Kwojarjar Ej Juōn Men In Letok Eo Elaptata Ian Aolepen Men In Letok Ko Me Jemaroñ Bōki

Men in letok in Jitōb Kwojarjar ej juōn men in letok eo elaptata ian aolepen men in letok ko me jen maroñ bōki. Dri kanan eo Lorenzo Snow ear ba bwe Jitōb Kwojarjar ej juōn jera elap, im An bed ibed ien otemjej nōn jibañ kij ej juōn jeramōn elaptata jen ian aolepen jeramōn ko me jemaroñ bōki.

Kononoik jen Jon 14:16–17, 26

Elder LeGrand Richards, juōn dri jilik eo, ear ba bwe en kar kōnan bwe ro nejin im ro jibwiin ren wōr men in letok in Jitōb Kwojarjar jen bar jabrewōt men eo i'lōl; kinke elañe renaj bokake tel ko an Jitōb Kwojarjar, Enaj tellok ir nōn jeblaklok nōn iman mejan Jemed Ilōñ. Dri kanan eo Josep Fielding Smith ear ba bwe ad wōr juōn ian Anij ibed ien otemjej ej juōn jeramōn elaptata.

Jej Aikuij Bokake Kien Ko Nōn Bōk Jitōb Kwojarjar Ien Otemjej

(K & K 20:77)

Elikin jar baptais, eman ro rar wōr Melkizedek Priesthood rar likit pā ko peir ion bōrad im rar kōkirmol kij ro ian Kabuñ eo, im rar letok nōn kij men in letok in Jitōb Kwojarjar kin air ba, "Kwon bōk Jitōb Kwojarjar." Men in ej jab juōn kien eo nōn Jitōb Kwojarjar bwe en itok nōn kij. Ej juōn kien nōn kij nōn bed erreō bwe Jitōb Kwojarjar en maroñ itok nōn kij im bed ibed ien otemjej.

Bwe jen maroñ erreō nōn wōr Jitōb Kwojarjar ibed ien otemjej, jen aikuij kejbarok aolepen kien ko, lōmnak kaki men ko rerreo wōt, kononoiki nan ko rerreo wōt, kōnaki nuknuk ko ilo wāwen eo ej kautiej im kejbaroki enbwinid, kōmmōni men ko remmōn, im kawiaea men otemjelok renana im bareinwōt aolepen men ko me añlokwiir renana (lale I Dri Korint 3:16–17).

Jen bareinwōt aikuij wōr eñjake ko remmōn nōn dron im jab akwāāl iben dron. Iroj ear ba bwe akwāāl ej itok jen Setan (3 Nibai 11:29). Jej jab wōr eñjake ko remmōn ak yokwe nōn dron ñe jej akwāāl. Ñe jej akwāāl, Jitōb Kwojarjar eo enaj jakolok jen kij.

Jitōb Kwojarjar eo ear jakolok jen dri kanan eo Josep Smith ke ear illu iben lio belen. Tokelik, ke dri kanan eo Josep Smith ear kajioñ in ukōti Buk In Mormōn, ear bane. Eokwe,

ear ilen jar. Innem ear roltok im kajitōk iben lio belen nōn jolok an bwir. Ilo ien en wōt Jitōb Kwojarjar ear rollok nōn iben im kōmaroñ e bwe en maroñ ukōti Buk In Mormōn.

Ñe ro nejid rej bōd, jen jab aikuij illu ibeir, ak jen aikuij katakin ir mwilin emmōn iben yokwe. Ilo wāwen in, Jitōb Kwojarjar enaj jibañ kij katakin ro nejid ilo wāwen eo enaj jibañ ir nōn kememej in kōmmōni men ko rejimwe (K & K 121:43).

Dri kanan eo Josep Fielding Smith ear ba bwe Jitōb Kwojarjar eban bed iben juōn armij eo ej jab bokake Jemed Ilōn.

Ta ko jet me jej kōmmōni im rej bōprae Jitōb Kwojarjar jen an bed ibed ien otemej? Ta ko jemaroñ kōmmōni bwe Enaj bed ibed? Kilajrōki uak ko ilo ruo lajrōk ko ion board eo.

Jemed Ilōn Ear Letok Men In Letok In Jitōb Kwojarjar Nōn Jibañ Kij

Kwaloki pija eo 4-a.

Jemed Ilōn ear letok nōn kij men in letok in Jitōb Kwojarjar nōn jibañ kij. Jitōb Kwojarjar emaroñ jibañ kij ilo elōn wāwen ko (lale K & K 8:2 kab K & K 6:15).

Jeje men in ion board:

JITŌB KWOJARJAR EO EMARŌN TELLOK KIJ NŌN MOL EO

Kajitōk iben juōn armij ilo kilas eo nōn kononoiki bwebwenato in

Juōn kōra eo ear kōnan melele kake Kabuñ eo ear konono jen juōn buk eo me Dri Kanan eo Josep Fielding Smith ear jei, eo ej kwaloki jet katak ko an gospel eo. Ke ear kōjemlok an konono jen buk eo, ear kōnan bar katak kake Kabuñ eo im katak ko an. Kin men in ear kelet nōn lolok juōn ien jar an ro Mormōn. Ear ba:

"Ke iar tōbraklok imōn jar eo ijo ro Mormōn rej kweloklok ie, iar mijak jidik. Iar kōttar jidik wōt ebake kejem eo. Ak ke iar loī joñon an mōnōnō armij ro im wāwen air kōjeraiki dron, iar jab bar mijak, im iar dreloñlok im iar kweloklok iben air Jikul in Sabat.


"Ke ear itok ien in jibil lok nōn kilas ko, ear karuwaineneiki iō nōn kwelok iben juōn kilas eo ej katakin ro rej jab ian Kabuñ eo, im rekōnan jela kake Kabuñ eo.

"Katak eo an kilas eo ilo ran in Sabat en ear kake lajrōk eo an Kabuñ eo. Ke ear kwalok kake jikin in bijōp ilo katak eo, dri kaki eo ear ba bwe juōn bijōp ej einwōt juōn rabbai ilo kabuñ in dri Ju ro (iar juōn ian kabuñ in dri Ju ro im dri kaki eo ear jela men in. Ear kōnan keidi jikin in bijōp iben juōn rabbai bwe en maroñ laplok aō melele kake jikin in bijōp).

"Ke ear jemlok kilas eo, dri kaki eo ear eñinlok iō im ar kwaloktok bar jet mōttan ko ian imōn jar eo. Ke dri kaki eo ear kwaloki bar jet mōttan ko ian imōn jar eo, iar ba nōn e, 'Ij kōjetrikrik bwe kwoj jab illu iba kin aō ba men in, ak juōn bijōp ilo Kabuñ ne am ej jab einlok wōt juōn rabbai. Juōn rabbai ej juōn dri kaki, ak bijōp ne am ewōr kajur jen Anij.'

"Iar likuun bwilōn ke iar ba men en. Iar jab jela ta unin iar ba men eo, emol kinke ien in ear alen kein kajuōn aō kweloklok ilo Kabuñ eo Mormōn. Emol bwe iar kononoiki jen buk eo me dri kanan eo Josep Fielding Smith ear jei, ak iar lōmnak bwe iar jab kememej ak melele aolepen men ko iar kononoiki jen e. Tokelik iar katak bwe ekar Jitōb Kwojarjar me ear tellok iō nōn Kabuñ eo emol, jibañ iō nōn melele kake gospel eo, im ear tellok iō nōn ba men eo iar ba."

Jeje men in ion board eo:



JITŌB KWOJARJAR EO EMARŌN JIBAÑ IN KŌMŌNŌNŌIKI PAMLE KO AD

Jitōb Kwojarjar eo emarōn jibañ kij nōn mōnōnō ilo ad pamle ko. Ej kōbab-lal kij nōn yokwe, nōn ettā im meanwōr iben dron, im nōn jolok bwir ko an dron. Ñe ro ian pamle ro wōr abōnein kein, pamle ko ad rej mōnōnō.

Jeje men in ion board eo:

JITŌB KWOJARJAR EJ KAINEMŌN KIJ

Elōn armij ro rar kennan bwe Jitōb Kwojarjar ear kainemōn ir ilo ien in buromōj im melejoñ. Elder Franklin D. Richards ear ba bwe juōn ien eo ear lolok iben ruo kōra ro me leo beleir rar mij ilo jiriilok in balun. Kōra rein ruo rar jab buromōj. Ear lap air beran. Irro jimor rar ba bwe rar eñjake ainemōn an Jitōb eo. Rar jela bwe men otmejelok naj emmōn ibeir im ro nejeir elañe ren kar niknik in kejbarok kien ko an Iroj im jermal wōt ilo Kabuñ eo.

Dri kanan eo Heber J. Grant ear jiroñlok kake juōn ien eo ke Jitōb Kwojarjar ear kainemōn juōn ian ro nejin. President Grant ear ba:

Kajitōk iben juōn ian kilas eo nōn kononoiki bwebwenato in

"Juōn auō moktalok jen an lio beliō ear mij, iar kirtok ro nejiō nōn iloan rum eo an im jiroñlok ir bwe jineir ej mij im bwe ren aikuij yokyokwe e. Juōn ian ledrik ro nejiō, enañin joñoul ruo drettan ilo ien en, ear ba nōn iō: 'Jema, ij jab kōnan bwe jinō en mij. Iar loi am kōjeramōn jinō mokta, im ear bōk ejmour. Ikōnan bwe kwon kōjeramōn jinō, bwe en marōn bar mour.'

"Iar jiroñlok ledrik eo nejiō bwe kijuij kajojo jej aikuij mij ilo juōn ien, im ij jela bwe kiō ej ien in mij an jinen. Innem ledrik eo nejiō im aolepen ro jet ian ro nejiō rar illok jen rum eo.

"Innem iar bukwelōlō ebakelok jikin babu an lio beliō, eo ear likuun mōjino im ebake mij im iar kajitōk iben Iroj kin jibañ. Iar kommolol E kin aolepen jeramōn ko Ear letok nōn iō, im elaptata kin jelalokjen bwe lio beliō im ña kimro naj bed iben dron indreo. Ak iar ba bwe in kar jab kōnan bwe mij eo an lio beliō en kōmōjinolok tōmak an ro nejiō redrik. Iar akwelap iben Iroj iben aolepen buruō nōn lelok jelalokjen nōn ledrik eo nejiō bwe en kar Ankilan bwe jinen en mij.

"Iumin juōn auō, lio beliō ear mij. Iar bar kirtok ro nejiō nōn dreloñtok ilo rum eo. Ladrrik eo nejiō, enañin drettan lalim jimettan ak jiljino yiō ko ilo ien en, ear likuun jōñ; im ledrik eo nejiō, eo ear jab kōnan bwe jinen en mij, ear bōklok e ilo pein im ear ba: 'Heber, kwon jab jōñ, kwon jab jōñ; jen ien eo kim ar ilok jen rum in, juōn ainikien jen lōñ ear ba nōn iō, 'Ej ankilan Iroj bwe jinem en mij.'"

Jeje men in ion board eo:

JITŌB KWOJARJAR EMARŌN JIROÑTOK KIJ ELAÑE MEN KO JUŌN ARMIJ EO EJ KONONOIKI EJ MOL AK JAB MOL

Dri kanan eo Brigham Young ear ba bwe Jitōb Kwojarjar emarōn jela elañe juōn dri konono ej kwaloki mol ak jab. Ear ba bwe kin men in jej aikuij erreō, bwe jemarōn wōr Jitōb Kwojarjar ibed ien otemjej.

Jeje men in ion board eo:

JITŌB KWOJARJAR EMARŌN KOWEIKI KIJ

Jitōb Kwojarjar emarōn koweiki kij kake men uota. Elder Franklin D. Richards ear jiroñ kake juōn eman eo ar kworuji e jen juōn ainikien eo ear jiroñlok e nōn jerkak im etal nōn rum

in kōmat ilo mweo imōn. Eman eo ear bokake ainikien eo. Ear jerkak im etal nōn rum in kōmat im ear lo bwe ear urūlok. Elap an mōkaj ear kworuji pamle eo an, kadriojlok ir jen mweo imōn, kirlok nōn dri jerbal in jikin kwelok nōn kabwijrak kijeek eo, im ear kajioñ e make ian nōn kabwijrak e mae ien in dri jerbal ro rar itok im rar maroñ in kabwijrak e. Eman eo ear jela im jab berre bwe ainikien eo ekar Jitōb Kwojarjar eo me ear jiroñlok e nōn jerkak im etal nōn jikin kōmat. Kin an bokake ainikien Jitōb Kwojarjar, ear lomoren e im pamle eo an jen uota.

Kwar nañin ke bōk nan in kowe jen Jitōb Kwojarjar?

Jeje men in ion board eo:

JITŌB KWOJARJAR EMARŌN JIROŃTOK KIJ TA EO EJIMWE NŌN KŌMMŌNE

Jet ien jej aikuij kelet juōn men eo elap tokjen, ak jej jaje ta eo ejimwe in kōmmōne. Jitōb Kwojarjar eo emarōn jiroñtok kij ta eo ejimwe in kōmmōne. Jeje ko rekwojarjar rej kwalok bwe Jitōb Kwojarjar enaj kwaloktok nōn lōmnak ko ad im ad ta eo jen aikuij kōmmōne.

Jeje men in ion board eo:

JITŌB KWOJARJAR EMARŌN KŌBAB-LAL KIJ

Elder Franklin D. Richards ear ba bwe Jitōb Kwojarjar emarōn kōbab-lal kij ilo ad kōmmōni kunad ilo Kabuñ eo. Elder Richards ear ba bwe emwij an Jitōb Kwojarjar kōbab-lal e ke ear lelok nan in kabiliklik nōn ro ian Kabuñ eo, im ke ear lelok priesthood nōn bar ro jet eman ro, im ke ear likit jet armij ro ilo juōn jikin in jerbal ilo Kabuñ eo, im ke ear kōjeramōn ro nañinmij, im ke ear kwalok an nan in kennan nōn ro rej jab ian Kabuñ eo, im elōñ bar jet ien ko.

Jitōb Kwojarjar emarōn bareinwōt jibañ kij nōn jela bwe gospel eo ej mol, im bwe Jemed Ilōñ ej mour, im bwe Jisōs Kraist ej Nejin Anij. E maroñ jiroñtok kij kaki men ko me renaj itok ilo terre ko me renaj itok, im kakememij kij kaki men ko Jisōs Kraist ear katak kaki (Jon 16:13).

Jemlokin

Men in letok in Jitōb Kwojarjar ej juōn jeramōn elap. Ej leloki nōn ro rar baptais im rej kōkirmol bwe rej juōn ian Kabuñ eo. Jen aikuij Jitōb Kwojarjar nōn jibañ kij kōmmōni aolepen men ko Jemed Ilōñ ej jiroñtok kij nōn kōmmōni. Jitōb Kwojarjar enaj jibañ kij ilo men otemjej elañe jej kejbaroki kien ko im mour ilo wāwen eo erreō bwe En maroñ bed ibed ien otemjej.

Kunam

Kajioñ im bed erreō bwe Jitōb Kwojarjar en maroñ bed ibam ien otemjej. Kajitōk ibam make kajitōk kein:

1. Ij bokake aolepen kien ko ke?
2. Ij jar ran otemjej ke?
3. Ij yokwe Dri Lomor ke? Ekijkan ij kwalok aō yokwe?
4. Lōmnak ko aō im men ko ij kōmmōni rej erreō ke?
5. Ij kōmmolol Iroi ke kin jeramōn ko ej letoki?
6. Ij kōmmolol E ke kin men in letok in Jitōb Kwojarjar?

Bar Jet Jeje Ko Rekwojarjar

Jerbal 5:32 (Jitōb Kwojarjar ej juōn dri kennan)

I Nibai 10:17 (Loi, roñjake, im jela kin kajur eo an Jitōb Kwojarjar)

2 Nibai 31:13 (Kononoiki iben lo ko an enjel ro)

K & K 107:56 (Kwaloki ta ko enaj itok ilo terre ko renaj itok kin Jitōb Kwojarjar)

Moses 6:61 (Dri Kainemōn eo)

Men In Kōmmōni Moktalok Jen Am Kwaloki Katak In:

1. *Kononoik jen buk in Katak Kin Gospel, japter 21, "Men in Letok Eo An Jitōb Kwojarjar."*
2. *Kakememij ro ian kilas eo nōn bōktok jeje ko rekwojarjar air nōn ien in katak.*
3. *Bōk juōn chalkboard im chalk (ak kōmmōne juōn piĵa eo an lajrōk ko me ej kwaloki ilo katak in).*
4. *Lelok kunan ro ian kilas nōn kwalok jeje ko rekwojarjar im bwebwenato ko ilo katak in.*

4-a Juōn jiroñ eo rej kōkirmol bwe en juōn ian Kabuñ eo im ej bōk men in letok in Jitōb Kwojarjar kin air likit peir ion bōran.

Nan In Kennan

Unin katak in ej bwe en jibañ kij bōk nan in kennan kaki gospel eo im nōn kōkajurlok e.

Ta Eo Nan In Kennan?

Nan in kennan kake gospel eo ej juōn men eo ej walok ñe Jitōb Kwojarjar eo ej kamol nōn juōn armij bwe gospel eo ej mol, bwe Jisōs Kraist ej Nejin Jemed Ilōñ im Dri Lomor in lōl, bwe Josep Smith ej juōn dri kanan eo an Anij, im bwe Kabuñ Eo An Jisōs Kraist Im Armij Ro Rekwojarjar Ilo Ran Ko Elikтата ej juōn wōt Kabuñ eo emol an Jemed Ilōñ ion lōl in (K & K 46:13 im K & K 1:30).

Ke dri kanan eo Josep F. Smith ear kwaloki an nan in kennan, ear ba:

"Ro jeiō im jātū, ikōnan kwalok nōn kom aō nan in kennan bwe Jemed Ilōñ ear kwaloktok nōn iō bwe Jisōs ej dri Kraist, Nejin Jemed Ilōñ, eo ej mour. Ej dri binmur an lōl. Im Josep Smith ej juōn dri kanan eo an Jemed Ilōñ. Ij jela bwe men in ej mol. Ij jela bwe Kabuñ in ej ailiñ eo emol an Jemed Ilōñ, im bwe Ej tellok e. Im Enaj wōnmanlok wōt im tellok e mae ien ejemlok lōl."

Eñin an nan in kennan jen dri kanan eo an Jemed Ilōñ. Ak ej jab lelok nan in kennan nōn dri kanan ro wōt. Kijuij kajojo jen maroñ wōr nan in kennan einlok wōt in. Bwe Jitōb Kwojarjar en maroñ kwaloki nōn kijuij kajojo bwe Jisōs ej dri Kraist, bwe Josep Smith ej juōn dri kanan eo an Anij, bwe dri kanan eo an Kabuñ eo rainin ej bareinwōt juōn dri kanan eo an Anij, bwe gospel, Buk In Mormōn, juōn mōttan joñoul, Nan In Meletlet, im aolepen katak ko an gospel eo rej mol.

Kajitōk iben kōra ro nōn kwaloki jet ian katak ko an gospel eo me emwij air bōk nan in kennan kaki moktalok jen air baptais im erom ro uan Kabuñ eo.

Kijuij Kajojo Jen Aikuij Wōr Nan In Kennan Kake Gospel Eo

Kijuij kajojo jen aikuij wōr nan in kennan ad make kake gospel eo. Dri jilik eo Heber C. Kimball ear ba bwe men in ej men in aikuij nōn kijuij kajojo bwe jen wōr nan in kennan kake gospel eo. Ear ba bwe ien eo enaj itok ñe jeban maroñ atartar ion nan in kennan ko an ro jet nōn jibañ kij in niknik melejoñ ko me renaj itok. Kijuij kajojo jen aikuij melele gospel eo im wōr nan in kennan kake e bwe jen maroñ anjo ion melejoñ ko rebin me renaj itok.

Ta unin jen aikuij wōr ibed make nan in kennan?

Ekijjien An Walok Nan In Kennan

Nan in kennan ej itok nōn iloan ad lōmnak ko ak kemelij ko kin kajur eo an Jitōb Kwojarjar. Dri kanan eo Mōronai ear ba bwe Jemed Ilōñ ej jiroñtok kij kaki mol in men otemjej kin kajur eo an Jitōb Kwojarjar (Mōronai 10:4-5).

Kononoiki jen K & K 8:2-3.

Kameleleiki wāwen an Jitōb Kwojarjar ej kōkirmol nōn kij. Kōjerbali buk eo *Katak Kin Gospel*, japter 7.

Ñe jej bōk nan in kennan kin kajur eo an Jitōb Kwojarjar, jeban mōlōklōk e. Heinrich Stilker jen Frankfurt, Germany, ej jela men in. Emwij an katakin e kake gospel eo kin mijenede ro,

im ear kelet nōn baptais ilo Kabuñ eo. Ak ke ran in baptais eo ear kebaketok, ear jino in berre kake an baptais ak jab baptais. Ear jab likuun mol in jela elañe en kar maroñ kabwijrak an kōbatat, im kadrek. Heinrich ear jab likuun jela elañe Nan In Meletlet ear mol. Mijenede ro rar kajitōk iben nōn jar nōn Jemed Ilōn nōn jiroñlok e elañe Nan In Meletlet ej mol ak jab mol. Heinrich ear jar, einwōt an mijenede ro rar kabiliklike e. Heinrich ear ba, tokelik:

"Elikin iar jar, iar loe juōn armij eo erabōlbōl, im iar roñjake juōn ainikien eo ear ba nōn iō bwe Nan In Meletlet eo ej juōn kien eo an Jemed Ilōn, im bwe ej mol."

Ej jab aolepen armij ro rej bōk nan in kennan ilo wāwen eo einlokwōt Heinrich Stilker ear bōke an nan in kennan. President Devid O. McKay ear jab bōk an nan in kennan kake gospel eo ilo wāwen in. President McKay ear ba:

"Ke iar juōn likao, iar roñjaki armij ro jet kwaloki air nan in kennan kake gospel eo, kajur in priesthood eo, im kin an mol in Kabuñ eo. Iar roñjake bwe jemaroñ, bareinwōt, bōk nan in kennan kake gospel eo elañe jenaj jar. Ak, ke iar drik iar lōmnak bwe juōn armij eo eban bōk nan in kennan elañe ear jab roñ juōn ainikien eo ak juōn enjel eo jen lōn ear jab itok im jiroñlok e bwe gospel eo ej mol. Iar kononoik kake mōdenlok eo maktata me Josep Smith ear bōke ke Jemed Ilōn im Jisōs Kraist rar wōnlōltak nōn e, im iar jela bwe ej mol. Iar roñ mijenede ro kwaloki bwe rar roñ ainikien ko jen lōn ko rar jiroñlok ir bwe gospel eo ej mol, im iar lōmnak bwe in kar aikuij roñ ainikien rōt in nōn bōk nan in kennan kake gospel eo.

"Kin men in, juōn ran eo ke iar uwe ion hors e aō ibwiljin tol ko, iar lōmnak bwe ibwiljiir enaj kar juōn jikin emmōn nōn aō jar bwe in bōk nan in kennan kake gospel. Kin men in iar kabwijrak aō hors, to jen e, kabukōt juōn jikin etino, bukwelōlō, im jar iben aolepen buruō nōn Jemed Ilōn bwe en letok nōn iō nan in kennan kake gospel eo. Ke iar jar, iar lōmnak bwe inaj roñ juōn ainikien, ak bwe juōn enjel eo enaj itok im jiroñ iō bwe e mol.

"Ak men in ear jab walok. Kin men in iar jutak, bar taulōn hors eo, im iar etal nōn mweo imō. Ejelok men eo ear walok. Iar jab roñ juōn ainikien, im iar jab loe juōn enjel.

"Aō nan in kennan ear itok tokelik, ilo aō bokake kien ko an Jemed Ilōn im nōn kalimur eo an Jisōs eo ej kwalok bwe elañe jabrewōt armij eo enaj kōmmōni ta ko ear kakien kij nōn kōmmōni, armij en enaj jela elañe gospel eo ej mol ak jab." (Loi Jon 7:17)

Dri jilik eo Merion G. Romni ear ba bwe jet ien nan in kennan eo ej itok nōn juōn armij eo ilo wāwen eo ebat. Dri jilik Romni ear ba bwe an nan in kennan ear itok ilo wāwen eo ebat iumin ien eo eaitok. Ear ba bwe ejelok tokjen an nan in kennan walok ilo wāwen eo emōkaj ak ebat, ak ñe ej itok, ej ukōte armij eo. Ear ba bwe juōn armij eo ej oktak elikin an bōk nan in kennan kake gospel eo.

Ta Eo Juōn Armij Eo Emaroñ Kōmmōne Nōn Bōk Nan In Kennan Kake Gospel Eo?

Dri kanan eo Mōronai ear kameleleiki ewi wāwen juōn armij eo emaroñ bōk nan in kennan kake Buk In Mormōn. Elañe jenaj lori katak eo an, jemaroñ bareinwōt bōk nan in kennan kake gospel eo. Ear ba bwe elañe jej kōnan jela elañe Buk In Mormōn ej mol ak jab, jen aikuij kononoik jen e maktata. Elikin ad kononoik jen e, innem jen kar aikuij jar nōn Jemed Ilōn iben tōmak elap, im kajitōk iben nōn jiroñtok kij elañe Buk In Mormōn ej mol ak jab. Elañe jej jar iben tōmak elap, iben kōnan ko elap bwe jen jela, Jemed Ilōn enaj jiroñtok kij mol kin kajur eo an Jitōb Kwojarjar. Mōronai ear ba bwe kin kajur eo an Jitōb Kwojarjar jemaroñ jela kaki mol in men otemjelok (Mōronai 10:4-5).

Jemaroñ bōk nan in kennan kake gospel eo, ak kaki jabrewōt ian katak ko an, ilo wāwen eo einlokwōt juōn.

Kwaloke piija eo me kwar jei ion men ko lalim me juōn armij eo ej aikuij kōmmōni bwe en maroñ bōk nan in kennan kake gospel eo.

1. kōnan jela mol eo
2. katak bedbed ko an gospel eo
3. mour ekkar nōn bedbed ko an gospel eo
4. jar
5. jitlok

KŌNAN JELA MOL EO

Men eo mōktata me juōn armij eo en kar aikuij kōmmōne nōn bōk nan in kennan kake gospel eo ej an kōnan jela mol (loe Alma 32:26–27). Men in elap tokjen. Elaņe juōn armij eo ej jab kōnan jela mol, ejelok tokjen an kajioņ nōn bōk nan in gospel eo, bwe eban bōk e.

Ekijkan an kōnan Josep Smith nōn jela mol eo ar jibaņ e nōn bōk nan in kennan bwe Jemed Ilōņ im Jisōs Kraist rej mour?

KATAK BEDBED KO AN GOSPEL EO

Men eo kein karuo jen aikuij kōmmōne nōn bōk nan in kennan kake gospel eo ej katak bedbed ko an gospel eo. Jeban bōk nan in kennan kake juōn men me jej jajelokjen kake. Nōn jela kake im melele gospel eo im bedbed ko an, jen aikuij katak kaki ir. Ar jei bedbed ko an gospel eo ilo jeje ko rekwojarjar. Elaņe jenaj katak jeje ko rekwojarjar, jenaj melele kake gospel eo im bedbed ko an.

Kononoiki jen K & K 9:7–9.

MOUR EKKAR NŌN GOSPEL EO

Loi Jon 7:17

Men in ej bar juōn men eo elap tokjen me jen aikuij kōmmōne nōn bōk nan in kennan kake gospel eo. Elaņe jen likuun kōnan jela elaņe gospel eo ej mol ak jab, jen aikuij kamineneiki bedbed ko an gospel eo, ak, einwōt an dri kanan Alma ear ba, jen aikuij melejoņi ir. Dri kanan eo Alma ear keidi men in melejoņ ak kamineneiki bedbed ko an gospel eo nōn loi elaņe rej mol ak jab, iben ad kalibwini juōn inne nōn loe elaņe inne eo ej emmōn ak nana. Alma ear ba bwe elaņe jenaj kalibwini inne eo im kejbaroke e, ak ej jab edrōklok, jenaj jela bwe ej juōn inne eo enana. Ak elaņe jenaj kalibwini juōn inne im jej kejbaroke e, im ej edrōklok, jenaj jela bwe ej juōn inne eo emmōn. Jej wōnmanlokwōt im kejbaroke e mae ien eo inne ej erom juōn mar, im jej likuun jela bwe ej juōn inne eo emmōn.

Men in ej bareinwōt ta eo jen aikuij kōmmōni nōn bōk nan in kennan kaki gospel eo im bedbed ko an. Jen aikuij mour ekkar nōn ir. Elaņe jej mour ekkar nōn ir iumin elōņ ran ko ak jar jab loi jabrewōt men eo emmōn walok jen ir, jenaj kar jela bwe bedbed eo ebwir. Ak elaņe jej loi men ko remmōn walok jen ir elikin jar mour ekkar nōn ir iumin elōņ ien, innem jenaj kar jela bwe rej mol, im jej wōnmanlokwōt im mour ekkar nōn ir. Ilo wāwen in jej bōk nan in kennan kaki ir, im emol tokelik nan in kennan kaki aolepen gospel eo, im Jemed Ilōņ im Jisōs Kraist.

Jisōs ear ba bwe elaņe jabrewōt armij eo enaj kōmmōni men ko ear katak kaki, armij en enaj jela elaņe men ko rej mol ak jab.

JAR NŌN JEMED ILŌN

Jemed Ilōņ ej jela men otemjej. Elaņe jenaj kajitōk Iben nōn jiroņtok kij elaņe gospel eo ej mol ak jab, Enaj jiroņtok kij kin kajur eo an Jitōb Kwojarjar. Ak jen aikuij kajitōk iben nē emwij ad tōmak ilo E im ilo ad Dri Lomor eo Jisōs Kraist. Jemed Ilōņ enaj mōnōnō nōn letok nōn kij nan in kennan kake gospel eo elaņe jenaj jermal ilo wāwen eo elap nōn bōk e. Ear ba bwe elaņe jabrewōt armij en kōnan jela mol, en kajitōk iben. Im elaņe armij en ej tōmak ilo E, Enaj kwaloki mol nōn e (Jemes 1:5 im Mōronai 10:3–5). Dri kanan eo Josep Smith ear

kōmmōne eindrein. Ear kajitōk iben Jemed Ilōn, emwij an tōmak, nōn jiroñlok e ewi kabuñ eo en aikuij kobaiki.

Kinke Josep Smith ear kajitōk iben tōmak elap ilo Jemed Ilōn, Jemed Ilōn im Jisōs rar ilok nōn e im rar lelok nōn e juōn uak eo nōn kajitōk eo an. Jemaroñ bareinwōt bōk uak ko jen Jemed Ilōn, emol ej bareinwōt kobaiki ad bōk nan in kennan bwe gospel eo ej mol, elañe jenaj jar nōn E iben tōmak elap.

JITLOK

Ne jej jitlok emaroñ bareinwōt jibañ kij nōn bōk nan in kennan kake gospel. Dri kanan Alma ear kennan nōn ro ear kwaloki nan in Anij nōn ir bwe ear jela bwe gospel eo ear mol kinke ear jitlok kake e, im Jitōb Kwojarjar eo ear kwaloki nōn e bwe ej mol (Alma 5)45–46). Jemaroñ bareinwōt bōk nan in kennan kake gospel eo kin ad jitlok.

Ear bin nōn juōn kōra eo nōn bōk nan in kennan kake gospel eo elikin an katak kaki juōn bedbed ko an gospel, mour ekkar nōn ir, im jar kaki ir. Ear ba:

"Iar mijak bwe in kar lōmnak bwe iar wōr nan in kennan kake gospel eo meñe ear jab mol aō wōr nan in kennan. Iar mijak in liki Jema Ilōn, kinke iar jab likuun jela ak melele kake E. Ijoke, iar kōnan bōk nan in kennan kake gospel, im iar jela bwe in kar aikuij jibañ jen Jemed Ilōn. Ekar jab pidodo aō tōmak ilo Jemed Ilōn, ak iar likuun mol in kajioñ, kin men in iar jitlok.

"Innem juōn ran ke iar jijet ion jikin babu e aō, juōn ainikien ear dreloñtok nōn ilōan lōmnak e aō. Ear juōn ainikien eo iar jamin roñ mokta. Ainikien eo ear ba nōn iō bwe Jemed Ilōn ej mour. Ej likuun mol in mour. Men in ear kainemōn lōmnak ko aō, im iar likuun mol in jela bwe Jemed Ilōn ej mour. Men in ear likuun kōmōnōnōiki iō. Jen ien en, aō melele gospel eo im bedbed ko an ear likuun laplok, im ewōr iba nan in kennan kaki bedbed ko an."

Ta unin ebin jet ien nōn wōr tōmak ilo Iroj? Ekijkan ad jitlok emaroñ jibañ ad bōk nan in kennan kake gospel eo?

Jen Aikuij Kejbaroke Ad Nan in Kennan Kake Gospel Eo

President Harold B. Li ear ba bwe nan in kennan ebin nōn kejbaroke. Ear ba bwe enaj jakolok jen kij elañe jej jab kajioñ im kejbaroke. Ear ba bwe ej juōn men eo jen aikuij kejbaroke aolepen ran kajo ian mour ko ad.

Dri jilik George Q. Kannōn ear ba bwe ej jab bwe ad jela ine, ran eo lok juōn, wiik eo lok, allin eo lok ak yiō eo lok, bwe gospel eo ej mol. Ear ba bwe jej aikuij jela bwe ej mol aolepen ran kajo, im bwe jemaroñ kejbaroke nan in kennan ilo aolepen ran ko kajo ilo ad bokake kien ko an Jemed Ilōn.

Nan in kennan ej einlok wōt juōn inne. Elañe jej kalibwini im kejbaroke e, enaj edrōklok nōn juōn wijki elap im jebar lein. Elañe jej jab kejbaroke e, enaj mij. Elañe jej jab kōkajurlok ad nan in kennan, renaj jako (loi Alma 32:37–38).

Jemaroñ kōkajurlok ad nan in kennan kin ad:

1. kwaloki ir elōn alen
2. kweloklok ilo kwelok in Kabuñ eo aolepen Sabat ko
3. kejbarok kien ko
4. bokake dri tel ro ad ilo Kabuñ eo
5. jar jen ran nōn ran

Kononoiki jen Alma 32:41.

Ta ko jet me jemaroñ kōmmōni nōn kejbaroke ad nan in kennan kake gospel eo?

Nan in kennan kake gospel eo ej juōn men eo etokjen laptata me juōn armij eo emaroñ wōr iben. Jen aikuij kōkajurlok e aolepen ran ko an mour ko ad iben aolepen kajur eo ad.

Kunam

Kwaloki am nan in kennan

Men In Kōmmōni Moktalok Jen Am Kwaloki Katak In:

1. *Katak jen Katak Kin Gospel, japter 7.*
2. *Katak jen Alma 32:26–43; Ether 12:6.*
3. *Kapoji juōn pija, eo ej kilajrōki kiltōn ko lalim kin ad bōk nan in kennan (ak kilajrōki ir ion chalkboard eo).*
4. *Karōk nōn kōbellok kwelok eo iben al eo "Ij Jela Bwe Aō Dri Binmur Ej Mour," jen buk in al.*
5. *Lelok kunan nōn ro ian kilas eo nōn kwaloki bwebwenato ko im jeje ko rekwojarjar jen katak in.*

Jitlok

Unin katak in ej n̄on jibañ kij melele ewi wāwen jen maroñ kōwāppenlok ad jitlok.

Jitlok Ilo Wāwen Eo Ejimwe

Jemaroñ kōwāppenlok ad jitlok kin ad jitlok ilo wāwen eo ejimwe.

Kononoik jen Alma 32:27

Lelok ien n̄on kōra eo, me emwij am lelok kunan n̄on kwaloki katak ko jet jen japter 25, "Jitlok," jen buk eo *Katak Kin Gospel*, bwe en maroñ kwaloki katak kōn kiō.)

Wāwen eo ejimwe n̄on jitlok ej n̄on jino ad jitlok iben jar, kememej ta unin jej jitlok, im kōjemlok ien in jitlok iben jar.

Jino Ad Jitlok

Jen aikuij jino ad jitlok iben jar. Ilo jar in, jej kommolol Jemed Ilōñ kin jeramōn ko emwij an letoki, jiroñlok e ta unin jej jitlok kiō, kajitōk iben n̄on jibañ kij tōbrakloke, im kajitōk iben n̄on jibañ kij kōjemlok ien ad jitlok. Aolepen ro ian pamle eo me rej jitlok kin un eo juōn wōt, ren aikuij kobaiki iben dron kin jar in. Ajiri ro redrik ren bareinwōt aikuij kobaiki iben ro rej jar meñe emaroñ bwe rej jab melele ta unin jej jitlok. Men in enaj jibañ ir n̄on melele.

Kememej Ta Unin Jej Jitlok

Ñe jej jitlok im kememej ta unin jej jitlok ej kalaplok tokjen eo an ien jitlok eo. Ewōr elōñ unin jitlok. Jemaroñ jitlok n̄on kōjeramōn armij eo enañinmij, n̄on kajitōk kin jibañ in bōk uak kake juōn abañ eo ilo ad mour, n̄on kalaplok yokwe ilo mweo imōd, n̄on kainemōn ro rej buromōj, n̄on bōk beran eo elap bwe jen maroñ kwalok kake gospel eo n̄on ro jet, n̄on melele gospel eo, im n̄on bōk nan in kennan kake e (loe 2 Samuel 12:16; Buk In Amnai 1:26; Alma 17:3; Hilaman 9:10).

Ta ko jet unin me jemaroñ jitlok kaki?

Ewi wāwen ad bōk unin jitlok emaroñ kalaplok tokjen ien an jitlok?

Kōjemlok Ien Ad Jitlok

Jen bareinwōt aikuij kōjemlok ien ad jitlok iben jar. Ilo jar in jej kommolol Jemed Ilōñ kin an jibañ kij kōjemlok ien ad jitlok, im bar kakememej E ta unin jar jitlok, im kajitōk iben n̄on jibañ kij bōk uak eo Ej letok n̄on kij. Elañe ajiri ro nejid redrik rar jitlok ibed, jen aikuij kommolol Jemed Ilōñ kin ir, im air bokake, im kin air kajur n̄on jitlok.

Kōwāppenlok Ad Jitlok

Jemaroñ kōwāppenlok ad jitlok kin ad jab lōmnak kaki men ko ian lōl in ilo ien ad jitlok. Ñe jej jitlok, jen aikuij likiti men otemjelok an lōl in jen lōmnak ko ad. Jemaroñ kōmmōne men in kin ad katak jeje ko rekwojarjar, kononoiki jeje ko rekwojarjar iben ro nejid, bwebwenato ibeir im ro jet ian pamle ko ad kaki katak ko an gospel eo, al al ko, lolok ro rej aikuij ainemōn im ro nañinmij, jeje bwebwenato ko kaki mour ko ad, im kōlmenlokjen kake ta unin jej jitlok (2 Nibai 32:3).

Kononoik jen K & K 59:13-15. Ekijkan jen aikuij kapoji kijōd nē jej kōjemlok ad ien in jitlok?

Mōnā ej kabo eo enaṅin elaptata nōn kij nē jej jitlok. Jemaroṅ kawiaea kabo in elaṅe jenaj kapoji mōnā ko an ien in mōnā in Sabat ilo ran in Saturday, im ilo ad najdrik ro nejid redrik im ro jet ian pamle ko ad me reban jitlok, ilo juōn jikin eo emotlok jen ro rej jitlok. Ilo wāwen in, ro rej jitlok rej jab bōk kabo jen air loi im bwiine mōnā.

Meṅe ro nejid redrik rej jab maroṅ jitlok, jen aikuij katak kin ir nōn jitlok kin ad kajitōk ibeir nōn jitlok iumin juōn wōt ien in mōnā. Jen jab aikuij kipeel ir nōn jitlok. Jemaroṅ bareinwōt katak kin ir kake jitlok kin ad kobaiki ir ilo ien in jar ko nē jej jino im kōjemlok ien ad jitlok, meṅe rej jab jitlok.

Ta ko jemaroṅ kōmmōni nōn jibaṅ ro ian pamle eo ad nōn jitlok?

Kajur Ilo Jitlok

Jemaroṅ kōwāppenlok ad jitlok kin ad jela bwe nē jej jitlok jej bōk kajur. Elder Matu Couli, eo ekar juōn dri jilik eo, ear kwaloke bwebwenato i'lōl lok, eo ej kwaloktok kajur in jitlok:

"Juōn ran juōn eman im kōra eo rar dreloṅtok nōn ilo aō office im rar bōktok juōn ladrik edrik. Jemen eo ear ba nōn iō, 'Lio beliō im nā ar jitlok iumin ruo ran ko kin jibaṅ nōn ladrik eo nejimro. Kimro ar bōktok e nōn kwe bwe kwo maroṅ kōjeramōn e bwe emaroṅ bōk ej mour, kinke Iroiṅ ear jilkintok kimjil nōn yuk.'

"Iar kajitōk, 'Ta eo jorren iben?'

"Eman eo ear uak bwe ladrik eo ear lotak im e bilo. Ear jab maroṅ lo, roṅ, ak konono. Ear jab maroṅ tōbōlbōl. Bōtap, drettan ar lalim yiō ko. Iar ba nōn nā make iaō bwe naṅinmij in eban bōk ej mour ijellokin wōt kin jitlok im jar, einwōt an jeje ko rekwojarjar rej kwalok. Emwij aō tōmak ilo jitlok im jar ko an eman im kōra en, im kin men in iar kōjeramōn ajiri eo.

"Jet wiik ko tokelik, eman im kōra eo rar jejetok juōn letta nōn iō im rar jiroṅtok iō bwe ladrik eo nejeir emaroṅ tōbōlbōl, loe, im roṅ kiō."

Ewōr juōn bwebwenato ilo Kalimur Eo Mokta ilo Baibel kake juōn kōra eo etan Ester eo ear lomoren armij ro droōn jen air mij kin an kajur in jitlok. Ester ekar juōn kōra eo dri Ju eo ear lio belen juōn kiṅ in Pōrsia. Juōn ian dri tel ro ekajurtata ilo ailiṅ in Pōrsia ilo ien en ar naetan Heman. Ear juōn dri Pōrsia. Heman ear jab kōnan juōn eman eo etan Mordikeai, eo ear juōn dri Ju. Ester ear nejin Abaiheil, alap an Mordikeai, eo ear bōk e nejin. Heman ear jab kōnan Mordikeai kinke Mordikeai ear makoko in badikdik ak kabuṅ nōn e. Kinke Mordikeai ear makoko in badikdik nōn Heman, Heman ear karōk nōn mane Mordikeai im aolepen Dri Ju ro. Ke Mordikeai ear roṅ kake karōk eo an Heman, ear jilkinlok dri kanaan ro nōn Ester nōn etal nōn kiṅ eo im kajitōk iben nōn lomoren ir. Ester ear uak bwe ej jab wōr melim iben nōn etal nōn loe kiṅ ak bwe kiṅ eo en kajitōk iben nōn ilok nōn e. Ester ear ba bwe elaṅe enaj kar etal nōn kiṅ im ear jab kajitōk kake, emaroṅ bwe enaj mane e. Mordikeai ear ba nōn Ester bwe elaṅe enaj kar jab etal nōn kajitōk iben kiṅ eo nōn lomoren ir, aolepen dri Ju ro, ekobaiki ro ian pamle eo an, naj mij. Ke Ester ear kile bwe aolopen enaj mane dri Ju ro, ear ba bwe enaj etal. Ear ba bwe elaṅe enaj mane e, enaj mōnōnō. Ak ear jiroṅ Mordikeai nōn jiroṅ aolepen dri Ju ro nōn jitlok im jar kin e iumin jilu ran ko im jilu boṅ. E im dri korijeran ro rar bareinwōt jitlok im jar iumin terre eo einwōt. Innem ear etal nōn kiṅ eo. Kiṅ eo ear jab mane e; ak ear bōk e. Ear bareinwōt lomoren aolepen Dri Ju ro jen mij (Ester 4).

Ekijkan an jitlok ar kōberan Ester?

Ewōr ke men eo ilo mour ne am me kwoj aikuij beran nōn kōmmōne?

Ekijkan am jitlok emaroṅ jibaṅ yuk?

Jemaroñ bōk kajur elap jen ad jitlok. Ñe jej jitlok enaj kōkajurlok ad nan in kennan im enaj lelok kajur ñōn kij ñōn jiroñlok ro jet kake e.

Kunam

Lōmnak kake ewi wāwen kwoj jitlok im men ko kwoj kōmmōni ñe e ran in jitlok im kilajrōki men ko kwo maroñ kōmmōni ñōn kōwāppenlok am jitlok.

Bar Jet Jeje Ko Rekwojarjar

2 Samuel 12:16 (Devid ear jitlok)

Matu 6:16–18 (Ekijkan ad aikuij jitlok)

Luk 2:37 (Jermal ñōn Anij kin ad jitlok im jar)

Mosaia 27:22–23 (Bōk ej mour kin jitlok im jar)

Alma 5:46 (Mōdenlok ko kin jitlok im jar)

Men In Kōmmōni Moktalok Jen Am Kwaloki Katak In:

1. *Kononoiki jen Katak Kin Gospel, japter 25, "Jitlok."*
 2. *Lelok kunan juōn ian kilas eo ñōn kwaloki nan ko jen japter 25 ilo Katak Kin Gospel iumin jilu wōt minit.*
 3. *Lelok kunan ro ian kilas eo bwe ren kwaloki bwebwenato ko im jeje ko rekwojarjar ilo katak in.*
-

Wūjtak

Unin katak in ej n̄n jibañ kij melele ewi wāwen jemaroñ katakin pamle ko ad kake wūjtak im ewi wāwen je make iad maroñ laplok ilo ad wūjtake.

Jino

Jej armij ro elap jeramōn. Jemed Ilōn ear letok n̄n kij men otemjej. Emwij an letok n̄n kij gospel eo, priesthood, tempel ko, bujen ko, mol, im pamle ko ad. Jen kar aikuij armij ro mōnōnō elaptata. Jen kar bareinwōt aikuij armij ro wūjtak elaptata. Ak ej mol ke?

Ilo ien kwelok ko ad, ro nejid rej etetal im ettōr ilo imōn jar eo, armij ro rej bwebwenato, kiki, itok rumij n̄n kwelok ko, im kōmmōn keroro n̄e rej ilen jijet. Armij ro rej bareinwōt bul ainikier moktalok im elikin ien kwelok ko ilo imōn jar eo. Elañe en kar wōr armij ro lolok kwelok ko me re jab ian ro ilo Kabuñ eo, ekijkan air eñjake kake Kabuñ eo? Renaj eñjake ke bwe ej mol? Renaj kōnan bar roltok ke?

Jen katak ta eo wūjtak im joñon tokjen n̄n kij. Jen bareinwōt katakin ro nejid kake wūjtak im kalaplok ad wūjtake bareinwōt.

Jen Kar Aikuij Katakin Pamle Ko Ad Melelein Im Tokjen Ukwelok

Jen aikuij katakin pamle ko ad n̄n wūjtake. Wūjtak ej kautiej im yokwe juōn men eo ekwojarjar. Dri tel ro ad rar ba bwe wūjtak ej juōn kōlman eo elaptata me juōn armij eo emaroñ bōke. Wūjtak ej kobaiki iben tōmak ilo Anij im ilo An kajur. Ej bareinwōt kobaik iben ad kautiej men otemjelok remmōn ilo mour.

Jeje ko rekwojarjar rej ba bwe ro e telokiir n̄n mour iben Jemed Ilōn ren kar aikuij wūjtake e im bareinwōt Nejin Jisōs Kraist. Dri kanan Josep Smith ear ba bwe ear loe ailiñ eo celestial, ilo eo Anij Jemed ej mour ie, im bwe ro rej mour ilo ailiñ en rej badikdik im kabuñ n̄n Jemed Ilōn ilo air wūjtake E. Jeban maroñ mour iben Jemed Ilōn elañe jej jab wūjtake E.

JEN AIKUIJ WŪJTAK ETAN ANIJ

Jen aikuij wūjtake etan Anij, im jen aikuij katakin ro nejid eindrein. Jemaroñ wūjtake etan Anij kin ad jab kwaloke e ilo wāwen eo ej jab wōr tokjen. Iroi ear kakien kij n̄n jab kōjerbale etan ilo wāwen eo ejelok tokjen (Exodus 20:7). Im jej jab aikuij mōkajkaj in kōjerbale etan. Etan priesthood ear ukōt jen "Priesthood elikin lajrōk in Nejin Anij" n̄n "Melkizedek Priesthood" kin unin wōt (K & K 107:2-4). Wūjtak kin etan Anij ej juōn ian kōlman ko relaptata me jemaroñ bōke.

WŪJTAK IMŌN JAR EO AN IROIJ

Jen aikuij wūjtake mweo imōn Iroi, im jen aikuij katak kin ro nejid eindrein. Jemed Ilōn ear kakien kij n̄n wōr juōn imōn wūjtak kin mweo imōn. Tempel ko im imōn jar ko rej einwōt mweo imōn Iroi (K & K 109:16-21). Ak eindrein ej jab jemlokin. Jabrewōt jikin ijo im ro ian Kabuñ eo rej kweloklok im kabuñ ie ej juōn mweo imōn Iroi. Emol mweo imōd ren aikuij einwōt mweo imōn Iroi, im jabrewōt men eo jej kōmmōne ilo mweo imōd en aikuij kautiej Iroi.

WŪJTAK EJ EÑINTOK MŌNŌNŌ

Jen kar aikuij melele bwe wūjtake ej eñintok mōnōnō. Elañe jej wūjtake ilo ien in kweloklok an Kabuñ, Jitōb Kwojarjar enaj kakememij kij, n̄e jej bōk kwojkwōj, bwe Jemed Ilōn ej yokwe

kij, bwe enaj jeorlok jerawiwi ko ad elañe jenaj ukwelok, bwe Ej mour, im bwe enaj jibañ kij elañe jenaj tōmak ilo E im ilo Nejin Jisōs Kraist. Ad jela men kein ej kōmōnōnōiki kij. Ñe jej roñjake dri konono ro ilo kwelok ko an Kabuñ eo ñe rej kwaloki air nan in kennan kake gospel eo, ej kakememij kij kake ad nan in kennan kake gospel eo, im jej mōnōnō bwe jej jela gospel eo emol an Jisōs Kraist im jej ro ian Kabuñ eo An emol. Ke dri konono ro rej jiroñtok kij kaki jeramōn ko me Iroiĵ ear lelok ñōn ir im pamle ko air, Jitōb Kwojarjar ej kakememij kij kaki jeramōn ko me Iroiĵ eo ear letok ñōn kij im pamle ko ad, im ej kalaplok ad mōnōnō. Jet ien joñon an lap ad mōnōnō ebwe im jej jōñ ñe jej roñjake ro jet kwaloki air nan in kennan im kwaloki jeramōn ko me Iroiĵ ear lelok ñōn ir. Jemaroñ jela mōnōnō in ñe jej wūjtake wōt. Ak wūjtake ej jab juōn men eo jej aikuij kōmmōne ilo ran in Sabat wōt. Jej aikuij wūjtake ien otemjej. Jen aikuij armij ro mōnōnōtata ion lōl in. Kin men in, jen aikuij bareinwōt wūjtaktata.

JEN AIKUIJ KATAK KIN WŪJTAK ÑŌN RO NEJID ILO MWEO IMŌD

Wūjtak ej aikuij jino ilo mweo imōd. Elañe ro nejid rej wūjtake i'mweo imōd, renaj wūjtake ilo kwelok ko an Kabuñ eo im jikin ko jet. Jemaroñ katakin ro nejid kake wūjtak ilo ad katak kin ir ñōn jar i'mweo imōd, im badikdik bōrair, kowawa peir, im kili mejeir ilo ien jar. Elañe ro nejid rej kōmmōni men kein i'mweo imōd, renaj bareinwōt kōmmōni ir ilo kwelok ko an Kabuñ eo. Ñe jej wōr kwelok in pamle iben dron ñe ejota, ewōr bar juōn ien emmōn ñōn katakin ro nejid kake wūjtak. Jemaroñ bareinwōt katakin ir al ko me rej al emakijkiĵ ilo imōn jar eo. Enañin aolepen ajiri ro rekōnan al. Elañe rej jela al ko me rej al ilo kwelok ko an Kabuñ eo, renaj kōnan al ilo ien kwelok ko. Men in enaj lelok ñōn ir juōn men eo ñōn kōmmōne me ej emmōnlok jen air jab wūjtake.

JEMAROÑ JIBAÑ AJIRI RO NEJID ÑŌN WŪJTAK ILO IEN KWELOK KO

Kwaloki pija 7-a

Jemaroñ jibañ ajiri ro nejid wūjtak ilo ien kwelok ko kin ad kapoji ir moktalok jen ien in kwelok, im kin ad tōbraklok imōn jar eo moktalok jen an jino kwelok eo, im kin ad jijet iben dron ibeir ilo ien kwelok eo. Ñe jej jab kapoji pamle ko ad moktalok, elōñ ien jej rumij. Jet ien ej kaillu kij iben dron ak iben ajiri ro nejid. Men in ej jab jibañ kij ak ajiri ro nejid ñōn wūjtak ilo ien in kwelok. Ñe jej tōbraklok imōn jar eo, jen aikuij etetal ilo lur ñōn ad jikin jijet, jijet, im lōmnak kake kwelok eo me enaj jino mōttan jidik. Jen jab aikuij bul ainikied ilo imōn jar eo moktalok ak elikin kwelok eo. Elañe jekōnan bwebwenato, jen aikuij etal nabwiĵin imōn jar eo. Elañe jenaj kōmmōni men kein, ej jab kij make, ak bareinwōt ro nejid naj wūjtak ilo ien in kwelok ko.

Jemaroñ bareinwōt jibañ ajiri ro nejid kejbarok air wūjtak ilo kwelok ko an Kabuñ eo ilo ad kononoiki ibeir juōn lōmnak eo, al eo, ak jabrewōt bar juōn men eo me ekar emmōn ilo kwelok eo.

Kij Make Iad Jen Aikuij Wūjtak

En kar elōñ men ko jemaroñ kōmmōni ñōn katakin ro nejid wūjtak. Ak reban wūjtak ñe jej jab wūjtak kij make iad. Wanjoñak ej dri kaki eo emmōntata. Jemaroñ jeorloki elōñ auō ko im kōjerbali elōñ wāwen in katak remmōn ñōn katakin ro nejid wāwen in wūjtak. Bōtap, elañe jej jab wūjtak kij make iad, aolepen katak ko ad rewaan. Wūjtak ej jino iben kijuij kajojo. Wūjtak ej likuun tokjen. Enaj jab kōjeramōn kij wōt, ak enaj kōjeramōn ro jet bareinwōt. Aolepeduij jen aikuij jermal ilo wāwen eo ebin ñōn kalaplok ad wūjtak.

Ewi wāwen kwo maroñ jibañ ajiri ro nejim ñōn kalaplok air wūjtak? Elikin ro ian kilas eo rar uak, lelok kunan juōn ian kilas eo bwe en kononoiki jen lajrōk eo i'lōllok me ej kononoik kaki jet wāwen ko jemaroñ jibañ ajiri ro nejid kalaplok air wūjtak.

1. Jijet iben dron ibeir ilo ien in kwelok ko.



2. Kapoji ir kin kwelok eo moktalok jen ien in jinoin kwelok eo.
3. Tōbraklok imōn jar enaṅin lalim ak joṅoul minit ko moktalok an jinoin kwelok eo.
4. Kononoik ibeir juōn lōmnak, juōn al, ak jabrewōt bar juōn men eo emmōn kake kwelok eo.
5. Katakin ir nōn badikdik bōrair, kowawa peir, im kili mejeir ilo ien in jar.
6. Katakin ir al ko me emakijkij air al ilo kwelok ko an Kabuṅ eo.
7. Katakin ir nōn jab bwebwenato ak ikkure ilo ien in kwelok.
8. Kwo maroṅ kwaloki wanjoṅak eo emmōn kin am jab bul ainikiem ilo imōn jar eo moktalok ak elikin ien kwelok.
9. Jilkinlok ir nōn imōn kōpijak im kajitōk bwe ren idrak moktalok jen an jino kwelok eo.

Kunam

Kōmmōni ta ko kwo maroṅ nōn kalaplok am pamle wūjtake.

Men In Kōmmōni Moktalok Jen Am Kwaloki Katak In:

1. *Kakememij ro ian kilas eo nōn bōktok ibeirlok jeje ko rekwojarjar.*
2. *Bōktok juōn chalkboard im chalk.*
3. *Lelok kunan aolepen ro ian kilas eo bwe ren kononoik jen Livitikōs 19:30. Jei jeje eo ekwojarjar ion chalkboard: "Komin lale ran in Sabat ko Aō, im wujōke jikin kwojarjar eo Aō: Nā Jeova." Kwaloki pija eo 7-a.*

7-a Jen aikuij wūjtake im katak kin ajiri ro nejid nōn wūjtake ilo imōn jar eo.

Yokwe Im Jerbal

Unin katak in ej n̄n jibañ kij yokwe im jербal n̄n ro jet.

Yokwe An Anij

Anij ej yokwe kij. Ro rar eñjake An yokwe rar jab maroñ kameleleike e. Sister Erma Braak, jen America, ear jiroñ kake juōn ien ke leo belen ear eñjake yokwe an Anij. Ear ba:

"Leo beliō ear likuun kōnan jela elañe en kar Anij bed; im, elañe en kar bed Anij, ta eo kōlman ko? Juōn ran, ke ear kononoik jen Baibel, ear kononoik jen buk in Matu, ilo Kalimur Ekāāl, nan ko an Jisōs me rej kwalok bwe elañe jekōnan jela, jen kar aikuij kajitōk iben Iroi, im Enaj jiroñtok kij (Matu 7:7).

"Kinke leo beliō ear likuun kōnan jela mol, ear kajitōk iben Jisōs. Ear jar n̄n Iroi n̄n jiroñlok e mol. Ear ba ilo an jar, 'Anij, elañe kwoj kar bed, kōjellaik iō, im inaj kōmmōni ta ko kwo kōnan bwe in kōmmōni.' Elikin an jar, ear eñjake ainemōn elap, buruōn ekar nañin bwil, im ear eñjake mōnōnō eo ekar jañin eñjake moktalok. Ear eñjake einwōt an juōn armij ekajur ej kukuul e.

"Iumin jilu ran ko ear eñjake men in; im iumin ien en, ear ba bwe ear eñjake einwōt nein rar jab bed ion bwij. Ear eñjake emmōntata! Ilo ien en, ear kwalok an yokwe n̄n men otmejej. Ekar jamin yokwe ajiri ro mokta, ak kiō elap an yokwe ir. Ekar kijrāti wut moktalok. Ak kiō ear likuun kōnan wut. Ear ba bwe elañe men in ej wanjoñak an yokwe iben Anij eo ej kobraak ailiñ eo celestial ijo ej jokwe ie, emaroñ melele, kiō, ekijkan lam im laiōn naj maroñ babu iben dron ie im jab kijrāti dron."

Bert Braak ear kobaiki iben Kabuñ eo tokelik.

*Jiroñlok kaki ien eo ke kwar obrak iben yokwe n̄n bar juōn armij.
Ta unin jej aikuij jela bwe Anij ej yokwe kij?*

Dri Lomor eo ear kwaloktok wanjoñak in kijkan jej aikuij yokwe. Ar kijrāte E, ak ear jab kijrāti ro rar kijrāte E. Ear yokwe ir. Armij ro rar drebaile E, ak ear kajitōk iben Jemed Ilōn n̄n jolok air bwir (Luk 23–24). Ear kwalok meanwōr iben dri jilik ro an meñe rekar wōr elōn bwir ko. Jisōs ear jela bwe rar jab likuun melele aolepen men kaki E ak men ko ear itok n̄n lōl n̄n kōmmōni. Ear lap an yokwe ajiri ro. Juōn wanjoñak kake an Jisōs yokwe aolepen armij ro ej bed ilo 3 Nibai japter 17.

Kiō, kajitōk iben kōra eo me kwar lelok kunan bwe en kononoik jen 3 Nibai japter 17, eo ej kwalok kaki an yokwe Jisōs ear kwaloki.

Jisōs Ear Kakien Kij N̄n Yokwe Dron

Jisōs ear ba n̄n dri jilik ro an bwe ren yokwe dron einwōt an kar yokwe ir (Jon 13:34). Ear bareinwōt kakien kij n̄n yokwe ro jet einwōt an yokwe kij. Ear ba bwe jen yokwe ro rej kijrāti kij, im n̄n kōjeramōn ro rej kijrāti kij, im n̄n jar kin ro rej kijrāti im kamatōrtōr kij, bwe jen maroñ erom einwōt Jemed Ilōn (Matu 5:44–45).

Juōn kōra eo ear jiroñ kake wāwen eo jemen ear katakin e n̄n yokwe armij ro jet iben yokwe an Anij. Kōra in ear lotak im ear kukumliklik. Ke ear drik, ajiri ro jet rar kajirereike e. Juōn ran ke ajiri ro rar kajirereike e, ear jōn im ettōrlok n̄n mweo imōn n̄n jemen. Jemen ear kukuuli im jōn iben. Innem ear jiroñlok e n̄n jab eñjake buromōj ak n̄n katak jen ta eo

ajiri ro rar kōmmōne nōn e im jab jememe ir. Ear jiroñ e bwe ej mol bwe ej kukumliklik; ak ej jab jimwe bwe ajiri ro jet rar jememeik e kin men in. Ear ba bwe elañe en kar kōnan mōnōnō ilo mour en, enaj aikuij jab jememeik ro jet einwōt ro jet rar jememeike e, ak bwe en aikuij yokwe ro jet jekdron añlokwiir, im kōmmōni men ko nōn kōmōnōnōiki ir. Jemen ear jiroñ e bwe enaj mōnōnō ien otemjej, im ro jet renaj bareinwōt jouj nōn e.

Lelok kunan nōn juōn ian kilas eo bwe en kononoik jen 1 Dri Korint 13:2-7. Kajitōk iben ro ian kilas eo nōn kameleleik nan kein. Juōn kōra eo ewōr yokwe an Anij iben emaroñ ke kijrāte ro jet me rej jab einwōt mōrōn? En aikuij ke makoko in jibañ ro rej nañinmij, jerata, ak kwōli? En aikuij arōk ke? En aikuij arōk nan ke kake armij ro jet ak lowaar nae ir?

Ñe Jej Jibañ Ro Jet Ej Jibañ Kij Ñōn Bōk Yokwe Einwōt Anij

Dri kanan eo Harold B. Li ear ba bwe elañe jej kōnan wōr yokwe einwōt Anij, jej aikuij yokwe im jibañ armij ro. Ilo wāwen in jej kōwāppenlok ad yokwe bwe en kar einwōt Anij, im nōn kwaloki Anij bwe jej yokwe E. Kara Hill Arnold, jen America, ear katak kin yokwe an Anij ilo wāwen in. Kara ear ba:

"Ekar wōr juōn ien im iar jab yokwe juōn kōra eo, im armij ro jet rar jiroñ iō bwe ear jab yokwe iō bareinwōt. Aolep ien ear kajioñ in kwaloki joñon tokjen, im iar jab kōnan men in. Ear jab kōjeraike iō, im iar jab kōjeraike e. Ien otemjej, ke iar loe an itok, inaj kar etal ilo bar juōn ial bwe in kawiaea e. Men in ear jab kōmōnōnōike iō, kinke ñe kwoj jab yokwe bar juōn armij kwoban mōnōnō.

"Innem juōn ran eo ear erom nañinmij im ear aikuij jibañ. Muktata iar ba nōn ña make bwe elañe en kar jab yokwe iō, in kar jab maroñ jibañ e. Ak juōn ainikien ear jiroñtok iō bwe in kar aikuij jibañ e. Tokelik, iar kōmati kijen im bōklok nōn e.

"Ekar likuun bwilōñ im mōnōnō ke ear loe iō. Iar eñjake mōnōnō ña make iaō. Ke iar rollok nōn mweo imō, iar lōmnak kake joñon aō mōnōnō kinke ij jab kajjikur e kiō. Kiō elikuun jera elap."

Kajitōk iben juōn ian kōra ro nōn bwebwenato kake juōn ien ke ear katak kin yokwe an Anij kin an jibañ bar juōn armij. Ekijkan jemaroñ katak kin yokwe an Anij ilo ad jibañ ro ian pamle ko ad?

Emwij Ad Kōmmōne Bujen Eo Iben Jemed Ilōñ Bwe Jenaj Jibañ Dron

Ke jar baptais, jar kōmmōne juōn bujen eo iben Jemed Ilōñ bwe jenaj jibañ dron, im bwe jenaj buromōj iben ro rej buromōj, kainemōn iben ro rej aikuij ainemōn, im jibañ ro rej aikuij jibañ (Mosaia 19:8-9). Kinke jar kōmmōne bujen in iben Jemed Ilōñ nōn jibañ ro rej aikuij jibañ, ewōr kunad nōn bukōt wōn ro rej aikuij jibañ im leloke nōn ir (K & K 58:26-29). Emwij ad kōmmōne bujen iben Jemed Ilōñ nōn jibañ ro jet einwōt Kraist ear jibañ kij im ro otemjej. Jej aikuij jibañ ro nañinmij, ro dri jeramel, ro drua majet, im ro otemjej jekdron mōrōn kaniekiir. Emaroñ bwe jenaj jab wōr men otemjej me rej aikuiji, ak jej aikuij kōmmōni jabrewōt men ko joñon ad maroñ iben mweiuk ko ad, nōn jibañ ir. Ilo ad jibañ ro jet, jen aikuij jab kajitōk kin tūb ko ak jinekjej. Jen aikuij wūjleplok jibañ nōn armij ro jet kinke rej ro jeid im jātūd, bwe kijuij aolep jej ro nejin Jemed Ilōñ.

Jemen Bruce R. McConkie, juōn dri jilik, ear kwaloke bwebwenato i'lōl lok kake jinen im melele eo Iroj ear leloke kake tokjen yokwe ro jet:

"Juōn ien jinō ear jibañ juōn pamle eo an juōn eman eo ear kijrāte Kabuñ eo. Eman in ear jab juōn ian Kabuñ e, ak lio belen ear juōn ian Kabuñ eo. Emwij air wōr ajiri rōn, im rar likuun jeramel. Rar bareinwōt wōr juōn niñniñ edrik. Jinō ear President in Relief Society ilo rā, im ear lōmnak bwe ej kunan nōn jibañ pamle eo. Kin men in ear etal nōn pamle eo jen ran nōn ran im bōklok mōñā ko nōn ir im nōn kaajiriri niñniñ eo. Jinō ekar nañinmij e make, im elaplok jen juōn wōt alen ear roltok nōn mweo imōn im kar likuun mōk jen an jibañ pamle eo.

"Juōn ran, jinō ear roltok nōn mweo imōn im kar likuun mōk, ar jijet ilo jea im ar kiki. Ke ear kiki, ear tōnak bwe ej katutuike niñniñ Jisōs. Ear lōmnak bwe en kar juōn men eo eutie j nōn katutuike Kraist e make. Ke ear kabwijer niñniñ eo, ear likuun obrak iben mōnōnō. Mōnōnō in ekar likuun lap bwe ear kworuji e. Ke ear ruj, juōn ainikien ear ba nōn e, 'Ilo ami kōmōnmōn jabrewōt nōn juōn ian rein ro jātīō eriktata, kom ar kōmōnmōne nōn Iō.'" (Matu 25:40).

Kononoik jen Matu 25:34–40.

Kajitōk iben kōra ro nōn kwaloki ewi wāwen remaroññ jibañ ro jet (loi Katak Kin Gospel, japter 28, "Jermal Nōn Ro Jet").

Dri kanan eo Devid O. McKay ear ba bwe ewōr kunad elap nōn yokwe armij ro jet im jibañ ir. Ear ba bwe ej jar ien otmemjej bwe Anij en jibañ kij ilo Kabuñ eo nōn yokwe im jibañ armij ro otemjej.

Kunam

Keleti juōn armij eo me kwoj jab yokwe, im kōmmōne juōn men eo nōn e me ej kwaloke yokwe. Kalaplok am kile ewi wāwen me kwo maroñ jibañ armij ro jet.

Men In Kōmmōni Mokalok Jen Am Kwaloki Katak In:

1. *Katak jen buk eo Katak Kin Gospel, japter 30, "Likun Jouj Im Yokwe" im japter 28, "Jermal Nōn Ro Jet."*
2. *Lelok kunan juōn ian kilas eo nōn keleti ruo ak jilu eon ko jen 3 Nibai 17 me rej kwaloki yokwe an Jisōs.*
3. *Lelok kunan ro ian kilas eo nōn kwaloki bwebwenato ko im jeje ko rekwojarjar ilo katak in.*

Kien Erreo--Kejerbale Maroñ Eo Am Ñan Ejake Juōn Mour Ilo Wāween Eo Anij Eaar Jiroñ Kōj

Un eo an katak in ej ñan jibañ kōj ñan mour iumin kien erreo im ñan katakin ro nejud bwe ren kōmane bōreinwōt.

Jino

Dri kanaan eo Spencer W. Kimball, eo ar president an Kabuñ in jān 1973–1985, ear jiroñ lok ledrik ro uan Kabuñ in ilo Mexico, Komij kōrā ro nejin Anij. Emōj kar ejake kom ilo nememein eo Jinimi Ilañ. Enbwinimi ekwojarjar.

Enbwinid rej temple ko nan jetōb ko ad; kōn menin, jej aikuij kejbarok bwe ren erreo. Jej aikuij kejbarok erreo eo an enbwinid bwe jen maroñ rol lok im bar juōn alem mour ippān Jemed im Jined Ilañ. Jeje ko rekwojarjar rej jiroñ kōj ke ejelok juōn men etton emaroñ mour ippān Anij (1 Nepi 10:21; 1 Korint 3:16–17).

Kien Erreo Eo

Jemed Ilañ ear letok ñan enbwinid juōn kajur ekwojarjar. Kajur in ej maroñ eo ñan ejake ajiri. Kōrā eo erreo ej kōttar ñan kejerbale kajur in elkin an marre wōt, inem, emaroñ naaj kejerbale kajur in ippān leo belen. Eñin ial ak wāween eo Jemed Ilañ ekōnan bwe jen kejerbal kajur in.

Kajitōk ippān kōrā eo kwar kiri, ñan kōnono jān mōttan eo "Ta Kien Erreo Eo?" ilo jepta 25 ilo buk in Bedbed in Gospel eo.

Ta kien erreo eo?

Erreo bar melelein ñan bōki lōmnak ko rōrreo aolep ien im jimwe ilo aolep makitkit ko ad (Matu 5:27–28). Jej jab aikuij kōtlok bwe makitkit ko an lal ren jelōte koj. Ilo elōñ jikin ko ilo lal in erreo ilo enbwin ejab lap tokjen. Juōn kōrā emaroñ kiki ibben elōñ emmaan mokta jen an marre. Jemed Ilañ ejab kōnan men in. Ilo jet lal juōn kōrā ej aikuij kamool ke emarōn neje mokta jen anjūōn emmaan beleke. Mani in elap an ettoon. Jet wot kōrā ro rejab maroñ neje. Bōtab, itok jen kiki ibben elōñ emmaan, mokta jen aer marre, elōñ ien rej bōki nañinmej ko rej kakkure enbwinier innem reban maroñ neje. Innem rej jook im biromoj.

Aurōk Eo An Kien Erreo

Kien erreo eaurōk kōnke ej jirōn kien jān Jemed Ilañ. Ebōreinwot aurōk bwe jejeko rekwojarjar rej jiroñ koj ke erreo in enbwin elap an aurōk jan elōñ men ko (Moroni 9:9), im bwe Irioj elap an mōnōnō ippān kōrā ro rōrreo. (Jacob 2:28.)

Elañe jenaaj bokake kien erreo jeban jook ak biromōj. Enaaj wōr ad jelā nae kōj make, jenaaj ellā jān elōñ nañinmej ko, jenaaj telloke bōk jibañ jān Jetōb Kwojarjar ien otemjej, enaaj tellokid ñan deloñ ilo temple im marre ñan indreo, paamle ko ad renaaj lemōnōnō, enaaj tellokid bwe paamle ko ad ren pad ippad ñan indreo, im jenaaj telloke bōk mour eo ippan ro Jined im Jemed Ilañ im erom einwōt er.

Bōtab elañe jeban bokake kien erre, jenaaj biromōj. Eban wor ad jelā nae kōj make. Lōmaro ippad reban kōjatdikdik ak tōmak e kōj. Paamle ko ad reban mōnōnō. Eban tellokid nān bōk jibañ jen Jetōb Kwojarjar, jenaaj bōktok eloñ ajiri nān lal in ak ejelok jinier im jemeir nān lale er. Jeban ekkar nān rollok ippañ Jined im Jemed Ilan im erom einwōt er.

Kien Erreo ej ba bwe jen jab elolo makta jan ad marre. Elkin marre jej aikuij lo wōt eo jaad marre ippān. Elolo mokta jan marre im elkin marre ippa juōn eo jaad jab marreiki ej juōn jerawiwī elap. Bōd in enaaj ejeeor wōt kōn ukwelok eo emool im jejjet. (Lale Katak 2, "Ukwelok", ilo buk in.) Elañe emōj ad kar rube kien erre, jej aikuij jiroñ bishop eo, president eo an juōn ra (branch), ak mission president eo kake. Enaaj jibañ kōj ukwelok. Irooj enaaj jeorlok bōd eo ad elañe jaj likuun mool ilo ad ukwelok. Eaar ba bwe eo ej mool ilo an ukwelok, E enaaj jeorlok bōd eo an, im E eban kemejmej i (K&K 58:42).

Jej Aikuij Katakain Ajiri ro Nejid Kōn Kien Erreo

Jej akiuij katakin ro nejid kien erre.

(Jei ion board eo lōmnak kein i'lal nān katakin ro nejid kein erre ak jei ion juōn pepa elap im kwalok nan kilaj eo:)

- 1) Jibañ ajiri ro melele tokjan im ekwojarjar in enbwinier.
- 2) Kwalok yokwe nān ro nejum.
- 3) Kwalok waween eo ejimwe nān jerā. Kwalok nān er manit ko reman im ko renana ijo kwomij jokwe ie bwe ren jelā ta eo kwo konan bwe ren kōmane.
- 4) Katakain er bwe ren kōnaki nuknuk ko renaaj kalibubuiki enbwinier ilo waween eo eman, ekkar nān katak ko an Kabuñ in.
- 5) Kwalok juōn wanjoñok eman nān er.

JIBAN ER MELELE KōN TOKJAN IM EKWOJARJAR IN ENBWINIER

Ajiri ro rekōnan jelā kōn enbwinier. Jej aikuij katakin er kōn enbwinier, elaptata ijoko rej aikuij in kokwojarjari. Jej aikuij kōmane menin kōn naan ko repidodo meleleier. Ilo ad kemeleleik er, jej aikuij ba etan kajojo mōttan enbwinier, im kwalok nān er etke Jemed Ilañ ear likit mōttan kein ilo enbwinid. Jej aikuij in bar jiroñ er ke enbwinid ekwojarjar im jej jab aikuij kōtlok an jabdewōt jibwe ak loe, ijelokin wōt ñe taktō ro rej etale nañinmej ko ad im elkin ad marre.

Kajitōk ippān kōrā ro ñaat ko rekkar nān katakin ajiri ro kōn enbwin.

Ebar ejelok ial eman nān katakin ajiri ro nejid kōn ekwojarjar eo an enbwinid jān waween ad, ro jinen im jemen, mour. Elañe jenaaj jejjet ilo ad kautiej enbwinid einwōt juōn temple ekwojarjar, inem ajiri ro nejid renaaj kōman bōreinwot. Elañe jeban kejjarok enbwinid einwōt juōn temple ekwojarjar inem ajiri ro nejid reban kōkwojarjar enbwinier. Ta eo jej ba, kōman, im lōmnake kōn enbwinid, ej men eo ro nejid renaaj ba, kōmane, im lōmnake kōn enbwinier. Elañe jej kōnono nana kōn enbwinid, im aluji pija im buk ko rej kwalok pija ko retoon kōn juōn enbwin, ro nejid renaaj bar kōmane men in. Kōn menin, kōj ro jinen im jemen jej aikuij likuun lale bwe en eman wanjoñok eo jej kwaloke nān ajiri ro nejid.

Ekōjkan an men ko jej kōmani, men ko jej ba ba, im lōmnak kōn enbwin katakin ajiri ro nejid elaplok jān men ko jej jiroñ er?

Jej aikuij katakin ladrik ro nejid men ko juōn ladik ej aikuij kōmani, im ledrik eo nejid ta ko juōn ledik ej aikuij kōmani. Elañe jenaaj kōmane men in, ladrik ro nejid renaaj emōnōnō in belik at in eman, im ledrik ro nejid renaaj mōnōnō in belik at in kōrā ilo aer ruttolok.

Ledrik ro nejid reban kajeon in erom eman, im ladrik ro nejid reban konan kajeon e juon korā. Juon ledrik eo jinen elemōnōnō in kōmani jermal ko an juon korā, enaaj emōnōnō in kōmani jermal ko an korā ilo an ruttolok. Ejja einwōt men in, juon ladrik eo jemen emōnōnō in kōmani jermal ko an juon emaan, enaaj emōnōnō in belik at in emaan.

Jej aikuij in bar kemeleleik ajiri ro nejid wāween an juon niñniñ ejaak im ewi wāween an lotak. Jej aikuij katakin ak kemeleleik er kōn men kein kōn nan ko repidodo aer melele kaki. Emanlok ad katakin ro nejid kōn men kein jān aer naj roñ jān ro jet me rejab lōmnak ke enbwinin juon armej ekwojarjar, im eo emarōn katakin er jet men ko rebōd. Elaņe men eo ajiri ro nejid rej ekatak jān ro jet rej kojak ko wōt, inem ajiri ro nejid renaaj lōmnak enbwinid ettoon im jab ekwojarjar.

Eddo in ej ad nan katakin ajiri ro nejid im jab kōjatdikdik bwe ro jet renaaj katakin er kōn men kein. Jej aikuij in katakin ajiri ro nejid ke Jemed Ilaņ ear jiroñ kōj bwe jen jab neje mae ien eo ededelok ad marre. Ear bar jiroñ kōj bwe jej jab aikuij kotlok an ro jet jibwe ijoko ilo enbwinid me rej ejaake juon enbwin mae elkin an dedelok marre.

JEJ AIKUIJ YOKWE AJIRI RO NEJID

Jej aikuij yokwe ro nejid im kwalok nan er juon eņjake ke remarōn in itok ippād jadbewōt ien kōn kajitōk ko aer kōn enbwinier. Elap an lap tokjen bwe ajiri ro nejid en wōr eņjake rot in ke remarōn in itok ippād kōn kajitōk ko aer. Elaņe ejelok aer eņjake ke jej yokwe er, im ejelok ad konan uake kajitōk ko aer renaaj etal ippān ro jet me remarōn katakin ir jet melele ko rebōd.

Juon ladrik im juon ledrik rejab aikuij in etal nan tanij ko, mubi ko, im ijoko jet mae ien eo rerutto nan melele ekōjkan aer aikuij in kōman nan doon ak lale doon im mae ien eo erro likuun in ben ilo gospel eo nan marōn jumai kabo ko. Dri kanaan eo, Spencer W. Kimball, eo ar mej ilo 1985 eo, ear jiroñ kōj bwe juon ledrik im juon ladrik rejab aikuij in make lok iair mae ien eo 16 aer iiō. Elaplok an eman elaņe manit ko ilo juon lal ej ba ren kōttar mae iiō ko elap lok aer rutto, ak ālkin an ladrik eo kadedelok mijen eo an. Mae ien eo ekkar bwe ruo jodikdik ren lōmnake men in marre, emanlok ne rej kobalok ippān jodikdik ro jet ilo makitkit ko aer, ak ippān jinier im jemeir ak Ri tel ro an Kabuņ.

Jemed Ilaņ ear lelok nan ladrik im ledrik ro eņjake in nan konan doon bwe ren marōn neje ālkin aer marre. Bōtab mae ien en, rej aikuij in anjo ion konan ko aer nan doon.

Elaņe juon ladrik ekōnan jibwe ijoko rekwojarjar tata ilo enbwinin juon ledrik, ledrik eo ej aikuij ba JAB! Men in ejab aikuij walok mae ālkin marre. Elaņe ladrik eo eakwelab, ej aikuij in etal jān e. President Kimball ear jiroñ jiroñ ro nejid bwe ren jab kotlok ladrik ro jeraer nan kōmani men ko rejab jimwe.

JEJ AIKUIJ KATAKIN AJIRI RO NEJID NAN KŌNAKI NUKNUK KO REJ KWALOK KE REJ KAUTIEJ ENBWINIER

Jemed Ilaņ ear kakien e kōj nan naballin enbwinid. Jej aikuij katakin ajiri ro nejid men in. Jemed Ilaņ ear kōman in Adam im Eve nuknuk ke erro ar jelā ke erro ar kelwan (Moses 4:13, 27). Jān ien in, E ear kakien im jiroñ kōj bwe jen naballin enbwinid. Jej aikuij in kalibubuik enbwinid ilo wāween eo ej kwalok ke jej kautiej enbwinid. Jej jab aikuij in loor tel ko an lal in. Jej aikuij in loore ial eo Irooj ear kwalok nan kōj. Jemaroñ etale jejjet in ad nuknuk ilo ad kajitikini kōj make kajitōk in: "Ekōjkan aō naaj kar nuknuk elaņe Irooj enaaj kar itok nan mwin imō rainiin? Wāween eo ij nuknuk ekkar ke nan wāween eo juon korā uan Kabuņ in An ej aikuij kōbojak? Wāween eo ij nuknuk ej kwalok ke kōn ekwojarjar eo an enbwinu einwōt ke ej juon temple nan jetōb eo aō?"

Ej aikuij jejjet ad nuknuk imoko imōd bōreinwōt. Jej jab aikuij in jolok jān ballid iman mejen ro jet ilo paamle eo. Ledrik ro nejid rejab aikuij in jolok jān ballier iman mejan ladrik ro ak jemeir. Ladrik ro nejid rejab aikuij jolok jān ballier iman mejen ledrik ro nejid ak iman mejen jinier. Ajiri ro redrik rej aikuij in nuknuk aolep ien ilo mweo.

Jej aikuij kejjabarok bwe jen jab lelok lōmnak ko renana nān ro jet ilo wāween ad nuknuk. Jabdewōt men jenaaj kōman ak kōnak nān lelōki lōmnak ko rettoon nān ro jet ejab jimwe. Jej aikuij, elaptata, jiroñ ledrik ro nejid bwe ren kōnaki nuknuk ko reban lilok lōmnak ko rettoon nān likao jidik ro. Nuknuk ilo wāween eo ej kwalok ke jejelā kautiej enbwiniid enaaj jibañ koj debij erre eo an enbwiniid, im enaaj kabuñburuōn Jemed Ilañ.

Ta wāween kōbojak ko elap kejjerbali rainiin jej aikuij jab lori?

KWALOK JUŌN WANJOŌK EJIMWE

Kōj ro jinen im jemen jej aikuij in kwalok juōn wāween nuknuk eo ejimwe nān ro nejid eo im ej kwalok ke jej kautiej e enbwiniid. Elōñ wāween ko reman im jimwe nān ad katakin ajiri ro nejid wāween nuknuk. Bōtab elañe jej jab erre ilo lōmnak ko ad im jab jejjet ilo wāween ad nuknuk ekkar nān katak ko an Kabuñ, inem ajiri ro nejid renaaj lore juōn joñok eo ejab jimwe. Ejelok bar juōn men ej jibañ ilo ejake im kajibwebweiki mour eo an juōn ajiri jān wanjoñok eo jinin im jemen rej kwalok nān e. Jej aikuij, kōn men in, lale bwe en jimwe wanjoñok eo jej kwaloke.

Ta eo ro jinen im jemen remarōñ kōmane nān katakin ajiri ro nejier kōn kien erre im waween nuknuk eo im enaaj kwalok ke rej kautieje enbwiniid?

Bar etali lōmnak ko ion board eo ak ilo poster eo.

Ta bar jet waween ko jemarōñ in katakin ajiri ro nejid bwe ren jab rube kien erre?

Jerbal Eo Am Elkin Kilaj

Etali nuknuk ko kwoj kōnaki im lali elañe rōkkar nān nuknuk ko Kabuñ ej katakin kōj nān kōnaki. Konono ippan leo belem waween ko komro marōñ katakin ajiri ro nejimiro koñ kien erre im waween kōnaki nuknuk rejjetjet.

Jeje ko Rekwojarjar Jet

1 Korint 10:13 (Anij ej kōman juōn ial nān ko jān kabo.)
Jacob 2:22-35; 3:1-3 (Erreo ilo enbwiniid ej menin mōnōnō nān Irooj.)
Alma 39:1-9 (Katakin Corianton kōn an makitkit ilo jerawiwi.)

Men Jej Aikuij Kōmani Mokta Jān Ad Kwalok Katak In:

1. *Ekatak jan Bedbed In Gospel eo, jebta 25, "Kien Erreo."*
 2. *Bōktok buk in Bedbed in Gospel eo nān kilaj.*
 3. *Kajitok ippan juōn ian kōra ro ilo kilaj bwe en bōktok niñniñ eo nejin nān kilaj.*
 4. *Lelok konaan juōn kōra nān kobojak in konono jān jebta 39 ilo Bedbed in Gospel eo, paragraph eo kein karuo.*
 5. *Koboj juōn chalkboard im chalk.*
 6. *Je ion chalkboard eo lōmnak ko lalem nān waween katakin ajiri ro nān mour ekkar nān kien erre, ak koboje men kein ion juōn poster.*
-

BELELE INDREO

Unin katak in ej n̄on jibañ kij karōk im kapojak ad mour n̄on belele indreo.

Ta Unin Jej Aikuij Belele Indreo?

Jen aikuij belele indreo bwe jen maroñ jeblaklok n̄on mour iben Jemed kab Jined Ilōñ im erom einwōt ir. Jeje ko rekwojarjar rej kwaloktok kij bwe elikin ad jerkakbiji im bōk ekajet, jenaj bōk jikid ilo ailiñ eo telestial, ailiñ eo terrestrial, ak ailiñ eo celestial. Jenaj mour indreo ilo ailiñ eo me emwij letok n̄on kij, im jeban wōnmanlok wōt jen juōn ailiñ n̄on bar juōn ailiñ. Ro rar belele indreo im rar kejbarok aolepen kien ko an Iroi j im bujen ko rar kōmmōni ilo tempel, renaj mour ilo jikin eo eutiejtata ian ailiñ eo celestial. Jikin eo eutiejtata ian ailiñ eo celestial ej jikin eo ijo Jemed kab Jined Ilōñ rej jokwe ie (K & K 131:1-4).

Jen aikuij belele indreo elañe jekōnan bed iben ajiri ro nejid ilo mour eo ej itok, im elañe jekōnan keutak ajiri ro ilo jitōb ilo mour eo ej itok. Dri kanan eo Josep Smith ear ba bwe elañe juōn eman im juōn kōra eo rej jab belele indreo, reban keutak ajiri ro ilo mour eo ej itok (K & K 132:15-17). Dri kanan eo Spencer W. Kimball ear ba bwe ro rekwojarjar wōt ian Kabuñ Eo An Jisōs Kraist Im Armij Ro Rekwojarjar Ilo Ran Ko Eликтata me rar belele ilo tempel eo im rar kejbarok bujen ko me rar kōmmōni ilo tempel eo renaj mour iben Jemed kab Jined Ilōñ im erom einwōt ir.

Ta unin jen aikuij kōnan belele n̄on indreo? Ta ko jen aikuij kōmmōni elikin jar beleik n̄on indreo?

Jeramōn Ko Jemaroñ Bōki Kin Ad Belele N̄on Indreo

Dri kanan eo Lorenzo Snow ear ba bwe ñe jej beleik n̄on indreo, ej kalimurtok n̄on kij bwe jenaj wōr kajur n̄on peek ion ajiri ro nejid indreo, im n̄on lelok n̄on ir aibuuij im mour indreo. President Snow ear ba bwe elañe jej jab wōr ajiri ro nejid ilo mour in, jenaj wōr ajiri ro ilo mour eo ej itok, elañe jenaj bokake aolepen kien ko ion lōl in. Ear ba bwe jenaj wōr enbwiniid celestial, jeban bar nañinmij, enaj kautiej im kaibuuij kij, im jenaj peek ion ajiri ro nejid im lelok n̄on ir mour indreo im aibuuij indreo. Ewōr ke men ko elaplok jen men kein me jemaroñ kōnan bōki?


Ekijkan am eñjake elañe kwonaj bōk jeramōn kein?

Kwaloki pija eo 10-a.

Jeramōn kein relap! Elañe jenaj belele n̄on indreo im bokake aolepen kien ko, jenaj wōr pamle ko ad indreo. Jenaj bareinwōt maroñ keutak ajiri ro jitōb ilo mour eo ej itok.

B. G. Wennerlund, jen Sweden, ear ba men in elikin e im lio belen rar beleik n̄on indreo ilo tempel:

"Iban mōlōklōk joñon aō mōnōnō im aō kate wōt iō n̄on mour ekkar n̄on gospel eo ear kobrak buruō elikin kimro ar beleik ilo tempel eo. Iar bōk jelalokjen kaki men ko iar jañin jela kar mokta. Ke ear liabe iben dron n̄on indreo lio beliō im ajiri ro nejim ear ien eo emōnōnōntata ilo aō mour.



"Ke ear liabe lio beliō im nā iben dron nōn indreo, iar reilok nōn e tulikin lokatok eo jen iō, im iar loi dren in kōmjalal wōnlōltak jen mejan. Iar yokwe e mokta, ak ekar jab einwōt joñon aō lap yokwe e jen ien en nōn kiō. Iar jamin melele mae ien en bwe e, eo jinen ajiri ro nejiō, ej juōn nejin ladrik Anij! Elikin ear liabe kimro nōn indreo, ear kalaplok joñon tokjen jar ko ad, ear kalaplok ad yokwe Iroj, im jar yokwe nōn jerbal nōn E.

"Jey niknik wōt nōn etal nōn tempel eo, kinke jey yokwe jitōb eo ej bed ie im jerbal eo ej kōmmōni ie. Ien kajojo me jey etal nōn tempel, ej kakememij kij kaki bujen ko jar kōmmōni. Bujen kein rej unin laptata kin ad niknik in aikuij mour ekkar nōn gospel eo."

Kajitōk iben kōra ro me emwij air beleik nōn indreo nōn kwalok eñjake ko air kake air beleik nōn indreo.

Jey Aikuij Kapoji Ad Mour Nōn Belele Indreo

Jen aikuij kapoji ad mour nōn belele ilo tempel. Jemaroñ kōmmōne men in ilo ad bokake kien in erre, Nan in Meletlet, im aolepen bar jet kien ko ian Jemed Ilōñ, im etal nōn kwelok ko ad ian Kabuñ eo.

Kameleleiki kajitōk ko me bijōp eo enaj kajitōk nē jenaj etal nōn iben nōn kajitōk iben kin juōn pepa in kamelim kij nōn etal nōn tempel eo. Kwaloki pija eo me emwij an jei kajitōk ko me bijōp eo enaj kajitōk, ak jei kajitōk kein ion board. Emwij jei kajitōk kein ilo japter 38 an buk eo Katak Kin Gospel.

Elañe ej jab tellokid nōn etal nōn tempel, ta eo jemaroñ kōmmōne nōn bōk tellokid?

Jen aikuij kememej ien otmejej men in tōbraklok, nōn belele nōn indreo. Juōn wāwen eo emaroñ kakememij kij im ajiri ro nejid nōn belele indreo ej nōn katotoiki juōn pija eo, i'mweo imōd, eo ej kwaloke tempel eo ebakelok kij.

Jemaroñ kapoji ro nejid nōn air belele indreo kin ad katakin ir kaki belele indreo, im tokjen air keleti eman eo ejimwe ak kōra eo ejimwe kin beleir. Jen aikuij katakin limaro nejid nōn kelet, kin leo beleir, juōn eman eo enaj tellok ir ilo kwojarjar, kin kajur eo an priesthood. Juōn eman eo ej kautiej an priesthood ej juōn eo emaroñ lelok kajur ilo ien in abañ ko. Jen bareinwōt aikuij katakin lōmaro nejid nōn kelet, kin lio beleir, juōn kōra eo enaj jibañ ir kautiej air priesthood, jepake ir ilo jerbal ko rej kōmmōni ilo Kabuñ eo, im katak kin ro nejeir gospel eo.

Jen aikuij katakin ro nejid bwe elañe rekōnan bwe beleir en kwojarjar, ren aikuij kwojarjar ir make.

Juōn kōra eo jen South America ear ba bwe juōn ien ear yokwe juōn eman eo ear jab juōn ian Kabuñ eo im ear kōnan beleik e. Ear kajioñ in jiroñlok e kake gospel eo, im ar kōjetrikrik bwe enaj kar bōke gospel eo im baptais, innem enaj maroñ wōr priesthood iben im naj kar tellokin nōn beleik nōn indreo ilo tempel. Ak eman eo ear jab kōnan roñjake jabrewōt men eo kake Kabuñ eo ak gospel eo. Kōra eo ear nañin bojak in beleik e ke jet ian ro jeran ro rar uan ro ilo Kabuñ eo rar jiroñlok e kaki tokjen in belele indreo, im tokjen in beleik juōn eman ian Kabuñ eo, juōn eman eo enaj jepake e ilo ien in abañ ko im eo enaj jibañ e nōn bōk mour indreo. Elikin an roñjaki men kein jen ro jeran, kōra in ear kelete nōn jab beleik eman en. Rainin ej likuun emmol kin an jab beleike eman en, kinke jen ien en, ear loi juōn eman eo etellokin nōn beleik e ilo tempel, nōn indreo.

Ta ko jen aikuij katakin ajiri ro nejid nōn bukōti nē rej keleti juōn nōn beleik?

Nāāt eo ejimwe nōn kapoji ad make nōn beleik nōn indreo?

Ta unin jen aikuij kapoji kiō nōn belele indreo?

Ro iaduij me jar beleike iumin kien in ailiñ eo ad jen aikuij kapoji nōn etal nōn tempel im liabe nōn indreo. Elañe ewōr ro nejid, jen aikuij kapojak nōn eñinlok ir, bareinwōt, im liabe ir nōn kij nōn indreo. Jen aikuij kōmmōne men in kiōlok wōt ñe jemaroñ, bwe elap tokjen nōn kij im ro nejid. Jen aikuij kōmmōni lok joñon ad maroñ nōn beleik ilo tempel nōn indreo. Dri kanan eo Spencer W. Kimball ear ba bwe meñe ej jab wōr juōn tempel ijo jej jokwe ie ilo ien in, jen aikuij kapojak nōn etal nōn tempel eo ebaketata im belele indreo bwe innem ro nejid maroñ mour ibed indreo. Emaroñ bwe jet armij ro rej jab maroñ etal nōn tempel im belele nōn indreo moktalok jen air mij. Armij rein remaroñ beleik nōn indreo kin ro jet me renaj pinejenkwon ir.

Lelok ien nōn eo ian kilas eo me emwij lelok kunan nōn kwalok eliji eo jen japter 40 ilo Katak Kin Gospel.

Jen Aikuij Katok Ad Men Otemjej, Elañe Etokjen, Nōn Belele Nōn Indreo

Jen aikuij katok ad men otemjej, elañe etokjen, bwe jen maroñ belele nōn indreo. Elañe jej likuun kōnan beleik nōn indreo, enaj ankilad nōn katoki ad men otemjej nōn kōmmōne eindrein. Leo, etan Baha'í Toña, im lio belen, jen enen Toña, rar kōmmōne men in.

Ke rar roñjake bwe enaj kalek juōn tempel ilo New Zealand, rar karōk nōn etal nōn ien in kokwojarjare im bareinwōt liabe ilo tempel eo nōn indreo. Air etal nōn tempel eo ej jab pidodo. Ear jab wōr lap air jāān, kin men in rar kejbaroke air jāān iumin ien etto im eliktata ekar bwe kin air uwe ion tima nōn New Zealand.

Ke ear itok air ran in motlok nōn New Zealand, mission president eo ear itok nōn irro im ear kajitōk ibeirro nōn lelok air jāān nōn Kabuñ eo kin an kalek imōn jar eo ekāāl. Joñon eo mission president eo ear kajitōk jen irro ekar joñon eo ejejet me rar kejbaroke kin air etal nōn tempel eo ilo New Zealand. Leo ear ba:

"Ekar likuun bin kin lio ibba im ña nōn leloke jāān eo me jar likuun jermal nōn kejbaroke bwe jen kar maroñ etal nōn tempel im liabe nōn indreo. Ak iar kwaloklok nōn lio beliō bwe elañe Iroiñ eo ej aikuij jāān, jen aikuij lelok nōn E. Enaj kōjeramōn kij. Iar bareinwōt kwaloklok nōn lio beliō bwe Iroiñ eo ear kalimurtok nōn kij kin dri tel ro an bwe elañe jenaj bokake kien ko an, Enaj kapoji juōn ial bwe jen maroñ etal nōn tempel eo ilo New Zealand. Iar ba nōn e bwe ewōr ad kau, piik, hors, im men ko ilo mweo imōd. Emaroñ bwe jen maroñ wiaiki ir bwe jen maroñ etal nōn tempel. Kin men in jar lelok nōn mission president eo aolepen jāān eo me jar kejbaroke kin ad uwe nōn tempel eo.

"Ran en ekar Wednesday. Tima eo ej etal nōn New Zealand enaj kar etal ilo Mandre eo ej itok. Ear jab lap ad ien. Kin men in ilo ran in Thursday im Friday, lio beliō im ña, kimro ar etal im kajioñ in wiaiki kidru ko ad. Ak ejelok juōn armij eo ear wiaik. Innem, ilo ran in Saturday, jar wiaiki aolepeir iumin jimettan auō wōt. Jar bōk, jen ad wiaiki kidru ko ad, enañin \$600. Jāān eo ekar bwe kin ad uwe ion tima nōn tempel eo ilo New Zealand nōn liabe kim ilo tempel nōn indreo.

"Kimro ar lio im leo moktata nōn liabe ilo tempel in New Zealand eo nōn indreo.

"Ke lio beliō im ña, kimro ar laibe iben dron, iar lōmnak kaki ro nejid. Rar jab bed ibed, kinke ekar jab bwe ad jāān nōn eñintok ir. Ke iar lōmnak kaki ir, buruō ear obrak iben yokwe, joñon eo en kar bwe im iar jab maroñ kabwijrak dren in kōmjalar jen meja. Iar lōmnak nōn ña make, 'Ekijkan am maroñ kwalok am yokwe nōn ajiri ro nejim, im ren emmōn, ñe kwar jab eñintok ir ibam? Ilo ien en eidiñ wōt, iar eñjake einwōt aō karmijete ir. Men in ear kalaplok aō yokwe nōn ir.

"Kin men in ke lio beliō im ña ar rollok nōn mweo imōm, kim ar kobaiki aolepen ro nejid im kim ar kalimur nōn ir bwe elañe renaj likuun jermal nōn jibañ jineir im ña, jenaj jermal iben

dron n̄on kejbarok jāān eo joñon enaj bwe n̄on ad bar etal n̄on tempel ilo New Zealand iber, im enaj liabe ir n̄on kimro. Rar likuun m̄on̄on̄, im rar jino in likuun jerbāl bin n̄on kejbaroke jāān.

"Iumin ruo yiō ko jar likuun jerbāl n̄on kejbaroke jāān eo ebwe kin ad eñinlok pamle eo n̄on tempel. Jar katoki enañin men otemjelok iad. Iar katakin ajiri ro ilo jikul ilo ien en. Ke iar bōk aō jāān jen jikul eo aolepen allin ko, iar bōk juōn mōttan joñoul im katok in jitlok jen e moktata. Innem iar lelok jāān n̄on ro nejid kaju kin aikuij ko air. Ke ejemlok ad kōmmōne men in, emwij ad wōr 70 jāān ko wōt. Iumin ruo yiō ko ekar wōr 70 jāān ko wōt aolepen allin ko. Ak jar kejbaroke pamle eo ad jen men ko jar kalibwini. Ajiri ro nejid rar jab wiaiki loli ak juj ko ak etal n̄on mubi. Rar kejbaroki jāān ko me iar lelok n̄on ir bwe ren maroñ etal n̄on tempel eo.

"Bareinwōt, n̄on jibañ ad kejbarok jāān, iar iuwe ion bicycle eo aō n̄on kwelok ko an Kabuñ eo ilo bukōn eo. Enañin aolepen ad kwelok ko rar kweloklok ilo juōn imōn jar eo jiljilimjuōn mail ko ettolok jen mweo imōd. Rar jino ilo jiljino aō i'jiboñ, kin men in iar aikuij etal jen mweo imō ilo ien eo elikuun moktalok jen aō in kwelok.

"Ke ear itok ran in kōllā wōnen uwe, iar kajitōk iben ajiri ro nejid ewi joñon eo rar kejbaroke. Ruo ian ladrik ro ridtotata rar kejbaroke enañin \$235.00. Likao eo eriktata, eo ear lalim wōt yiō ilo ien en, ear ba bwe ear kejbaroke \$65.00. Lio beliō im n̄a ar kejbaroke \$1,300.00. Men in ear bwe n̄on ad eñinlok ro nejid ibedlok n̄on tempel eo ilo New Zealand bwe en liabe kij n̄on dron n̄on indreo.

"Jar aikuij katoke enañin men otemjelok iad n̄on tōbraklok ankilad."

Kin ad beleik n̄on indreo im bokake kien ko an Jemed Ilōñ, jenaj maroñ mour iben dron iben pamle ko ad n̄on indreo, im keutak ajiri ro ilo jitōb ilo mour eo enaj itok. Elañe jar jañin beleik n̄on indreo, jen aikuij karōke kiō n̄on kōmmōne eindrein.

Kunam

Kononoiki kaki joñon tokjen eo an beleik n̄on indreo iben pamle ne am. Likiti juōn men in tōbare n̄on beleik ilo tempel elañe kwar jañin kōmmōne men in. Likit juōn pija in tempel eo ilo mweo imōm n̄on kakememij kom.

Men in Kōmmōni Moktalok Jen Am Kwaloki Katak In:

1. *Katak jen Katak Kin Gospel, japter 38, "Belele Indreo," kab chapter 40, "Tempel Ko Im Lajrak In Bwij."*
 2. *Lelok kuan n̄on juōn ian kilas eo n̄on kwaloki jet nan ko jen mōttan ian japter 40, etan: "Kien Ko Im Rej Kōmōn Ilo Tempel Ko" im "Etke Kōmōn Kien Kein N̄on Ro Remij?"*
 3. *Kaboji juōn pija eo ej kwaloki kajitōk ko me bijōp eo ej kajitōk ilo ien in konono kaki an lelok melim in etal n̄on tempel, ko ar kwaloki ilo katak in.*
 4. *Kononoik jen K & K 132:14-20.*
-

10-a Ruo armij ro rej beleik n̄on indreo ilo tempel.

Priesthood Eo

Unin katak in ej bwe en jibañ kij nōn melele ta eo priesthood im ekijkan emaroñ jibañ kij nōn jeblaklok nōn Jemed Ilōn.

Ta Eo Priesthood?

Priesthood eo ej kajur eo Jemed Ilōn ear lelok nōn eman ro bwe ren pinejenkwōn E ion lōl in bwe ren maroñ kōmmōni men ko Ekōnan, im nōn jibañ ro nejin nōn jeblaklok nōn E im bōk men otemjej ian men ko An.

Ewōr ruo mōttan ko an priesthood. Mōttan kein ruo rej Aaronic Priesthood im Melkizedek Priesthood. Mōttan kein kajojo wōr jikin ko ilo ir. Jikin ko ian Aaronic Priesthood rej dikōn, dri kaki, pris, im bijōp. Jikin ko ian Melkizedek Priesthood rej elder, eo ian jiljilimjuōnñoul, pris eutie, petriark, im dri jilik.

Jon, dri Baptais, ear lelok Aaronic Priesthood eo nōn dri kanan eo Josep Smith im Alibōr Coudri ilo ran in 15 May, 1829. Ear lelok Melkizedek Priesthood ilo ien eo tokelik, nōn dri kanan eo Josep Smith im Alibōr Coudri jen Piter, Jemes, im Jon, jilu ian dri jilik ro Jisōs ear keleti ke ear bed ion lōl in.

Ej lelok priesthood eo nōn eman ro etellokiir wōt ian Kabuñ eo. Eman im likao kaju iben priesthood eo en aikuuj maroñ lori ia eo ear itok priesthood eo jen Jisōs Kraist. Men in ej melelein bwe armij eo iben priesthood eo en aikuuj jela wōn eo ear lelok priesthood eo nōn e im wōn eo ear lelok priesthood nōn armij en, im wōn eo ear lelok priesthood eo nōn eo lok juōn, im liklok wōt, nōn Josep Smith, eo ear bōk priesthood jen Piter, Jemes, im Jon, ro rar bōk priesthood jen Jisōs Kraist. Jisōs Kraist ear bōk priesthood eo jen Jemed Ilōn.

Kwaloki pija eo 11-a. Lelok ien nōn kōra eo ewōr kunan nōn kwaloki pepa eo an leo belen me ej kwaloki ekijkan priesthood eo iben ej itok jen armij ro liklok nōn Jisōs Kraist, etan pepa in lajrōk in melim an priesthood.

Juōn Eman Emaroñ Wōr Priesthood Eo Elañe Ej Mour Wōt Ilo Wāwen Eo Ekwojarjar

Juōn eman eo eban bōk priesthood eo elañe ej jab tellokin. Eban wōr maroñ eo an bareinwōt, eo ej itok jen priesthood eo, ijellokin wōt e ekwojarjar (K & K 121:36). President N. Eldon Tanner ear jiroñ bwebwenato i'lōllok, eo ej kwaloki joñon aurok in bed erreō nōn bōk priesthood. President Tanner ear ba:

"Ke iar juōn bijōp, ekar wōr jiljino ladrik ro ilo aō rā me ar bwe air dritto nōn likit ir elder ro ilo Melkizedek Priesthood. Iar kamelim lalim iair wōt. Eo juōn ear jab tellokin nōn likite e bwe en juōn elder. Iar kononoiki iben likao in elōn alen kaki an likit e juōn elder, ak ear ba bwe ej jab tellokin. Ear likuun buromōj kake men in, ak ear jela bwe ear jab tellokin. Kin men in iar jab kamelim e.

"Innem juōn ran dri korean ear itok nōn iba im ba, 'Kwoj kabwijrak likao en, ke rej likiti ro jeran einwōt elder ro? Enaj jab bar roltok nōn Kabuñ in elañe kwoj jab kamelim e bwe en likit e.'

"Innem iar ba nōn eman in, 'Priesthood eo ej men eo lap tokjen me likao in emaroñ bōke. Likao eo ej melele. Ej jab tellokin ilo ien in bwe en likit e juōn elder.

"Jet yiō ko tokelik, ke iar kweloklok ilo kwelok ekileb ian Kabuñ eo, juōn eman ear itok nōn iō im ba, 'President Tanner, ij jab tōmak bwe kwoj kememej iō. Nā, likao eo kwar jab kamelim nōn bōk jikin in elder.' Ke ear kōmakitkit peiō, ear ba, 'Ikōnan kommolol yuk kin am jab kamelim iō nōn bōk jikin in elder ke ear jab tellokiō, emaroñ bwe in jamin maroñ jela tokjen priesthood eo, im ij jela bwe en maroñ jamin likit iō nōn jikin in bijōp, einwōt aō kar bed rainin.'"

Etke ewōr tokjen bwe ear jab likit likao en nōn bōk jikin in elder ke ear jab tellokin?

Ej jab tokjen wōt bwe juōn eman ej erreō nōn bōk priesthood, ak ebareinwōt tokjen bwe ej mour ilo wāwen eo ekwojarjar elikin an bōk e. Dri kanan eo Josep Smith ear ba bwe juōn eman emaroñ wōr maroñ eo ej itok kin priesthood kin an mour ilo wāwen eo ekwojarjar wōt. Juōn eman emaroñ wōr kajur eo an priesthood, ak elañe ej jab kejbarok kien ko im mour ilo wāwen eo ekwojarjar, eban wōr maroñ eo ej itok kin priesthood. Jemed Ilōñ ear ba bwe maroñ in priesthood emaroñ itok nōn juōn eman eo ekwojarjar wōt, im eo ej tellok ro jet im pamle eo an iben meanwōr im yokwe (Lale K & K 121:41-42).

Kōra eo etan Yu, Kum Ok ear jiroñlok juōn bwebwenato kin wāwen eo wanjoñak ian leo belen, eo ear kautiej an priesthood, ear jibañ e nōn kōnan kobaiki iben Kabuñ eo im erom juōn lio belen im jinen emmōnlok. Ear ba:

"Ij likuun mōnōnō kin leo beliō im wanjoñak eo ej kwaloki kin an kautiej an priesthood. Ej juōn leo belen elikuun emmōn. Kin e, iar kobaiki iben Kabuñ eo. Elikin ear kobaiki iben Kabuñ eo, ear kōmmōni men otemjej me emaroñ nōn kautiej an priesthood. Ear erom juōn armij elikuun oktak jen eo iar jela moktalok. Ear jab kadrak, jab idrak kobe, ak ti, im ear jab kabatbat. Ear itok mōkajtok ke emwij an jermal. Ear likuun meanwōr im yokwekwe iba im iben ro nejin. Ear ikkure iben ro nejin, kwolkwol kien mōnā, karreoiki mweo imōn, kalur an konono, jab riōp, im ar mōnōnō in jibañ iō. Ear juōn armij eo elikuun oktak. Ekar juōn men in bwilōn nōn iō. Iar likuun kōnan men in, im iar bwilōn kake ta eo ear ukōte e.

"Innem iar kile bwe ekar kononoiki jen Buk In Mormōn ien otemjej, im iar lōmnak bwe buk in ej unin. Kin men in iar kelet bwe inaj katak ilo juōn kilas nōn katak kake Buk In Mormōn. Iumin jet wōt alliñ, iar baptais. Leo beliō ear baptaisi iō. Kiō jitōb eo juōn wōt me ear ukōte leo iba ej jibañ im kōjeramōn iō, bareinwōt.

"Ikōnan mour iben leo beliō im ro nejiō ilo ailiñ in celestial. In kar kōnan bwe in juōn armij emmōn ian Kabuñ eo, juōn jinen emmōn, im juōn lio belen emmōn. Inaj jepake leo beliō ilo jabrewōt men eo ej kōmmōne nōn kautiej an priesthood."


Wanjoñok an leo belen ilo an kautiej an priesthood ear tellok e nōn kōnan kobaiki iben Kabuñ eo im erom juōn lio belen im jinen emmōnlok.

Ekijkan wanjoñak an leo belen ar jelōte kōra eo?

Ekijkan wanjoñak ko me jej kwaloki maroñ jelōte leo beled im ro nejid?

Jen Aikuij Priesthood Eo Bwe Jen Maroñ Mour Indreo Iben Pamle Ko Ad Ilo Ailiñ Eo Celestial

Jemed Ilōñ ear lelōki nan in kaiñi ko me jen aikuij bōki elañe jekōnan mour ilo ailiñ eo celestial. En aikuij kōmmōni nan in kaiñi kein kin kajur eo an priesthood. Jemed Ilōñ eban bōk nan in kaiñi kein elañe ej jab kōmmōni ir kin kajur eo an priesthood ejimwe. Elañe Jemed Ilōñ ej jab bōki ir, jeban mour iben dron indreo einwōt pamle ko ilo jikin eutiejtata ilo ailiñ in celestial ijo Ej jokwe ie im jeban bōki men otemjelok ian men ko an. Jemaroñ katak kin aolepen katak ko an gospel eo im jab wōr priesthood. Ak en aikuij kōmmōni aolepen nan in kaiñi ko an gospel eo kin kajur eo an priesthood ejimwe, ak Jemed Ilōñ eban bōki ir.



Jet iamuij maroñ wōr leo beled ak ro jemed me rej jab kautiej air priesthood ak emaroñ bwe rej jab wōr priesthood. Jen aikuij kwaloki ad meanwōr im yokwe ir, im niknik in jar bwe juōn ran renaj melele joñon tokjen eo an priesthood im enaj tellokir nōn bōke e im kōjerbale e.

Ta unin etokjen priesthood eo nōn kij im pamle ko ad?

Jemed Ilōn ear letok nōn kij priesthood eo nōn jibañ kij in rollok nōn E, mour iben pamle ko ad indreo, im bōki men otemjelok ian men ko an. Elañe jej kejbarok aolepen kien ko an Jemed Ilōn im bōki aolepen nan in kaiñi ko, kin kajur eo an priesthood, me ear letoki, jenaj bōk jeramōn kein.

Kunam

Kononoik jen *Katak Kin Gospel*, japter ko 13 im 14, nōn kalaplok am katak kin priesthood. Kononoiki iben leo belem im ro nejim ne am kaki tokjen priesthood.

Bar Jet Jeje Ko Rekwojarjar

K & K 13 (Josep Smith im Alibōr Coudri rej bōke Aaronic Priesthood)

K & K 131:1-3 (Bujen eo ekāāl im indreo an belele)

K & K 132:18-20 (Belele indreo)

Men In Kōmmōni Mokalok Jen Am Kwalok Katak In:

1. *Kononoik jen Katak Kin Gospel, japter 13 "Priesthood Eo," im japter 14, "Doulul in Priesthood."*
2. *Lelok kunan nōn juōn kōra eo bwe en bōktok im kwaloke juōn pepa eo ej kwaloke wāwen in lori liklok priesthood eo nōn Kraist jen leo belen ak jen eo juōn emwij an bōk priesthood eo.*
3. *Lelok kunan nōn ro ian kilas eo bwe ren kwaloki bwebwenato ko im jeje ko rekwojarjar ilo katak in.*

11-a Piter, Jemes, im Jon rej lelok Melkizedek Priesthood nōn Josep Smith im Alibōr Coudri.

Nan In Kaiñi Ko Me Ej Kōmmōn Kin Kajur Eo An Priesthood

Unin katak in ej nōn jibañ kij melele bwe ro emwij air bōk priesthood eo remaroñ kōmmōni nan in kaiñi ko me renaj jibañ kij.

Nan In Kaiñi Ko Me Ej Kōmmōni Kin Kajur Eo An Priesthood

Jemed Ilōn ear lelok jet nan in kaiñi ko nōn Kabuñ eo An me jen aikuij bōki elañe jekōnan jeblaklok nōn E im mour iben E ilo ailiñ eo celestial.

Ear bareinwōt ba bwe en aikuij kōmmōni nan in kaiñi kein kin kajur eo an priesthood, me emwij an leloke nōn dri tel ro an Kabuñ eo An ion lōl in, ak Eban bōk ir. Nan in kaiñi kein reindrein:

Kwaloki juōn pija eo ej kalajraki nan in kaiñi kein i'lōllok:

1. Kōjeramōn im naetan ajiri ro
2. Baptais
3. Lelok Men in Letok in Jitōb Kwojarjar
4. Lelok Priesthood nōn ro jet
5. Men in lelok in Tempel (Endowment)
6. Belele Indreo
7. Kōjeramōn im leto-letak kwojkwoj

Kwaloki pija ko 12-a im 12-b.

Kononoiki kaki tokjen nan in kaiñi kajojo (Lale Juōn Buk Nōn Jibañ Ro Ian Pamle Eo Nōn Katak men ko Kunair).

Priesthood Eo Emaroñ Bōktok Elōn Bar Jet Jeramōn Ko Nōn Iloan Mour Ko Ad


Bijōp H. Burk Petersōn ear ba bwe priesthood emaroñ bōktok elōn jeramōn ko nōn kij elañe etellokid im elañe juōn eman ej kautiej an priesthood. Ear ba bwe elañe juōn eman eo ej kautiej an priesthood, emaroñ kōjeramōn lio belen im ro nejin jabrewōt ien reaikuij jibañ. Emaroñ kōjeramōn ir nōn kainemōn ir im nōn tellok ir. Emaroñ kōjeramōn ro nejin moktalok air belele nōn indreo, moktalok air etal nōn bōk jerbal in mijenede, im moktalok air ilok jen mweo imwiir nōn jikul. Emaroñ bareinwōt kōjeramōn ir nōn kemour ir ñe rej nañinmij.

Ekijkan am eñjake elañe kwar bōk jeramōn jen leo belem ak jemem?

Kōra eo Kun Li jen Korja ej jiroñlok kake ien eo ke leo belen ear kōjeramōn ledrik eo niñniñiir ke ear nañinmij. Ear ba:

"Ke leo iba ear jerbal ilo jikin in jerbal iben ro ian President eo an District in Korja, ear aikuij etal ijo etolok aolepen Saturday im Sabat nōn kōmmōn kunan emwij lelok nōn e, likite ledrik eo niñniñiim im ña ibemro make. Elōn alen ear likuun mōk ke ear roltok nōn mweo imōm jen jerbal kein.

"Juōn ien leo iba ear aikuij etal 270 mail ko nōn Pusan ion Saturday. Innem ear roltok nōn Seoul ion Sabat. Ke ear emotlok nōn Pusan, niñniñ eo amro ear ejmour wōt. Ear keroro jidik ilo ien in kwelok in kwojkwoj ilo ran in Sabat, ak ear ejmour. Elikin kimro ar roltok nōn mweo imōmro jen kwelok eo, ear idrak limin milik innem kiki.



"Men otemjelok rar emmōn wōt mae 9:30 ilo jota, ke ear ruj kin an jañ. Ke iar jotake e, ear likuun bwil. Iar jaje ta eo in kōmmōne. Hospital eo ebakeloktata mweo imōm ear kilik. Iar kōmmōni men otemjelok me ij jela kajjien nōn jeorloke an bwil im kainemōn e, ak ejelok men ear jibañ, im ear jañ wōt. Iar jab jela wōt ta eo in maroñ kōmmōni nōn jibañ e. Ke leo beliō ear roltok, iar bareinwōt jañ.

"Leo beliō ear kkuul iō kab ledrik eo nejimro im ear kajitōk iba ta eo ear walok. Elikin iar jiroñlok e, ear likit lōllok men ko an im bōklok jen ibwiljiir oil ekwojarjar eo an. Innem ear kōjeramōn niñniñ eo amro. Ij jab kememej aolepen nan ko ear ba, ak ij kememej nan kein: 'Jema Ilōñ, ij kommolol Yuk kin mour im kin lio beliō kab niñniñ in. Ij kommolol Yuk kin gospel eo im ien jermal nōn Yuk. Kwar jilkinlok iō nōn Pusan im nōn Seoul nōn kejbaroki jermal ko kin Kabuñ eo Am. Iar kōmmōni men ko kwar kōnan bwe in kōmmōni. Kiō ij aikuij Am jibañ. Ledrik eo nejiō ej nañinmij. Kwar jibañ iō ien otemjej. Joij im jibañ iō jotinin, im bar kemour aō ledrik.

"Moktalok jen leo iba ar maroñ jemlok an jar, niñniñ eo adro ear kiki. Ke iar reilok nōn leo beliō, ear wōr dren in kōmjatal illo mejan.

"Kiō, ledrik eo amro ejmour im ej mōnōnō, ak iban mōlōklōk ke leo beliō ear jiroñlok Iroj bwe emwij an kōmmōni ta ko ar lelok kunan nōn kōmmōni. Inaj jepake leo beliō ien otemjej ilo aolep men ko ej kōmmōni nōn kautiej an priesthood, bwe emaroñ jiroñlok Iroj ien otemjej bwe emwij an bokake E. Ej juōn jeramōn elap nōn wōr leo belen me ej kautiej an priesthood."

Priesthood eo emaroñ kōjeramōn ro ian pamle ko ad. Juōn jemen eo ej kautiej priesthood eo an emaroñ kōjeramōn ajiri ro nejin im lio belen jabrewōt ien rej aikuij jibañ.

Kajitōk iben kōra ro nōn jiroñtok kaki jeramōn ko rar bōki jen leo beleir ak jen jemeir.

Jen Aikuij Bōk Uak Eo Me Jemed Ilōñ Ej Letok Nōn Kij

Meñe priesthood eo emaroñ kōjeramōn kij, jen aikuij jela bwe ewōr jet ien ñe Jemed Ilōñ enaj jab letok nōn kij kiō wōt jidik men ko jej kajitōk kaki. Ñe men in ej walok, jen aikuij jab buromōj. Jemed Ilōñ ej jela nāāt eo ej emmōn nōn ad bōki men ko jej kajitōk kaki, im Enaj letok ir ñe ien en ej itok. Ak jen aikuij niknik in kwalok tōmak ekajur ilo E kin ad kejbarok aolepen kien ko im kin ad kōmmōni aolepen men ko jemaroñ kōmmōni nōn bōk men ko jej kajitōk iben E kaki. Elañe jej kajitōk iben E wōt ak jab kōmmōni men otemjej me jemaroñ kōmmōni nōn bōk men ko jar kajitōk iben E, Eban letok jeramōn eo.

Juōn kōra eo ear etal nōn iben leo Vaun J. Featherston ke ear juōn ian ro iben Bijōp eo ej tel an Kabuñ eo im ear elotan nōn e bwe elōñ jeramōn ko me ar kalimur nōn e kin priesthood eo ear jañin obrak. Ear ba bwe ej bed wōt ilo an nañinmij im ear jab maroñ keutak ajiri ro. Leo Featherston ear jiroñlok e bwe ien eo ejimwe kin jeramōn kein ear jañin itok. Ear ba nōn e, "Ij kalimur nōn yuk bwe jeramōn kōn me juōn emwij an bōk priesthood im ekwojarjar ar kalimur kaki renaj obrak." Jen aikuij liki Iroj einwōt Job.

Jen aikuij bareinwōt melele bwe ewōr jet ien ñe Jemed Ilōñ enaj jab letok men ko jar kajitōk kaki bwe Ej jela bwe rej jab emmōn nōn kij. Dri kanan eo Spencer W. Kimball ear ba bwe kinke jej jab melele ta unin ewōr ad abañ ko im eñtaan ko, jet ien jej kajitōk iben Iroj nōn bōklok aolepeir. Ear ba bwe ej letok nōn kij abañ ko, eñtaan ko, buromōj, im emol mij nōn jibañ kij katak kin wāwen eo jemaroñ erom einwōt Jemed kab Jined Ilōñ. President Kimball ear ba bwe elañe en jab wōr abañ ko, eñtaan ko, buromōj, ak mij, jeban jela mōnōnō, im jeban jerkakbiji. Jeban bōk mour indreo, im jeban maroñ erom einwōt Jemed kab Jined Ilōñ. President Kimball ear ba bwe ej kommolol Iroj bwe eban kemour dri nañinmij ro im ro rej eñtaan ien otemjej, kinke emaroñ bwe enaj kemour ro me ej itok ien air mij, im ro Iroj ekōnan bwe ren eñtaan, kin un ko me Iroj wōt ej jela.

Kōra eo Edna Sha ear katak kin men in ke juōn ian ledrik ro nejin ear mij. Kōra eo Sha ear ba:



"Ledrik eo eridtotata ian nejim, etan Carol Jean, ear bōk nañinmij. Jar eñinlok e ñōn juōn takta ñōn loi ta unin enañinmij. Elikin takta eo ear loe e, ear jiroñtok leo iba kab ña ñōn eñinlok Carol Jean ñōn juōn hospital ilo Salt Lake City kin air lale e. Kin men in jar eñinlok e ñōn Salt Lake City, im air lale e ear kwaloke bwe enañinmij ilo lojin. Carol Jean ear likuun nañinmij, joñon eo bwe ej mmōj ien otemjej ej mōñā. Jar bōklok e ñōn mweo imōm, ak joñon an nañinmij ekar lap bwe jar aikuij bar bōklok e ñōn hospital. Ilo ien en takta eo ear jiroñtok kijro bwe Carol Jean ekar nañinmij iben leukemia, juōn nañinmij enana ilo bōtōktōkin.

"Ke takta ro rar jiroñtok kim men in, iar likuun buromōj, im iar jar ran im boñ ñōn Iroi bwe en jibañ ledrik eo nejim. Iar jab maroñ tōmak bwe men in ej walok ñōn nejim ledrik. Ear kōjeramōn e elōñ alen kin ro emwij air bōk priesthood ke ear bed ilo hospital, ak ear mij.

"Ke Carol Jean ear mij, iar lōmnak bwe ear mij kinke aō tōmak ear jab bwe ñōn an bōk ejmour. Innem, juōn ran ke iar kononoik jen buk in Katak Im Kalimur Ko, iar kononoiki jet eon ko me ar jibañ aō melele. Eon kein rar kwalok bwe elañe juōn armij eo ej mij elikin an kōjeramōn e kin ro emwij air bōk priesthood, melelein ej bwe Iroi ekōnan bwe armij en mij. Ak elañe armij en ej mour elikin an kōjeramōn e kin ro emwij air bōk priesthood, melelein ej bwe Iroi ekōnan armij en mour. Eon kein rar jibañ aō melele im eñjake ainemōn."

Kononoik jen K & K 42:44, 46, 48.

Etke ej jab kemour ro otemjej me rej nañinmij?

Priesthood eo emaroñ jibañ kij jeblaklok ñōn Jemed kab Jined Ilōn im erom einwōt Ir. Priesthood eo emaroñ kainemōn, tellok, im kejbarok kij im kemour kij jen nañinmij.

Bar Jet Jeje Ko Rekwojarjar

3 Nibai 17 (Japter in ej kwaloktok kaki Dri Lomor eo im an kemour dri nañinmij ro, im an kōjeramōn ajiri ro.)

Men In Kōmmōni Moktalok Jen Am Kwaloki Katak In:

1. *Katak japter 14 jen Katak Kin Gospel "Doulul In Priesthood," kab Juōn Buk Ñōn Jibañ Dri Tel Ro An Priesthood Katak Men Ko Kunair, mōttan eo etan "Kien Ko Ak Nan In Kaiñi."*
2. *Katak jen Juōn Buk Ñōn Jibañ ro Ian Pamle Eo Ñōn Katak Men Ko Kunair.*
3. *Bōk chalkboard im chalk ak kōmmōne juōn pija eo ej kilajrōki nan in kaiñi ko me ro iben priesthood eo remaroñ kōmmōni.*
4. *Lelok kunan ñōn ro ian kilas eo ñōn kwaloki bwebwenato ko im jeje ko rekwojarjar ilo katak in.*

12-a Juōn jemen etellokin ej naetan ajiri eo nejin im ej kōjeramōn e.

12-b Ro iben priesthood rej kōjeramōn dri nañinmij eo.

Kunad N̄on Priesthood Eo

Unin katak in ej n̄on jibañ kij melele kunad n̄on priesthood.

Jemed Ilōn Ear Lelok Kunan Ko Oktak Jen Dron N̄on Eman Im Kōra Ro

Jemed Ilōn ear lelok n̄on eman ro im kōra ro kunair ko oktak jen dron. Ear lelok n̄on eman ro kunair n̄on tellok pamle ko air im Kabuñ eo An. N̄on jibañ eman ro tellok Kabuñ eo An, Jemed Ilōn ear lelok n̄on ir priesthood eo. Priesthood eo ej kajur eo an Jemed Ilōn me ear lelok n̄on eman ro n̄on pinejenkwon E ion lōl in.

Jemed Ilōn ear lelok n̄on kōra ro kunair n̄on kapoji enbwini ko n̄on ro Nejin ilo jitōb, n̄on katakin ro Nejin n̄e rej lotak n̄on lōl in, im n̄on jepake eman ro ilo kunair n̄on tellok pamle ko im Kabuñ eo An. Jemed Ilōn ej kile bwe tokjen kunan kōra ro ej bwe n̄on air jermal bwe ear jab bar lelok jabrewōt jermal ko etokjen n̄on kunair. Eñin ta unin ear jab lelok kunan kōra ro n̄on tellok ak bōk priesthood eo. N̄on jibañ kōra ro kobrak kunair, Jemed Ilōn ear lelok kabiel ko air n̄on yokwe, melele, katak, lelok nan in kabiliklik, im jibañ. Elder Tomas S. Maunsōn, juōn dri jilik, ear ba bwe eman eo ej bōran mweo imōn, ak kōra eo ej buruōn mweo imōn.

Dri kanan eo Spencer W. Kimball ear ba bwe Jemed Ilōn ear jela ta eo ear kōmmōne ke ear lelok kunair ko oktak jen dron n̄on eman im kōra. Ear lelok kunan eman n̄on kalibwini brij eo, jepake pamle eo an, kejbarok ir, im tellok ir. Ear lelok kunan kōra eo n̄on keutak ajiri ro, katakin ir, im jepake leo belen. President Kimball ear ba bwe Jemed Ilōn ear kilajrōki kunad ilo wāwen in kinke ear jela bwe ej likuun emmōn. President Kimball ear bareinwōt ba bwe juōn eman eban lōmnak kake bar juōn ial eo emmōnlok.

Elañe juōn eman im lio belen rej tiljeke ilo air kōmmōni kunair, renaj maroñ mour indreo iben dron ilo ailiñ eo celestial iben air pamle (K & K 131:1–4 im K & K 132:19–20). Ak emol ilo ailiñ eo celestial, eman ro im kōra ro renaj wōr kunair ko oktak jen dron. Eman ro renaj wōr kunair n̄on tellok, im kōra ro renaj n̄on ilo kunair in keutak ajiri ro, katakin ir, im jibañ leo beleir.

Kononoik jen Dri Epesōs 5:23. Wōn eo bōran mweo imōn? Wōn eo bōran Kabuñ eo?

Ekijkan kunam rej oktak jen kunan eman ro?

Tel Ko Jen Jemed Ilōn Kin Kabuñ Eo Im Pamle Ko Rej Itok Kin Eman Ro Me Ewōr Priesthood Eo

Jemed Ilōn ear kajutak juōn ial eo n̄on lelok tel ko n̄on Kabuñ eo An im n̄on pamle ko ad. Eñin ial eo: Ej lelok tel ko n̄on Jisōs Kraist, Nejin. Jisōs ej lelok ir n̄on dri kanan eo. Dri kanan eo ej lelok ir n̄on dri jilik ro. Dri jilik ro rej lelok ir n̄on president in bukōn eo. President in bukōn eo ej lelok ir n̄on bijōp eo. Bijōp eo ej lelok ir n̄on leo beled im ro jemed. Leo beled im ro jemed rej letok ir n̄on kij im n̄on ro nejid. Melelein men in ej jab bwe Jemed Ilōn eban lelok tel ko ak mōdenlok ko n̄on juōn kōra eo kin aikuij ko an make, bwe Ej kōmmōni men in. Ak Eban lelok n̄on kōra eo tel ko ak mōdenlok ko kin aolepen pamle eo an ak kin Kabuñ eo. Im Eban lelok n̄on e tel ko me enaj jumae kunan ko Ear lelok n̄on e.

Ta unin airuwaro naj walok elañe leo im lio belen jimor naj bōk tel ko ak mōdenlok ko kin pamle eo?

Kōra Ro Ren Aikuij Kautiej Im Jepake Priesthood Eo

Jen aikuij jepake im kautiej priesthood (K & K 25:3, 5, 7 10, 14-15). Men in juōn ian kunan ko me Jemed Ilōn ear letok nōn kij. Jemaroñ jepake priesthood eo kin ad:

1. rōjañe leo beled, likao ro nejid, im ro jemed nōn kōmmōni kunair ilo priesthood;
2. rōjañe ir nōn etal nōn aolepen kwelok ko an Kabuñ eo;
3. rōjañe leo beled im ro jemed nōn tellok ilo ien in kwelok in pamle iben dron ñe ejota im ilo ien in jar in pamle;
4. rōjañe likao ro nejid im limaro jeid ak jātūd nōn bōk jermal in mijenede;
5. kajitōk iben leo beled ak ro jemed nōn kōjeramōn kij ñe je aikuiji;
6. kōmmōni ta ko dri tel ro in priesthood rej kajitōk ibed nōn kōmmōni;
7. jar kin ro ewōr priesthood ibeir, im laptata leo beled, ro jemed, im likao ro nejid, im
8. jab elotan ñe leo beled im ro jemed rej jakolok jen kij ñe rej kōmmōni kunair ilo priesthood.

Juōn kōra eo ej jiroñlok ta eo ear kōmmōni nōn jepake leo belen. Ear ba:

"Ke rar lelok kunan nōn leo beliō bwe en bōk jermal in juōn dri kabiliklik eutie, ear jakolok elōn alen, kin an lolok bar jet rā ko ilo am bukōn. Men in ear lelok nōn iō aolepen jermal in kapoji ajiri ro nejid jiljilimjuōn kin kwelok in Kabuñ eo. Men in ear jermal ebin. Iar katak ewi wāwen eñjake ko an kōra ro me leo beleir rar mij ak rej jab uan ro ilo Kabuñ eo. Ak iar bareinwōt likuun mōnōnō bwe leo beliō ear kōmmōni kunan ilo priesthood. Iar bareinwōt katak jet men ko me rar jibañ iō nōn jepake e ilo an jermal in priesthood im me rar jibañ e nōn jela ta ko rar walok nōn pamle eo am ke ear jako jen mweo imōm. Eindrein men kein:

"In kar aikuij kōnan ukōt aō karōk ko nōn bed ilo terre ko an.

"In kar aikuij kapojak men in mōnā ko bwe ren bojak ñe ej roltok nōn mweo imōm, ak wōr juōn men in mōnā kin an bōklok ibenlok, ak kin an mōnā tokelik elañe ej jab bwe an ien nōn mōnā ke ej bed i'mweo.

"In aikuij kejbarok bwe nuknuk ko an rej erreō im emwij aeni ir, bwe ren bojak kin an kōjermal.

"In aikuij kejbarok bwe ij jela ia eo ej etal nōn e im nāāt eo enaj roltok, bwe imaroñ karōke men ko nōn bed ilo terre ko an.

"In kar aikuij kejbarok bwe mweo imōm ej erreō im elajrake, bwe innem ñe ej roltok nōn mweo imōm enaj mōnōnō ie.

"In aikuij kwalok aō meanwōr. Men in ej likuun bin nōn iō, kinke leo beliō ear jakolok jen mweo imōm aolepen ien. Jet ien ear itok nōn mweo imōm kin jet wōt minit ko innem bar motlok. Iar aikuij katak nōn jab lotan ak illu. Iar jela bwe ta ko ej kōmmōni ewōr tokjen, im iar aikuij katak nōn kwalok meanwōr. Men in ear likuun bin, ak elikin jet ien ear pidodolok."

Ewōr elōn men ko jemaroñ kōmmōni nōn jibañ leo beled im ro jemed nōn kautiej air priesthood (Lale K & K 19:23 im K & K 20:33 im K & K 64:33-34 im K & K 58:26-27). En kar wōr jidik wōt an Kabuñ eo wōnmanlok wōt im pamle ko ad elañe kōra ro rar jab jepake priesthood eo. Dri jilik eo Matu Couli ear ba bwe jermal in kōra eo ej joñon wōt juōn tokjen iben jermal in priesthood ilo an kapoji kij nōn erom einwōt Jemed kab Jined Ilōn.

Ta ko jet men ko jemaroñ kōmmōni nōn jibañ leo beled, ro jemed, likao ro nejid, im limaro jeid ak jātūd nōn kautiej air priesthood?

Ewi wāwen eñjake ko ad kaki jermal ko in priesthood an leo beled im ro jemed maroñ jibañ ir ak kōmōnōnō air jermal?

Jemlokin

Jemed Ilōn ear lelok kunan ko oktak jen dron kin eman im kōra ro. Kunan eman ej nōn tellok pamle eo an im Kabuñ eo. Kunan kōra ej nōn keutak ajiri ro, katakin ir, im jepake leo belen. Juōn kōra eo emaroñ likuun jelōte wāwen eo leo belen ak jemen naj kōmmōni jermal ko an priesthood eo. Emaroñ jibañ e ilo jabrewōt wāwen eo joñon an maroñ nōn kautiej priesthood eo an.

Kunam

Kōjerbali lōmnak ko ilo katak in nōn kalaplok am jepake leo belem ak jemem ilo an kautiej priesthood eo an.

Bar Jet Jeje Ko Rekwojarjar:

1 Dri Korint 11:3, 8-12 (Kunan eman im kōra)

Dri Kolosse 3:18-24 (Yokwe dron)

1 Piter 3:5-7 (Kautiej dron)

Men In Kōmmōni Moktalok Jen Am Kwaloki Katak In:

1. *Kakememej ro ian kilas eo nōn bōktok jeje ko rekwojarjar nōn ien in katak.*
2. *Bōk juōn chalkboard, chalk, im juōn eraser.*
3. *Lelok kunan nōn ro ian kilas eo nōn kwalok bwebwenato ko im jeje ko rekwojarjar ilo katak in.*

Kunan Kōra Eo Me Ej Juōn Ian Kabuñ Eo

Unin katak in ej nōn jibañ kij melele kunad ilo Kabuñ eo.

Jino

Bwe jej ro ian Kabuñ eo mol an Jemed Ilōn, ewōr ad tōmak ko oktak jen lōmnak ko an kōra ro jet kaki kunad. Jej tōmak bwe kunan eo moktata ian juōn kōra ej nōn keutak ajiri ro im nōn katakin ir. Jej tōmak bwe kunan keutak ajiri ro ej kunan ekwojarjar, bwe belele ej bed indreo, im bwe jikin kōra eo ej ilo mweo imōn, elañe emaroñ.

Kunan Lio Belen, Eo Ej Juōn Ian Kabuñ Eo, Nōn Leo Belen

Kunan lio belen nōn leo iben rej einwōt an bed juōn mōttan nōn e im nōn kautiej, jepake, im rōjañe e einwōt an bed jemen im dri tel eo an pamle eo, jekdron an bed juōn ian Kabuñ eo ak jab, im jekdron an kweloklok iben kwelok in Kabuñ eo ak jab. Elañe leo ej juōn ian Kabuñ eo, ewōr kunan bareinwōt nōn rōjañe e nōn kōmmōni jermal ko an ilo priesthood.


Juōn lio belen ej jelōte leo belen. President N. Eldon Tanner ian ro iben President eo Moktata ear ba bwe ejelok bar juōn men eo emaroñ jelōte juōn eman nōn jermal in kajutak pamle eo an, nōn etiljek nōn lio belen, im nōn kōmmōni kunan joñon an maroñ elaplok jen an jela bwe lio iben ej jepake e, ej yokwe e, im ej tōmak ilo e. Elañe lio iben ej kōmmōni men kein, leo enaj kōmmōni kunan ilo wāwen eo emōnōnō im joñon an maroñ. Ak elañe lio iben ej jab jepake e, yokwe e, tōmak ilo e, ak kautiej e, enaj jab mōnōnō in kōmmōni kunan ak ilo wāwen eo joñon an maroñ.

Elañe leo beled ak ro jemed rej jab uan ro ilo Kabuñ eo, ak elañe rej ian Kabuñ eo ak rej jab kweloklok iben Kabuñ eo im rej jab tiljek ilo air jermal in priesthood ak ilo kunair in jemen ak dri tel ro ian pamle ko ad, jen aikuij kwalok ad meanwōr nōn ir. Jen aikuij niknik in yokwe ir im rōjañe ir kin ad mour ekkar nōn katak ko an gospel im kin ad kōmmōni kunad ilo wāwen eo etiljek. Jen bareinwōt aikuij jar im jitlok kin ir, bwe ren maroñ bōk ankilair nōn kobaiki iben Kabuñ eo. Ak, elañe emwij air kobaik iben Kabuñ eo, jen aikuij jar kin ir nōn kōmakitkit ir ilo Kabuñ eo im nōn tiljek ilo air kōmmōni kunair.

Wanjoñak im tiljek in kōra eo Meriliz de Dodler ear jelōte leo belen nōn kobalok iben Kabuñ eo. Meñe leo ekar jab juōn ian Kabuñ eo, Meriliz ear kautiej e, yokwe e, im jepake e ilo an tellok pamle eo air ilo men otemjej me ear kōmmōni nōn kejbarok pamle eo air. Ear bareinwōt mour ekkar nōn katak ko an gospel im ear katak kin ir nōn ro nejin. Joñon an Meriliz kautiej im yokwe leo iben ekar bwe nōn an jab bed wōt im kononoiki iben armij ro jet elikin kwelok ko im jermal ko an ilo Kabuñ eo, ak ear rollok mōkajlok nōn mweo imōn nōn kejbaroki leo belen im ro nejin. Kinke Meriliz ear kautiej im jepake leo belen im kinke ear mour ekkar nōn katak ko an gospel, leo belen ear kobaiki iben Kabuñ eo. Kiō leo iben ej jermal einwōt juōn bijōp.

Ta ko kōra Meriliz de Dodler ar kōmmōni nōn kōmakitkit leo belen nōn kōnan kobaiki iben Kabuñ eo?

Ekar bin kin juōn jemen nōn jiroñlok pamle eo an bwe ej yokwe ir. Lio iben ear rōjañe e nōn wōr ien jar in pamle, im ear kōmmōne. Jar in pamle ekar erom juōn ien emmōn kin jemen nōn kwaloki an yokwe lio belen im ro nejin. Nejin ledrik, eo ear lōmnak bwe jemen ekar jab yokwe e, ear likuun bwilōn. Jar ko an jemen rar likuun pidodo, im jet ien ear jab kōjembali nan ko rejimwe. Ak ke ear eoroñ an ba, "Kōjeramōn nejiō ledrik eaibujuij bwe en maroñ kōmmōni men ko remmōn," ear likuun mōnōnō im ear eñjake yokwe kin jemen.



Ekijkan jemaroñ jibañ leo beled ñon kōmmōni men ko Jemed Ilōñ ekōnan bwe jen kōmmōni?

Bar juōn wāwen eo jemaroñ jibañ leo beled ro rej jab kweloklok iben Kabuñ eo ej ñon rōjañe ir ñon wōr kwelok in pamle iben dron ñe ejota ilo mweo imōd im kōtlok ir ñon tellok e. Ñe ewōr kwelok ko ilo mweo imōir, enaj pidodolok kin air kweloklok iben Kabuñ eo. Ak jen aikuij kwalok ad meanwōr im kautiej ir einwōt dri tel ro an pamle ko ad. Jen bareinwōt aikuij mōnōnō, niknik in tiljek ilo ad jermal ko, jermal ilo wāwen eo joñon ad maroñ ñon kōmōnōnik pamle ko ad, im bareinwōt mour ekkar ñon katak ko an gospel.

Kononoik jen Dri Rom 15:1-5. Ta unin etokjen ñon kwalok meanwōr?

Kunan Ko Juōn Jinen, Eo Ej Juōn Ian Kabuñ Eo, Ñon Ro Nejin

Kwaloki pija eo 14-a

Juōn jinen eo ej juōn ian Kabuñ eo ewōr kunan ñon keutak ajiri ro. Kunan in elap an kwojarjar im elap tokjen. Kunan in ej lelok ñon juōn kōra eo juōn ien emmōn ñon jibañ Jemed Ilōñ kapoji enbwin ko kin ro Nejin in jitōb bwe remaroñ itok ñon lōl im katak kin wāwen in erom einwōt E. Elañe rar jab maroñ bōk enbwinir, ro Nejin Jemed Ilōñ reban erom einwōt E. Kin men in, ñon makoko in keutak ajiri ro, ak ñon kabwijraki air lotak, ej juōn jerawiwi enana.

Ñon jibañ kōra ro kalaplok air melele kunair, kononoiki kaki jeje kein rekwojarjar: K & K 20:70, 68:25-28; Mosaia 4:14-15.

Ro jinen rej bareinwōt wōr kunair ñon katak kin ro nejeir. Ro jemen ewōr kunan in bareinwōt. Bōtap kinke jemen ej jermal ñon kejbarok pamle eo im ewōr kunan ilo priesthood, ej jakolok elōñ alen im ejelok an ien emmōn ñon bed iben ajiri ro nejin im katakin ir. Jinen ro ewōr air maroñ in jelōte ajiri ro elaplok jen jemen ro. Eindrein unin etokjen ñon ro jinen bed wōt i'mweo imōn im kejbaroki ajiri ro im katakin ir. En jab emmōn air likiti ajiri ro iben armij ro jet ñon kejbarok ir, bwe eindrein kunan jinen. Dri tel ro ilo Kabuñ eo rar kabilikiki ro jinen ñon jab jermal ijo emotlok jen mweo imōir, elañe remaroñ bed wōt i'mweo. Dri kanan eo Harold B. Li ear ba bwe elañe juōn jinen ej aikuij jermal ñon jibañ leo belen bōk jāān eo ebwe ñon kejbarok pamle eo, ak elañe ejelok leo belen, en jab aikuij abwin bōki an kejbaroki ajiri ro nejin, im laptata ñon katakin ir. Kōra ro rej bed wōt ir make air ñon kejbaroki ajiri ro nejeir rej bōk jibañ jen dri tel ro an priesthood.

Jet ajiri ro rar mij ke rar likuun drik. Dri kanan eo Josep Smith ear katak bwe unin elōñ ian ajiri rein rar mij ej kinke ke redrik rej likuun erre eo im ejelok air jerawiwi. Im kin an lōl in obrak iben jerawiwi, ej emmōnlok iben Anij bwe ren jab mour ije. Dri kanan eo Josep Smith ear ba bwe ro jinen ian ajiri rein ren jab aikuij buromōj ak ren aikuij mōnōnō, kinke ear lomoren ajiri rein redrik jen nana. Dri kanan eo Josep Smith ear bareinwōt katak bwe ajiri ro redrik me rej mij moktalok rualitok drettair rej rollok ñon ailliñ eo celestial. Ear bareinwōt kwalok bwe elañe ro jinen ajiri rein rej tiljek, renaj maroñ bōk ien emmōn ñon kaajiriri ir ñon air drittolok ilo ien in millenniūm.

Kwaloki pija eo 14-b

Jet kōra ro reban maroñ keutak ajiri ro. Dri kanan eo Brigham Young ear ba bwe elañe kōra rein rej tiljek wōt ilo mour in, renaj maroñ bōk ien emmōn ñon keutak ajiri ro ilo mour eo ej itok. Im meñe kōra rein rej jab maroñ keutak ajiri ro ilo mour in, remaroñ kaajiriri ro ejelok air pamle eo im kōra ro remaroñ kōmmōni elōñ men ko jet ñon jibañ ajiri ro redrik im armij ro jet.

Ewōr elōñ kōra ro me rej jab bōk ien emmōn ilo mour in ñon belele. Dri kanan eo Harold B. Li ear ba bwe elañe kōra rein rej bed wōt ilo tellokir im erre, Iroj enaj jibañ ir bōk aolepen



jeramōn ko me ear kalimurlok nōn ro rej tiljek. President Li ear ba bwe juōn kōra en aikuij jamin beleik iben juōn eman eo ej jab tellok kin an mijak bwe emaroñ jamin beleik, kinke emaroñ bwe enaj jab bōk aolepen jeramōn ko me Iroj ear kalimurlok nōn ro rej beleik nōn indreo. President Li ear ba bwe elañe juōn kōra eo etiljek wōt im ej erreō ilo mour in, enaj wōr ien emmōn nōn bōk leo belen im ajiri ro nejin ilo mour eo ej itok.

Elañe kwoj bed wōt am make iam kiō, ekijkan am eñjake elikin am eoroñ nan kein jen President Li?

Kōra ro me rej jab bōk ien emmōn nōn beleik ilo mour in remaroñ kōmmōni elōñ men ko nōn kōjerbali air ien ilo meletlet. Remaroñ jermal, jibañ ro jet, jermal ilo Kabuñ eo, kōmōnmōnlok kabieli ko air, kabukōt ebeben ko air, im etal nōn jikul. Aolepen men kein remaroñ jibañ ir nōn kapoji kin ien eo me renaj maroñ beleik im wōr ajiri ro nejeir im pamle ko air make, ilo mour in ak ilo mour eo ej itok.

Ta ko juōn kōra eo emaroñ kōmmōni nōn kapoji e make elañe ejañin belele?

Jemlokin

Kōra eo kajo ilo Kabuñ eo en aikuij kapoje e make nōn beleik. Ak elañe ien emmōn in ej jab ilok nōn e ilo mour in, ewōr elōñ men ko emaroñ kōmmōni nōn kapoji e make kin ien emmōn in ilo mour eo ej itok. Elañe ej bed wōt etiljek im erreō, enaj wōr ien emmōn in.

Kunam

Kabukōt wāwen ko in kōmōnmōnlok kunam ko ewōr ibam kin am juōn lio belen, jinen, ak kōra eo ej bed an make ian eo ej juōn ian Kabuñ eo.

Bar Jet Jeje Ko Rekwojarjar

Dri Epesōs 6:4 (Kwon jab kaillu ajiri ro)
1 Timote 5:3-14 (Kake ro me leo beleir rar mij)

Men In Kōmmōni Mokalok Jen Am Kwaloki Katak In:

1. *Katak Katak Kin Gospel, chapter 36, "Pamle Ko Remaroñ Bed Iben Dron Nōn Indreo."*
2. *Katak Katak Kin Gospel, chapter 37, "Ijo Kunan Pamle."*
3. *Lelok kunan ro ian kilas eo nōn kwaloki bwebwenato ko im jeje ko rekwojarjar ilo katak in.*

14-a Juōn jinen ej kweloklok iben pamle eo an.
14-b Juōn jiroñ ej katak nōn kapoji e make kin jermal ko renaj itok.

Kōmōnmōn Kelet Ko Iben Pamle Ko Ad

Unin katak in ej nōn jibañ kij kōkajurlok pamle ko ad kin ad kōmōnmōn kelet ko iben leo beled kab ro nejid.

Leo Beled Rej Dri Tel Ro Ilo Mweo Imōd

Al jen al eo, "Ewōr Aibujuij I'belakin." (Lale Buk In Al, pej 42).

Leo beled rej petriark im dri tel ro an pamle ko ad. Jej dri kabiliklik ro nōn ir. Juōn dri kabiliklik ej eo juōn ej jibañ, jepake, im jermal iben dri tel eo nōn kōmmōni kelet ko rejimwe im remmōn.

Mweo imōd ion lōl in rej jikin jino kin mweo imōd i'lōn. Ad katak nōn jela wāwen in kejbarok ajiri ion lōl in ej jibañ kij nōn jela wāwen in kejbarok ajiri i'lōn einwōt Jemed kab Jined Ilōn. En aikuij wanjoñak ko remmōn kaki yokwe im ekkejel iben dron ilo mweo imōd. Jen aikuij jermal iben leo beled nōn kwaloki yokwe im kakejel pamle ko ad i'mweo imōd. Ro nejid ren aikuij loi im eñjake yokwe ilo mweo imōd. Jen aikuij jermal iben leo beled nōn katakin ro nejid bwe jen maroñ wōr mōnōnō i'mweo imōd ion lōl in im maroñ mour iben dron ilo ailiñ eo celestial.

Jen Aikuij Kwaloki Ad Yokwe Leo Beled

Jen aikuij kwaloki ad yokwe leo beled ilo air tellok pamle ko ad kin ad kautiej ir, liki ir, mol nōn ir, im lori tel ko rej letoki im kōmmōni kunad joñan ad maroñ. Ñe ajiri ro nejid rej loi ad kautiej im yokwe leo beled einwōt dri tel ro an pamle ko ad, renaj bareinwōt yokwe im kautiej ir.

Ta ko jej maroñ kōmmōni nōn kwaloki ad yokwe im kautiej leo beled?

Ekijkan ad kwaloki yokwe im kautiej leo beled emaroñ jibañ ad pamle ko erom emmōnlak?

Kōmōnmōn Kelet Ko Iben Leo Beled

Ñe jej kōmōnmōn kelet ko iben dron ewōr tokjen nōn kalikkar men otemjej ikōttad im leo beled. Emaroñ anjolok ion enañin aolepen abañ ko ñe kijuij leo beled jej melele dron. Jej aikuij bareinwōt jar nōn Iroi j bwe en jibañ kij nōn kōmōnmōn kelet ko rejimwe.

Kononoik jen Alma 37:37. Ekijkan Iroi emaroñ jibañ kij kōmōnmōn kelet ko rejimwe?

Jen aikuij mōkajkaj in konono iben leo beled karōk ko ad kin pamle ko ad im wāwen in juloki abañ ko ad. Jen aikuij likit juōn ien ejejet nōn konono kaki abañ ko, mōnni, ajiri ro, kwelok in pamle iben dron ñe ejota, im bar jet inebata ko an pamle ko ad. Etokjen nōn kōmōnmōn aolepen kelet ko in pamle iben dron. Jen aikuij kwaloki ad lōmnak ko im jiroñlok leo beled.

Ijoke, jen aikuij kautiej ir einwōt dri tel ro an pamle ko ad im kōtlak ir nōn air kelet eliktata. Elikin ar kōmmōne kelet eo, jen aikuij jermal iben leo beled nōn tōbraklok e. Juōn kōra eo ear kwaloki ewi wāwen jinen im jemen rar kōmmōni kelet ko. Ear ba:

"Jema ekar juōn eman lolātāt. En kar pidodo an maroñ kōmōnmōn kelet ko emake ian kin pamle eo ad. Bōtap, aolepen ien ear bwebwenato iben jinō kaki abañ ko im air uak ko

moktata. Juōn alen iumin juōn wiik, enaīn aolepen jota in Sabat, rar konono kaki abañ ko an pamle eo ad.

Jet ien rar kajitōk ibed ewi ad lōmnak. Ilo air kōmōnmōn kelet ko iben dron, jema im jinō rar rejetake aolepen ien. Ij jab kememej jabrewōt ien ke jema im jinō rar akwāāl ak ire. Ij kommolol Anij kin jema bwe joñon an yokwe ekar bwe kin an kajitōk iben jinō kin lōmnak ko an ilo air kōmōnmōn kelet ko aolepen ien. Rar kwaloki juōn wanjoñok emmōn nōn aolepeduij bwe jen kajioñ in lori ilo mweo imōd rainin."

Ekijkan an kōmōnmōn kelet ko iben dron emaroñ jibañ in bōprae akwāāl ko im abañ ko ilo mweo imōd? Ewi wāwen ad kabilikliki iben dron emaroñ jibañ in kalaplok ad yokwe dron?

Kōmōnmōn Kelet Ko Iben Ajiri Ro Nejid

Elikin jemen im jinen rar keleti iben dron, ren aikuij kirtok ajiri ro nejeir iben dron, jiroñlok nōn ir ta ko rar keleti, im kajitōk ibeir kin air lōmnak ko. Men in lap tokjen. Men in enaj bōktok yokwe elaplok im mōnōnō nōn pamle ko ad. Enaj kwaloki nōn ajiri ro nejid bwe ewōr tokjeir. Enaj bareinwōt kalaplok an kakejel pamle ko ad kinke aolepen uan ro ilo pamle rej jela ta ko kunair im kunan ro jet.

Ñāāt eo ej ien eo emmōntata nōn kwelok iben pamle eo? (Kwaloki bwe emaroñ ñe ejota in Sabat)

Ta ko jet men ko jen maroñ konono kaki ilo kwelok rōt in?

Jej jab aikuij likit juōn ien jejet nōn katakin ajiri ro nejid. Jen aikuij katakin ir jabrewōt ien ñe rej itok nōn kij iben abañ ko air. Jen aikuij in kajioñ nōn melele lōmnak ko air im abañ ko air im jibañ ir. En kar emmōn ñe juōn jinen emaroñ jijet iben eo nejin ledrik ak ladrik im bwebwenato kake juōn an abañ. Kinke ewōr elap jerawiwi ion lōl in rainin, ewōr tokjen nōn katakin ro nejid nōn jumae ir. Elder Rijard L. Evans, juōn dri jilik eo mokta, ear ba bwe ewōr kunan ro jemen im jinen kab ajiri ro nejeir nōn jiroñlok dron lōmnak ko air im nōn kōmmōni kelet ko iben dron, bwe remaroñ jermal, ikkure, im kōmōnmōn bebe ko iben dron, bwe remaroñ kobrak air mōnōnō ion lōl in im ilo mour eo ej itok.

Jemlokin

Ailiñ eo celestial ej juōn jikin eo ewōr ainemōn, ekkejel, im yokwe ie. Elañe jekōnan mour ie, jen aikuij jino kiō ion lōl in nōn jela wāwen in mour ilo ainemōn, ekkejel, im yokwe. President David O. McKay, juōn dri kanan eo mokta, ear kwalok bwe ejelok juōn men eo ej enana lok jen juōn mweo imōn im ejelok yokwe, ekkejel, im ainemōn ej bed ie. Ear bareinwōt ba bwe juōn mweo imōn im ewōr yokwe, ekkejel, kab ainemōn ie im ñe ro uan pamle eo rej jibañ dron ej einwōt lōñ. Ñe jej jibañ leo beled im ro nejid nōn kōmōnmōn kelet ko remmōn, jej kōkajurlok pamle ko ad im kalaplok yokwe, ainemōn, im air ekkejel ilo mweo imōd.

Kunam

Kabukōt wāwen in jibañ leo belem im ro nejim nōn air kōmōnmōn kelet ko remmōn. Jepake leo belem im ro nejim nōn jar bwe ren maroñ kōmōnmōn kelet ko remmōn. Jepake leo belem nōn etale iben ajiri ro nejim kajojo.

Bar Jet Jeje Ko Rekwojarjar

1 Dri Korint 13 (Wānik in yokwe)
Dri Galetia 5:22-23 (Lein Jitōb)

Jekob 2:35 (Ejako an ajiri ro liki ro jemeir im jineir Dri Nibai)

Jekob 3:7 (Dri Leman ro rej yokwe ajiri ro nejeir)

K & K 121:36-41 (Ñe emwij kajimweiki, kalaplok am kwaloki yokwe)

Men In Kōmmōni Moktalok Jen Am Kwaloki Katak In:

1. *Kononoik jen buk in Katak Kin Gospel, japter 37, "Ijo Kunan Pamle."*
 2. *Kakememej ro ian kilas eo nōn bōktok air jeje ko rekwojarjar.*
 3. *Lelok kunan ro ilo kilas eo nōn kwaloki jeje ko rekwojarjar im bwebwenato ko ilo katak in.*
-

Pamle Iben Dron Ñe Ejota

Unin katak in ej ñõn jibañ kij kãmõnmõnllok ad kweloklok ilo kwelok in pamle iben dron ñe ejota.

Aolep Armij Ro Ren Aikuij Kweloklok Ilo Kwelok In Pamle Iben Dron Ñe Ejota

Aolepen pamle ko ren aikuij kwelok iben dron ilo kwelok in pamle iben dron ñe ejota. Kabuñ eo ekar kwalok bwe jota in Monday ej juõn ien emmõn kin kwelok in.

Kwaloki pija ko 16-a.

Aolep armij ro rej jab jokwe iben juõn pamle. Jet armij ro rej jokwe ibeir make ak iben ro jerair. Jekdron an juõn armij jokwe iben emake ian ak jab, en kar aikuij juõn kwelok in pamle iben dron ñe ejota. Pamle iben dron ñe ejota ej juõn kwelok ñõn aolep armij ro. Elañe juõn armij eo ej jokwe emake ian, en maroñ kobaik iben ro jet me rej jokwe ibeir make iair im kweloklok ibeir ilo kwelok in pamle iben dron ñe ejota. Ñõn kweloklok iben ro jet me rej jokwe ibeir make iair emaroñ juõn jeramõn elap ñõn eo ej jokwe iben emake ian. Kwelok in pamle iben dron ñe ejota ej juõn ien eo emmõntata ñõn katak kin gospel eo im ñõn katakin ro nejid kaki katak ko an gospel eo. Ej bareinwõt jibañ in kalaplok yokwe im kakejel pamle eo ad, im ej jibañ kij ñõn erom ro jeran emmõn ñõn ro jet.

Jibweiki tūr in alal jidikdik ko ilo peiõm. Jiroñlok ro ian kilas bwe rej pinejenkwon ro ian pamle eo. Kiõ, bõk juõn ian alal ko jidikdik jen tūr eo im moruji. Jiroñlok ro ian kilas bwe elañe jej jutak kij make iad jej jab kajur einwõt ñe jej bed iben pamle ko ad ak iben armij ro jet. Kiõ, bõk juõn to emeni im lukwoji alal ko iben dron. Jiroñlok ro ian kilas eo bwe to eo ej pinejenkwon katak ko an gospel eo. Innem kwaloki ir bwe elikuun bin ñõn moruji tūr in alal ko. Kameleleiki bwe jej kajurluk ñe jej kakejel iben pamle ko ad ak iben ro jet im ñe katak ko remol an gospel eo ej lukwoji kij.

Ekijkan Am Tellok Juõn Kwelok In Pamle Iben Dron Ñe Ejota

Jemen eo en aikuij tellok kwelok in pamle iben dron ñe ejota. Elañe jemen ejako, ak elañe ejelok jemen i'mweo imõn, innem jinen en aikuij tellok e. Ro jemen im jinen ren aikuij karõke kwelok kajojo iben dron im kãmõni kunan ro nejeir moktalok ien in kwelok in pamle iben dron ñe ejota.

Jen aikuij jino aolepen kwelok in pamle iben dron ñe ejota iben jar. Innem pamle eo en kar aikuij karõke kwelok in wiik in lal. Men in ej jab aikuij bõk elap ien, ak ej likuun jibañ in kapoji kwelok in pamle iben dron ñe ejota eo ej itok wiik in lal, elaptata elañe ewõr ajiri ro rej jikul.

Jemen en aikuij kwaloki katak eo ak lelok kunan jinen ak juõn ian ajiri ro bwe ren kwaloki. Ajiri ro jet ren maroñ tel al ko, jar, kononoik jen jeje ko rekwojarjar, uak kajitõk ko, kotake pija ko, leto-letak mõnã ko, ak kãmõni men ko jet ñõn jibañ. I'lõl lok ewõr juõn lajrõk in men ko juõn pamle eo emaroñ kãmõni ilo ien in kwelok in pamle iben dron ñe ejota.

1. Al in jino (aolepen pamle eo)
2. Jar in bellok (juõn ajiri, jinen ak jemen)
3. Konono jen jeje ko rekwojarjar (juõn ajiri eo, jinen ak jemen)
4. Kwaloki katak eo (jemen, jinen, ak juõn ajiri)
5. Ikkure (jinen, jemen ak juõn ajiri eo emaroñ tellok)
6. Al in kõjemlok (aolepen pamle eo)



7. Jar in jemlokin (juōn ajiri, jinen ak jemen)
8. Mōnā ko

Ewōr elōn bar jet men ko me jen maroñ kōmmōni ilo kwelok in pamle iben dron nē ejota. Jabrewōt men eo ej kōkajurlok pamle eo im air yokwe dron im ej jepake ir nōn kōmmōni men ko rejimwe im rekwojarjar ej emmōn kin kwelok in. Kononoik jen jeje ko rekwojarjar, bwebwenato kaki katak ko an gospel eo, kwaloki nan in kennan, kōmmōne juōn men eo nōn jibañ ro jet, al iben dron, piknik, im ikkure rej jet men ko jen maroñ kōmmōni ilo kwelok in pamle iben dron nē ejota. Jen aikuij jino aolepen kwelok in iben jar.

Ro ian pamle eo kajojo emaroñ jibañ in kōmōnmōnlok kwelok eo. Ro ian pamle eo kajojo en aikuij kweloklok ilo kwelok in pamle iben dron nē ejota. En aikuij jab karōke jabrewōt bar juōn men eo ilo ien in kwelok eo bwe innem aolepen ro ian pamle eo emaroñ kweloklok. Ajiri ro ridttolok remaroñ jibañ ajiri ro redrik iben kunair ilo ran in wiik mokta ran in kwelok eo. Ro redrik remaroñ kwaloki bwebwenato ko ilo kwelok eo ak jibañ ilo wāwen ko jet. Ajiri kajojo en aikuij wōr kunan, im jemen kab jinen ren aikuij kwalok air meanwōr ibeir im kwaloki air yokwe im kommolol ir kin ta ko rej kōmmōni. Jen maroñ bareinwōt jar nōn Jemed Ilōn bwe en jibañ kij nōn karōke im kōmmōne juōn kwelok in pamle iben dron nē ejota emmōn. Bwebwenato i'lōl lok ej juōn wanjoñok eo emmōn ke juōn pamle eo ear kweloklok.

Pamle eo etan Thompson rar na etan juōn kwelok in pamle iben dron nē ejota air "Jota In Jinekji." Ajiri ro jiljilimjuōn, drettair 5 nōn 17, rar kelete kijiir ennotata kin ien in mōnā. Elikin ejemlok air mōnā, ear kōjellaiki jinekji ko.

Jemen, eo ear naballe nuknuk ko remmōntata iben juōn tie, ear tellok air lelok jinekji ko. Jinen ear naballe jokankan aibujijata, im ear jutak iturin leo belen im ear jibweiki nien jinekji ko nōn aolepen ajiri ro kajojo. Ear karuwainenetok jimma im būbū nōn itok im lale ajiri ro bōk jinekji ko air.

Jemen ear ba, "Ro emaroñ kelet jen ir nōn bōk jinekji kin air jela bwinbwin rej armij rein: Albert Einstein im Paul Thompson. Jouj im letoke nien jinekji." Jinen ear lelok nōn jemen nien eo. Jemen ear kōbelloke. Innem ear kononoik jen pepa eo jen nien eo im ba, "Eo ej bōk jinekje - Paul Thompson."

Aolepen ro ian pamle eo rar likuun lamōj im kabōkbōk ke Paul ear jutak im bōk an jinekji. Ear kōmmōne men in mae ien aolepen ajiri ro rar bōk juōn iair jinekji. Sheri ear bōk jinekji kin an jela aō. Bryan ear bōk jinekji kin an kōmmōni men ko remmōn ilo Boy Scouts. Michele ear bōk jinekji kin an jela wāwen in kōmmōn al ko. Michael ear bōk jinekji kin an jela ikkure iaku. Denise ear bōk jinekji kin an katak wāwen in kononoik jen buk ko, im Cynthia ear bōk juōn jinekji kin an likuun jibañ ro jet.

Ke ear kōjemlok men in, ajiri kajo ear kōmmōni juōn men eo ekar kamineneik ilo wiik eo lok, im ro jet ilo pamle eo rar likuun urro im nebar ir. Innem Denise im Cynthia rar al "Katakin Iō Etetal Lo Meram" (Lale Buk In Al, pej 60). Tokelik, Michael ear jar in kōjemlok kwelok eo, im ear leto-letak mōnā ko.

Elap tokjen nōn karōke kwelok in pamle iben dron nē ejota nōn kobaik men ko pamle eo ej aikuij ak ekōnan kōmmōni. Ekar ejake kwelok in pamle iben dron nē ejota nōn jibañ pamle ko. Elōn alen kwelok ko remmōntata rej einwōt kwelok ko me pamle eo ear kapoji emake.

Kwoj bōk ien nōn kapoji kin kwelok in pamle iben dron nē ejota ke?

Ekijkan am maroñ kōwāppenlok am kwelok in pamle iben dron nē ejota?

Kwoj bōk ien eo joñon wōt juōn ilo am kapoji kwelok in pamle iben dron nē ejota im men ko jet me kwoj kōmmōni ke?

Kwoj kōmmōni aolepen men ko joñon am maroñ nōn ejake juōn pamle eo emmōn ke?

Kememej, bwe pamle eo ej mōttan eo elaptata ilo Kabuñ eo im ilo ailiñ eo. Kijuij kajojo im ajiri ro nejid jej aikuij likit kunan pamle eo ad maktata elañe pamle ko ad renaj mōnōnō im naj mour iben dron ilo ailiñ eo celestial.

Ekijkan jar emaroñ jibañ kij ñōn kōwāppenlok ad kwelok in pamle iben dron ñe ejota?

Jeramōn Ko Jemaroñ Bōki Jen Ad Kweloklok Ilo Kwelok In Pamle Iben Dron Ñe Ejota

Ewōr elōñ jeramōn ko me pamle ko ad maroñ bōki jen ad kweloklok ilo kwelok in pamle iben dron ñe ejota. Ej bōktok yokwe, ainemōn, im ekkejel pamle ko ilo mweo imōd. Ej bareinwōt kōmmōn bwe ro nejid rej eñjake tokjeir, im ej kōmōnmōnlok mantiir.

Kōra eo Remde Malloi, jen Jermani, juōn jinen lalim ajiri ro, ear ba, "Jar kile bwe ej oktak mantin ro nejid jen ien ad jinoin kweloklok ilo kwelok in pamle iben dron ñe ejota aolepen jota in Monday. Ej likuun emmōn ñōn jela bwe rej kememej katak ko jen kwelok in."

Juōn ladrik eo lalim yiō ko drettan im etan Alan, jen America, ear ikkure iben jimman ke jet ajiri ro rar ikkure tulik in ial eo im rar jinoin ire. Air ire iben dron ear laplok, im ajiri ro rar jinoin jipellok dron. Innem juōn ian ladrik ro ear dreñlokwe juōn ledrik eo im ear jinoin jañ. Alan ear lale aolepen men kein innem ear ba ñōn jimman, "Jimma, ajiri rōn rej aikuij kwelok in pamle iben dron ñe ejota."

Kwelok ko remmōn rej ejake yokwe im kakejel mweo imōd, im bareinwōt rej jibañ kij ñōn kōmōnmōn pamle ko renañin einlokwoť Jemed Ilōñ. Rej bareinwōt jibañ kij ñōn kalaplok ad melele katak ko an gospel, kōkajurlok pamle ko ad, im jepake ro nejid ñōn kōkōmōnmōnlok kabiell ko air.

Dri tel ro ad ilo Kabuñ eo rar ba bwe kwelok in pamle iben dron ñe ejota ekar juōn men in jibañ ro jemen im jinen ilo air katakin ajiri ro nejeir ñōn jumae men ko renana im rekabo. Dri tel ro ad rar ba bwe kin kwelok in pamle iben dron ñe ejota, jen maroñ kobra buruōd im ad lōmnak ko iben men ko an Anij. Men in enaj bōprae men ko renana jen air dreloñtok na iloan ad lōmnak.

Ewi jeramōn ko jen maroñ bōki kin ad kweloklok ilo kwelok in pamle iben dron ñe ejota?

Ewōr ke jeramōn ko me rar iwōj ñōn pamle ne am kin ami kweloklok ilo kwelok in pamle iben dron ñe ejota?

Dri tel ro ad rar jepake kij, bwe jej ro jinen im jemen, ñōn ad kobaiki ro nejid iben dron im katakin ir mol im men in jimwe iben yokwe, meanwōr, im meletlet. Mweo imōd ej jikin eo maktata im emmōntata kin ro nejid ñōn katak kin men in mol ko an gospel eo.

Kunam

Jepake pamle ne am ñōn kweloklok ilo kwelok in pamle iben dron ñe ejota. Ilo am kōmmōne men in, kememej tokjen am karōke, am kwalok meanwōr, im am jar. Jei juōn katak in gospel eo kwo kōnan am pamle katak kake ilo ami kwelok in pamle iben dron ñe ejota.

Men In Kōmmōni Maktalok Jen Am Kwaloki Katak In:

1. *Kapoji juōn tūr in alal jidikdik ko kin am kwaloki kaki an kakejel juōn pamle.*
2. *Lelok kunan ro ian kilas bwe ren kwaloki bwebwenato ko im jeje ko rekwojarjar ilo katak in.*

16-a Dritto ro rej kweloklok ilo kwelok in pamle iben dron ñe ejota ibeirro make iairro.

Kwelok Ko An Kabuñ Eo

Unin katak in ej ñon jibañ kij melele ta unin ewōr kwelok ko an Kabuñ eo im ñon rōjañe kij ñon etal ñon ir.

Unin Kwelok Ko An Kabuñ Eo

Jisōs ear jiroñtok kij bwe jen erom wāppen, einwōt Jemed Ilōñ ewāppen (Matu 5:48). Ej jab pidodo ñon wāppen, ak jen maroñ wāppen elañe jenaj lori aolepen katak ko an Jisōs Kraist. Ñon jibañ kij, Jemed Ilōñ ear kajutak Kabuñ eo An ion lōl in, bwe jen maroñ katak kin wāwen in erom wāppen. Ear jitōñe dri tel ro ñon katakin kij bwe jen erom wāppen, im ear letok ñon kij kien ko, katak ko, im nan in kaiñi ko bwe jen aikuij melele im mour ekkar ñon ir bwe jen maroñ erom wāppen. Ear bareinwōt kakien im letok tel ko ñon dri tel ro an Kabuñ eo An bwe ren kweloklok, bwe jen maroñ etal ñon ie im katak kin men ko renaj jibañ kij ñon erom wāppen (K & K 43:8). Eñin unin ad wōr kwelok ko an Kabuñ eo. Ewōr elōñ kwelok ko an Kabuñ eo me Jemed Ilōñ ekōnan ad kweloklok ie.

Kwaloki pija eo 17-a.

KWELOK IN KWOJKWOJ

Jemed Ilōñ ear kakien kij ñon kweloklok ilo kwelok in kwojkwoj. Ewōr kwelok in ilo aolepen Sabat ko, im aolepen ro ian pamle eo ren aikuij kweloklok ie. Kwelok in ekwojarjar tata ilo Kabuñ eo. Unin an bed ej ñon jibañ kij kōkāl bujen ko ad me jar kōmmōni iben Jemed Ilōñ ke jar baptais, kin ad bōk kwojkwoj (1 Dri Korint 11:23-26). Jemed Ilōñ ear kakien kij bwe jen mōkajkaj in kweloklok iben dron ñon bōk kwojkwoj bwe en kakememej kij kake an Jisōs Kraist eñtaan kin kij (K & K 20:75 kab K & K 20:40 im 3 Nibai 18:12). Kwojkwoj eo ej men in kwojarjar elap. Ejelok juōn im ej jab tellokin en aikuij bōke e (3 Nibai 19:28-29). Kwelok in ej bareinwōt jibañ in katakin kij katak ko an gospel eo im ñon nebar Anij ilo ad al im jar.

Kajitōk iben kōra eo ewōr kunan bwe en kwaloki mōttan eo etan "Eaikuij Jejet Ad Mour Ñe Jej Bōk Mōttōn Kwojkwoj," ilo japter 23 ian buk eo Katak Kin Gospel.

KWELOK IN PRIESTHOOD

Ilo aolepen wiik ko kwelok in ej kobaiki eman ro im ladrik ro emwij air bōk priesthood eo.

KWELOK IN JITLOK KAB KWALOK NAN IN KENNAN

Kwelok in jitlok kab kwalok nan in kennan ej kobaik iumin juōn Sabat ilo allin eo, enañin aolepen Sabat ko moktata ilo allin eo. Kwelok in ej letok ien ñon kij bwe jen maroñ kwaloki ad nan in kennan kake gospel eo, ñon jiroñlok ro jet kaki ad tōmak ilo Jisōs Kraist, im ñon jiroñlok ir kin ad kōmmolol Jemed Ilōñ kin dri tel ro ad an Kabuñ eo im kin An yokwe kij. Kwelok in ej kalaplok ad tōmak ilo Jisōs Kraist im ilo Jemed Ilōñ. Ilo kwelok in ej naetan im kōjeramōn niñniñ ro im bareinwōt ej kakirmol bwe ro rej kab baptais ilo Kabuñ eo rej ro uan Kabuñ eo.

JIKUL IN SABAT

Ej bareinwōt wōr kwelok in jikul in Sabat aolepen ran in Sabat ko. Kwelok in ej jibañ kij im ro nejid ñon katak kin gospel eo. Kijuij aolep jen aikuij kweloklok ilo kwelok in.

KWELOK NŌN LIMARO JORIKRIK

Kwelok in ej kin ledrik ro drettair 12 im laplok nŏn 17. Ej katakin ir nŏn likit men in tŏbraklok ilo mour ko air im nŏn kŏmŏnmŏnlok kabiel ko air. Ej bareinwŏt jibaŋ ir nŏn kalaplok air melelein gospel im ej kŏkajurlok air nan in kennan kake e. Ej bareinwŏt wŏr kwelok in ilo aolepen ran in Sabat ko.

RELIEF SOCIETY

Relief Society ej bareinwŏt kweloklok ilo aolepen ran in Sabat ko. Kwelok in ej nŏn aolepen kŏra ro, jekdron air belele ak jab, im drettair ekar 18 yiŏ im dritto lok. Ilo kwelok in, kŏra ro rej katak kake gospel eo, kake air kaajiriri, kake mweo imŏir im air pamle ko, kab bar jet men ko remmŏn ilo mour ko air.

Jen Maroŋ Kŏkŏmŏnmŏnlok Kwelok Ko An Kabuŋ Eo

Jen maroŋ kŏkŏmŏnmŏnlok kwelok ko an Kabuŋ eo. Kŏra eo LaRu C. Longden, jen America, ear jiroŋlok bwebwenato in:

"Ke iar drik im iar lŏmnak bwe i meletlet, iar jiroŋlok juŏn dri kaki ilo Jikul in Sabat bwe iar jab aikuij in kweloklok ilo kwelok in kwojkwoj bar juŏn ien, kinke ikidel na ie. Dri kaki eo ear reitok nŏn iŏ im ba, 'Kwon jab bar ba men in nŏn iŏ! Anij ear karuwainenetok yuk nŏn kwelok in bwe kwo maroŋ bŏk kwojkwoj eo ej pinejenkwon an Jisŏs Kraist eŋtaan kin yuk. Kwoj likuun jeramŏn kin an karuwainenetok yuk nŏn kwelok en. Elaŋe kwonaj kweloklok iben lŏmnak ko rejimwe, kwonaj etal lok jen kwelok en iben men eo emmŏn.'"

Ta eo dri kaki eo ear jiroŋlok Kŏra Longden nŏn kŏmmŏni? Ta ko jen maroŋ kŏmmŏni nŏn kŏkŏmŏnmŏnlok kwelok ko ad ilo Kabuŋ eo? Jei men kein ion board eo.


Nŏn jibaŋ in kŏkŏmŏnmŏnlok kwelok ko ilo Kabuŋ eo, jen aikuij tŏbraktok ir moktalok jen auŏ in jino, kobaik iben ro rej al, jar ilo buruŏd bwe Jitŏb eo emaroŋ jibaŋ kij nŏn eŋjake men ko rejimwe im lŏmnaki men ko rejimwe ilo ien in kwelok, wŭjtake, likuun eoroŋ nan ko rej kwaloki im lali men ko rej kŏmmŏni, im kwalok ad nan in kennan ilo ien in kwelok in jitlok kab kwalok nan in kennan.


Ewŏr elŏn men ko jemaroŋ kŏmmŏni bwe jej ro jinen ajiri ro, bwe ajiri ro ren maroŋ eŋjake emmŏn kaki kwelok ko an Kabuŋ eo. Jen maroŋ najdrik ir moktalok jen ien in kwelok ko bwe ren jab etal nŏn kwelok ko im kuli im jaŋ kin mŏnŏ. Jen maroŋ etal lok jen mweo imŏd ilo ien eo emŏkajtata jen auŏ in jino kwelok eo, bwe jen jab aikuij rumij. Jen maroŋ kameleleiki ajiri ro nejid kaki ta ko ej walok im ta ko armij ro rej ba ilo ien in kwelok bwe renaj melele im kŏnan kwelok eo. Jen maroŋ katakin ir al ko bwe ren maroŋ al ilo ien in al ilo kwelok ko. Jen maroŋ bareinwŏt kajijeti ir iturid bwe jen maroŋ kalur ir ilo ien in kwelok.

President Spencer W. Kimball, ad dri kanan eo, ear ba bwe jej etal nŏn kwelok ko an Kabuŋ eo nŏn nebar Iroi. Ear ba bwe elaŋe jej eŋjake bwe kwelok eo ej jab emmŏn, unin ad eŋjake men in ej kinke jar jab bŏk lŏmnak ko im jitŏb eo ejimwe, im ej jab kin an nana kwelok eo.

Ekar wŏr juŏn kŏra eo ear naŋin jaroŋroŋ im ear kweloklok ilo kwelok in kwojkwoj aolepen wiik ko. Meŋe ear jab maroŋ roŋjake jabrewŏt nan, ear ba bwe ear likuun lŏnliŋ in kweloklok iben ro jein im jŏtin ilo Kabuŋ eo, ro ear yokwe im rar yokwe gospel eo. Ear ba bwe ear maroŋ eŋjake Jitŏb eo im ear jab aikuij roŋjake nan ko. Ear ba bwe elaŋe ear likuun roŋjake, ear maroŋ eoroŋ an Iroi unojrikrik nŏn e.

Ŋe jej kweloklok ilo kwelok in Kabuŋ eo iben jitŏb eo ejimwe im lŏmnak ko rejimwe, jen maroŋ kŏkajurlok ad make im ro jet.





Jeramōn Ko Jen Maroñ Bōki Jen Ad Kweloklok Ilo Kwelok Ko An Kabuñ Eo

Jar kononoik kaki ta ko jen maroñ kōmmōni nōn kōkōmōnmōnlōk kwelok ko ad ilo Kabuñ eo. Kiō jen kononoik kaki ta ko jen maroñ bōki kin ad kweloklok.

Lelok ien in bwebwenato nōn kōra ro bwe ren kononoik kaki men ko remmōn renaj maroñ bōki kin air kweloklok ilo kwelok ko an Kabuñ eo.

Ad kweloklok emaroñ jibañ kij nōn kalaplok ad bokake kien ko an Iroi, ad jelalokjen kake gospel eo, im emaroñ kōkajurlok ad tōmak im ad nan in kennan ilo Iroi, emaroñ jibañ kij nōn kalaplok ad yokwe ro jeid im jātīd ilo Kabuñ eo, im nōn jibañ kij kebakelok Jemed Ilōn im ad Dri Lomor Jisōs Kraist. Ej jibañ kij nōn bōk Jitōb Kwojarjar ibed ien otemjej, im ej letok nōn kij jeramōn eo elaptata--bwe jen maroñ bed iben Iroi; kinke Iroi ear ba bwe ijo ewōr ruo ak jilu rej kobaiki iben dron ilo Etan, enaj bed ie bareinwōt (Matu 18:20). Ad kweloklok ilo kwelok in Kabuñ eo emaroñ bareinwōt jibañ kij nōn bōk ainemōn ilo mour in im jibañ kij nōn bōk mour indreo. Kwelok ko an Kabuñ eo rej men in jeramōn ko jen Jemed Ilōn.

Kunam

Kononoik jen nan ko ion pija eo 17-c. Kelet juōn ian men kein, im jermal kake e bwe kwo maroñ bōk jeramōn eo emaroñ iwōj kin am kweloklok ilo kwelok in Kabuñ eo. Kononoik iben pamle ne am men ko jet me kom maroñ kōmmōni nōn kalaplok ami kōnan kweloklok ilo kwelok ko an Kabuñ eo.

Bar Jet Jeje Ko Rekwojarjar

Dri Epesōs 4:11-13 (kōwāppenlok ro rekwojarjar)

K & K 20:45, 55 (elder ro rej tellok kwelok ko; jen mōkajkaj in kweloklok iben dron)

K & K 59:9-12 (kautiej ran in Iroi)

Men In Kōmmōni Moktalok Jen Am Kwaloki Katak In:

1. *Katak buk eo Katak Kin Gospel, japter 23, "Kwojkwoj Eo."*
2. *Lelok kuan juōn kōra eo bwe en kwalok kake katak eo "Eaikuij Jejet Ad Mour Ñe Jej Bōk Mōttōn Kwojkwoj," jen japter 23 ilo buk eo Katak Kin Gospel.*
3. *Lelok kuan ro ian kilas bwe ren kwaloki bwebwenato ko im jeje ko rekwojarjar ilo katak in.*

17-a Kōjota Eo Eliktata

17-b Kwojkwoj ej men in kakememej kij kake enwinin im bōtōktōkin Kraist.

17-c Lōmnak ko in lōmnaki ilo ien in bōk kwojkwoj.

Lōmnak ko in lōmnaki ilo ien in bōk kwojkwoj

Inaj lōmnak kaki nan ko an al in kwojkwoj.

Inaj roñjake nan ko an jar in kwojkwoj.

Inaj kalimur nōn nā make im nōn Jisōs bwe inaj kejbarok kien ko An.

Inaj jab lōmnak kaki men ko renana, ijoke, inaj lōmnak wōt kake Jisōs.

Ñe ij kōmmōni men kein, inaj bōk Jitōb in Iroj iba.

Jironlok Ro Jet Kake Gospel Eo Im Kōjeraiki Ro Rekāāl Ian Kabuñ Eo

Unin katak in ej nōn rōjañe kij nōn jironlok ro jet me rej jab ian Kabuñ eo kake gospel eo, im nōn rōjañe kij nōn karuwainenetok ro rekāāl ian Kabuñ eo.

Tokjen Jerbal In Mijenede

Kōra Petra G. de Hernandez, jen Mexico, ej kwaloki bwebwenato in:

"Joñoul-ruatimjuōn yiō ko moktalok, leo beliō ear mij kin an kōjorren wa eo waan. Ilo ien en iar eñjake bwe iar aikuij Anij nōn jibañ iō nōn kejbarok pamle e aō. Ledrik eo nejiō edriktata ear joñoul-juōn alliñ ko drettan ilo ien en.

"Juōn boñ, iar jar nōn Iroi j einwōt aō kar konono nōn bar juōn armij. Iar kajitōk iben nōn kwaloki nōn iō men in jimwe nōn aō kōmmōni. Iar jironlok E bwe ij jela Ej mour, ak iar jaje ia eo ej bed ie. Iar kajitōk iben nōn kwaloki nōn iō ewi im ia eo in maroñ katak kake E. Iar jar iben kajur in tōmak eo ekar bwe im ankilaō ekajur nōn jela mol bwe ijamin maroñ mōlōklōk jar en.

"Ekar jab ettolok im ear uak aō jar. Juōn jiboñ ruo mijenede ro rej jorikrik rar itok nōn mweo imō. Rar ba bwe rar mijenede ro ian Kabuñ in Mormōn, im bwe rar itok nōn iō nōn kwaloktok nan ko relap tokjeir. Emwij aō kar roñjake kake Kabuñ in Mormōn mokta, ak iar jab kōnan katak kaki ir ilo ien en. Iar kadreloñi mijenede ro i'mweo imō, im rar jinoin katakin iō gospel eo. Ke rar katakin iō, iar eñjake bwe men ko rar kwaloki rej mol, im iar jironlok ir bwe pamle e aō im ña jekōnan baptais.

"Jen ran eo im jar bōk gospel eo, ear likuun ukōt mour ko ad. Ij jela bwe Anij ej roñjake im ej letok uak nōn jar ko ad.

"Imaroñ kwalok bwe ij jela jej juōn pamle eo emwij kakejele kin gospel eo im mijenede rōn me rar itok nōn mweo imō im rar katakin aō pamle im ña gospel eo.

"Inaj kommolol ir ien otemjej kin air itok nōn mweo imō, im ij jela bwe ewōr armij ro rej kommolol ro nejiō kin air bōk jermal in mijenede im rar etal nōn mweo imōir im katakin ir kake gospel eo."

Kajitōk iben kōra ro nōn kwaloki air kommolol mijenede ro me rar katakin ir gospel eo. Lelok ien kin air kwalok ewi wāwen gospel eo ear ukōt mour ko air.

Jemed llōn ear kwaloki an yokwe elap nōn kij kin an jilkintok mijenede ro nōn kij nōn katakin kij gospel eo an Jisōs Kraist. Ej yokwe aolepen ajiri ro nejin. Eñin unin an kakien kij nōn kwalok gospel eo an nōn jabrewōt ro im rar jañin bōke e (K & K 112:28). Jen jinoin Kabuñ eo, ilo 1830, ear kire tausan im tausan mijenede ro, eman im kōra ro jimor, nōn air kwaloki gospel eo.

President Spencer W. Kimball, ad dri kanan, ear ba bwe Iroi j ear kalikkari, kin dri kanan ro an, bwe jen aikuij katakin gospel eo nōn aolepen armij ro ilo kajiir. Ejelok bar jet armij ro ilo lōl in ro remaroñ kōmmōni men in ijellokin wōt ro uan Kabuñ eo. Meñe Kabuñ eo ear jilkinlok mijenede ro nōn katakin gospel eo nōn aolepen armij ro, rej jab bwe. Kwe im ña, jen aikuij jibañ. Ijin ej kunad. Iroi j ear ba bwe ej kulan ro otemjej me rar bōk gospel eo nōn katakin e nōn ro jet im rar jañin bōke e (K & K 88:81).

Ta unin jen aikuij rōjañe ro nejid ledrik im ladrik nōn bōk jermal in mijenede?

Ta unin aolepen ro ian Kabuñ eo kajojo ren aikuij bōk jermal in mijenede?

Ñe Jej Jiroñlok Ro Jet Kake Gospel Eo Ej Bōktok Mōnōnō

Jen maroñ bōk mōnōnō elap kin ad jiroñlok ro jet kake gospel eo (K & K 19:15-16). President Kimball ear ba bwe ewōr ibed gospel eo an Jisōs Kraist, gospel in ainemōn, gospel in mōnōnō. Ewōr ibed mol ko me remaroñ kōkōmōnmōnlok jabrewōt armij, remaroñ kōmōnōnōlok jabrewōt belele kōttan ruo armij, emaroñ kebakelok jabrewōt mweo imōn nōn an einlok wōt lōn. Ewōr ibed priesthood eo jen Anij nōn kōjeramōn kij im ro jet. Jen aikuij lelok jeramōn kein nōn ro jerad im nōn dri turid ro rar jañin bōke gospel eo. Iroi j ear kakien kij nōn kōmmōne eindrein, im jen aikuij kōmmōne e kiō.

Kajitōk iben juōn kōra eo me ear jiroñlok ro jet kake gospel eo ekijkan ear eñjake kake an kōmmōne men in.

Men Ko Jemaroñ Kōmmōni Nōn Jiroñlok Ro Jet Kake Gospel Eo

Ta ko jen maroñ kōmmōni nōn jiroñlok ro jet kake gospel eo?

Kwaloki pija eo ej kilajrōki wāwen ko jemaroñ kōjembali nōn jiroñlok ro jet kake gospel eo:

1. Kwon jab jok nōn jiroñlok ro jet kaki katak ko an gospel eo.
2. Kwaloki am nan in kennan kake gospel eo.
3. Lelok juōn buk kake Kabuñ eo nōn bar juōn armij.
4. Lori tel ko an Jitōb Kwojarjar.
5. Mour ekkar nōn katak ko an gospel eo im kwalok am meanwōr nōn ro rej jab ian Kabuñ eo.
6. Karuwainenetok ro jeram im dri turim ro rej jab ian Kabuñ eo nōn kweloklok ibam ilo kwelok in Kabuñ eo, ak ilo kwelok in pamle iben dron ñe ejota.

KWON JAB JOK NŌN JIROÑLOK RO JET KAKI KATAK KO AN GOSPEL EO

Elder Jin R. Kook, juōn ian Ro Jiljilimjuōnñoul, ear ba bwe jet ien jej mijak in jiroñlok ro jet kaki katak ko an Kabuñ eo. Ear ba bwe jen aikuij jab mijak nōn jiroñlok ro jet kaki mol im jen aikuij jepake katak ko an Iroi j im An dri kanan ro. Elder Kook ear ba bwe ijin kunad nōn kōmmōn eindrein (Mosaia 18:9).

Elder Kook ej kwalok juōn bwebwenato kake juōn kōra eo ear juōn ian Kabuñ eo, eo ear jab jok nōn jiroñlok ro jet kaki katak ko an Kabuñ eo. Kōra en ear kweloklok iben jet armij ro me rar jab kweloklok iben Kabuñ eo meñe rar jet ian Kabuñ eo, im bar jet armij ro rar jab ro ian Kabuñ eo. Ilo ien in kwelok eo, juōn kōra, eo ear jab juōn ian Kabuñ eo ear ba bwe ejelok men enana ej bed ilo an juōn kōra eo jeorlok niñniñ jen enbwinin mokta an lotak im bareinwōt ejelok men enana kin an juōn kōra bōprae an keutak ajiri. Ear ba bwe men kein rej emmōn, im kien ko me rej kamoik an juōn armij bwe en maroñ kōmmōni men kein rej jab emmōn. Ke kōra eo ear kōjemlok an konono, kōra en me ear juōn ian Kabuñ eo ear kononoiki im ar jumae kōra eo juōn. Innem kōra en ear kwaloki nōn kumi eo bwe katak ko an Kabuñ eo rej kwaloki bwe enana men kein ruo kinke Iroi j ear ba bwe rebwir. Innem ear kwaloki an nan in kennan im kwaloki bwe katak ko an Kabuñ eo rej mol. Ear kōjemlok kwelok eo elikin men in.

Ijoke, juōn ian kōra ro me ear juōn ian Kabuñ eo ak ear jab kweloklok ilo kwelok ko an Kabuñ eo, ear ilok nōn kōra en im jiroñlok e bwe ear jañin melele mae ien en ta eo Kabuñ eo ej katak kaki an jeorlok niñniñ ro moktalok jen air lotak im kin an bōprae ajiri ro jen air lotak. Kiō, eliktata, ej kab melele, im ej tōmak ilo e.

Ta eo jen maroñ kōmmōni nōn kwalok bwe jej jab jok kaki katak ko an gospel eo?

President in rā eo ekar kajitōk iben juōn kōra eo ebilo im etan Alis Koltōn Smith, jen Europe, bwe en jiroñlok ro jet kake gospel eo. Kinke aolepen ro jeran im dri turin rar jet ian Kabuñ eo, kōra in ear kajitōk iben president in rā ekijkan en maroñ kōmmōne men in. President in rā ekar uak e im ba bwe elañe enaj kar wōr tōmak im kōnan kōmmōne men in, innem Iroj eo enaj kar lelok nōn e ien ko emmōn nōn kōmmōne.

Jidik ien tokelik, kōra in ekar uwe ion wa ekileb. Ilo ien in ito-itak, ear jijet iturin jet armij ro rar likuun jouj nōn e. Rar jibañ e iben nien nuknuk ko an im ar jibañ e ilo jabrewōt wāwen eo ren maroñ. Kōra in ear lōmnak bwe ej aikuij kōmmōne juōn men eo nōn kwaloki an kommolol ir kin air jouj.

Elikin an lōmnak jidik ear ba nōn ir, "Ikōnan lewōj nōn kom juōn men in lelok nōn kōllā kom kin ami jouj nōn iō. Ewōr iba juōn men in lelok inaj lewōj elañe komnaj bōke e."

Armij ro jet rar bwilōn ta men in lelok kōra ebilo im ejeramel emaroñ lelok nōn ir. Rar kommolol e im ba bwe ej jab men in aikuij kin an lelok jabrewōt men eo nōn ir kin air jibañ e. Ak juōn iair ekar ba bwe enaj mōnōnō in bōk men in lelok eo. Innem kōra eo ebilo ekar ba, "Men in lelok ikōnan lewōj nōn kom ej jab mōnni ak mweiuk ko. Men in lelok ij lewōj nōn kom ej eindrein: Ij jela bwe Anij ej mour. Ij jela bwe Jisōs ej Dri Kraist. Ij jela bwe dri kanan an Anij, eo Anij ej kwaloki ankilan kaki kij nōn e, ej mour ion lōl in rainin. Men in ej mol, im ikōnan bwe komin jela men in. Eindrein aō men in lelok nōn kom."

Eo juōn ear likuun bwilōn im ear kajitōk iben kōra eo ekijkan an maroñ jela bwe men kein rej mol. Kōra eo ebilo ear ba, "Kwaloktok ia eo kwoj jokwe ie im inaj jilkinlok ruo lōmaro me ren maroñ kameleleiki nōn yuk ekijkan kwo maroñ jela bwe ej mol." Kōra eo juōn ear jiroñlok kōra en ebilo ia eo ej jokwe ie. Tokelik, kōra eo juōn im jiljilimjuōn ian ro jet ilo pamle eo an rar kobaiki iben Kabuñ eo.

LELOK JUŌN BUK KAKE KABUÑ EO NŌN BAR JUŌN ARMIJ

Jen maroñ bareinwōt jiroñlok ro jet kake gospel eo kin ad lelok nōn ir juōn Buk In Mormōn ak bar juōn buk kake Kabuñ eo. Patricia Lett, juōn dri kaki in jikul, ej jiroñlok webwenato i'lōl lok:

"Juōn ran eo juōn ian dri jikul ro aō etan Carol ear bōktok juōn buk eo im ear kajitōk iba elañe inaj kar kōnan kononoik e. Iar ba 'Aet.' Ak kin aō likuun boup iben men ko jet, iar mōlōklōk kake buk eo im iar jab kononoik e. Ak Carol ear jab mōlōklōk bwe iar jiroñlok e bwe inaj kononoik e.

"Ear niknik in kajitōk iba elañe iar kononoik buk eo mae ien eo iar kononoik e. Innem ear letok nōn iō juōn Buk In Mormōn, im iar kononoik jen e bareinwōt. Jet ran ko tokelik ear kajitōk iba elañe in kar kōnan iooni jet armij ro jen Kabuñ eo an. Iar ba "Aet." Friday in lāl, ruo ian mijenede ro jen Kabuñ eo an rar itok nōn jikin kilas eo aō moktalok jen an jemlok kilas eo. Tokelik iar baptais ilo Kabuñ eo."

LORI TEL KO AN JITŌB KWOJARJAR

Elap tokjen ad lori tel ko an Jitōb Kwojarjar. Kōra eo Kateren A. Martin ej jiroñlok juōn webwenato kake an Jitōb Kwojarjar tellok e.

"Ekar juōn imōn wia edrik ijo iturin ial eo me iar loi ke iar etetal nōn jermal aolepen ran ko. Juōn ran eo ke iar etetal ie, juōn ainikien ear unojrikrik nōn iō im kwaloki bwe ewōr juōn armij eo ilo imōn wia eo en kar aikuij kobaike iben Kabuñ eo im bwe in kar aikuij dreloñlok iloan imōn wia im jiroñlok e kake gospel eo.

"Ak iar mōkajlok nōn jermal im iar jab dreloñlok imōn wia. Ak aolepen alen kajojo ke iar etetal iturin imōn wia, ainikien eo juōn wōt ear unojrikrik nōn iō nan ko einlokwōt nan kein. Eliktata, juōn ran eo, joñon an kajur in unojrikrik ekar bwe kin aō dreloñlok ie.

"Ke iar dreloñe imōn wia, iar loi juōn pija ekar totoike ion kiin imōn wia. Ekar juōn pija in dri tarinae. Juōn ainikien ear kwalok nōn iō bwe eo ear kōmmōne pija eo ej einwōt eo ij aikuij konono iben kake gospel eo. Kin men in iar kajitōk iben dri jermal in imōn wia elañe en kar maroñ jiroñtok iō wōn eo ear kōmmōne pija eo im ia eo ej jokwe ie. Dri jermal eo ear kōttar jidik innem ear ba bwe armij eo ear kōmmōni pija eo ear jab kōnan kōtlok jabrewōt armij eo nōn jela e ak ijo ear jokwe ie. Bōtap dri jermal eo ear ba, 'Ak ij lōmnak bwe enaj emmōn kin aō kwalokwōj yuk. Inaj kirlok e im lelok nōn e etam im telephone number ne am, im emaroñ kirwōj kwe.' Kin men in iar lelok nōn dri jermal eo eta im telephone number e aō. Armij eo me ar kōmmōne pija eo ear kirtok iō im jar karōke nōn iooni dron.

"Ke jar iion dron, iar kwalok nōn e bwe ij jela juōn men eo elap tokjen im en kar aikuij jela kake im bwe enaj ukōti mour eo an kin an emmōnlok. Ear likuun kōnan jela ta eo men in. Kin men in iar jiroñlok e kake an kōjeblaktok Kabuñ eo nōn lōl in. Iar bareinwōt kwaloki nōn e kin wāwen eo iar bōk jelalokjen kake mol eo im joñon ankilaō nōn jela ta eo Iroj ear kōnan kin iō. Innem iar jiroñlok e kake wāwen eo ear tellok iō nōn gospel eo, im joñon aō mōnōnō jen aō jela kake e.

"Ear likuun roñjake men ko iar kononoiki. Innem ear ba bwe enaj kar likuun katak kin e, bwe en maroñ jela elañe men ko iar jiroñlok e rej mol ak jab. Ear katak kin gospel eo im ear baptais ilo 18 ran in July, 1969.

"Iroj ej yokwe armij ro nejin kajo. Ej jela ro rej bojak in bōk gospel eo. Elañe jenaj jar nōn E im likuun jermal nōn jiroñlok ro jet kake gospel eo, Enaj tellok kij nōn ro rej bojak in bōke e. Men ko remmōn rar walok nōn iō kinke iar bokake tel ko an Jitōb Kwojarjar.

"Aolepeduij maroñ bōk tel ko an Jitōb Kwojarjar nōn jibañ kij in jiroñlok ro jet kake gospel eo elañe jenaj bokake kien ko im kōmmōni men ko joñon ad maroñ."

Ekijkan an Jitōb Kwojarjar ar jibañ Kōra eo Martin nōn bukōt eman en im jiroñlok e kake gospel eo? Kwar nañin ke bōk tel ko jen Jitōb Kwojarjar nōn jiroñlok bar juōn armij kake gospel eo, ak kwar jab bokake tel kōn?

MOUR EKKAR NŌN KATAK KO AN GOSPEL EO IM KWALOK AM MEANWŌR

Elder Adni Y. Komatsu, juōn ian Ro Jiljilimjuōnñoul, ear ba:

"Ilo am kajioñ in jiroñlok ro jeram, ro nukim, im dri turim ro rej jab ian Kabuñ eo kake gospel eo, kwon jab buromōj elañe rej jab roñjake ak melele men ko kwoj kajioñ in katakin ir. Kwalok am meanwōr im kememej bwe etokjeir nōn kwe. Kwoj yokwe ir im kōnan bwe ren bōk men eo emmōntata ilo mour in, eo ej gospel eo an Jisōs Kraist.

"Ad mōnōnō ilo mour in im ilo mour eo ej itok ej kobaik ad mour iben pamle ko ilo ailiñ eo celestial. Elañe kwoj juōn wōt ian ro ilo pamle ne am me ar kobaik iben Kabuñ eo, im jemem ak jinem, im ro jeim im jātīm rej jab bōk tōmak ko am, kautiej pamle ne am, yokwe ir, im mour ekkar nōn katak ko an gospel eo bwe ren maroñ loi joñon tokjen im aibujuij in mol eo."

Jej jiroñlok ro jet kake gospel eo nōn bōklok mōnōnō nōn ir, im jab kin an bōktok nebar nōn kij. Jen aikuij yokwe aolep armij ro, elaptata ro jar kelet nōn kononoiki ibeir kake gospel eo. Jen aikuij mol ilo ad yokwe im ad kōjeraik ir meñe emaroñ bwe renaj jab bōke gospel eo ak elañe ej likuun aitok ien moktalok air bōke e.

KARUWAINENETOK RO JERAM IM DRI TURIM RO REJ JAB IAN KABUÑ EO ÑON KWELOKLOK IBAM ILO KWELOK IN KABUÑ EO, AK ILO KWELOK IN PAMLE IBEN DRON ÑE EJOTA

Jen maroñ jironlok ro jet kake gospel eo kin ad karuwainenetok ir ñon mweo imod ak kin ad kajitok ibeir elane renaj konan itok ibed ñon kwelok in Kabuñ eo. Jen maroñ karoke in kwalok juon kwelok emmon ilo kwelok in pamle iben dron ñe ejota iben bar juon pamle eo ej jab ian Kabuñ eo im karuwainenetok mijenede ro ñon kobaiki ibed. Jen aikuij karuwainenetok aolepen ro jerad im nukid ro rej jab ian Kabuñ eo ñon iten kweloklok ibed ilo kwelok in Kabuñ eo, bwe ren maroñ loi ir make iair elane renaj konan jela kake gospel eo ak jab. Sister Villafrance jen San Fernando, Mexico, ear karuwainenetok limnoul armij ro ñon mweo imon, ilo eo mijenede ro rar kwaloki juon kwelok eo emmon kin ir. Elikin kwelok eo, ar karuwainenetok armij ro ñon bed wot kin katak eo moktata me mijenede ro rej kwaloki kake gospel eo. Elon ian armij ro me rar bed wot rar baptais tokelik. Jiljino yiō ko elikin men in, ekar kkāl juon rā ilo San Fernando iben 200 uan ro.

Lelok ien ñon juon ak ruo ian kora ro bwe ren kwaloki ewi wāwen rar erom ro ian Kabuñ eo.

Jen Aikuij Kōjeraiki Ro Rekāl Ian Kabuñ Eo Im Karuwainenetok Ir

Ije kunad ñon kōjeraiki ro rekāl ian Kabuñ eo im jibañ ir ñon enjake mononō ilo jabrewot wāwen eo kin air bed ibed. President Spencer W. Kimball ear ba bwe ijo kunad ñon yokwe dron im kōjeraiki dron. Ear ba bwe ro ian Kabuñ eo ilo terre ko etto rar kejbarok dron, im jen aikuij kōmmōne eindrein rainin. Ear ba bwe jen aikuij yokwe dron einwot juon jeid ak jātīd.

Jen jab aikuij kamomo ak junmad ro jet, ak jab konan ro jet kin kiliir ak ijo rej itok jen e. Ear ba bwe jen aikuij lori kien eo an Iroj ñon yokwe dron einwot an kar yokwe kij (Jon 15:12). President Kimball ear ba bwe Iroj ekonan ad yokwe ro jeid im jātīd ian Kabuñ eo im jibañ ir, einwot an gospel eo ej kwaloktok kij.

Kononoik jen Dri Epesōs 2:19–20. Ekijkan ad maroñ kwaloki ro rekāl ian Kabuñ eo bwe jej yokwe im bōk ir?

Jen maroñ jibañ ro rekāl ian Kabuñ eo kin ad karuwainenetok ir ñon kweloklok ibed ilo kwelok in Kabuñ eo im kin ad kōjeraiki ir. Jen aikuij karuwainenetok drua maijet ien otemjej me rej itok ñon kwelok ko ad. Jen aikuij kile bwe ej kunad aolepeduij me jar kobaik iben Kabuñ eo ñon jironlok ro jet kake gospel eo. Jen aikuij jironlok ro jerad, ro nukid, im dri turid ro rej jab ian Kabuñ eo kake gospel eo im mour ekkar ñon katak ko an gospel eo bwe ro jet maroñ loi meram in gospel eo im konan bōke e.

Kunam

Kelete juon jeram, nukim, ak juon pamle eo ej jab ian Kabuñ eo, ñon jironlok ir kake gospel eo.

Men In Kōmmōni Moktalok Jen Am Kwaloki Katak In:

1. *Kononoik jen buk in Katak Kin Gospel, japter 33, "Kwalok Kin Gospel."*
2. *Bōki juon chalkboard im chalk.*
3. *Lelok kunan ro ian kilas bwe ren kwaloki bwebwenato ko im jeje ko rekwojarjar ilo katak in.*

Kapoji Ro Nejid N̄on Air Bōk Jerbal In Mijenede

Unin katak in ej n̄on jibañ kij kapoji ro nejid n̄on air bōk jermal in mijenede.

Jen Aikuij Kapoji Ro Nejid N̄on Air Bōk Jerbal In Mijenede

President Spencer W. Kimball, ad dri kanan, ear kajitōk ibed n̄on kalaplok oran ko in mijenede kin air katak kin gospel eo n̄on aolepen armij ro ion lōl in. Ear bareinwōt ba bwe en aikuij kōmōmōnlok ad kapoji mijenede ro mokta ad jilkinlok ir n̄on bōk jermal ko air. Ear ba bwe aolep ro remaron bōk jermal in mijenede ren kar aikuij kōmmōn eindrein. Aolepen likao im jiroñ ro kajojo ren aikuij kapoji ir make n̄on katakin ro jet kake gospel eo. Ej aikuij kejbarok kien ko, wōr ejmour ilo enbwinin, im kejbarok an jāān kin jermal in mijenede. President Kimball ear ba ijo kunan ro jinen im jemen n̄on kapoji ajiri ro kin air bōk jermal in mijenede. Ear kajitōk ibed n̄on kapoji ro nejid ke redrik wōt bwe renaj bōk jermal in mijenede tokelik.

Ekijkan jen maron katakin ro nejid, ke redrik wōt, n̄on kapoji iruij make n̄on bōk jermal in mijenede?

Kwaloki pija eo 19-a

Elder S. Dilwort Yūng, juōn ian Ro Jiljilimjuōnñoul, ear ba bwe jen aikuij mōkajkaj in jar iben ajiri ro nejid, im kajitōk iben Jemed Ilōn n̄on jibañ ir in kapoji n̄on bōk jermal in mijenede. Jen aikuij jiroñlok ro nejid bwebwenato ko kake ad jermal ko in mijenede ak kaki jermal in mijenede ro jet. Elder Yūng ear ba bwe jen aikuij jibañ ajiri ro nejid melele jeje ko rekwojarjar. Jen aikuij katakin ir n̄on bokake im lelok ien ko remmōn kin air jermal n̄on ro jet. Ear ba bwe juōn ien eo en kar emmōntata n̄on katakin ro nejid men kein ej ilo ien in kwelok in pamle iben dron ñe ejota im ilo ien ko jet ñe ro ian pamle eo rej bed iben dron.

Jen bareinwōt aikuij katakin ro nejid n̄on jar. Jar ej juōn men eo elap tokjen renaj aikuij jela kake ilo ien air bōk jermal in mijenede. Elder Hu B. Brown ear jiroñlok kake wāwen eo jinen ear katakin e kake tokjen jar. Jinen ear ba n̄on e, ke ear nañin bojak in etal n̄on mijen eo an: "Hu, nejiō ladrik, kwo kememej ke ien eo am drik im kwar tōnak men ko renana, im kwar kirtok nan kein n̄on iō ilo ien aō kiki ilo rum eo juōn: 'Jinō, Jinō, kwoj bed ijene ke?' Kwoj kememej ke bwe ien otemjej iar ba, 'Aet, nejiō ladrik, ij bed ije. Kajioñ in kiki. Men otemjej rej emmōn.' Ear ba: "Nejiō, mōttan jidik kwonaj bed ijo 5,000 mail ko jen iō, im kwonaj jumae abañ ko im men ko rebin. Kwonaj aikuij jibañ. Ñe kwoj iioni men ko rebin im kabo ko, ñe kwoj jab jela ta ko kwonaj kōmmōni ak ia eo kwonaj etal n̄on ie, jar n̄on Jemed Ilōn, im ba 'Jema, kwoj bed ijene ke?' Nejiō ladrik, ij kalimur n̄on kwe bwe enaj uak ien otemjej im im kwonaj jab aikuij mijak."

Elder Franklin D. Rijards, juōn ian Ro Jiljilimjuōnñoul, ear ba: "Ke iar juōn likao, juōn ian men ko iar kōnan kōmmōne ekar etal n̄on bōk jermal in mijenede. Ij tōmak bwe jema im jinō rar rōjañe iō. Ij bareinwōt kememej aō roñjake bübū, eo ear kwaloktok n̄on iō bwebwenato ko kake jimma im jermal in mijen eo an. Ij tōmak bwe men in ear jelōte iō bwe iar kōnan etal n̄on bōk jermal in mijenede."

Jen aikuij jibañ ajiri ro nejid bwe en kōkajurlok enbwiniir bwe renaj jab pidodo in mōk ilo air kōmmōn jermal in mijenede. Jen aikuij katakin ir wāwen in kōmat, mōnā kijiir enno, im n̄on meletlet ilo air kaikuijkuij. Ewōr tokjen air mōnā men ko remmōn bwe enaj bwe air kajur n̄on jermal ko air. Jen aikuij katakin ir n̄on kwalkwal, aeni, im keiki nuknuk ko air. Jen



bareinwōt aikuij katakin ir nōn kejarok mweo imōn bwe en erre, nōn karreoiki enbwiniir, nōn kōnaki nuknuk ko rerreo, nōn kurkure niir, kuumum kolan bōrair, im kajioñ im lale bwe añlokweir ej emmōn. Jen aikuij bareinwōt aikuij katakin ir wāwen in bōk air nan in kennan kake gospel eo im kwaloki e emōkajkaj, im nōn kejarok air jāān kin air mijen. Ren bareinwōt aikuij katak kin bedbed ko in gospel eo. Jen aikuij katakin ro nejid aolepen men kein ilo ien redrik wōt.

Elder M. Russel Ballard ear ba: "Ro jinen, katakin ro nejim nōn kabukōt wāwen ko remaroñ jibañ ro jet. Katakin ir nōn jermal iben armij ro jet ilo yokwe im kakejel ibeir. Jiroñlok ro nejim nōn katakin men kein, kinke renaj jibañ ir nōn jermal im mōnōnō ilo air bōk jermal in mijenede."

Ekijkan jen maroñ katakin ro nejid ilo mweo imōd nōn kabukōt wāwen ko remaroñ jibañ ro jet? Ak ilo mweo imōn ro jet? Ak i'bellakin?

Jen bareinwōt aikuij katakin ro nejid nōn jermal. Jermal ej juōn men eo elap tokjen ilo an bōk jermal in mijenede. Jermal in mijenede ej likuun bin. Ro rej kwaloki nan in gospel rej aikuij niknik in jermal im iben aolepen air kajur (Jekob 1:19). Mijenede eo ej likuun jermal ej juōn mijenede eo emōnōnō im ej emmōn ilo an jermal.

Elder Vaun J. Featherston ej jiroñlok bwebwenato in: "Juōn elder ilo mijen eo ad ear nañinmij. Ke iar tōbraklok mijen eo, ear rumij in kiki ilo jiboñ bwe en jab laplok an nañinmij. Moktalok jen an bōk mōñā in raileb, ear kiki enañin ruo auō bwe en jab nañinmij. Mōttan iben ear jab jela ta eo en maroñ kōmmōne, im ear itok nōn iba kin jibañ.

"Iar kire juōn takta eo ear loi mijenede eo mokta an itok nōn mijen in im iar kajitōk iben ta ko nañinmij iben mijenede eo. Takta eo ear kwaloki ta ko ear nañinmij iben mijenede eo. Ear bareinwōt ba bwe meñe nañinmij eo iben mijenede in ekar nana, ear nanalok jen ien an etal nōn mijen eo. Takta eo ear bareinwōt kwaloktok bwe nañinmij eo an mijenede eo enaj jab nanalok jekdron joñon an jermal. Innem iar kirtok mijenede eo enañinmij nōn iō im iar ba nōn e bwe in kar kōnan bwe en likuun mol in nañinmij jen an kakije im kiki, im inebata bwe emaroñ nañinmij. Iar bareinwōt katakin e katak in jermal im an kōmmōne ta eo Iroi ear kire e nōn kōmmōne. Iar jiroñlok e nōn etal lok im jermal joñon an maroñ kinke enaj kar jab bōk nañinmij jen e. Elder in ear bokake ta ko iar ba nōn e, im ear erom juōn mijenede eo emmōntata kinke ear melele tokjen jermal."

Limaro ro remaroñ bareinwōt jibañ likao ro nōn bōk jermal in mijenede. Juōn lien emaroñ likuun jelōte juōn likao. Jet ien juōn likao emaroñ jab kōnan etal nōn bōk jermal in mijenede kinke ej yokwe juōn lien. Ak ledrik ro ian Kabuñ eo ren aikuij kōmmōni men ko joñon air maroñ nōn rōjañe ladrik ro nōn jab lōmnak kake belele mae ien ejemlok air jermal in mijenede, im kin air jibañ ir in bed tellokiir nōn jermal nōn Iroi.

Ekijkan ledrik ro remaroñ jibañ likao ro kapoji nōn bōk jermal in mijenede?

Jen Aikuij Jibañ Mijenede Ro Bwe En Emmōn Air Jermal

Aolepeduij jej kommolol mijenede ro rar katakin kij gospel eo. Jen maroñ kwalok ad emmol kin ir nōn Jemed lōñ kin ad jibañ mijenede ro jet kōmōnmōnlok jermal ko air. Jen maroñ jar kin ir, jejelok letta ko nōn ir, im jen maroñ ba kajjien ro jerad im ro nukid me rej jab ian Kabuñ eo.

Elder Gordon B. Hinkli ear ba bwe ej buromōj kin mijenede eo ej jab bōk jabrewōt letta eo jen pamle eo an. Juōn letta eo iumin juōn wiik ej emmōn. Elōñ letta ko ej jab emmōn nōn mijenede eo. Letta rōt eo mijenede ej bōke ewōr tokjen nōn wāwen an jermal. Letta ko rej kwaloki abañ ko im men in bin ko i'mweo imōn rej jab jibañ mijenede ro. Letta ko rej kwaloki men ko remmōn einwōt joñon an utiej buruōn jinen im jemen kake nejeir ladrik eo ej juōn mijenede, im wāwen ko Iroi ej kōjeramōn pamle eo kin jermal ko ej kōmmōni rej jibañ mijenede ro. Letta ko rōt in rej kōjeramōn mijenede ro im jibañ ir nōn mōnōnō ilo air kōmmōni jermal ko air.

Jen maroñ bareinwõt jibañ mijenede ro rej jermal iturid kin ad ba kajien ro jerad im ro nukid rej jab ian Kabuñ eo. Jen maroñ bareinwõt kejbarok bwe jen jab bōk aolepen ien in mijenede ro. Jen maroñ karuwainenetok ir nōn itok nōn mweo imōd nōn mōñā. Ak ñe jej kōmmōn eindrein, jen aikuij mōkaj in lelok kijiir innem rōjañe ir nōn etal lok in jermal. Jen aikuij jab bōk aolepen air ien. Jen aikuij jab kajitōk ibeir im bwebwenato ibed. Jen aikuij jibañ mijenede ro nōn kejbarok kien ko an mijenede.

Limaro bareinwõt, ren aikuij kejbarok bwe ren jab bōk elap ien an mijenede ro. Ej jab jimwe an juōn ledrik bed iben juōn mijenede irro make iair ak kōjeraiki dron. Juōn ledrik en aikuij jab telephone lok ak jejelok nōn juōn mijenede eo ej jermal i'enen.

Jen aikuij jibañ mijenede ro nōn kautiej kunair nōn katak kin gospel eo nōn ro jet.

Ta ko jet men ko jen maroñ kōmmōni nōn jibañ mijenede ro?

Jemlokin

Elder Gordon B. Hinkli ear ba bwe jermal in mijenede ej jab pidodo, ak jinekjej ko an relap. Joñon tokjen gospel eo elap im jabrewõt men eo jen maroñ kōmmōne nōn jibañ ej likuun aurok.

Jen aikuij kōmmōni aolepen men ko jen maroñ nōn kapoji ro nejid bwe ren bōk jermal in mijenede. Ta ko jej kōmmōni im ba ej jibañ ir nōn kelet elañe renaj etal nōn mijen ak jab im bareinwõt ej jelōte ir ilo wāwen air jermal ñe rej etal. Jen maroñ jibañ ro nejid nōn kōnan bōk jermal in mijenede, im nōn eñjake mōnōnō eo ej itok jen air katak kin gospel eo nōn ro jet (K & K 18:15-16).

Jen aikuij watōke men ko jej kōmmōni nōn jibañ ro nejid nōn kapoji kin air bōk jermal in mijenede, kajitōk iben dri tel ro an Kabuñ eo im ro jet ian Kabuñ eo kin lōmnak ko nōn jibañ ajiri ro nejid, im jar nōn Jemed Ilōn nōn jibañ kij kapoji ro nejid nōn jibañ in bōklok gospel eo nōn aolepen armij ro i'bellakin lōl in.

Kunam

Bar kononoiki katak in i'mweo imōm. Kelet jet men ko nōn jibañ ajiri ro nejim nōn kapoji nōn bōk air jermal in mijenede. Elañe kwoj bed am make iam, watōke makitkit am ko nōn likao ro rej kapoji ir make nōn bōk jermal in mijenede ro. Jejelok nōn mijenede ro rej jermal kiō. Ledrik ro rejañin belele ren aikuij jab jejelok nōn mijenede ro rej jermal i'eneir ijo rej jokwe ie.

Men In Kōmmōni Mokalok Jen Am Kwaloki Katak In:

1. *Katak jen buk eo Katak Kin Gospel, japter 33, "Kwalok Kin Gospel."*
2. *Lelok kuan nōn ro ian kilas nōn kwaloki bwebwenato ko im jeje ko rekwojarjar ilo katak in.*

19-a Juōn ladrik eo ej kejbarok an jāān kin an bōk jermal in mijenede.

Kōkon Mweo Imōd

Unin katak in ej nōn jibañ kij kōkon mweo imōd.

Iroiĵ ekar jiroñtok kij nōn kōkon mweo imōd. President Brigham Young, juōn dri kanan eo mokta an Iroiĵ, ear ba bwe jen aikuiĵ kaibujuiĵ mweo imōd im kōmmōni ir bwe ren juōn jikin iĵo Anij en kar maroñ bed ie.

Ad Kōkon Mweo Imōd Enaj Letok Ad Ien Nōn Kōmmōni Men Ko Jet Retokjeir

Juōn ian kunad etokjentata me ar letok nōn kijuiĵ ro jinen ej nōn keĵbarok bwe mweo imōd rerreo im ekon. Ñe jej karreoiki im kōkon mweo imōd, jej jab jeorlok ien nōn kabukōt men ko. Jen maroñ loi jabrewōt men eo ñe jej aikuiĵi e. Juōn mweo imōn ekon ej pidodolok in keĵbarok bwe en erreō jen juōn mweo imōn ej jab ekon. Juōn mweo imōn ekon ej kautieĵ buruōd.

Ejelok tokjen kōkon mweo imōd wōt, ak jen aikuiĵ kōkon ad ien bareinwōt. Jet ro jinen rej jeorloki elap ien ilo air karreoiki im kōkon mweo imōir. Jinen rein ren aikuiĵ katakin wāwen in jab jeorloki ien ilo air karreoiki mweo imōir. Elañe renaj katak kin men in, renaj maroñ kalaplok air ien iben ajiri ro nejeir im ilo air jermal nōn ro jet. Etokjen ad karreoiki im kōkon mweo imōd, ak ej jab jimwe an bōk aolepen ad ien bwe innem jen jab wōr ien nōn kōmmōni men ko jet retokjeir. Juōn mweo imōn erreō ej tokjen, ak ej jab men eo etokjentata ian men ko jen aikuiĵ kōmmōni. Men eo elaptata ej ad mōnōnō im nōn wōr pamle ko remōnōnō. Jen aikuiĵ ien nōn katakin ro neĵid im kōmōnmōnlok kabiēl ko ad. Jen bareinwōt aikuiĵ ien nōn jermal nōn Kabuñ eo, jibañ ro rej aikuiĵ jibañ, im jiroñlok ro jet kake Kabuñ eo. Ñe jej jab jeorloki ien ilo ad karreoiki im kōkon mweo imōd, jenaj wōr ien elaplok nōn kōmmōni men ko jet retokjeir.

Kwon Wōr Juōn Jikin Men Otemjeĵ I'mweo Imōn

Jen aikuiĵ keleti juōn jikin ekajo i'mweo imōd bwe en keĵbaroki men otemjeĵ kajoĵo ie. Enaj likuun airuwaro nōn kij elañe jenaj kar likiti men otemjeĵ ilo juōn wōt jikin. Kiltōn muktata ilo ad kōkon mweo imōd ej nōn keleti ia eo enaj likiti men ko kajoĵo ie. Innem jen maroñ likiti men ko kajoĵo iĵo i'jikin ie im jen maroñ bar loe ñe jej aikuiĵi.

Likite juōn bok, me ewōr koban ko jet iloan, ion tebel eo. Lelok kunan juōn kōra bwe en lōkōm bwe ej jibañ bar juōn kōra nōn kōkon mweo imōn. Kajitōk iben e nōn kōjibilok im ejaake men ko rej einlokwōt dron jen iloan bok eo.

Jet ien ej jab bwe mweo imōd nōn najikin men otemjeĵ ilo mweo imōd. Elañe en kar eindrein, jen maroñ kajitōk iben leo beled nōn kōmōnmōni nien men ko ak kajitōk ibeir nōn wiaiki ir bwe jen maroñ keĵbarok elōñ men ko ilo nien eo. Ej bareinwōt juōn lōmnak eo emmōn nōn lali aolepen mweiuk ko am im keleti ta ko komij aikuiĵi im ta ko komin jab aikuiĵi. Kwon aikuiĵ keĵbaroki men ko komij aikuiĵi ak kwon maroñ lelok men ko komin jab aikuiĵ nōn bar juōn kōra eo ej aikuiĵi ir. Ak kwo maroñ wia kaki ir ak jeorlok ir. Jen aikuiĵ naetan aolepen nien mweiuk ko bwe jen maroñ jela ta eo ej bed iloan. Ej aikuiĵ naetan nien piĵa ko, pepa in belele im pepa ko jet me elap tokjeir im keĵbaroki ir ilo juōn jikin ekon. Nōn keĵbarok mweo imōd bwe renaj ekon epidodolok elañe aolepen ro ian pamle eo naj jibañ.

Jermal in karreoiki im kōkon mweo imōn ej kunan ro otemjeĵ ilo pamle eo. President Brigham Young ear ba bwe jen aikuiĵ katakin ro neĵid nōn kōrollok brum eo nōn iĵo jikin ñe

emwij air kōjerbale, nōn kejbarok nuknuk ko air ilo jikiir, kōrollok kein jermal--einwōt jabōl im ama--nōn ijo jikiir nē emwij air kōjerbali, im nōn kōrroli men otemjej nōn ijo jikin ejimwe.

Lelok kunan juōn kōra bwe en kwaloki wāwen ear katakin ro nejin nōn kōrroli men ko rar kōjerbali.

Jen Aikuij Katak Nōn Kapidodolok Jerbal Ko Ad

Jen aikuij katak nōn kapidodolok jermal ko ad. Enaj pidodolok im enaj bōk jidiklok ad ien elañe jenaj kōkon ad jermal moktalok jen ad jino. Jen aikuij kōkon ad jermal ko bwe jen jab aikuij ito-itak. Jen maroñ bareinwōt kejbarok ad ien im kapidodolok ad jermal elañe jenaj likiti kein jermal ijo ebaketok kij bwe innem jen maroñ bōk ir nē jej aikuiji ir.

Bar juōn wāwen in kapidodolok ad jermal ej nōn karreoiki men ko etton ilo ien eo jej kile e wōt, im karreoiki jabrewōt men eo ej lutōklok nē ej lutōkloki. Jen aikuij kōrroloki men ko nōn ijo jikiir nē emwij ad kōjerbali ir. Elañe jej jab, renaj ejaake im kōmmōn bwe mweo imōd rej jab kon im erre. Jen aikuij kwalkwal kein mōnā nē emwij ad mōnā wōt. Elañe rej bed bajjik iben mōnā ko ioir, ebinlok ad karreoiki ir im enaj kalaplok ad ien in kwali ir. Emōkajlok ad karreoiki ir ej emmōnlok, im enaj mōkajlok ad maroñ kōmmōne bar juōn men eo.

Wāwen eo kein kajilu nōn kapidodolok ad jermal i'mweo imōn ej nōn kōmmōni elōn men ko ilo juōn wōt terre. Jet ro jinen rej kanōke nuknuk iben bōjo bwe innem ren maroñ likiti men ko ilo ir nē rej loi ir. Innem ren maroñ likiti ir ijo jikiir ejimwe nē ewōr air ien tokelik. Jet kōra ro rej lōmnak kaki ta ko renaj kōmmōni tokelik nē rej jermal iben peir. Rej limlim nuknuk ko nē rej katakin ajiri ro nejeir ak nē rej bwebwenato iben bar juōn armij. Ej men in kōmōnōnō nōn kōmōnmōnlok wāwen in kapidodolok ad jermal ilo ad kōjermal ad ien ilo lolātāt.

Kajitōk iben juōn kōra nōn jiroñlok wāwen eo ear loe nōn kapidodolok an jermal ilo mweo imōn.

Elōn iaduij ar jeorloki ien kin ad jab karōke wāwen in kōjerbale e. Jen maroñ kōjerbali ien jej bōki kin ad lolātāt in kōmmōni men ko iben pamle ko ad, nōn kakije, nōn jibañ ro jet, nōn jermal ilo ad jitedame, ak nōn jeje bwebwenato in mour ko ad.

Ta eo kwonaj kōnan bōk ien nōn kōmmōne?

Nē Jej Karōk Ej Jibañ Kij Nōn Kōmmōni Men Ko Jej Aikuij Kōmmōni Moktata

Jet armij ro rej boup ien otemjej, ak rej jab tōbare lok elōn men ko. Juōn kien in bokake ej eindrein: Kōmmōne men eo elap tokjen moktata. Nōn kōmmōne men in, jen aikuij kelete ta eo etokjentata.

Kajitōk iben juōn kōra nōn kwaloki ta ko jiljino rej tokjentata me enaj aikuij kōmmōni iliju. Kilajrōki ir ion chalkboard. Innem kajitōk iben nōn nabwini ir ekkar nōn tokjeir, eo ej kein kajuōn enaj tokjentata. Jiroñlok kōra ro bwe ilo wāwen in ren aikuij karōki ta ko rekōnan kōmmōni ran ko kajojo, im kejbarok bwe ren kōjemlok juōn men eo moktalok air wōnmanlok wōt in bar jino eo juōn in lāl.

Jet ien ej jab bwe ad ien nōn kōjemlok aolepen men ko jar kōnan kōmmōni. Ak elañe jar kōmmōni ta ko etokjentata moktata, innem jar kōjerbali ad ien ilo wāwen eo emmōn. Ilo am karōke am jermal, kememej bwe kwonaj aikuij kōtlok am make nōn ukōt am bebe eo. Jet ien ad bebe rej jab walok ekkar nōn ankilad. Ewōr men ko renaj kabwijraki kij jen ad tōbare lok ta ko jekōnan kōmmōni. Elañe jej jela ta ko jekōnan kōmmōni, jenaj tōbare. Jenaj mōnōnō nē ejemlok ran eo im enaj kalaplok ad ien iben ro nejid.

Kon im erreō rej men in bōktok ainemōn im mōnōnō nōn i'mweo imōd im rej kalaplok ad ien in kōmōnmōnlok kabiēl ko ad, nōn jērbal nōn ro jet, bed iben ro nejid, im nōn kōmmōni bar men ko jet etokjeir.

Kunam

Jino, ilo wiik in, nōn kōkon. Karōke nōn kōjērbal am ien ilo lolātāt.

Men In Kōmmōni Moktalok Jen Am Kwaloki Katak In:

1. *Bōktok juōn bok ekileb me eobrak iben men ko jet jen mweo imōm, einwōt nuknuk ko, nejin ikkure kin ajiri ro, kein jērbal, kien kōmat, im men ko jet.*
 2. *Bukōt chalkboard im chalk.*
-

Kōjerbal Ad Mōnni Ilo Lolātāt

Unin katak in ej nōn jibañ kij katak wāwen in kōjerbal ad mōnni ilo lolātāt.

Jino

Men otemjej ion lōl in rej men ko an Iroj (Lale Sam Ko 24:1). Dri kanan eo Brigham Young ear ba bwe Iroj ear letok nōn kij elōñ men in mweiuk ko. Men eo jej aikuij kōmmōne ej bukōt ta ko Ekōnan bwe jen kōmōnmōn ibeir, innem kōmmōni ir.

Ta ko Iroj ear letok nōn kij nōn jibañ kij bōk aikuij ko ad? Lōmnak kaki wāwen ko ej walok mōnni, me kwoj kōjerbali nōn kejbarok pamle ne am, jen men ko Iroj ear kōmōnmōni.

Iroj ear letok nōn kij aolep men ko me ear kōmōnmōni ion lōl in, kin ad emmōn. Armij ro rar kōmmōni mōnni kin men ko jet jen men ko Iroj ear kōmōnmōni bwe ren maroñ kōllā lok dron kin men in aikuij ko air. Jen aikuij katak ta eo Iroj ekōnan ad kōmmōni iben mōnni ko ad innem kōjerbale e ilo wāwen eo Ekōnan bwe jen kōjerbale e.

Jen Kōmmōne Juōn Karōk Eo Kin Wāwen In Kōjerbal Ad Mōnni Ilo Jimwe

Kwaloki pija eo 21-a

Jen maroñ kōmmōni elōñ men ko remmōn iben mōnni elañe jej kōjerbale e ilo lolātāt. Iroj ekōnan bwe jen kōmmōni elōñ men ko remmōn iben ad mōnni. Ekōnan bwe jen jibañ An jermal ion lōl in, kejbarok pamle ko ad, im jibañ ro rej aikuij jibañ. Ñe jej kōjerbale ad mōnni ilo wāwen in lolātāt im ilo wāwen eo Iroj ekōnan bwe jen kōjerbale, Enaj kōjeramōn kij bwe jen maroñ wōr aikuij ko ad. Wāwen eo jej kōjerbale ad mōnni ilo lolātāt ej kwaloki wāwen ad eñjake kaki Iroj, pamle ko ad, im ro jet. Ej kwaloki elañe jej kūbbon ak jakūbbon, lolātāt ak jalolātāt.

Kononoik jen Luk 14:28–30. Ta ko jej aikuij kōmmōni moktalok jen ad kōjerbale ad mōnni? (Karōke kin wāwen in kōjerbale e.)


Jen aikuij jermal iben dron iben pamle ko ad nōn karōke kin wāwen in kōjerbale ad mōnni. Bebe in enaj jibañ kij nōn kōjerbale ad mōnni kin men ko etokjeir. Aolepen business ko ewōr bebe rōt in. Kabuñ eo, bareinwōt, ewōr bebe rōt in.

Aolepen pamle ko kajojo ewōr aikuij ko oktak jen dron. Kin men in, pamle kajojo en maroñ wōr juōn bebe ej oktak. Jen aikuij kōmmōni juōn bebe eo ej ekkar nōn aikuij ko an pamle eo ad. Jen maroñ kōjerbali kwelok in pamle iben dron nōn kōmmōne bebe in.

Men eo moktata nōn kōmmōne ilo ad karōke ej nōn jeje joñon ad mōnni jej bōki iumin juōn alliñ. Men in ej aikuij kobaiki aolepen mōnni jemen ej bōk jen jermal, mōnni jinen ej bōki, im bareinwōt aolepen mōnni ajiri ro rej bōki jen air jermal ko elañe rej bōk jāñ kin air jermal.

Jeje joñon eo ion chalkboard eo im likite juōn lain iumin e.

Kiltōn eo kein karuo ilo am karōke ej nōn kilajrōki aolepen men ko me komnaj kōjerbali am mōnni kaki. Jen aikuij jeje moktata, ijo ilōñtata in lajrōk eo, men ko rej auroktata. Men eo moktata jen aikuij kōmmōni iben ad mōnni ej nōn kōllā juōn mōttan joñoul nōn Jemed Ilōñ. Jemed Ilōñ ekōnan bwe jen kōllā juōn mōttan joñoul moktata. Enaj letok nōn kij jermal ko elap elañe jenaj kōmmōni men in (lale Malakai 3:10 im Matu 6:33). Ñe jej kōllā juōn mōttan joñoul moktata, Jemed Ilōñ enaj kōjeramōn kij iben aolepen men jej aikuiji. Joñon ad kōllā



juōn mōttan joñoul ej einwōt juōn mōttan joñoul aolepen ad mōnni me jej bōki aolepen allin kajojo.

Kilajrōki ion board "juōn mōttan joñoul" im ijo joñon jen oran eo kwar jei mokta.

Innem jen aikuij kilajrōke ion chalkboard ewi joñon ad lelok men in lelok in jitlok kab bar jet mōnni ko me emwij an kajitōk ibed nōn lelok nōn Kabuñ eo kin an kejbarok imōn jar eo, kin an ekalek imōn jar ko ekkaal, im kin jermal in mijenede.

Kilajrōki ion board eo "men in lelok in jitlok, kejbaroke imōn jar, kalek imōn jar ko, im jermal in mijenede," im jeje ijo joñon ko.

Juōn ian men ko moktata jen aikuij kōmmōni iben ad mōnni ej nōn kejbarok jidik kin ro nejid nē renaj etal nōn mijen ko air. Innem jen aikuij kilajrōke joñon eo jej karōke in kejbarok kin unin.

Jeje ion board eo "Mijen" im ijo joñon.

Innem, jen aikuij kilajrōki bar jet aikuij ko im ewi joñon men kein renaj bōki. Men kein rej kobaiki mōnā, nuknuk, mweo imōd, wōnen teñki ko, karijin, uno, jikul kin ajiri ro, mōnni in taxi nōn jermal im jar kab jikin ko jet, im bar jet aikuij ko.

Jeje ion chalkboard men ko kajojo, im ijo joñon iruij kaju ej aikuiji. Kiō, kobaiki aolepeir me kwar kilajrōki im bōklok jen joñon eo kwar jei moktata im ej bed ilōntata ion chalkboard, me ej joñon eo pamle eo ej bōktok kajojo allin. Joñon eo ej bed wōt pamle eo ej aikuij kejbaroke e.

Dri tel ro ad rar katakin kij bwe jen aikuij kejbaroki enañin juōn mōttan joñoul jen ad mōnni aolepen allin ko. Mōnni in emarōn jibañ kij ilo terre ko nē ejelok ad jermal, ak nē jej nañinmij im jej jab marōn jermal, ak nē jej jorren im aikuij takta. Jej bareinwōt aikuij kejbaroki mōnni kin an ajiri ro nejid etal nōn jikul.

Jeje nan ko "Jāān in Kejbaroki" ion board eo, im jei ijo joñon in kejbarok.

Elañe ej jab bwe ad mōnni kin aolepen aikuij ko an pamle eo ad, jen aikuij kajioñ in karōke kin joñon ko edriklok kin jet ian aikuij ko ad bwe enaj bwe ad mōnni kin aolepen aikuij ko ad. Ijoke, jen jab kadriklok joñon ad lelok juōn mōttan joñoul. Emol, meñe emarōn bwe ej jab bwe ad mōnni nōn aolepen aikuij ko ad, jen aikuij kōllā juōn mōttan joñoul wōt jen ad mōnni nōn Iroi. Elañe jenaj kōmmōne men in, Iroi enaj letok ial ko kin ad bōk aikuij ko ad. Elañe jenaj likit Iroi moktata, Enaj likit kij moktata.

Elañe ej jab bwe ad bōk mōnni bwe jen marōn kejbarok jidik, innem jen aikuij kadrōklok ad mōnā ko ak keiki ad nuknuk ko bwe innem ej jab lap ad aikuij wiaiki ir. Jen aikuij kalibwini ine ko bwe ren edrōklok im letok kijiad, im jen aikuij jab jeorloki nuknuk ko jen terre ko mokta, ak jen marōn mwijiti ir im keiki bar jet nuknuk ko me jej aikuiji. Jen bareinwōt aikuij kajioñ in kōmmōni tebel ko, jeki ko, im men ko jet me jej aikuiji innem jej jab aikuij wiaiki ir.

Elañe jej aikuij wiaik aikuij ko ad, jen wiaik ir nē edrik wōnen. Armij ro me rej kadrōklok mōnā ko kijiir, keiki nuknuk ko air, kōmmōni men ko jet, im wiaiki men ko nē edrik wōnair renaj kōllā jāān edriklok jen joñon eo an ro rej wiaiki men otemjej. Renaj bareinwōt wōr mōnni ko ebwe nōn kejbaroke. Bar juōn wāwen in kejbarok mōnni ej nōn jokwe ilo em ko ej jab lap wōnair.

Men eo etokjentata kake ad karōke kin wāwen in kōjerbali ad mōnni ej nōn kōjerbali bebe eo. Bebe eo eban jibañ kij elañe jej jab lori e. Elikin jar kōllā mōnni eo jar karōke in kōllā kin juōn men eo, etokjen bwe jen jab bar kōllā mōnni kin men en mae ien jej bōk bar jet mōnni. Jen marōn bareinwōt kōnan ukōt ad bebe eo ien in lōl.

Budget

Joñon eo jej bōki

Juōn Mōttan Joñoul

Men in letok nōn Kabuñ eo

Jerbal in mijenede

Mōnā

Mweo imōd

Uno

Wōnen uwe

Teñki, karijin, men ko jet

Jāān in kejbarok

Bar jet men ko

Joñon wōnen aikuij ko ad

Pamle kajojo ej wōr aikuij ko oktak. Jen aikuij kōmmōne juōn bebe eo ej ekkar nōn aikuij ko ad. Juōn bebe eo enaj jibañ kij nōn kōjerbale ad mōnni ilo wāwen in lolātāt.

Ta ko jeramōn ko me jen maroñ bōki kin ad karōke im lori ad bebe nōn kōjerbale ad mōnni ilo wāwen in lolātāt?

Ta unin etokjen nōn kōjerbale ad mōnni ilo wāwen in lolātāt?

Ta unin etokjen nōn katakin ro nejid nōn kōjermal mōnni ilo wāwen in lolātāt?

Ewi wāwen jen maroñ katakin ir nōn kōjermal air mōnni ilo lolātāt?

Jen Aikuij Drike Muri

Kononoik jen K & K 104:78

Bar juōn wāwen in kōjembali ad mōnni ilo wāwen in lolātāt ej nōn drike muri. Dri tel ro ad ilo Kabuñ eo rar katakin kij nōn drike muri einwōt ad drike nañinmij. Rar jiroñtok kij bwe elañe emwij ad wōr muri ko kiō, jen aikuij kōllā wōnen muri eo emōkajtata ekkar nōn joñon ad maroñ. Elañe jej jab maroñ kōllā kiō, jen aikuij kōllā ñe ewōr ad maroñ. Elañe jej muri nōn bar juōn armij, jen aikuij kōllā ekkar nōn ad kalimur nōn e.

Jen maroñ bōprae ad bōk muri im jab wiaiki men ko me ej jab bwe ad mōnni kin wōnair. Dri jilik N. Eldon Tanner ear ba bwe jen jab maroñ mōnōnō elañe ewōr ad muri. Ear ba bwe muri ej kainebata, ej kōmmōni lio im leo belen nōn kojibilok jen dron, ej jab kōmōnōnōik, im ej kōmmōni bar jet abañ ko ilo pamle eo.

Ta ko jeramōn ko jen maroñ bōki kin ad jab wōr muri?

Jemlokin

Iroi ear letok men otemjej ion lōl in bwe jen maroñ wōr aolepen aikuij ko ad. Ekōnan bwe jen wōr aolepen aikuij ko ad. Ej bareinwōt kōnan bwe jen kōjerbale ad mōnni ilo wāwen in lolātāt nōn jibañ An jermal ion lōl in, im enaj letok aikuij ko ad. Elañe jenaj kōmmōni men kein, Iroi eo enaj kōjeramōn kij.

Kunam

Kajitōk iben leo belem nōn kobaiki ro ian pamle ne am iben dron nōn karōke kin wāwen in kōjerbale am mōnni ilo allin in lāl (Lale bebe eo ewanjoñok ilo pija eo 21-b). Elañe ewōr am muri, karōke kin wāwen in kōllā ir e mōkaj joñon am maroñ. Kōmmōni jabrewōt men eo joñon am maroñ nōn kadrōklok am mōñā, keiki am nuknuk ko, im kōmmōni men ko jet ian aikuij ko am.

Men In Kōmmōni Moktalok Jen Am Kwaloki Katak In:

1. *Kajitōk iben kōra kajojo nōn bōktok juōn men eo emwij an edrōklok ak kōmōnmōn, emake ian, einwōt lein wijki jen jikin kallip, ak juōn nuknuk ear keiki, ak juōn nejin ikkure ear kōmmōne kin ro nejin, ak bar juōn men eo e (ak pamle eo an) ar kōmōnmōn.*
2. *Bōk chalkboard im chalk.*
3. *Lelok kunan nōn ro ian kilas eo nōn kwaloki bwebwenato ko im jeje ko rekwojarjar ilo katak in.*

21-a Juōn pamle eo ej karōke kin wāwen eo enaj kōjerbale an mōnni ilo wāwen in lolātāt.
21-b Budget

Jen Aikuij Najdrik Pamle Ko Ad, Me Enaj Jibañ Ir Nōn Bōk Enbwiniir Ejmour

Unin katak in ej nōn jibañ kij nōn jela mōnā rōt kōn me jen aikuij mōnā nōn wōr enbwiniid ejmour.

Jino

Jemed Ilōn ej yokwe kij elap. Ekōnan bwe jen mōnōnō. Bwe jen mōnōnō, jen aikuij wōr enbwiniid ejmour. Ear letok nōn kij tel ko kaki mōnā ko jen aikuij mōnā im men ko jet jen aikuij kōmmōni bwe jen maroñ wōr enbwiniid kajur. Emwij an jei tel kein ilo jeje ko rekwojarjar im ej naetair "Nan in Meletlet." Nan in Meletlet ej kwaloktok nōn kij mōnā rōt kōn me jen aikuij mōnā elañe jenaj wōr enbwiniid ko kajur. Ej bareinwōt kwalok nōn kij jet men ko jen aikuij jab idrak ak kōjerbali, einwōt ti, kobi, dren in kadrak, im tobacco. Jemed Ilōn ear ba bwe men kein rej jab emmōn nōn ad bōk iloan enbwiniid.

Mōnā Ko Me Rej Kōkajurlok Enbwiniid

Kononoik jen K & K 89:10–11

Mōnā ko rōt in ilo pija in rej mōnā kōn Nan in Meletlet ej kwaloki bwe jen aikuij bōki elañe jenaj wōr enbwiniid ko kajur. Lien wijki im nōbba ewōr tokjeir bwe rej jibañ in kejbarok kij jen nañinmij ko. Ad kañe mōnā rōt kein ej jibañ in bōprae bilo, im bareinwōt elōñ bar jet nañinmij ko im bareinwōt ej jibañ enbwiniid nōn bōk ejmour iumin ien eo emōkaj ñe rej bōk nañinmij.

Nan in Meletlet ej bareinwōt kwaloki kij bwe kaniekin men in mour ko ej emmōn nōn ad kañe, ak bwe en emmōn ad jab bōk elap. Ej bareinwōt kwaloktok bwe iik kab kaniekin bao ej emmōn nōn enbwiniid.

Kononoik jen K & K 89:12–13

Pija in ej bareinwōt kwaloki jet mōnā ko me rej kōkajurlok enbwiniid. Mōnā ko einwōt lūb, milik, cheese, einwōt iik, bao, im kaniekin men in mour ko ewōr men ko renaj kōkajurlok enbwiniid, im jibañ kij nōn bōk ejmour ñe jej nañinmij. Kōra ro bōroro im niñniñ ro rej likuun aikuij mōnā rōt in nōn jibañ ir bōk enbwiniir kajur.

Kononoik jen K & K 89:14–19

Nan in Meletlet ej kwaloktok bwe tōmato, kanabu, iaraj, im mā rej emmōn nōn enbwiniid. Mōnā kein rej letok kajur.

Jeje ion chalkboard mōnā ko rōt jilu emwij kwaloki kiō: lein wijki im nōbba; kaniekin men in mour ko, cheese, im lūb; iaraj im mōnā ko rōt in.

Mōnā kein kajojo ewōr tokjeir nōn kōkajurlok enbwiniid. Ewōr jet men ko ilo iruij kaju me ej jibañ enbwiniid. Juōn rōt mōnā eo eban letok men eo bar juōn mōnā eo emaroñ. Kin men in, jen aikuij kañe mōnā ko jen aolepen ian mōnā rōt kein kajojo ilo ad mōnā kajojo ran. Jen aikuij kañe jen mōnā kein rōt jilu. Lein wijki im nōbba rej kejbarok kij jen nañinmij ko. Kaniekin men in mour ko, bao, im iik, kab lūb, cheese, im milik rej jibañ kij nōn edrōklok. Iaraj, raij, im mōnā rōt kein rej jibañ kij nōn bōk kajur.

Jet armij ro rej lōmnak bwe ejelok tokjen ta ko jej kañe elañe eobrak lojiid. Men in ej jab mol. Jen aikuij kañe mōñā ko jen aolepen mōñā kein rōt jilu aolepen ran kaju. Jen aikuij kajioñ in mōñā men kein jen mōñā kein rōt jilu kajojo alen ad mōñā ilo juōn ran.

Kajitōk iben kōra ro nōn lōmnak kaki ta ko rar mōñā inne im ran eo lok, im jei men kein ion chalkboard. Ekar wōt juōn men eo jen ian mōñā kein rōt jilu ilo ien ami mōñā? Elañe ej jab, ta ko jen maroñ kōmmōni nōn lali bwe jenaj bōk men kein ilo ien ad mōñā?

Ewōr ke juōn ian mōñā kein rōt jilu me ebin ad bōke? Ta eo jen maroñ kōmmōni nōn bōke e? Elañe jej jab maroñ bōke e ilo ailiñ in, ewōr ke mōñā rōt ilo ailiñ eo ej letok men ko etokjen einwōt mōñā rōt in?

Ñe jej kapoji mōñā ko ad, jen aikuij kejbarok bwe aolepen mōñā ko im men ko jej kōjerbali nōn kapoji ir, einwōt bakbōk im pilej, rej erreō.

Men Ko Jen Maroñ Kōmmōni Nōn Kejbarok Bwe Ilo Ad Mōñā Jenaj Bōk Aolepen Mōñā Kōn Rōt Jilu Me Jej Aikuiji Nōn Bōk Enbwinid Ko Kajur

Ewōr jet men ko jen maroñ kōmmōni nōn kejbarok bwe ilo ad mōñā jenaj bōk aolepen mōñā kōn rōt jilu me jej aikuiji nōn bōk enbwinid ko kajur.

1. Mokta jej kapoji ad mōñā ko, jen aikuij lōmnak kaki ta ko jej aikuij kobaik ilo ien mōñā eo. Elañe jenaj kōttar mae ien ad kapoji mōñā ko nōn lōmnak kaki ta ko jenaj kōmmōni, jenaj jab wōr mōñā kōn rōt me jej aikuiji nōn kōkajurlok enbwinid.
2. Ñe jej karōke kin ta ko jenaj wōr ilo juōn ien mōñā, jen aikuij jino iben mōñā ko re jenwaan nōn kij, einwōt raij, im korn, ak mōñā ko einwōt rōt kein. Innem jen maroñ kobaik mōñā ko jet jen ko rōt oktak me jej aikuij nōn enbwinid.
3. Moktalok jen ad kaikuijkuij, jen aikuij kilajrōki mōñā ko jej aikuiji innem bōklok ibedlok lajrōk in. Lajrōk in enaj jibañ kij nōn kememej ta ko mōñā rōt jej aikuij in wiaiki me renaj kōkajurlok enbwinid.
4. Jen aikuij kalibwini juōn jikin kallip im kadrōklok lein wijki im nōbba ko jej aikuij. Elañe ejelok jikid nōn kōmmōni eindrein, jen maroñ kadrōklok mōñā ko ilo bok ko in alal im ilo kuwat ko; ak jen maroñ kajitōk iben ro jerad ad ro nukid nōn kōtlok kij nōn kōjerbali mōttan ian brij ko an bwe jen maroñ kalibwini juōn jikin kallip ie.

Mōñā rōt kein rej jab aolepen mōñā ko emmōn nōn enbwinid nōn kōkajurlok ir. Ewōr elōn ko jet. Ak mōñā kein rej ko likuun iman. Jen maroñ kobaiki nōn mōñā kein rōt jilu mōñā ko jet, ekkar nōn ta ko enbwinid rej aikuiji.

Aolepeduij kaju jen kōnan mōñā. Kin men in, kijuij kajojo jen aikuij juōn enbwin ekajur. Nōn bōk enbwinid ekajur jen aikuij mōñā, ilo aolepen ien ad kañe, mōñā kein rōt jilu me ar kwaloki ilo katak in.

Kunam

Lōmnak kaki aolepen am mōñā ko im lale elañe kwoj kobaiki mōñā kein rōt jilu me ear kwaloki ilo katak in. Kobaik ilo am mōñā men kein. Katak in wāwen ko rekāal nōn kapoji mōñā ko jen kein rōt jilu me ear kwaloki ilo katak in kin ami kañe.

Men In Kōmmōni Moktalok Jen Am Kwaloki Katak In:

1. *Konono iben armij ro ilo ailiñ ne am me rej jela ewi mōñā ko ilo ailiñ ne am me rej letok men ko remmōn einwōt mōñā kein rōt jilu me ear kwaloki ilo katak in.*
2. *Keidi mōñā ko kwoj kañe iben mōñā kein rōt jilu me ear kwaloki ilo katak in, im bukōt jelalokjen kaki mōñā ko me kwonaj aikuij mōñā bwe enbwinōm enaj bōk mōñā ko ej aikuij nōn bōk kajur.*

3. Katak jen japter 29, "Kien An Jemed ilōn Kin Ejmour," jen buk eo *Katak Kin Gospel*.
 4. Kononoik jen K & K 89.
 5. Bōk juōn chalkboard im chalk.
 6. Kapoji juōn pija eo ej kilajrōki mōnā ko me rej bed ilo ailiñ ne am im rej letok men ko nōn enbwinid men ko einwōt mōnā kōn rōt jilu me ear kwalok kaki ilo katak in.
-

Kijen Kōra Ro Rej Bōroro Im Rej Kaajiriri

Unin katak in ej nōn jibañ kij nōn jela mōnā ko rōt ej emmōn nōn kōra ro rej bōroro im rej kaajiriri, im bareinwōt nōn jela ta ko rej aikuij najdrik niñniñ ro nejeir.

Mōnā Ko Juōn Kōra Ebōroro En Kar Aikuij In Mōnā

Jen aikuij jela mōnā ko rōt me renaj emmōn nōn juōn kōra ebōroro im bareinwōt niñniñ ro rekāāl. Juōn kōra ebōroro en kar aikuij in mōnā men ko renaj jibañ e im nejin nōn wōr ejmour. En kar aikuij mōnā, ilo aolepen ien mōnā kajojo: (1) nōbba ko im lein wijki; (2) kaniekin men in mour ko, iik im bao, kab lūb, im bar jet mōnā ko rōt kein; im (3) mā ak iaraj im bar jet mōnā ko rōt kein. Kōra ro rej kañe mōnā rōt kein ewōr niñniñ ro elaplok air ejmour jen kōra ro rej jab kañe mōnā rōt kein.

Lelok kunan kōra ro ilo kilas eo bwe ren karōke juōn ien mōnā kin juōn kōra ebōroro. Lale bwe ren kobaiki enañin juōn wōt mōnā jen aolepen mōnā kein rōt jilu me ear kwaloki ilo katak eo 22.

Ta unin ewōr tokjen mōnā ko remmōn nōn juōn kōra ebōroro?

Elañe juōn jinen ej jab kañe mōnā ko rejimwe, niñniñ eo nejin enaj jab ejmour. Elōñ niñniñ ro rej mij kinke ro jineir rar jab kañe mōnā ko rejimwe ke rar bōroro, elaptata elañe ejorikrik, nejin niñniñ enaj drik im eban eddro. Enañin elōñ niñniñ ro rej jab eddro ñe rej lotak rej mij mōttan jidik lok wōt elikin air lotak. Ta ko juōn jinen ej kañe ej likuun tokjen nōn an niñniñ ejmour. Juōn jinen ej aikuij kañe mōnā ko me renaj kōkajurlok niñniñ eo nejin.

Milik Eo An Kōra Ej Emmōntata Nōn Niñniñ Ro

Jemed Ilōñ ear kōmōnmōn enbwinin kōra bwe en maroñ kōmmōne milik nōn najdrik niñniñ ro ñe rej lotak. Milik eo an jinen ej emmōnlok jen milik an men in mour ko. Bareinwōt, dren eo ej itok jen ninnin eo moktalok milik ej itok elikin an lotak juōn niñniñ eo ej likuun lap tokjen nōn niñniñ eo. Ewōr men ko ilo dren in me enaj kejbarok niñniñ eo jen nañinmij ko iumin alliñ ko moktata elikin an lotak.

Juōn kōra en kar aikuij najdrik nejin niñniñ jen milik in ninnin. Ak jet ien juōn kōra eo eban najdrik nejin jen an itūt. Kin men in, enaj bwe nōn kōjerbale milik jen kau ko, got ko, ak jen bar jet men in mour ko. Ak jinen ej aikuij kejbarok bwe milik in ej likuun erreto.

Ta ko mōnā in jinen ej kallikar e ewi joñon an milik me enaj kōmmōne nōn nejin niñniñ. Juōn kōra eo ej kañe mōnā ko ebwe emaroñ kōmmōne joñon milik eo ebwe nōn aolepen ro nejin niñniñ.

Ta unin jet kōra ro rej jab najdrik nejeir ro niñniñ jen air itūt? Ta unin dren eo moktata jen itūt in jinen me ej itok mokta jen milik ej emmōn nōn niñniñ eo?

Ta unin ej emmōn nōn niñniñ bōk ninnin ko limen jen jinen? (Emmōnlok limen, erreto limen, niñniñ eo ej eñjake an kejbaroke e, jinen ej mōnōnō, edriklok wōnen).

Jen Likuun Aikuij Kejbarok Ñe Jej Najdrik Ro Nejeid Niñniñ Jen Bato Ko Im Milik Jen Men In Mour Ko

Elañe jej kōjerbale milik jen men in mour ko im bato ko ñe jej najdrik ro nejeid niñniñ jen aikuij likuun kejbaroke ir. Jen aikuij kōmmōni jet men ko moktata nōn lale bwe bato ko im milik ej erreto im emmōn nōn niñniñ ro.

1. Jen aikuij karreoiki bato ko. Elaņe etton bato ko, men in naņinmij ko naj dreloņlok bato innem niņniņ eo im enaj kōnaņinmij niņniņ eo. Elaņe bato eo ej wūtlok nōn bwij ak elaņe juōn laņ ej ketok ion ninnin in bato eo, ak elaņe ej kattone e ilo bar juōn wāwen eo, jen aikuij bōklok e im kwalkwal e iben dren ebwil kab joob im mokmoke e.
2. Kōjerbale dren erreō nōn kobaiki iben milik. Kwon jab kōjerbali dren etton. Ņe ej kobaik dren etton iben milik, niņniņ eo emaroņ naņinmij jen dren. En kar aikuij bulullul dren iumin roņoul minit ko innem en medlok mokta am lelok nōn niņniņ eo.
3. Kōjerbale milik ekāāl. Elaņe milik eo enaj tōraņe, jeorlok e.
4. Kononoik jen pepa ion kuwat eo im kōjerbale joņon dren eo ejimwe ekkar nōn tel ko. Niņniņ ro renaj naņinmij elaņe ej jab jimwe joņon dren eo. Kwon jab kalaplok joņon dren eo ak kadriklok e nōn kaitoklok joņon am kōjerbali milik jen kuwat eo.

Ej kwaloki juōn bwebwenato jen juōn eman etan James O. Masōn, eo ej juōn takta, eo ej kwaloki tokjen ami kobaiki milik im dren kin juōn niņniņ ilo wāwen eo ejimwe.

Juōn jemen ej jab ridto im lio belen rar karuwainenetok Eman Masōn nōn mweo imōir nōn loe air niņniņ. Ke jinen ear bōklok nejeir niņniņ nōn Eman Masōn, ear likuun bwilōn. Jinen ear ba bwe drettan niņniņ ekar jiljino alliņ ko. Ak Eman Masōn ear bwilōn kinke ekar likuun meni niņniņ eo. Joņon an meni niņniņ eo ekar bwe kin an Eman Masōn loi drii in ubōn im bar jet drii in enbwinin niņniņ eo. Jemen im jinen niņniņ eo rar jiroņlok Eman Masōn bwe jinen ear jab maroņ najdrik niņniņ eo jen an itūt kinke ekar likuun naņinmij ke ear bōroro. Kin men in, ke ear lotak niņniņ eo, rar aikuij in wiaiki kuwat in milik nōn najdrik niņniņ eo. Ak ekar jab bwe air jāān nōn wiaiki bar juōn kuwat in milik. Kin men in rar kobaik jidik wōt milik iben elap dren nōn najdrik niņniņ eo bwe innem milik eo enaj bed nōn juōn ien aitok. Eman Masōn ear kajitōk ibeir, "Ta eo kwoj kōjerbali kiō nōn najdrik niņniņ eo?" Rar uak e im kwaloki juōn bato in limen niņniņ eo ej jet wōt bōnōlōl in milik im elap dren.

Elikin Eman Masōn ear lolok irro, ear tellok ir ilo wāwen eo ejimwe nōn kobaiki milik im dren nōn najdrik niņniņ eo nejeir. Ear bareinwōt lelok nōn president in rā mōnni nōn lelok nōn irro bwe ren maroņ wiaiki milik nōn najdrik niņniņ eo nejeir. Jekdron an kajioņ in jibaņ jinen im jemen, niņniņ eo ear mij. Tokelik, irro rar katak bwe ekar wōr juōn jikin ijo ren kar maroņ in bōk joņon milik eo ebwe ie nōn najdrik air niņniņ. Bōtap ekar rumij.

Jen aikuij likuun kejbarok men otemjej elaņe jej kōjerbali milik jen men in mour ko nōn najdrik niņniņ ro nejid. Jen aikuij kejbarok bwe milik im bato ko rerreo im bwe ejimwe ad kobaiki milik im dren iben dren. Niņniņ ro me rej ninnin limeir jen milik in men in mour ko remaroņ ejmour. Ak enaj laplok air ejmour elaņe rej bōk ninnin limeir jen itūt in jineir, meņe niņniņ eo emaroņ aikuij bar jet milik jen bato ko bar jet ien.

Niņniņ Ro Rej Aikuij Bar Jet Mōnā Ko, Bareinwōt

Ņe niņniņ ro rej edrōklok, reban ejmour elaņe rej bōk milik wōt. Renaj bareinwōt aikuij bar jet mōnā ko. Niņniņ ro rej aikuij in jinoin kaņe bar jet mōnā ko ņe ej jiljino alliņ ko drettair. Rej aikuij mōnā ko rōt jilu, me ear kwaloki ilo katak eo 22, einwōt ro ridto. Jen aikuij karreoiki mōnā kein, im jen aikuij kapoji ir ilo wāwen eo me niņniņ ro ren maroņ kaņe ir.

LEIN WIJKI IM NŌBBA KO

Lein wijki ko me ewōr kaniekiir rerreo lok jen bar jet lein wijki ko. Keepraņ ekālo ej kijen niņniņ emmōn. En aikuij karreoki im ākili bar jet lein wijki ko iben juōn bakkōk erreō im pā ko erreō. Nōbba ko emwij kōmat rej emmōn nōn niņniņ ro. En aikuij mwijiti nōbba kein bwe niņniņ ro ren maroņ kaņe ir.

RAIJ IM MŌNĀ KO EINWŌT POTATO KO

Raij im mōnā ko einwōt rōt in rej emmōnlok jen mōnā ko rōt potato ak iaraj. Niņniņ ro reban bed wōt ilo ejmour elaņe rej mōnā wōt potato im iaraj. Mōnā kein rej jab bwe nōn

kōkajurlok enbwiniir. Ak rej emmōn elañe ej kobaiki ir iben bar jet mōñā ko einwōt lūb ko, lein wijki ko, nōbba ko, im kaniekin men in mour ko.

KANIEKIN MEN IN MOUR KO IM MŌÑĀ KO RŌT EINWŌT IR

Jokkwōpin, juub im mōñā ko rōt in rej jab bwe. Tokjen men kein ej itok jen kaniekin men in mour ko, ak mōñā ko ir make iair. Jokkwōpin im juub ej emmōn kinke enañin aolepen ien ej kōmati ir im ej erreō im ejelok men in nañinmij emarōñ bed ilo ir, ak mōñā rōt kein ir make iair rej jab wōr lap tokjen nōn kōkajurlok enbwiniir niñniñ ro.

Ewi mōñā ko jen mōñā kōn rōt jilu me ar kwaloki ilo katak eo 22 im rej emmōn nōn an juōn niñniñ?

Ewi wāwen en aikuij kapoji mōñā kein?

Ñe ewōr am marōñ, kwaloki wāwen in kapoji ruo ak jilu ian mōñā kein nōn juōn niñniñ. Rōjañe kōra ro nōn najdrik niñniñ ro nejeir jen milik in air itūt. Ñe ebwe an drettan niñniñ ro, ren aikuij bōk aolepen mōñā kein rōt jilu aolepen ran kaju.

Jemlokin

Jej aikuij kejbarok in kelet mōñā ko jej kañe. Men in elap tokjen nōn kōra ro bōroro im kōra ro rej najdrik niñniñ ro nejeir jen air itūt. Ejmour in niñniñ ro ej walok jen ta ko jej kañe im ta ko jej lelok nōn air mōñā.

Milik jen itūt an jinen ej milik eo emmōntata nōn najdrik niñniñ ro. Ak niñniñ ro rej aikuij in mōñā aolepen mōñā kōn rōt jilu me ear kwaloki ilo katak eo 22, bwe innem ren marōñ edrōklok im bōk enbwiniir kajur im ejmour.

Men In Kōmmōni Moktalok Jen Am Kwaloki Katak In:

1. *Eliji katak eo 22.*
2. *Bōktok juōn bato in ninnin an niñniñ eo ak juōn kōp nōn ien in katak. Kwaloki kōra ro wāwen in karreoike e im wāwen in kapoji milik.*
3. *Bōktok jet mōñā ko nōn ien in katak ko rej likuun emmōn nōn niñniñ ro. Ñe ewōr am marōñ, bōktok kein in kapoji mōñā ko im kwaloki wāwen in kapoji ir nōn an niñniñ kañe. Lale bwe kōra ro rej amwin peir mokta air kapoji mōñā ko.*
4. *Bōktok chalkboard im chalk.*

Bōprae Nañinmij Ko

Unin katak in ej nōn jibañ kij kōmmōni men ko enaj jibañ kij nōn bōprae nañinmij ko.

Jino

Ilo terre ko etto, armij ro rar jab jela ta ko ar kōmmōni nañinmij ko. Rar lōmnak bwe kajur enana ear kōmmōni nañinmij ko. Elikin air katak iumin elōn yiō ko, dri meletlet im takta ro rej jela kiō ta ko ej kōmmōni elōn nañinmij ko, im rar kōmōnmōn elōn men ko nōn bōprae nañinmij ko im kejbarok ad ejmour. Jen aikuij jela ta ko men kein rej jibañ in bōprae nañinmij ko bwe jen maroñ wōr ejmour kin ad kōmmōni ir. Jen aikuij bareinwōt katakin men kein nōn ro nejid. Jenaj kononoik kaki jet ian men kein ilo katak in.

Kij Ko Rej Kōnañinmij Armij Ro

Ewōr men ko etair, kij ko, (ej jab kij in bōran), me rej likuun drik im rej mour. Kij ko rej kōmmōni nañinmij ko. Jeban loi ir iben mejad wōt, ak jej aikuiji juōn microscope. Jen maroñ bōk kij ko jen bar jet armij ro, men in mour ko, im jen elōn bar jet men ko. Kij ko rej kōnañinmij armij ro ilo elōn wāwen ko ñe rej dreloñtok enbwiniid. Rej mour im jokwe ilo jikin ko emāānān, etutu, im emarok. Renaj edrōklok iturin men in mour ko im ebake kibwe in armij kab men in mour ko. Jen aikuij karreoiki ijo ko im kij ko maroñ jokwe ak mour ie.

Ta ko jen maroñ kōmmōni nōn jeorloki kij ko? Jeje ion chalkboard eo uak ko kōra ro rej kwaloki im kobaiki men kōn i'lōl lok:

JAB KŌTLOK KULUL, LĀÑ, AK MEN IN MOUR RŌT KEIN NŌN DRELOŃTOK ILO AN MWEO IMŌM

Kwon jab kōtlok men in mour ko redrik nōn dreloñwōj ilo an mweo imōm. Men in mour kein, einwōt lāñ rej bōktok kij ko. Juōn wāwen in kejbarok bwe ren jab dreloñ ej nōn likiti ok in wea iman wintō im kejem ko ilo mweo imōd.

KARREOIKI IJO KO KIJ KO REJ JOKWE IE

Kij ko rekōnan jokwe ijo jej kōmat, tutu, im kwalkwal nuknuk, im ilo imōn pijak im bar jet jikin ko etutu, emāānān, im emarok ie. Jen aikuij karreoiki jikin kein im kejbarok bwe ren mōrā wōt. Dret in al ej jibañ in bōprae kij ko jen air mour.

Ta ko jen maroñ likit ilo dret jet ien nōn jeorloki kij ko? (Nuknuk ko, jeki kiki, im men ko emwij libobo iben nuknuk ko).

KŌJERBAL IMŌN PIJAK KO KIN AM PIJAK

Kij ko rej mour ilo kibwe. Ñe ej bed wōt ion brij, lāñ ko rej itok im bōklok kij ko jen e im bōktok ir nōn iloan mweo imōd im kijed. Innem, ñe jej kañe mōñā ko kij ko rej dreloñtok enbwiniid im kōnañinmij kij. Kin men in, jen aikuij jeorloki kibwe. Jen bareinwōt aikuij kejbarok bwe imōn pijak ko rej erre otemjej. Kij ko rej bareinwōt mour ilo kibwe in men in mour ko. Jen aikuij lale bwe kibwe in men in mour ko ej jab bed iturin mweo imōd.

Ia eo jen maroñ jeorloki kibwe in men in mour ko kab armij? (Kōjembali imōn pijak ko nōn jeorlok kibwe in armij. Kejbarok men in mour ko ilo worwor ko. Kalibwini ilo jikin kallip kibwe jen men in mour ko me rej jab kañe kaniek. Kalibwini ilo juōn jikin ijo ettolok jen mweo imōd kibwe jen men in mour ko jet. Kalibwini jokpej).

Nañinmij Ko Im Ta Ko En Maroñ Kemour Armij Ro Jen Ir

Nañinmij Eo	Kakõlle Ko	Ta Ko Nõn Kõmmõni Nõn Kemour Dri Nañinmij Eo
Diptiria (Diphtheria)	Armij eo ej bõk metak eidiñ wõt ilo bõroõn. Ebin an armij wõrañlok. Elap an bwil armij eo. Armij eo emõk. Edrik ainikien armij eo. Ebin an menono. Armij eo ej erom likuun nañinmij ilo emen ran ko. Armij eo ej bokbok.	Kababu armij eo ijo etolok jen ro jet. Lelok limen mõñā ko, einwõt juub im men kõn rõt, ilo wāwen eo ebāt. Bõklok armij eo nõn hospital.
Tetānūs (tetanus or lockjaw)	Armij eo ekũmũm. Ej kjerjer. Emõkaj an illu. Ejaje meme ak wõrañlok mõñā ko. Ebin kenowaan. Keel in mejan im atlalin rebin. Ewũdiddid enbwinin.	Kakijeik armij eo ilo juõn jikin elur im emarok. Bõklok armij eo nõn hospital kiõkiõ wõt.
Bokbok elap--e uwurur botin armij eo (whooping cough)	Emetak bõroõn. Ebwil jidik. Elaplok an bokbok ilo boñ. Ej jab kuli. Ej mmõj ñe ej bokbok. Uwur ej driojlok jen loñin ñe ej bokbok.	Kakijeik armij eo ilo jikin kiki. Kalur e bwe en jab bokbok. Lelok nõn e mõñā ko remmõn. Bõklok e nõn hospital ñe ewõr am maroñ.
Bolio (polio)	Ebwil armij eo. Ej mmõj armij eo. Elikkin, kenowaan, im an keel rebin. Ewõr metak elikkin armij eo, me ej emmõnlok ñe ej makitkit. Ej jaje jijet bajjik. Ejaje wõrañlok.	Kakijeik armij ilo jikin babu ijo ettolok jen ro jet. Jojõik nuknuk ilo dren ebwil im likiti ion mõttan ko enbwinin emetak nõn bõklok metak. Lelok nõn e mõñā ko remmõn. Bõklok e nõn hospital ñe kwo maroñ.
Bok Aidik in Jermany (German Measles)	Emõk armij eo. Emetak bõran. Lennab emouj ej walok ion mejan, eo enaj makitkit nõn ubõn, pein, im enañin aolepen enbwinin iumin 2 nõn 3 auõ ko.	Kejbarok armij eo jen ro jet iumin 2 ran ko. Lelok nõn e mõñā ko remmõn. Bõklok e nõn hospital kiõkiõ wõt.
Lõpper (mumps)	Ebio armij eo. Emõk armij. Ebwil armij eo. Bbõj enaj walok iumin lojilñiin ko. Ej eñjake metak ilo atlalin im atlõñin Ebin an makitkit atlalin.	Kakijeik armij eo ijo ettolok jen armij ro jet. Lelok nõn armij eo mõñā ko remmõn im elap aibwij. Bõklok e nõn hospital kiõkiõ wõt.
Bwil in taipoid (Typhoid fever)	Emetak bõran armij eo. Elap an bwil. Ej eñjake bio. Ej jab kuli. Emõk armij eo. Buwaj ko bõrõrõ renaj walok ion kilen.	Kakijeik armij eo ijo ettolok jen ro jet. Lelok nõn e mõñā ko remmõn im elap aibwij. Bõklok e nõn hospital kiõkiõ wõt.
Mejin (flu)	Armij eo ej eñjake bio. Emetak bõran. Emetak likkin. Ej bokbok.	Kakijeik armij ijo ettolok jen ro jet. Lelok limen aibwij elap. Bõklok e nõn hospital kiõkiõ wõt.

Juõn Men Eo Elap Tokjen Nõn Jela Im Kõmmõni

Ewõr uno ko me ro nejim ren maroñ bõki nõn bõprae nañinmij kein. Kwo maroñ bõk uno kein ilo hospital ilo ailiñ ne am. Enaj kadreloñi uno kein kin iie kin juõn takta. Elañe kwe im ro nejim ar jañin bõk uno kein, komij aikuij karõke nãāt eo komnaj etal nõn hospital im bõk ir.

KEJBAROK BWE MEN IN MOUR KO REDRIK, EINWÖT KUL IM LĀN, REJ JAB BED ILO MŌNĀ

Wāwen in kejbarok bwe men in mour ko, einwöt kul ak lān, rej jab bed ilo mōnā ko ej nōn likiti mōnā ko ilo juōn pantōre. Ak, elañe ewōr am aij bok ak juōn jikin ijo ej mōlo ie, kwo maroñ likiti mōnā ko ilo e. Kinke en maroñ kelok kij ko ilo kōto, jen aikuij kejbarok mōnā ko jen kōto. Ilo ailiñ ko ijo elap an bwil ie, einwöt ailiñ in Majōl, ej emmōn nōn likiti mōnā ko ilo juōn bok me ewōr ok in wea ion e bwe en kejbarok mōnā ko jen men in mour ko. Ej emmōn meñe jet kij ko maroñ dreloñlok ie.

Ewōr Uno Ko Me Ren Maroñ Jibañ Kij Bōprae Nañinmij

Ej mol bwe ewōr uno ko, me rej kadreloñe ilo enbwinid iben juōn iie im rej bōprae nañinmij ko jen air dreloñ enbwinid. Kin jet nañinmij ko, jen aikuij bōk uno ilo juōn alen nōn bōprae nañinmij ko. Ak kin bar jet nañinmij ko, jen maroñ aikuij bōk uno jet alen ko nōn bōprae ir. Nañinmij rōt kein i'lōl lok jej maroñ bōk uno ko nōn bōprae ir: diptiria (diphtheria), tetānūs (tetanus), bokbok elap (whooping cough), bolio (polio), bok aidik (German measles and Reubella), lōpper (mumps), boklap (smallpox), bwil in taipoid (typhoid fever), mejin (influenza).

Uno ko nōn bōprae ad bōk nañinmij kein rej bed ilo hospital ko ilo enañin aolepen ailiñ ko i'lōl. Jen aikuij bōk jelalokjen jen hospital eo ilo ailiñ e ad ewi wāwen jen maroñ bōk uno kein nōn jibañ kij jab bōk nañinmij kein. Bolio (polio) ekar juōn nañinmij me ear walok aolepen ien jet wōt yiō ko mokta. Ak jet yiō ko, juōn eman ear kōmōnmōn juōn uno me ej bōprae e. Kiō, armij ro rej bōk uno in rej kejbarok ir make jen air bōk nañinmij in bolio. Nañinmij in ear mane elōñ armij ro im ear kakūrro elōñ bar ro jet.

Kabukōt jelalokjen eo kin ia eo im nāāt eo armij ro ren maroñ bōk uno kein nōn kejbarok ir make jen nañinmij kein me ar kwaloki. Innem jiroñlok kōra ro nōn likit juōn ien kin ir im pamle ko air nōn etal im bōk uno ko.

Kwaloki pija eo 24-a. Kōtlok kōra ro nōn katakin pija eo.

Ewōr Bar Jet Men Ko Jen Maroñ Kōmmōni Nōn Bōprae Nañinmij Ko



Kwaloki pija eo 24-b

Ewōr bar jet men ko jen maroñ kōmmōni nōn bōprae nañinmij ko. Jet ian men kein rej einwöt bōk joñon ien kiki ebwe, mōnā men ko rejimwe, im kōmmālmel enbwinid aolep ran. Jen bareinwöt aikuij in tutu mōkajkaj, kurkur nūid elikin jej mōnā, amwin peid elikin ad pijak ak ñe rej etton jen ad jeral, kalibobo loñid im botid ñe jej maje ak bokbok, im jujuj ak jodi nōn kejbarok neid.

Kajitōk iben kōra ro nōn jiroñlok ta ko rar katakin pamle ko air nōn bōprae nañinmij ko.

Ñe nañinmij ko rej itok ewōr men ko oktak ilo wāwen enbwinid eñjake, wāwen añlokwiir, im wāwen air makitkit. Ñe men kein rej walok, jen maroñ kile bwe ewōr men in jorren iben enbwinid. Jet kakōlle in nañinmij ko rej einwöt metak, bwil, bio, ejelok kōnan mōnā, enañinmij lojin, emouj kilen, nūt, mōjino, lennab, mōnōjnōj, bbōj im epidodo lojin.

Elañe jenaj bōk nañinmij, jen aikuij etal nōn hospital ak kabukōt juōn takta kin jibañ. Jeramōn ko jen ro iben priesthood ren maroñ jibañ kij. Ak Jemed Ilōñ ekōnan bwe jen kōmmōni ta ko jen maroñ moktata nōn kemour kij make iad. Jelalokjen eo an takta ko kaki enbwinid im wāwen in bōprae nañinmij ko ej itok jen Jemed Ilōñ. Kin men in, Ekōnan bwe jen kabukōt juōn takta mokta kin an jibañ. Innem, elañe juōn takta ej jab maroñ jibañ kij, jen kajitōk iben Jemed Ilōñ, kin jeramōn ko jen priesthood, bwe en jibañ kij. Jemed Ilōñ ear jiroñtok kij bwe kajur eo an priesthood enaj kemour kij elañe ej jab ien ad mij.



Dri kanan Brigham Young ear ba bwe jen aikuij kajioñ in mour aitokin ad maroñ kin ad bokake kien ko in ejmour im kin ad bōk joñon eo ejimwe an jermal, katak, kakije, im ikkure. Men in enaj jibañ kij bōk ejmour, im bareinwōt enaj jibañ kij ñōn wōr juōn ien mour emmōnlok. President Brigham Young ear ba bwe jen aikuij katakin men kein ñōn ro nejid.

Kunam

Kōjembali wāwen ko ear kwaloki ilo katak in ñōn katakin pamle ne am ñōn kōmmōni men ko me enaj jibañ ir ñōn bōk ejmour.

Men In Kōmmōni Mokalok Jen Am Kwaloki Katak In:

1. *Lolok hospital eo ilo ailiñ ne am im katak ta ko uno me kom maroñ bōk ñōn bōprae nañinmij ko me ear kwaloki ilo katak in. Bukōt jelalokjen kaki ia eo im ñāāt eo kom maroñ bōk uno kein im ta ko komij aikuij kōmmōni ñōn bōki ir.*

24-a Nañinmij Ko Im Ta Ko En Maroñ Kemour Armij Ro Jen Ir

24-b Juōn kōra emeletlet ej kejbarok bwe ej bōk joñon ien kiki ejimwe, ej mōnā men ko rej jimwe, ej kurkur ñiin elikin an mōnā, im ej amwin pein aolep ien.

Kadrōklok Juōn Atake Eo

Unin katak in ej nōn rōjañe kij nōn kadrōklok juōn jikin kallip ak nōn kōmōnmōnlōk eo juōn ewōr ibed.

Dri Kanan Eo Ad Ear Tellok Kij Bwe Jen Aikuij Kalibwini Juōn Jikin Kallip

Dri kanan eo Spencer W. Kimball ear tellok kij bwe jen aikuij kadrōklok ad mōnā ko kij make iad. lumin jet yiō ko ear jiroñtok kij nōn kalibwini juōn jikin kallip. Ear jiroñtok kij bwe jen aikuij kadrōklok aolepen ad mōnā joñon ad maroñ ion bwij eo ad. Jen aikuij kadrōklok wijki ko me renaj kadrōklok lein, im jen aikuij kalibwini inne in nōbba ko im bar jet mōnā ko me ren maroñ edrōklok ilo ene ko eneid im ko remmōn nōn kij. Dri kanan Kimball ear ba bwe jen aikuij karreoiki jikin kallip ko ad, im bwe jen aikuij lelok kunan ro nejid nōn jibañ kij.

Elañe jej likuun tōmak ilo ad dri kanan, ta ko jenaj kōmmōni ñe ej letok nōn kij tel ko?

Elōn men ko remmōn rej walok ñe jej kadrōklok juōn jikin kallip. Pamle ko ad rej katak wāwen in jermal iben dren. Jej kejbarok mōnni kinke jej jab aikuij wiaiki mōnā ko jen imōn wia. Jen maroñ bōk mōnā ko jekōnan im ko remmōn nōn enbwini. Im jen maroñ wiakaki jet men ko jej kadrōkloki nōn bōk mōnni bwe jen maroñ wiaiki bar jet men ko jej aikuiji. Ak bwolen men eo elaptata tokjen jen aolepen men ko, Jemed Ilōn enaj mōnōnō ibed im enaj kōjeramōn kij ilo bar jet wāwen ko kin ad bokake E im dri kanan eo An (Luk 6:46).

Kajitōk iben kōra ro nōn kameleleik jeramōn ko rar bōki kin air kalibwini juōn jikin kallip.

Jen Aikuij Karōke Mokta Ad Jinoin Kadrōklok Juōn Jikin Kallip

Mokta ad kalibwini juōn jikin kallip, jen aikuij kelet ia eo enaj bed ie, ta ko jenaj kalibwini, im nāāt eo ejimwe ad kalibwini inne ko rōt oktak.

Men eo maktata jej aikuij kōmmōni mokta ad kalibwini jikin kallip eo ej nōn kelet ia eo jenaj likite e ie. Ej aikuij kalibwini juōn jikin kallip ilo juōn jikin eo emmōntata me jen maroñ bukōte, ijo ewōr elap dret in al im bwij eo ej emmōn nōn kadrōklok men ko. Jet brij ej jab emmōn nōn kalibwini kallip. Brij eo iben elap bok eban emmōn nōn kejbarok dren. Brij eo ebin ej jab kōtlok dren nōn wōnlōlok. Elañe bwij rōt kein rej ko jej wōr wōt jen aikuij kabukōt bwij eo emmōn bwe en emmōnlōk nōn ad jikin kallip. Men in edrōklok ko rej bareinwōt aikuij elap dren, im laptata ijo ej jidik wōt an wōt ie.

Ej aikuij kalibwini jikin kallip iturin mweo imōn ñe ewōr maroñ. En jab emmōn nōn likite e ijo ettolok ie bwe innem ej aitokin ien ad etal lok nōn ie im jermal ie. Jen aikuij kelet juōn jikin e pikin, bwe innem dren enaj jab bōklok inne ko im bwij. Elañe jej aikuij kalibwini ion juōn tol, innem je aikuij kōmōnmōni jikur ko nōn dren. Ro rej jokwe ijo ejelok bwij nōn kōmōnmōn juōn jikin kallip ie, ren maroñ kalibwini inne ko ilo kuwat ko.

Ro rekōnan wōr juōn kallip ekileb, ren maroñ kōjerbali ijo iturin mweo imōir ak kōlla wōnen air kōjerbali bwij iturin mweo imōn dri turiir. Ekar wōr ruo pamle ko ilo Jermany me rar jab wōr bwij eo air make nōn kalibwini juōn jikin kallip ie. Pamle kein ruo rar etal im bukōt bwij eo ijo ekar bwe air kalibwini juōn jikin kallip ie. Juōn armij jen pamle kein ruo ear ba:

"Ear jab pidodo ad bukōt bwij eo ilo jikin kwelok ekileb einwōt Frankfurt bwe ijo jen maroñ kalibwini juōn jikin kallip ie, ak jar loe juōn im kōlla wōnen nōn kōjerbale e. Jikin eo ear walok einwōt juōn ene jemaren, iben elōn wujuj im men kōn rōt einwōt in ie. Ekar wōr juōn em jidikdik ie, im juōn worwor ejorren i'bellakin. Men in ear jab kaburomōj kij. Jar kōmōnmōnlok worwor eo kab em eo, im jeorloki wujuj, im jar kōmōnmōnlok bwij.

Innem jar kalibwini nōbba ko im bar jet mōnā ko. Ke jar kalibwini jikin kallip eo, dri turid rar itok im ba bwe enaj jab edrōklok. Ekar wōr juōn kōl ijo iturin jikin kallip eo im jar kobrak kuwat ko iben dren; innem jar bōklok ir ion baijikel ko ad im jar lutoklike ion jikin kallip eo. Jar jar nōn Iroi j bwe en jibañ in kadrōklok ad jikin kallip eo. Iroi ear uak ad jar. Men otemjej me jar kalibwini ear likuun edrōk, im jar likuun mōnōnō."

Men eo kein karuo me jej aikuij kōmmōni ej kelet ta ko jenaj kalibwini. Jet armij ro ewōr elap bwij, kin men in ren maroñ kadrōklok elōn men ko. Ak elañe ej eindrein ibam, kwonaj aikuij in kajeon nōn kadrōklok men ko rej edrōk lōnlok, einwōt tomato ak 'beans im peas'. Men ko rōt kein renaj jebar lein ko relaplok jen ro jet einwōt 'radishes' im 'beets', me renaj edrōklok juōn wōt leir jen juōn inne.

Kejbarok bwe kwoj kalibwini men ko renaj kakajurlok enbwinin pamle ne am. Kwon jab kalibwini men ko rej jab kōnan mōnā. Mōnā ko einwōt 'soybeans', 'peas', 'beans', im kwole rej kemour enbwinid ñe jej nañinmij. Mōnā ko einwōt raj, potato, im iaraj rej kakajurlok enbwinid. Kalibwini mōnā ko me renaj emmōn air edrōklok ilo bwij in ene ne am, me rej emmōn nōn kij, im ko pamle ko ad renaj kōnan mōnā.

Kōjerbale juōn pija eo ej kwaloki lein wijki, nōbba, im bar jet men in mōnā ko me renaj edrōklok ilo ailiñ ne am.

Ewi inne ko me renaj lap air jebar leir?

Men eo kein kajilu jej aikuij kōmmōni mokta ad kalibwini juōn jikin kallip ej nōn jela nāāt eo ej ien jimwe in kalibwini inne ko. Jet inne ko rej edrōklok iumin jet allin ko im ej mōrā. Ak bar jet inne ko rej edrōklok ñe ej mōlo. Jet men ko me rej edrōklok ñe emāññan ej 'beans', 'corn', kanabu, 'squash', im tomato.

Men ko renaj edrōklok ñe emōlo lok ej einwōt 'beets', 'cabbage', 'carrots', 'lettuce', 'onions', 'peas', im 'spinach'. Jen aikuij jela nāāt eo ej jimwe ien in kalibwini inne kaju ilo ailiñ eo ad.

Kōjerbale juōn pija eo ej kwaloki nāāt eo ejimwe in kalibwini inne ko ilo ailiñ ne am.

Mokta Ad Kalibwini Juōn Jikin Kallip, Jen Aikuij Kapoji Bwij Eo

Mokta ad kalibwini inne ko ilo ad jikin kallip, jen aikuij kapoji bwij eo. Enañin emen ak jiljino wiik ko mokta ien in kalibwini, jen aikuij juloki wujwuj ko, wijki ko, dreka ko, jokpej, rā in wijki jen bwij eo. Jen aikuij kaboolol bwij eo iben juōn jōbel bwe innem dren en maroñ joon bwij eo. Brij eo en kar aikuij pikin ak metaltōl mokta ad kalibwini inne ko.

Jen maroñ bareinwōt kōne atake bwe en kemourur im men ko renaj edrōklok ie. Jet armij ro rej kōne iben jokpej, einwōt kōn jen wijki ko, wujwuj, nōbba ko im lein wijki ko emor, im mōnā ko me armij ro rar jab kañe (ijellokin wōt drii im kūruij, bwe men kein rej jab emmōn). Rej bareinwōt kobaiki kibwe in men in mour ko einwōt hors, kau, bao, got, im piik. Innem rej likiti men ken bwe ren wabanban iumin juōn yiō.

Ñe rej bojak in kalibwini air atake ilo yiō in lāl, rej kobaiki mōttan ian men kein iben brij eo. Men in ej emmōn. Ak elañe kwo kōnan kōmmōne men in, kwon jab kobalok kibwe in armij ak jen men in mour ko me rej kañe kaniek. Kibwe in armij im men in mour kein ewōr

kij ko ilo ir. Elañe jenaj kobaik men kein iben atake e ad, kij ko renaj dreloñlok mōnā ko ad, im ñe jej kañe ir jenaj bōk nañinmij ko ilo enbwinid.

Elañe kwo kōnan kōmōnmōn kōn am make jen jokpej, einwōt an kōmeleleik ilo katak in, eñin tel ko ñōn am kōmmōni:

Bōk aolepen bwilik ko jen wijki, mōnā ko me armij ro rej jab kañe (ijelloki wōt drii im kūruij), nōbba ko im lein wijki ko remor, im kibwe jen hors, kau, bao, piik, kab got ko im kobaiki ir iben dron ilo juōn wōt jikin. Innem kalibwini ir iumin ruo inij in brij. Kūbwij juōn roñ jidikdik bwe dren en maroñ bed ie. ELañe kwoj kobaik bar jet kibwe ak jokpej ion men kein tokelik, lale bwe kwon likit bar jet brij ioir. Wōnmanlok wōt in kōmmōne men in ñe kwoj kobaik jokpej. Katutu men kein ñe kwoj kobaiki bar jet men ko. Kejbarok bwe men kein rej tutu wōt aolepen ien, ak en jab moujlep. Okjake brij eo aolepen wiik ko bwe en bōk mejatoto ioalepen men kōn. Enaj mōkaj an wabanban ñe elikuun bwil. Ñe men kōn jab wōr bwini puwal im enana, ej bojak in kōjberbal ñōn kōne atake eo.

Kalibwini Atake Eo

Ilo ailiñ ko ijo ekadru ien in kallip, kwo maroñ kōnan jinoin kadrōklok inne ko ilo kuwat ko i'mweo imōm mokta am kalibwini ir i'nabwij. Innem, ñe ej itok ien in kallip, bōklok ir jen mweo imōm im kalibwini ir. Kalibwini ir ilo ial ko aidrik. Men in enaj jibañ kwe ñōn jela inne in mōnā ko jen wujwuj ko ñe rej edrōklok. Kōjibilok inne ko bwe ren jab bed iturin dron.

Kwon jela ñāāt eo ejimwe am kalibwini inne ko rōt oktak, innem kalibwini ir ilo ien en. Kwon jab kalibwini aolepen inne ko ilo juōn wōt ien. Ak kalibwini jet iair ilo ial ko aidrik iumin juōn wiik, innem bar ko jet ilo wiik in lāl. Men in enaj bōprae air lein jen jebare iumin juōn wōt ien, im enaj bareinwōt jibañ am marmar ir iumin juōn ien aitok.

Kwon jab kalibwini aolepen inne ko mwilōlin joñon wōt juōn. Joñon inne ko rej oktak jen dron. Elañe kwonaj kalibwini ir joñon wōt juōn mwilōl, jet iair enaj jab edrōklok. Kalibwini aolep inne ko mwilōlin edriklok jen jilu alen joñon inne eo. Innem jipede brij eo bwe en bin. Kejbarok bwe inne ko rej bed ijo ettolok jen dron ebwe bwe innem kwon maroñ kaboolo! bwij eo iturin inne ko ñe rej edrōklok tokelik. Kejbarok bwe brij eo etutu elikin am kalibwini inne ko. Elañe emōrā brij eo, inne ko reban edrōklok.

Kejbarok Atake Eo

Men ko ilo atake eo reban edrōklok elañe kwoj jab kejbarok e. Ñōn kejbarok bwe men ko ilo e renaj edrōklok, jej aikuij kōmmōni men kein i'lōl lok:

KATUTUIK ATAKE EO

Kwoj aikuij likuun katutuik atake eo juōn alen iumin juōn wiik elañe ej jab bwe an itok wōt ilo ailiñ ne am. En kar aikuij tutu brij eo enañin jiljilimjuōn inij iumin melan eo. Katutuik brij eo ñe ej jab likuun dret al eo, bwe innem en jab maroñ kōmōrāiki brij eo.

JULOKI WUJWUJ KO

Jen aikuij juloki wujwuj ko jen atake. Wujwuj ko rej bōklok dren im men ko jet me ad inne ko rej aikuij ñōn edrōklok.

Ñe ebwe an edrōk inne ko, enañin jilu ñōn emen inij ko aitokiir, kwon juloki aolepen wujwuj ko jen ibwiljiir im likiti pepa ko, ak kōn enañin ruo inij mwilōlir iturin men in edrōk ko. Men in enaj kejbarok brij jen an kōmōrāiki ak jen an likuun māānān. Elōñ armij ro me rej kōmmōne men in rej jab aikuij juloki elap wujwuj ko tokelik.

LALE BWE KULUL IM MEN IN MOUR KO RŌT EINWŌT IN REJ JAB BED ILO ATAKE EO

Kejbarok atake eo jen kulul ko im bar jet men in mour ko. Renaj kokkure men in edrōk ko. Bōklok aolepen lein wijki ko ñe rej jebar bwe ren jab wabanban. Bareinwōt bōklok jabrewōt men in edrōk eo ñe emwij an jebare lein. Bōklok kin peiōm men in mour ko, ak kwali lok ir jen men in edrōk ko, ak kōjerbal uno in men in edrōk ko ñōn mane men in mour ko. Elañe kwoj kōjerbal uno ko ñōn mane men in mour ko, lale bwe kwon kwali lein moktalok jen am kañe ir.

ÑĀĀT EO KWOJ AIKUIJ MARMAR

Nōbba ko rej ennotata ñe redrik im ub. Ien in ej terre in marmar ir. ‘Cucumbers’ rej emmōnlok elañe kwoj marmare ir mōkajkaj. Kwon jab kōtlok ir bwe ren wabanban. Lein wijki im nōbba ko rej ennotata ñe kwoj marmar ir innem kōmati ir, ak kañe ir kiōlok wōt elikin am marmar.

Ta eo ej walok ñōn atake eo ad ñe jej karōke, im kalibwini e, ak innem jej jab kejbaroke e?

Jemlokin

Enaj kōjeramōn kij elañe jenaj kōmmōni ta eo dri kanan eo an Iroj ear kakien kij ñōn kōmmōni im kalibwini juōn atake ak jikin kallip eo.

Kunam

Karōk kiō ñōn kadrōklok juōn atake ak ñōn kōmōnmōnlok eo juōn ewōr ibam kiō. Kememej bwe aolepen ro ian pamle ne am rej aikuij jermal iben dron ñōn kadrōklok juōn atake im kejbaroke e (Kononoik jen K & K 59:16–19).

Men In Kōmmōni Moktalok Jen Am Kwaloki Katak In:

1. *Katak jen ro rej jela atake ilo ailiñ ne am men kein:*
 - a. *Ta ko enaj edrōklok ilo ailiñ ne am.*
 - b. *Ñāāt eo ejimwe ien in kalibwini inne ko.*
 - c. *Wāwen in kōmōnmōne kōn.*
 - d. *Wāwen in katutuik, juloki wujwuj, im kejbarok atake ne am jen men in mour ko einwōt kulul.*
 2. *Kōmmōne juōn pija eo ej kwaloki men in edrōk ko rōt rej edrōklok ilo ailiñ ne am im ñāāt eo ej emmōn am kalibwini ir.*
-

Jen Aikuij In Katak N̄on Liki Ad Make

Unin katak in ej n̄on jibañ kij n̄on katak ta ko jen maroñ kōmmōn ad make n̄on bōk men ko jej aikuiji.

Liki Ad Make

Dri kanan Spencer W. Kimball ear ba bwe jen aikuij katak n̄on liki ad make n̄on kejbarok ad make iad (K & K 78:13-14).

President Kimball ear jiroñtok kij n̄on liki kij make iad, bwe enaj itok ien ñe enaj kalaplok eñtaan, lañ ko, ibwijlelep ko, im an makitkit lōl. Ear ba bwe enaj kalaplok men kein ñe ej kebaketok jemlokin lōl, im kin men in jen aikuij bojak kin ir. President Kimball ear ba bareinwōt ba bwe ñe ej itok abañ kein, elōñ renaj kōnan bwe rar kejbarok mōñā ko ebwe im kalibwini inne ko im wijki ko bwe en maroñ bwe air mōñā ekkar n̄on aikuij ko air. Ear ba bwe Iroi ekōnan bwe jen kōmmōni ijo joñon ad maroñ n̄on bōk men ko jej aikuiji. Ak ro ewōr jikin kallip ko, im kau, im men kōn rōt in, rej niknik wōt in wiaiki milik jen imōn wia. Im ro ewōr brij n̄on jikin kallip rej niknik wōt in wiaiki lein wijki im nōbba ko jen imōn wia. Ear ba bwe elañe imōn wia ko rej jab wōr men kein, elōñ armij ro renaj kuli.

Kajitōk iben kōra ro n̄on lōmnak kake ta eo enaj walok elañe enaj kili imōn wia ko im rej aikuij in bōk aikuij ko air jen iruij make. Kajitōk ibeir ta ko renaj kōnan ilo terre rōt einwōt in.

Men Ko Jen Maroñ Kōmmōni N̄on Liki Kijuij Make Kin Men Ko Jej Aikuiji

Elder Vaun J. Featherston ear ba bwe jen aikuij kejbarok men in mour ko elañe ewōr ad maroñ, kalibwini wijki in jebare leir im nōbba ko me jen maroñ kañe im jab aikuij kōmat. Jen maroñ bareinwōt kejbarok mōñā ko me jen maroñ kōjerbali ilo ien in jorren ko. Jen bareinwōt aikuij in katak wāwen in keiki nuknuk ko ad, im kōmmōni bar jet men ko jej aikuiji. Jen bareinwōt aikuij in katak wāwen in kōmmōni men ko ad kiō.

I'lōl lok ewōr lajrōk in men ko Elder Featherston ear ba bwe jen aikuij in kōmmōni n̄on bōk men ko ad make iad:

(Kwaloki juōn pija eo ej kwalok men kein)

1. Kejbarok men in mour ko
2. Kalibwini wijki ko rej jebare leir
3. Kalibwini nōbba ko
4. Kejbarok mōñā ko
5. Katak wāwen in keiki nuknuk ko ad
6. Katak wāwen in kōmmōni men ko jej aikuiji
7. Katak wāwen in kejbarok kab kōmōnmōn men ko ewōr ibed ñe rej jorren

KEJBAROK MEN IN MOUR KO

Elañe ebwe ad bwij ijo jej jokwe ie, jen maroñ kejbarok men in mour ko, im jen aikuij kōmmōni eindrein. Ijoke, mokta ad kejbarok men in mour ko, jen aikuij keleti men in mour ko rōt me jekōnan kejbaroki. Jen bareinwōt aikuij katakin ta ko rej mōñā im wāwen in

kejbarok ir bwe ren maroñ wōr ejmour. Jen aikuij katak wāwen in lale ir. Jet men in mour ko rej pidodo in kejbaroki rej bao, rabbit, duck, im got.

Kononoik kaki men in mour ko rōt men ej pidodo in kejbaroki i'ennem.

Kononoiki kaki mōñā ko air im wāwen in kejbarok men in mour kein.

KALIBWINI WIJKI KO REJ JEBARE LEIR IM NŌBBA KO

Jen aikuij kalibwini wijki ko rej jebare leir im nōbba ko. Meñe ej mol bwe wijki ko rej jab jebare leir mae jet yiō ko elikin ad kalibwini ir, ñe rej jino in jebare, jen maroñ bōk leir yiō ko kaju, ak yiō ko lok juōn jen dron, ekkar ñōn wijki ko rōt me jej kalibwini. Jen aikuij kalibwini ir kiōlok jidik ñe ewōr ad maroñ bwe innem jen maroñ bōk leir ñe jej likuun aikuiji. Wijki kajojo ej aikuij joñon dren ejimwe. Jen aikuij katak wāwen in kejbarok ir jen kulul im bar jet men in mour ko me ren maroñ kokkure ir. Jet wijki ro rej edrōk ñōn joñon kileb, kin men jej aikuij jela ewi joñir bwe jen maroñ kalibwini ir ijo ej bwe ñōn ir.

Kononoik kaki wijki ko rej jebare leir me enaj emmōn air edrōklok ilo ailiñ ne am.

Kononoik kaki wāwen in kejbarok ir.

KALIBWINI ATAKE IN NŌBBA KO

President Kimball ear tellok kij ñōn kalibwini atake in nōbba ko ñōn letok kij mōñā ko me jen maroñ kañe kab kejbaroki ñōn ien in aikuij. Katak eo 25 ilo buk in ej kwaloki wāwen in kalibwini atake ko.

KEJBAROK MŌÑĀ KO

lumin elōn yiō ko, dri kanan ro ad rar jiroñtok kij ñōn kejbarok jabrewōt mōñā ko jen maroñ. Jen aikuij kejbarok mōñā ko ñōn ien im jej jab maroñ bōk bar jet mōñā ko. Ke juōn lañ ear walok ilo Honduras ilo 1974, ear lomoren ro ian Kabuñ eo kin air kejbarok mōñā ko mokta ear itok lañ. Jet alliñ ko mokta lañ ear walok, president in mijen eo ear tellok ro ian Kabuñ eo ñōn kejbarok mōñā ko ñōn ien in jorren ko. Beans, bilawā ejañin māt, raij, im bar jet mōñā ko me ro ian Kabuñ eo rar kejbaroki ar lomoren ir jen kuli ke ear walok lañ eo.

Jen maroñ kejbarok mōñā ko kin ad:

1. Likiti iumin bwij eo. Men in ej wāwen eo emmōn ñōn kejbarok mōñā ko einwōt potato ko, carrot ko, im cabbage, elañe ej jab lap an wōt ak dren.
2. Kōmerāiki lein wijki ko ak nōbba ko. Jen maroñ kōmerāik lein wijki im nōbba ko ilo dret in al. Ak jen aikuij kaliboboik ir ak kadreloñtok ir ñe ej itok wōt. Jen bareinwōt aikuij kejbarok ir jen lañ ko im bar jet men in mour ko ilo ien ad kōmerāiki ir.
3. Likiti ir ilo bato ko. Men in ej juōn wāwen eo pidodo ñōn kejbarok mōñā ko, ak ej bareinwōt juōn wāwen eo uota elañe ej jab kōmmōni ilo wāwen eo ejimwe. Bōtap, ñe ej kōmmōni ilo wāwen eo ejimwe ej juōn wāwen in kejbarok mōñā im nemen mōñā ko renaj einwōt juōn. Wāwen in ej kakien bwe en wōr bato ko rerreo im bwe en kejbarok ir jen air rub.
4. Kejbarok e iben jool. Wāwen in ej jab lap wōnen ñōn kejbarok lein wijki ko, nōbba ko, im kaniekin men in mour ko.

Kononoik kaki wāwen in kejbarok mōnā ko ilo ailiñ ne am.

Kononoik kaki wāwen ko rekāāl me kōra ro ren maroñ katak.

JEN AIKUIJ KATAK WĀWEN IN KEIKI NUKNUK KO AD

Jen aikuij katak wāwen in keiki nuknuk ko ad. Jen bareinwōt aikuij katak wāwen in bar kōmmōni nuknuk ko etto. Jen aikuij kejbarok nuknuk ko me jen maroñ kōjerbali nōn kōmmōni nuknuk ko bwe en maroñ wōr juōn ien im enaj jako aolepen nuknuk ko jen imōn wia ko. Jen bareinwōt aikuij katak wāwen in kōmmōni bar jet men ko, einwōt jāki; jen maroñ katak wāwen in kōmmōni tool ko, im men kōn rōt einwōt in. Jen aikuij bareinwōt katak wāwen in "weave," "quilt," "knit," "crochet," im bar jet jerbali kōn rōt kein. Aolepen men kein renaj jibañ kij ilo ien in abañ ko.

Ta ko jen maroñ keiki ak kōmmōni nōn mweo imōd?

JEN AIKUIJ KATAK WĀWEN IN KŌMMŌN MEN KO JEJ AIKUIJ

Jen bareinwōt aikuij katak wāwen in kōmmōni men ko jej aikuij. Jen aikuij katak wāwen in kōmat, nōn kwalkwal nuknuk ko im enbwinid, im nōn karreoik mweo imōd. Jen aikuij bareinwōt kejbarok kaan in wa kab kijek. Jen bareinwōt aikuij kejbarok joob im katak wāwen in kōmōnmōne e, bwe jen bojaki nōn ien in jorren im abañ ko.

Bareinwōt ilo ien in abañ ak jorren ko, jen maroñ aikuij kōmmōne mweo imōd im bar jet ko ad. Kin men in, ewōr tokjen ad katakin wāwen in kōjerbali kein jerbali ko im wāwen in kōmmōni men kōn. Elañe jej kōnan kejbarok jāān im jab atartar ion armij ro jet nōn kōmmōni men ko kin kij, jen aikuij katak men otemjej me jen maroñ, im kōmmōni men kōn ad make.

Jej jela armij ro ke me jen maroñ bōk jibañ in katak wāwen in kōmmōni men ko jej aikuij jela?

Ekijkan jen maroñ rōjañe ro ian pamle eo ad nōn katak kin men kein?

Ta unin ewōr tokjen nōn kejbarok men kōn ad ilo wāweir emmōn im katak wāwen in kōmōnmōni ir?

Jen Aikuij Katak Wāwen In Jerbali Ko Me Jej Jaje Kajjien Me Renaj Emmōn Nōn Ad Jela Kaki

Dri tel ro ilo Kabuñ eo rar katakin kij nōn katak kajjien aolepen wāwen in jerbali ko jen maroñ. Rar jiroñtok kij nōn wōr ien in katak ko me kōra ro ren maroñ itok im katak men kein bwe ren maroñ liki ir make iair. Jet iadij me ewōr jelalokjen kaki men kein, jen maroñ katakin ro rej jajelokjen. Elañe ewōr men ko jej jab jela wāwen in kōmmōni, innem jen aikuij bukōt bar ro jet kōra me rej jela wāwen in kōmmōni ir bwe ren maroñ jibañ kij jela kajjier. Jen maroñ bareinwōt katak kin men kein jen buk ko, kilas in jikul ko, im program ko an kien.

Kabukōt jen ibwiljen kōra ro wōn rōn naj jela kaki jet men ko me kōra ro jet rej jaje kajjien, im kajitōk iben kōra rein elañe renaj kōnan katakin ro jet. Ewōr ke armij ro jet me rej jela kajjien men kōn me jej jaje kaki? Ewōr ke kilas ko ilo jikul me jen maroñ rōjañe ro nejid nōn katak jen ir bwe ren maroñ jela men kein?

Iroj ear tellok armij ro an jen jinoin nōn liki ir make iair. Ilo buk in Jabōn Kennan, ilo Kalimur eo Mokta ilo Baibel, ej kwaloki bwe juōn lio belen emmōn:

"Ej kabukōt kolan sip im flax, im e mōnōnō in jerbali kin pā ko pein. . . . Kin leen pein ej kallip juōn kwil in grep . . . ej likit pein nōn ken ej eo, im pā ko pein rej drebij ken irap. Ej

erlokwe pein n̄on ro re jeramel; aet, ej erlokwe p̄a ko pein n̄on ro rej aikuij. E jab mijak sno kin ro dri mweo im̄on; bwe ro otemjej dri mweo im̄on rej k̄on̄ok nuknuk ejurjur. . . . Ej kanuij lale ial ko an ro dri mweo im̄on, im e jab m̄on̄ā ek̄on in jow̄on." (Jab̄on Kennan Ko 31:13, 16, 19-21, 27.)

Iroi ear k̄otlok an walok abān ko im melejōn ko n̄on kij bwe en marōn jibān in katakin w̄awen in erom einw̄ot E. Ak ej likuun yokwe kij. Ear letok n̄on kij w̄awen in anjo ion melejōn kein. Elāne jenaj bokake men ko Ear jirōntok kij kin dri kanan ro an, Enaj k̄ojeram̄on kij. Jeban mijak ilo ien in abān ko, kinke jenaj bojak. Iroi ear jirōntok kij bwe elāne jej bojak, jeban mijak (K & K 38:30).

Kunam

Keleti ta ko w̄awen in jermal ko me kwe im ro ian pamle ne am aikuij in katak. Jino ilo wiik in n̄on katakin ir im kamineneik ir.

Men In K̄omm̄oni Moktalok Jen Am Kwaloki Katak In:

1. *Kabuk̄ot ewi w̄awen ko ilo ailīn ne am me k̄ora ro ren marōn etal lok n̄on ie im katak w̄awen in jermal ko jet me rej aikuij in katak.*
 2. *Kononoik iben dri jermal ro ilo kien im bar jet armij n̄on:*
 - a. *B̄ok jelalokjen kaki men in mour ko r̄ot me emarōn kejbarok ilo ailīn ne am. Katak ko r̄ot rej pidodolok n̄on kejbaroki.*
 - b. *B̄ok jelalokjen kaki wijki ko r̄ot me rej jebar leir im rej emm̄on air edr̄oklok ilo ailīn ne am. Buk̄ot jelalokjen kaki w̄awen in kejbarok ir.*
 - c. *B̄ok jelalokjen elāne ew̄or ien in kilas ko me ej kwaloki w̄awen in keiki. Elāne ejelok, buk̄ot armij eo me en marōn katakin men kein n̄on ro ian kilas eo.*
 - d. *B̄ok jelalokjen n̄on jela elāne ew̄or ien in kilas ko me ej kwaloki n̄on ro ian pamle ko w̄awen in kalek em ko, im men ko jet. Elāne ejelok, buk̄ot armij ro me ew̄or jelalokjen kaki men kein im naj k̄onan katakin armij ro jet kajjier.*
 3. *Kapoji pīja eo me ear kononoik kaki ilo katak in.*
-

Kōwāppenlok Kabiēl Ko Ad

Unin katak in ej nōn jibañ kij kōmōnmōnlok kabiēl ko ad im kōjērbali kabiēl ko me Jemed Ilōñ ear letok nōn kij.

Jemed Ilōñ Ear Letok Nōn Kij Kabiēl Ko Nōn Kijuij Kajojo

Dri kanan, spencer W. Kimball, ear ba bwe Jemed Ilōñ ear letok nōn kijuij kajojo kabiēl ko, im Ekōnan bwe jen kōjērbali ir nōn jibañ an jērbal ion lōl in im nōn jibañ ro jet.

Jet iadij maroñ wōr lōmnak ko bwe ejelok ad kabiēl ko. En maroñ bwe jej jaje al, ak eb, ak jeje bwebwenato ko einwōt ro jet. Bōtap ewōr kabiēl ko ad rōt oktak. Emaroñ bwe ewōr kabiēl in kilajrōk men kōn ilo wāwen ko remmōn, nōn kōjēraik ro jet, nōn bōktok ainemōn im mōnōnō nōn ro jet, nōn katakin ro jet, ak nōn kejbarok ro jet.

Ekar wōr juōn ledrik eo etan Ella eo ear likuun buromōj kinke ear jab wōr kabiēl ko an einwōt ko an ro jein ledrik. Ro otemjej rar kōnan ro jein Ella kin an kabiēl ko. Armij ro rar nebar ir ien otemjej kin kabiēl ko air, im rar likuun llejkōnkōn. Ella ear tōmak bwe ejelok juōn armij eo ear yokwe e, kin men in ear likuun buromōj. Juōn ran eo ear etal nōn jein jinen, etan Susan, im ear ba, "Ejelok juōn armij ej yokwe iō. Ejelok men emmōn iba."

Susan ear ba nōn Ella bwe ear melele ta unin ej eñjake ilo wāwen in, im bwe enaj kar likuun bin an ro jet kile e kin an ro jein rej llejkōnkōn ilo pamle eo an. Innem Susan ear ba nōn Ella, "Ella, Jemed Ilōñ ear kōmōnmōn kijuij kajojo oktak jen dron, bwe jej jab einlok wōt juōn wōt armij. Ear bareinwōt letok nōn kijuij kajojo kabiēl ko oktak jen dron. Kwon jab kōmmōn einwōt bar juōn armij. Jela kajjien kabiēl ko am, im kōwāppenlok ir joñon am maroñ."

Innem Susan ear ba nōn Ella bwe ej likuun jela kaajiriri ro nejin armij ro jet. Susan ear ba, "Iar roñjake jinem ba bwe kwoj kōmmōni aolepen ien, iben ankilam, men ko ej kajitōk ibam nōn kōmmōni, im bwe ej emmōn am kadredrelok ir. Men en ej likuun jibañ in kōmōnōnōik mweo imōm bwe en juōn jikin emmōnlok nōn bed ie."

Susan ear bareinwōt ba nōn Ella, "Kwoj jela ke bwe ewōr am kabiēl in jibañ armij ro jet im kōmōnōnōik ir? Kwoj kememej ke ien eo me iar likuun nañinmij im iar jab maroñ kōmmōni aō jērbal ko. Wōn eo ear kōmmōni jērbal ko aō? Wōn eo ear bōktok wut ko nōn iō aolepen ran kaju im ar lale iō ke iar nañinmij? Ekar kwe, Ella. Ewōr am kemelij emmōn, im ej emmōn am jikul. Ewōr elōñ kabiēl ko me ro jeim rej jab wōr ibeir."

Susan ear wōnmanlok wōt, "Ejelok ruo taimōn ko rej einlok wōt juōn. Eñin unin ewōr lap aurok in taimōn ko ion lōl in. Meñe ejelok ruo iair rej einlok wōt juōn, iruij kaju ewōr lap tokjen. Kwoj juōn taimōn. Kememej men in ien otemjej."

Jemed Ilōñ ear letok nōn kijuij kajojo kabiēl ko.

Wāwen In Jela Ta Ko Kabiēl Ko Ad Im Wāwen In Kōwāppenlok Ir

Ewōr lap tokjen nōn jela kabiēl ko ad im nōn kōwāppenlok ir. Dri jilik Paul ear ba, "Kwon jab jekeini men in aurok eo iloam" (1 Timote 4:14). Jej aikuij likuun jērbal nōn kōwāppenlok kabiēl ko ad.

Ewi wāwen jen maroñ jela ta ko kabiēl ko ad?

Jen aikuij jar nōn Jemed llōn nōn bōk jibañ jen e bwe jen maroñ jela ta ko kabiēl ko ad. Jen maroñ bareinwōt kajitōk iben juōn ewōr priesthood iben nōn kōjeramōn kij bwe jen maroñ jela kabiēl ko ad. Elañe ekar likit kij ilo jermal in Kabuñ eo, emaroñ bwe ar kwaloki jet kabiēl ko ilo ien air kōjeramōn im likiti kij nōn jermal eo. Jen maroñ bareinwōt kile ta ko kabiēl ko ad kin ad kajitōk ibed make, "Ta ko men ilo nā me ear jibañ iō nōn kwaloki juōn katak eo ilo kilas eo, kwaloki nan ko ilo ien in kwelok, ak jermal ilo men in kunaō?" Jen aikuij bareinwōt reilok nōn ro jej nebare im lale elañe ewōr kabiēl ko ad einlok wōt ir. Jen maroñ kajitōk iben ro jemed im jined, ro nukid, ro jerad, im dri kaki ro ad nōn jiroñtok kij ta ko kabiēl ko ad me rej lōmnak ewōr ibed.

Jen maroñ bareinwōt katak ta ko kabiēl ko ad jen ad jeramōn in petriark. Jeramōn in petriark ren maroñ kwaloktok nōn kij kabiēl ko ad. Dri kanan Spencer W. Kimball ear ba bwe kijuij kajojo jej aikuij juōn jeramōn in petriark.

Kōra eo Nancy Seljestad, jen Alaska, ej jiroñlok wāwen eo ear loi kabiēl ko an. Ear kajitōk iben leo belen nōn kōjeramōn e bwe en maroñ jela kabiēl ko an. Ilo ien in an kōjeramōn e, leo belen ear bōk tel ko nōn kwalok bwe ewōr elōn kabiēl ko an, ak elañe enaj jab kōjembali ir, renaj jako jen e.

Ear ba, "Men in ear kamijak nā. Iar kile tokjen aō aikuij in kōwāppenlok im kōjembali kabiēl ko aō. Ak iar jab jela ta ko kabiēl ko aō. Leo beliō ear jab jiroñtok iō ke ear kōjeramōn iō. Ekijkan in maroñ kōwāppenlok kabiēl ko aō me ijaje ewōr iba? Iar jela bwe ewōr kabiēl ko aō, ak iar jab jela kajjier. Ij loi armij ro rej jela al, jeje bwebwenato ko, im konono, im iar ba nōn nā make bwe in kar jab maroñ kōmmōni men kein.

"Innem ear kabab-lal iō nōn kabukōt men ko ikōnan kōmmōni. Men in enaj jibañ iō nōn jela ta ko kabiēl ko aō. Men in iar kōmmōni; im kin aō jar im jitlok, iar kile bwe ikōnan kōmōnōnōik armij ro. Kin men in iar kelet bwe inaj jino in kōwāppenlok kabiēl in. Iar kōmat juōn pai kin juōn ladrik edrik eo jinen ejako.

"Iar bareinwōt kile bwe iar kōnan al. Iar jab melele jabrewōt men eo kake al, im iar jaje kōjañjañ jabrewōt men eo; ak iar likuun kōnan al. Kin men in iar kajitōk iben juōn kōra eo ear likuun jela al nōn al iba.

"Iar bareinwōt kile bwe iar kōnan tieta. Kin men in iar lelok aō jermal nōn bōk kuan juōn tieta ilo ad rā me ro jorikrik rej kōmmōni nōn bōk mōnni nōn etal nōn tempel.

"Iar bareinwōt kile bwe ikōnan jeje. Jet ien lōmnak ko rej itok nōn iō ke iar roñjake bar juōn armij eo konono. Kin men in iar kelet nōn jeje lōmnak kein nōn kejbaroki innem jejelok nōn armij eo me ear tellok iō nōn lōmnak kake e bwe in maroñ kōmmōl e.

"Emaroñ bwe in jab maroñ likuun buñbuñ kin kabiēl ko aō; ak rej aō, im ij kōmmōl Iroi kin ir. Imaroñ kōjermal ir nōn jibañ aō pamle, ro jera, ak dri turiō ro, im jermal ko an Jemed llōn. Imaroñ bareinwōt kōjermal ir nōn bōktok mōnōnō nōn ro jet"

Kabiēl ko ad ren maroñ dri wōt, ilo jino. Ak kin ad likuun jermal, jen maroñ katak wāwen in kōjermal ir. Ne jej kōwāppenlok kabiēl ko ad, jej katak kin kabiēl ko jet. Jikul en maroñ jibañ kij nōn kōwāppenlok kabiēl ko ad im nōn kōmōnmōnlok ko ej jab bed ibed kiō.

Ilo ad anjo abañ ko me ewōr ibed emaroñ bareinwōt jibañ kij nōn kōwāppenlok kabiēl ko ad. Bwe jej ro ian Kabuñ eo, ewōr elōn ien ko emmōn nōn kōwāppenlok kabiēl ko ad im kōmōnmōnlok ko ejañin bed ibed kiō. Elōn iadij jej bōk jermal ko ilo Kabuñ eo kinke en maroñ jibañ kij nōn katak wāwen in kōmmōni men ko jej aikuij katak kaki.

Elder Franklin D. Richards ear ba aolep ien, armij ro ej kajitōk ibeir nōn bōk jermal ilo Kabuñ eo rej ba bwe reban kōmmōni ta ko ear kajitōk ibeir nōn kōmmōni kinke rar jañin etal nōn jikul im katak kin men in einwōt armij ro jet. Elder Richards ear ba bwe Iroi enaj jibañ kij

nōn tōbraklok men ko ear kajitōk ibed nōn kōmmōni elañe jenaj wōr tōmak ilo E im elañe jenaj katak, jermal im jar.

Kōra eo Maria Teresa P. de Paredes, jen Mexico, ear ba bwe ñe juōn kōra eo ej kweloklok ilo Kabuñ eo aolepen ien, ej kōwāppenlok kabieli ko me ear jajelokjen kajjier. Kin an katak gospel eo im an mour ekkar nōn katak ko an jen ran nōn ran, juōn kōra eo en maroñ emmōnlok, en maroñ kōmmōni ijo kunan ilo wāwen eo emmōnlok ilo pamle eo an im ilo jikin kwelok eo an. Dri kanan Brigham Young ear ba bwe jen aikuij katak men otemjej me jen maroñ.

Dri kanan Spencer W. Kimball ear ba bwe jen aikuij kōwāppenlok kabieli ko ad bwe jen maroñ kōmmōni ir ilo wāwen eo emmōnlok jen jabrewōt bar juōn armij. Ear ba bwe ro ian Kabuñ eo ren aikuij maroñ in kōmmōni jabrewōt men eo ilo wāwen eo emmōnlok jen jabrewōt bar juōn armij kinke ewōr Jitōb Kwojarjar iben ir nōn jibañ ir.

Elañe Jej Jab Kōjerbali Kabieli Ko Ad, Renaj Jakolok Jen Kij

Eliken jar kōwāppenlok kabieli ko ad, jen aikuij kōjerbali ir. Elañe jej jab, renaj jakolok jen kij. Jemed Ilōñ ear ba bwe ej jab mōnōnō iben ro rej jab kōjerbali kabieli ko me ear lelok nōn ir. Ear ba bwe elañe rej jab kōjerbali ir, enaj bōklok ir jen ir (K & K 60:2-3).

Dri jilik Richard L. Evans ear jiroñlok juōn bwebwenato kake juōn jinen eo ear likuun inebata kake men ko ledrik eo nejin ej kōmmōni im ear jab kōmmōni nōn kōwāppenlok kabieli ko an. Jinen eo ear ba nōn nejin ledrik juōn ran, "Emwij aō kemour yuk. Kiō, kōjerbale e nōn juōn men eo emmōn." Elder Evans ear ba bwe Jemed Ilōñ ear maroñ bareinwōt ba men in nōn kij. En maroñ ba nōn kij, "Emwij aō kemour yuk, kiō kōjerbale e nōn juōn men eo emmōn. Emwij aō lewōj nōn yuk ien, jelalokjen, kabieli ko, im men otemjej ion lōl eo; kiō, kōjerbali ir."

Ijo joñon an lōñ kabieli ko ad edriklok tokjen jen ekijkan ad kōjerbali ir. Iroi j ear ba bwe ej katmāne elap jen ro ear lelok elap (K & K 82:3). Ak jekdron an lap ak drik kabieli ko ad, jen aikuij kōjerbali ir.

Jen Maroñ Bōk Mōnōnō Kin Ad Kōjerbali Kabieli Ko Ad Ilo Wāwen Eo Ekwojarjar

Iroi j ear ba bwe jen aikuij katak kabieli ko emmōn. Ear ba bwe ear letok nōn kij kabieli ko nōn jibañ kij im nōn jibañ ro jet kōmmōni men ko remmōn (Lale K & K 46:8-9). Jej aikuij kōjerbali kabieli ko ad nōn jibañ ro jet im bareinwōt kij make iad.

Jen aikuij kōjerbali ir nōn jibañ bar ro jet armij melele, im nōn jibañ ir, im nōn kōmōnōnōik ir. Jen aikuij kōjerbali ir nōn katakin ro jet im nōn tellok nōn kōmmōni men ko relap. Jen aikuij bareinwōt kōjerbali kabieli ko ad nōn bōktok jeramōn ko nōn pamle ko ad. Ñe jej katak wāwen in keiki, kōmat, im kōlajrōki mweo imōd im karreoiki ir, jej kōlla wōnen nuknuk ko im mōnā edriklok, im mweo imōd rej erom jikin ko rej aibujuij im ijo pamle ko ad ren maroñ mōnōnō ie. Ilo ad katak wāwen in kwalok yokwe im jouj, jej bōktok ainemōn im ej kakejel pamle ko ad. Jen maroñ bareinwōt kōjerbali kabieli ko ad nōn jibañ dri turid, ro jerad, im ro jet me rej aikuij jibañ, im kōmōnōnōik ir.

Bōtap jet armij ro rej kōjerbali kabieli ko air ilo wāwen ko me ej jab jibañ ro jet. Jet armij ro rej kōjerbali kabieli ko air ilo wāwen ko renana. Jet armij ro rej jela al rej al men ko renana. Jet armij ro rej jela jeje bwebwenato ko rej jeje men ko renana. Jet armij ro rej jela konono nan, rej tellok ro jet nōn jerawiwi. Iroi j ear likuun illu iben armij rōt rein.

Jar katak, ilo katak in, kake Kōra Seljestad eo ear katak ta ko kabieli ko an im ear kōwāppenlok ir. Kinke Kōra Seljestad ear kōnan kōwāppenlok an kabieli in jeje, ear bōk kunan jen president in rā nōn jeje newspaper in rā nōn kōjellaik ro ian rā eo, im bareinwōt ro

rar jab ian Kabuñ eo, kaki men ko ar walok ilo rā eo im ilo Kabuñ eo. Kinke Kōra Seljestad ear bōk jerbal in im ear jerbal joñon an maroñ, ear bōk ien ko emmōn nōn katak kabieli ko jet. Ear etal nōn jikin in newspaper ilo an jikin kwelok eo im ear lelok an lōmnak nōn likit ilo newspaper en, aolepen wiik ko, juōn bwebwenato kake kabuñ. Eo ear jerbal ilo jikin in newspaper eo ear bōk an lōmnak im ear kajitōk iben nōn jeje bwebwenato ko. Kōra Seljestad ear bōk jerbal in, eo ear lelok nōn e juōn ien emmōn nōn iioni im kweloklok iben dri tel ro an bar jet kabuñ ko. Kōra Siljestad ear ba bwe kunan in ear lelok nōn e juōn ien emmōn nōn kajimweiki elōñ lōmnak ko rebwir an ro jet kake Kabuñ eo, im ear bareinwōt lelok nōn elōñ armij ro jet *Buk In Mormōn* ko im ear jiroñlok ir kake Kabuñ eo.

Elder Boyd K. Packer ear ba bwe jej aikuij kōwāppenlok kabieli ko ad ilo aolepen wāwen ko me jen maroñ im kōjerbali ir nōn kōjeramōn ro jet. Ear bareinwōt ba bwe jen aikuij jab lōmnak bwe kabieli ko ad rej jab emmōn, ak bwe edrik.

Jemed Ilōñ ear letok nōn kijuij kajojo kabieli ko ad. Ear bareinwōt letok nōn kij ien ko emmōn nōn kōwāppenlok ir. Ej bareinwōt kōnan bwe jen kōjerbali kabieli kein nōn jibañ ro jet im ad make. Elap mōnōnō enaj itok nōn kij, dri turid, ro jerad, im ro jet elañe jenaj lolātāt im kwojarjar ilo ad kōjerbali kabieli ko ad. Ilo ad kōjerbali kabieli ko ad ilo kwojarjar, jenaj bōk ien ko emmōn nōn kōmōnmōnlok bar jet kabieli ko. Kememej, kabieli ko ad rej men in letok jen Jemed Ilōñ, im enaj ekajet kij ekkar nōn ta ko jej kōmōnmōn ibeir.

Kunam

Kōlmōnlokjen kaki ta ko kwoj kōnan kōmmōni nōn katak kabieli ko rekāāl me kwo maroñ kōwāppenlok. Rōjañe ro ian pamle ne am nōn kile im kōwāppenlok kabieli ko air.

Bar Jet Jeje Ko Rekwojarjar

Matu 25:14–30 (bwebwenato in kabieli ko)

Men In Kōmmōni Moktalok Jen Am Kwaloki Katak In:

1. *Kononoik jen japter 34, "Kwalok Kabieli Ko Ad," ilo buk in Katak Kin Gospel.*
 2. *Bōk chalkboard im chalk.*
 3. *Lelok kunan ro ian kilas eo bwe ren kwaloki bwebwenato ko im jej ko rekwojarjar jen katak in.*
-

Kōwāppenlok Mejādik Ko Jen Maroñ Kōjerbali Nōn Kōmmōne Mōnni Nōn Kejbarok Pamle Ko Ad

Unin katak in ej nōn kabab-lal kij nōn kōwāppenlok mejādik ko jen maroñ kōjerbali nōn kōmmōne mōnni nōn kejbarok pamle ko ad.

Jet Ien Kōra Ro Renaj Aikuij Jerbal Kin Mōnni Nōn Kejbarok Pamle Ko Air

Kunan jemen ej nōn jermal im kejbarok pamle eo an. Bōtap, ewōr jet ien im en maroñ jab wōr maroñ in kōmmōni eindrein. Kin men in, jen aikuij bojak nōn jermal kin mōnni nōn kejbarok pamle ko ad ñe leo beled ak ro jemed rebane. Elōñ kōra ro ren aikuij jermal kin mōnni nōn kejbarok ir make im ro nejeir kinke leo beleir ak ro jemeir rar mij ak rej nañinmij im rej jab maroñ bar jermal.

Ewōr ke jet un ko me enaj tellok juōn kōra nōn jermal kin mōnni? Jeje uak ko me kōra ro rej kwaloki ion chalkboard.

Juōn kōra enaj maroñ aikuij in jermal kin mōnni kin un kein:

1. Leo belen ak eo jemen ekar mij.
2. Leo belen ak eo jemen enañinmij, joñon eo im eban jermal.
3. Ej bed emake ian im ej aikuij kejbaroke emake.
4. Emwij an jibillok jen leo belen.
5. Leo belen ej jab bōk joñon mōnni ebwe jen an jermal nōn bōk aolepen aikuij ko an pamle eo.

Kōra Ro Ren Aikuij Bojak Nōn Jerbal Ñe Ewōr Tokjen

Ñe ewōr tokjen ak aikuij, innem kōra ro ren aikuij bojak nōn jermal kin mōnni. Juōn leo belen emaroñ mij jabrewōt ien ak bōk nañinmij. Kin men in, jabrewōt kōra eo emwij an belele en maroñ aikuij jermal kin mōnni ilo jabrewōt ien nōn kejbarok ro nejin. Elañe emejādik kōra en enaj maroñ kejbarok emake im ro nejin, im enaj laplok an mōnōnō. Juōn kōra eo ejañin belele enaj mōnōnōlok elañe ej jermal kin mōnni nōn kejbarok kin aikuij ko an.

Ro jinen iben kōra ro redrik ren jab aikuij jermal. Ak ren aikuij bed wōt mweo imōir iben ajiri ro nejin. Bōtap ren aikuij katak kin juōn mejādik eo ren maroñ bōk mōnni kin e bwe ren maroñ kejbarok pamle ko air ñe ewōr tokjen an ilen jermal kin mōnni. Mokta ej etal nōn jermal, ej aikuij kejbarok bwe men ko ekōnan nōn pamle eo an rej likuun tokjen im lap aikuij, im bwe eban bōk ir ilo bar juōn wāwen eo--emol kin air lolātāt in kōjermal an mōnni me ej bōk kiō ak kin an kōmōnmōni men ko emake ian. En aikuij kōmmōni men otemjej joñon an maroñ nōn bed wōt iben ro nejin, nōn katakin ir im kejbarok ir. Ro jinen iben ajiri ro redrik ren aikuij jermal kin mōnni wōt elañe ejelok bar juōn wāwen in bōk aikuij ko im tokjen ko an pamle eo an.

Nōn kapoji kin ien eo im en maroñ aikuij ilen jermal kin mōnni nōn kejbarok pamle eo an, juōn jinen en maroñ katak an mejādik eo en maroñ kōjerbali ñe enaj aikuij jermal. Men in enaj jibañ e nōn mōkaj in loe jermal elañe ewōr ien in aikuij bukōt jermal. Jen aikuij jab atartar ion men in letok ko jen kien in ailiñ nōn kejbarok kij elañe jen maroñ jermal. Dri tel ro ilo ad Kabuñ eo rar katakin kij bwe program ko me rej letok nōn kij men ko jej jab aikuij jermal nōn

bōki rej rōjañe jowan im kokkure ad kautiej kij make. Jemed Ilōñ ekōnan bwe jen jermal nōn bōk aikuij ko ad im kejbarok pamle ko ad.

Men Ko Jen Maroñ Kōmmōni Nōn Katak Mejādik Ko Jen Maroñ Kōjembali Elañe Jej Aikuij Ilen Jermal Kin Mōnni Nōn Kejbarok Pamle Ko Ad

Bwebwenato kaki men ko i'lōl lok me ej kwaloki ta ko kōra ro ren maroñ kōmmōni nōn katak mejādik ko ren maroñ kōjembali elañe rej aikuij etal lok nōn jermal kin mōnni nōn kejbarok ir make im ro nejeir.

Jen maroñ:

1. Bōk kilas ko ilo jikul, me rej katak kake men eo jekōnan jela wāwen in kōmmōne.
2. Jermal jet wōt auō ko ilo jermal eo jekōnan jela kake.
3. Kajitōk iben dri jermal ro ilo hospital im kwalok nōn ir bwe jenaj jermal im jab bōk wōnad, ak ilo jikin in kien, im jikul.
4. Katak kaki jermal ko me jen maroñ kōmmōni ilo mweo imōd nōn bōk mōnni.

Ewōr ke ien ko remmōn nōn bōk jermal kin jet wōt auō ko ilo jikin kwelok ne am ilo jermal eo me kwo kōnan katak kake? Rej katak ilo jikul ko ke kaki jet wāwen in jermal ilo jikin kwelok ne am me rej kwaloki wāwen in jermal me kwo kōnan katak kake?

Meñe juōn kōra en aikuij kōmmōni joñon an maroñ nōn katak kake jermal rōt ko ekōnan katak, im me emaroñ kōmmōne ñe ej aikuij nōn an kejbarok pamle eo an, ejelok juōn ian men kein ren aikuij bōprae e jen an kōmmōni ijo kunan ilo mweo imōn. Juōn kōra eo en aikuij kōmmōni jabrewōt men eo joñon an maroñ nōn katak an mejādik eo en maroñ kōmmōne ilo mweo imōn bwe innem en maroñ bed iben ro nejin.

Ta ko jet men ko me kwo maroñ kapoji am make nōn jermal in bōk mōnni nōn kejbarok pamle eo am ñe ewōr aikuij?

Juōn leo belen juōn kōra ilo Central America ear mij ke ajiri eo nejeirro edriktata ekar drettan driklok jen juōn yīō. Ilo jinoin, kōra eo ear jab jela ta eo en maroñ kōmmōne. Ear jela bwe enaj aikuij jermal in bōk mōnni nōn kejbaroki e make im ro nejin jilu, ak ear jaje mejādik nōn kōjembali bwe en maroñ bōk mōnni. Kin men in ear etal nōn jikul im katak wāwen in keiki, bwe en maroñ jermal ilo mweo imōn im bareinwōt bed iben ro nejin.

Kōra en ear erom likuun emmōn ilo an jela keiki im kien eo an ailiñ eo an ear kajitōk iben nōn erom juōn dri kaki ilo kilas in keiki. Ear kejbarok mōnni eo ebwe nōn jilkinlok ajiri ro nejin jilu nōn jikul ko remmōntata, im iruij kajojo ar erom dri kaki ro emmōn. Kōra en ej juōn ian kōra ro me rar loi wāwen in jermal ilo mweo imōn nōn bōk mōnni ak en maroñ bareinwōt bed ilo mweo imōn iben ro nejeir.

Ñe jej bukōt wāwen in kōmmōni jabrewōt men in jermal nōn bōk mōnni, jen aikuij keleti juōn men eo jekōnan kōmmōne, im me jen maroñ kōmmōne ilo mweo imōd bwe jen maroñ bed iben ro nejid. Innem, ñe jar kelete ta eo jenaj kōmmōne, jen aikuij kate wōt ad make nōn katak kake jermal eo im kōmmōne ilo wāwen eo joñon ad maroñ. Jen bareinwōt aikuij kelete juōn men eo me enaj bōktok joñon mōnni eo elap. Jen maroñ kōmmōni men ko im wiaiki ir nōn dri turid, ro jerad, ro nukid, im nōn imōn wia ko. Jen maroñ bareinwōt kwaloki ir ilo jikin wia ko im bar jet jikin ko me elōñ armij ro renaj loi ir im kōnan wiakaki ir. Ilo ad keleti ta ko jenaj kōnan kōmmōni, jen aikuij lōmnak kaki ta ko jekōnan kōmmōni innem kelet juōn men eo jen ibwiljin men kōn.

Innem jen aikuij jar nōn Jemed Ilōñ bwe en jibañ kij nōn loi wāwen ko me jen maroñ katak kake men en. Dri kanan Brigham Young ear ba bwe jen aikuij kajitōk iben Jemed Ilōñ ta ko jej aikuij kōmmōni nōn kij make im jab ta ko enaj kōmmōni kin kij.

Katak Kin Jerbal Ko Kwon Maroñ Kōmmōni I'mweo Imōm Bwe Kwon Maroñ Bed Iben Ajiri Ro Nejim

Elōñ kōra ro rar katak jermal ko rej kōmmōni ilo mweo imōir bwe ren maroñ bōk mōnni im bareinwōt bed iben ro nejeir. Eñin jet wanjoñok ko me rar katak in kōmmōni.

1. Keiki nuknuk ko, nuknuk in belele, nejin ikkure, tole ko, im nuknuk in tole.
2. Elōñ wāwen in kōmmōni amimōno im kōmmōni marmar in wut.
3. Kōmat im kaibujij keek (cake) nōn ien in belele, parti ko; ak kōmat bilawā, bitikit, loli, im mōnā ko nōn ajiri ro ilo jikul.
4. Kejbarok niñniñ ro im ajiri ro ilo mweo imōir.
5. Kejbarok ro ridto ilo mweo imōir.
6. Kalibwini lein wijki ko, nōbba ko, im wut ko nōn wiaiki ir. Jet kōra ro me rej jokwe ilo jikin in kallip rej kōmmōni men ko nōn wiaiki ir nōn armij ro im bareinwōt nōn imōn wia ko.
7. Katak wāwen in eb, al, ak men ko jet einwōt rōt kein.
8. Kejbarok dri jikul iben air jermal in jikul.
9. Jeje kin newspaper ko.
10. Typi kin ro jet.
11. Wiaiki mweiuk ko kin ro jet.
12. Kejbarok dri nañinmij ro im ro rejipikpik.
13. Kejbarok men in mour ko.
14. Mwijiti kolan bōr.

Jen aikuij jela kaki kien ko an ailiñ e ad kake ad jermal i'mweo imōd nōn bōk mōnni, im jen aikuij bokake ir.

Ta ko jet wāwen in jermal me jen maroñ bōk mōnni ilo ad jermal i'mweo imōd im bed iben ro nejid?

Ta unin ej lolātāt nōn kōwāppenlok kabiell ko ad meñe emaroñ bwe jej jamin aikuij jermal nōn bōk mōnni in kejbarok pamle ko ad?

Jemlokin

Ear katakin kij jen dri tel ro ad an Kabuñ eo nōn kōmmōni jabrewōt men eo joñon ad maroñ nōn kejbarok kin make iad. Jeje ko rekwojarjar rej kwaloki nōn jab jowan (K & K 42:42). Dri tel ro ad an Kabuñ eo rar jiroñtok kij elōñ kattan nōn jermal iben pā ko peid nōn bōk aolepen men ko aikuij ko ad nōn kejbarok kij make im pamle ko ad.

Ta unin ewōr tokjen nōn jermal iben pā ko peid nōn kejbarok kij make iad?

Jen aikuij bojak nōn kejbarok kij make iad im pamle ko ad. Jen aikuij jino emōkaj nōn kōwāppenlok kabiell ko ad im katak wāwen in jermal rōt jenaj kōnan kōmmōni nōn bōk mōnni nōn kejbarok kij make im ro nejid ñe ewōr aikuij im tokjen.

Kunam

Kōlajrōki kabiell ko jen maroñ katak kaki nōn jibañ in lelok aikuij ko in pamle ko ad. Kelet enañin juōn iair im kajeoñ in kōwāppenlok e. Lelok kijed eo aod nōn kōra ro redriklok ilo kilas eo nōn jino kiō nōn katak mejādik ilo air bōk kilas ko an katak ko, ak kin air jermal im jab bōk mōnni kin e.

Men In Kōmmōni Moktalok Jen Am Kwaloki Katak In:

1. *Kononoik jen katak eo 27 "Kōwāppenlok Kabiēl Ko Ad," ilo buk in.*
 2. *Bōk chalkboard im chalk.*
 3. *Kobaiki jet men ko me kōra ro ilo rā ne am rar kōmōnmōni im likiti ir ilo wāwen in kwaloki ir ijo kwonaj kwaloki katak eo ie.*
 4. *Lelok kunan ro ian kilas eo nōn kwaloki bwebwenato ko ilo katak in.*
-

Katakin Ro Nejid Joñon Aurokin Jerbal

Unin katak in ej ñon jibañ kij ñon katakin ro nejid joñon aurokin jermal.

Ekar wōr juōn bwebwenato ilo juōn newspaper kake juōn eman etan Jirali Mislimov, eo ear 165 yiō ko drettan. Jirali ear mour aitokin in, ear ba, kinke ear likuun jermal jen ran ñon ran. Ear tōmak bwe juōn armij eo ej jab likuun jermal enaj jab aitokin an mour. Ear ba bwe jermal ebin, mejatoto erreō, im mōnā enno im emmōn ar jibañ e ñon mour aitokin in. Ear jab kōbatat ak idrak dren in kadrak.

Dri kanan Devid O. McKay ear ba bwe jermal ej men in letok, juōn jeramōn, im juōn wāwen in bōk mōnōnō. Wāwen emmōntata ñon bōk mōnōnō ej ñon likuun jermal. Ewōr elōn jermal rōt, im kijuij kajojo ewōr ad jermal.

Ta ko jet wāwen in jermal?

Jen Aikuij Katak Ro Nejid Ñon Likuun Jermal

Jen aikuij katak ro nejid ñon likuun jermal ilo wāwen eo ebin. Ewōr tokjen air katak kin men in. Elder Vaun J. Featherston ear kwaloki juōn bwebwenato kake juōn ladrik drettan 13 yiō ko me ear katak kake aurokin jermal ilo wāwen eo ebin. Elder Featherston ear ba bwe juōn kōra ear lelok wōnen ñon ladrik en kin an kejbarok ujōj eo an. Ear ba ñon e:

"Ij aikuij juōn armij ñon kejbarok ujōj e aō im i'belakin jikiō. Inaj kōllā wōnam ekkar ñon joñon am jermal. Imaroñ kōllā wōj juōn penni, jilu tala, ak lalim tala, ekkar ñon joñon am emmōn in kejbarok jikiō.

"Likao ear ba bwe ej emmōn. Innem, ran eo kein kajuōn ear mwijiti ujōj. Ear mwijiti jilu alen mokta kōra eo ear ba bwe ebwe. Ear jiroñlok ladrik eo kaki men otemjej me ear aikuij in kōmmōni ñon kaibujuij jikin. Ear kōtōbalbal ladrik eo kin an juloki ujōj enana mae ien ear likuun mōk. Ke ladrik eo ear kōjemlok an mwijit ujōj, kōra eo ear ba ñon e: 'Ewi joñon wōnam me in aikuij in kōllā wōj yuk kin am jermal rainin?'

"Ladrik eo ear ba, 'Ijaje. Emaroñ limñoul jāān.'

"'Eindrein am lōmnak kake joñon aurokin am jermal rainin ke?' kōra eo ear kajitōk.

"Likao ear uak, 'Aet.'

"Innem kōra eo ear ba, 'Eokwe. Eñin limñoul jāān, im eñin juōn tala im bar limñoul jāān kin am kōmmōni men otemjej me iar kajitōk ibam ñon kōmmōni im kin am likuun jermal ilo wāwen eo ebin.'

"Innem kōra eo ear ba ñon ladrik eo, 'Kiō eindrein wāwen aō kōllā wōj yuk. Ewōr elōn wāwen in kejbarok ujōj in jikin armij, im inaj kōllā wōj yuk ekkar ñon joñon am emmōn jermal. Jen ba bwe jermal ko kwar kōmmōni rainin ekkar wōr joñon aurokin jilu tala elañe iar jab jibañ yuk, im kwar kōmmōni ir am make iam. Ñon bōk wōnam emen tala, kwoj aikuij kalaplok joñon am jermal ñon ruo alen laplok jen rainin. Ñon bōk lalim tala, eokwe, men in ebane. Kwonaj aikuij likuun jermal ilo wāwen eo ebintata, kin men in jenaj jab konono kake e. Kiō, inaj kōtlok yuk ñon ekajeti am make im kwonaj jiroñtok iō ewi joñon wōnam.'

"Wiik eo moktata, kōra eo ear kōllā wōnen ladrik eo ruo tala kin an jermal. Wiik in lal, ladrik eo ear jermal ilo wāwen ebin bwe en maroñ bōk emen tala. Bōtap ear jab kōmmōn jermal

ebwe n̄on b̄ok jilu tala. Wiik in lal jūon ear b̄ok w̄onen jilu jimettan tala. Ear likuun jermal ilo w̄awen eo elap bin, im ear kabuk̄ot w̄awen ko n̄on k̄om̄onm̄onlok jikin eo bwe en marōn b̄ok emen tala ko, ak ear b̄ok jilu jimettan tala w̄ot. Eliktata, ladrik eo ear kelet bwe ej jab bwe an k̄omm̄oni jermal ebwe n̄on b̄ok emen tala w̄ot, ak enaj kar jermal elaptata bwe en marōn b̄ok lalim tala ko. Ear l̄om̄nak kaki aolepen men ko en marōn k̄omm̄oni n̄on kaibujuij uj̄oj im i'belakin jikin. Ear likuun jermal laptata iumin aolepen ran, kakije iumin jet minit ko bwe en jab m̄okaj an m̄ok. Ear jermal aolepen ran eo, im ear kalaplok an jermal ruo alen jen an kar mokta. Ke ear k̄ojemlok an jermal ilo jemlokin ran eo, ear likuun m̄on̄on̄o iben jermal ko an. Uj̄oj im jikin ekar likuun aibujuij. Ke ear etal n̄on k̄ora eo im jirōnlok e bwe ear mwij, k̄ora eo ear ba, 'Ewi jōnon āo aikuij in k̄oll̄a w̄oj yuk rainin?'

"Likao ear uak, 'Lalim tala ko.'

"K̄ora eo ear bwil̄on im ba, 'Lalim tala ko ke? Kwoj jab ba emen tala ko ke? Iar jirōnw̄oj yuk bwe ebane jermal in lalim tala ko.'

"Ladrik eo ear uak, 'Ij kab mwij in k̄omm̄oni jermal ko ebwe n̄on lalim tala ko. Emwij āo kadredreloke.'

"Eokwe, emm̄on, 'k̄ora eo ear ba, 'Inaj aikuij loi āo make iāo.'

"Innem k̄ora eo im ladrik eo rar etetal iturin uj̄oj im i'belakin jikin n̄on loi jermal ko me ladrik eo ar k̄omm̄oni. Elikin air likuun loi uj̄oj im i'belakin jikin, k̄ora eo ear nebare ladrik eo kin jermal ko ear k̄omm̄oni, im ar k̄oll̄a lok lalim tala ko. Innem k̄ora eo ear kajit̄ok iben ladrik eo ta unin ear likuun jermal laptata eindrein n̄on b̄ok lalim tala ko. Ladrik eo ear ba bwe ear jaje. 'Ij t̄omak bwe ij jela, 'k̄ora eo ear ba. 'Ke iar jirōnw̄oj yuk bwe jermal in b̄ok lalim tala ko ebane, ear k̄omm̄on bwe kwon eo moktata n̄on k̄omm̄one eindrein.'

"El̄on yīo ko tokelik, ke e ridtolok ladrik eo n̄on drettan jūon eman, ear kememej tokjen ta ko ear katak jen an jermal kin k̄ora en. Ear ba: 'Jen ien en, 25 yīo ko mokta, ke men ko rar likuun bin n̄on īo, im iar t̄omak bwe ibane men k̄on, ij l̄om̄nak kake katak eo iar katak ke iar jermal kin k̄ora en, eo ej kwaloki bwe w̄awen in k̄omm̄oni jabrew̄ot men ebane ej n̄on likuun jermal laptata n̄on k̄omm̄oni, im jamin bbweetk̄onk̄on.'"

Ajiri ro rej ēnjake el̄on kattan bwe men ko rebin n̄on air k̄omm̄oni, im bwe reban k̄omm̄oni ir. Ak bwebwenato in ej kwaloki bwe ren marōn k̄omm̄oni jabrew̄ot men eo me rek̄onan. Jen aikuij katakin ro nejid n̄on k̄onan jermal. Jen marōn k̄omm̄one men in kin ad nebare ir kin jermal ko emm̄on me rej k̄omm̄oni, im kin ad kwaloki ir bwe renaj m̄on̄on̄o elāne rej likuun jermal ilo w̄awen ebin.

Ekijkan ad marōn katakin ro nejid n̄on k̄onan jermal?

Ekijkan j̄en marōn katakin ir n̄on k̄onan likuun katak bwe ren marōn k̄omm̄one jermal ko remm̄on ilo jikul?

Kajit̄ok iben jūon ian kilas eo n̄on kwaloki ekijkan ej r̄ojāne ro nejin n̄on likuun jermal ilo w̄awen eo emm̄on iben jabrew̄ot men eo rej k̄omm̄oni bwe ren marōn k̄omm̄on men k̄on emm̄on.

Elder N. Eldon Tanner ear jirōnlok jūon bwebwenato kaki ruo ladrik ro rar jermal kin jūon w̄ot k̄ombani ilo air b̄oklok nan kin booj eo. Bwebwenato in ej kwaloki tokjen likuun jermal. Elder Tanner ear ba bwe jūon ladrik eo ear k̄onan erom jūon dri kanaan eo emm̄ontata. Ear likuun jermal elap iben jabrew̄ot men eo emarōn n̄on melele kaki jermal in k̄ombani. Ear jermal iumin jet w̄ot allīn ko ke ear kautiej e n̄on jūon jermal eutie. Mokta ear jemlok yīo en ear bar kautiej e, im ear w̄onmanlok w̄ot in kautiej e ilo jermal ko an kin an likuun jermal elap im kin an k̄onan jermal. Ladrik eo jūon ear jab likuun jermal, im ear jab k̄onan an jermal, im ar jab marōn liki e. Ear jamin kautiej e. Ear bed w̄ot jūon dri kennan.

Ta ko oktak ikōttan ladrik rein ruo?

Dri kanan Devid O. McKay ear ba bwe jen aikuij katakin ro nejid nōn kōnan jermal ko rej kōmmōni im nōn kōmmōni ir joñon air maroñ.

Dri kanan Spender W. Kimball ear ba bwe Kabuñ eo ad ej tōmak ilo jermal, im bwe jen aikuij katakin ro nejid nōn jermal. Jen maroñ kōmmōni men in kin ad lelok nōn ir men ko nōn kōmmōni nōn jibañ in kejbarok mweo imōd im ijo i'belakir.

Ta unin jej aikuij katakin ro nejid nōn jermal im nōn jibañ in kejbarok mweo imōd im ijo i'belakir?

Jemen im jinen ro jet rej eñjake bwe rar jermal ilo wāwen ebintata im rej jab kōnan bwe ro nejeir ren aikuij jermal ilo wāwen ebintata einwōt in. Kin men in, rej jab kōjermal ir nōn jidik. Ro jet rej tōmak bwe ro nejeir redriklok jen air maroñ jermal.

Ta ko ajiri ro renaj lōmnak kake jermal elañe jej jab katakin ir nōn jermal ak jab lelok nōn ir jermal ko air?

Jen aikuij katakin ro nejid nōn jermal. Eindrein wāwen wōt juōn me renaj mōnōnō im maroñ bōk aikuij ko air. Ewōr elōn men ko jen maroñ kōmmōni nōn katakin ro nejid nōn jermal.

Jeje ion board eo men kein i'lōl lok wāwen in katakin ajiri ro nōn jermal:

1. Katakin ir ñe redrik wōt, nōn kejbarok men in mweiuk ko air.
2. Katakin ajiri ro ridtolok nōn kejbarok ro jāteir ladrik im ledrik.
3. Lelok kunair jejet nōn air kōmmōni ilo mweo imōn aolepen ran.
4. Lelok kunair nōn jibañ iben jermal in pamle ak kōmbani eo.

Ta ko bar jet wāwen in katakin ro nejid nōn jermal?

KATAKIN RO NEJIM ÑE REDRIK ÑŌN KEJBAROK MEN IN MWEIUK KO AIR

Jen maroñ katakin ro nejid nōn jermal kin ad lelok kunair nōn kejbarok mweiuk ko air. Jen maroñ katakin ir nōn likiti nuknuk ko air, buk ko, im bar jet men ko air ilo jikiir ñe emwij air kōjermal ir. Juōn ran eo renaj aikuij katakin men kein nōn ro nejeir.

KATAKIN RO NEJIM ÑŌN KEJBAROK RO JĀTEIR LEDRIK IM LADRIK

Jen aikuij katakin ajiri ro nejid drittolok nōn kejbarok ro jāteir ladrik im ledrik. Ajiri ro ridttolok ren maroñ kejbaroki ajiri ro ñe ejako jinen im jemen. Ren maroñ kononoik jen buk ko nōn ro redrik, al nōn ir, ikkure ibeir, im najdrik ir. Ro ridtolok ren bareinwōt maroñ kwaloki wanjoñok ko emmōn nōn ro redrik. Elder Adni Y. Komatsu ear jiroñlok juōn bwebwenato kaki tokjen wanjoñok ko an ro ridttolok.

Elder Komatsu ear jiroñlok kaki juōn likao eo ear kwaloki an nan in kennan ilo ien in kwelok in jitlok im kwaloki nan in kennan kin ien eo muktata elikin an kar kobaike iben Kabuñ eo. Likao en ear ba bwe ej kommolol Anij kin wanjoñok an jein ladrik kin an kōmmōni jermal ko an ilo priesthood. Ear yokwe armij ro elap im ar jibañ ir joñon an maroñ. Ear ettā buruōn im emōnōnō, im ear jermal nōn Iroj joñon an maroñ. Likao en ear ba bwe ear kōnan erom einwōt jein ladrik.

LELOK KUNAIR JEJET ÑŌN KŌMMŌNI

Jen maroñ katakin ro nejid tokjen jermal kin ad lelok nōn ir kunair jejet nōn air kōmmōni aolepen ran. Ren maroñ bōk eddo in karreoiki i'belakin mweo, kwali im aeni nuknuk ko,

kwali kein mōnā, juloki ujōj jen atake eo, mwijiti ujōj, im kōmmōni bar jet men ko renaj katakin ir tokjen jermal. Aolepen ajiri ro kajojo rej oktak jen dron. Kin men in, jermal ko jej lelok nōn ir ren aikuij oktak ekkar nōn ta ko ajiri eo en maroñ kōmmōni. Dri kanan Spencer W. Kimball ear ba bwe ke ear likuun drik, jemen ear lelok kunan jejet nōn an kōmmōni. Ear ba bwe ej kommolol Anij kin jemen, bwe ke ear drik jemen ear katakin e tokjen jermal.

KŌTLOK AJIRI NŌN JIBAÑ IBEN JERMAL IN PAMLE AK KŌMBANI EO

Elañe pamle eo ewōr jermal ko an ak juōn kōmbani, kōtlok ajiri ro nōn jibañ iben e. Men in enaj bareinwōt katakin ir joñon aurokin jermal. Pamle eo an Willi Herre jen Sweden ear kōmmōne men in. Pamle in ear wōr jiljilimjuōn ajiri ro, drettair joñoul yiō ko nōn rualitokñoul. Pamle in rar jaketo-jaketak newspaper ko ke elikuun jiboñ aolepen ran. Rej bareinwōt katakin im wiaiki hors ko. Rej bareinwōt kōmmōni bar jet jermal ko.

Ro nejin eman Herre aolep rej jermal ilo kōmbani kein an pamle eo. Iruij kajojo ewōr air jermal in kōmmōni. Aolepen ro ian pamle eo rej driojlok jen mweo imōir nōn jaketo-jaketak newspaper ko ke enañin aolepen ro jet armij rej kiki bajjik. Ewōr ijo kunair kaju ilo Kabuñ eo bareinwōt. Rej likuun boup, im rej likuun mōnōnō. Ajiri ro rej jermal ilo kōmbani in pamle eo rej katak aurokin jermal im katak wāwen in jermal iben dron iben bar jet ro ian pamle eo. Ej likuun emmōn kin air katak ilo wāwen in nōn bōk mōnni kin air jikul im kin air bōk jermal in mijenede.

Ilo bar juōn pamle eo, eo jemen im jinen rar inebata kake ro nejeir im air jab katak tokjen jermal eo. Jemen ear juōn takta. Kin men in eo jemen im jinen rar lelok kunan ro nejeir nōn karreoiki jikin jermal eo an jemeir aolepen ran im rar bōk wōnair kin men in. Ro nejeir rar bōk air ien emmōn kajojo nōn karreoiki jikin jermal eo an jemeir. Ledrik ro rar karreoiki juōn ran im ladrik ro rar bed wōt i'mweo imōir nōn jibañ jineir iben jermal ko i'mweo imōir. Innem ran in lal ledrik ro rar bed wōt i'mweo imōir ke ladrik ro rar etal nōn jikin jermal an jemeir im karreoike e.

Ekijkan an men in maroñ jibañ ajiri ro ilo pamle eo? (Ear jibañ ir nōn melele jermal ko an jemeir. Ear jibañ ir nōn katak tokjen jermal eo. Ajiri ro rar eñjake tokjeir nōn jermal ko an jemeir.)

Jen Aikuij Katakin Ro Nejid Nōn Kōnan Jermal

Jen aikuij katakin ro nejid nōn kōnan jermal. Jen maroñ kōmmōne men in kin ad nebare ir ñe rej kōmmōni jermal ko ilo wāwen eo emmōn. Jen aikuij jab jiroñlok ir wōt kaki men ko renana. Jen aikuij nebare ir maktata kin men ko rar kōmmōni emmōn, innem kwaloki ir ta ko ren maroñ in kōmmōni ilo wāwen eo emmōnlok nōn ien in lal. Ajiri ro rekōnan jermal ñe rej bōk nebar kin men ko rej kōmmōni ilo wāwen ko rejimwe. Renaj kōnan ekkar nōn ankilair im renaj mōnōnō nōn kōmmōni jermal ko ien in lal elañe jenaj nebar ir kin men ko rar emmōn in kōmmōni, im elañe jej katakin ir iben yokwe nōn kōmōnmōnlok jermal ko air nōn ien in lal.

Jen maroñ bareinwōt katakin ro nejid nōn kōnan jermal ko kin ad kōmōnōnōik ien in jermal. Jen maroñ kōmmōni men in kin ad al ñe jej jermal, ak emaroñ bwe jenaj kōmmōni juōn ikkure iben jermal ko. Jen aikuij bareinwōt lelok ajiri ro ien bwe rej jab aikuij kōmmōni jermal ko me ar lelok kunair nōn kōmmōni. Elañe jenaj kōmmōni men in, renaj kōnan jermal ko air ñe rej roltok nōn kōmmōni ien in lal. Jen bareinwōt aikuij lelok nōn ir jet ien ilo aolepen ran ko nōn ikkure im kōmmōni bar jet men ko rekōnan kōmmōni elikin ejemlok air jermal.

Ajiri ro renaj bareinwōt kōnan jermal elañe rej loi bwe men ko rar kōmmōni ear kōmōnōnōik ro jet. President McKay ear ba bwe ear loi ledrik ro roltok nōn mweo imōir ilo mōnōnō meñe rar mōk kinke rar jermal ilo aolepen ran eo nōn jibañ ro ridto im ro nañinmij. Ear ba bwe juōn ian ledrik rein me rar jermal aolepen ran iben ro ridto ear roltok ke ejota im ear

likuun mōk, ear jijet lōllok, im ba, "Ij likuun mōk, ak ran in ekar juōn ran eo emōnōnōtata ilo aō mour."

Kajitōk iben juōn ian kōra ro nōn jiroñlok ekijkan rar kōmōnōnōik ien in jermal nōn ajiri ro nejeir.

Jemlokin

Bwe jen maroñ katakin ro nejid nōn kōnan jermal, jen aikuij kōnan jermal kij make iad. Juōn wāwen emmōntata nōn jibañ ro nejid kōnan jermal im melele joñon aurokin jermal ej kin ad kwaloki ir bwe jekōnan jermal im bwe jej melele tokjen jermal eo. Dri kanan Brigham Young ear ba bwe ad mōnōnō i'lōl in ej ekkar nōn jermal rōt jej kōmmōni im joñon ad kōmmōne e emmōn.

Kunam

Lelok kunan ro nejim kajojo jermal in kōmmōni ilo mweo imōm. Jibañ iruij kajojo nōn kadredrelok jermal eo an ilo wāwen eo emmōn.

Men In Kōmmōni Moktalok Jen Am Kwaloki Katak In:

1. *Kononoik jen japter 27, "Jermal," ilo buk in Katak Kin Gospel.*
 2. *Bōk chalkboard im chalk, ak kōmmōne juōn pija eo ej kwaloki wāwen ko emen in katakin ro nejid nōn jermal. (Ekkar nōn ta ko kwo kōnan kōmmōni)*
 3. *Lelok kunan ro ian kilas nōn kwaloki bwebwenato ko im jeje ko rekwojarjar ilo katak in.*
-

Kōwāppenlok Wāwen In Kabwijere Ad Make Im Katakin Ro Nejid Nōn Kabwijere Air Make

Unin katak in ej nōn jibañ kij kōwāppenlok wāwen in kabwijere ad make im katakin ro nejid nōn kōmmōni eindrein.

Jino

Jeje ko rekwojarjar rej kwalok bwe eo en maroñ iroi ion buruōn ej emmōn jen eo ej bōk anjo ion juōn jikin kwelok (Jabōn Kennan Ko 16:32). Jeje ko rekwojarjar rej bareinwōt katakin kij bwe jej aikuij kabwijere kij make im jab emmaelep (Alma 38:12).

Ad kōnan elap kajur. Ad kōnan maroñ jibañ kij tōbraklok jabrewōt men eo jekōnan im maroñ kōmōnōnōik kij. Bōtap ren maroñ bareinwōt kaburomōjmōj kij elañe jej jab kōjerbali ir ilo wāwen eo ejimwe. Jemed kab Jined Ilōñ rar letok nōn kij ad kōnan nōn kōmmōni men ko remmōn im nōn jibañ kij erom einwōt ir. Ak elañe jej jab kōjerbali ad kōnan ilo wāwen ko ejimwe, ren maroñ bōprae kij jen ad jeblaklok nōn iben Jemed kab Jined Ilōñ im erom einwōt ir.

Jen Aikuij Kabwijere Ad Kōnan

Jen aikuij katakin wāwen in kabwijere kij make iad im ad kōnan bwe jen maroñ mōnōnō ion lōl in im ilo mour eo enaj itok, im bwe jen maroñ jeblaklok nōn mour iben Jemed kab Jined Ilōñ im erom einwōt Ir. Jisōs ear ba:

"Elañe jabrewōt armij e kōnan lor Iō, en mōke karmijete, im bōk drebail eo an, im lor Iō" (Matu 16:24). Nōn bōk an drebail, ej melelein bwe jen aikuij bōprae ad make jen jabrewōt men eo ej jab an Anij, im mōm ko otemjej, im nōn kejbarok kien ko an Jisōs.

Elañe jej jab iroi ion ad kōnan, renaj iroi ion kij. Elañe jej jab anjo ion ad kōnan idrak kobi, ti, ak bōk jikka, dren in kadrak, bia, im bar men ko jet me rej jab emmōn nōn kij, renaj anjo ion kij im iroi ioid. Kin men in jen aikuij anjo ion ad kōnan men kein einwōt ad illu, junmad, irenwōne, buruōn kūro, eutie buruōd, kijrāte, kūbbon, im men kōn rōt in. Ad kiki laplok, ak ikkure, im mōñā elap rej bareinwōt jab emmōn nōn kij. Jen aikuij anjo ion men kein renana ian ad eminene.

Jemed Ilōñ ej yokwe kij im ej jab kōnan bwe jen buromōj. Ekōnan bwe jen mōnōnō. Ej jela bwe jet men ko ian ad kōnan rej jab emmōn nōn kij im bwe renaj bōktok buromōj. Kin men in ear kabilōklōk kij nōn jibañ ad anjo ion ad kōnan men ko rej jab emmōn nōn kij. An nan in kabilōklōk kein jej naetan kien ko. Elañe jenaj bokake kien kein, jenaj anjo ion ad kōnan men ko renana, ko renaj kaburomōj kij. Kin juōn wanjoñok, Jemed Ilōñ ear letok nōn kij juōn kien in jitlok nōn jibañ kij kabwijere ad kōnan mōñā.

Ear letok nōn kij kien in juōn mōttan joñoul nōn jibañ kij anjo ion buruōd kūro. Ear letok nōn kij Nan in Meletlet nōn jibañ kij bōk enbwinid kajur, im nōn bōprae ad kadrelōni ilo enbwinid men in kaniñinmij kij. Ear letok nōn kij kien erreō nōn jibañ kij kabwijere ad kajur in wōr ajiri im nōn jab kōjerbali e ilo wāwen eo ebwir.

Kabwijereik ad kōnan ej melelein bwe jenaj anjo ion ad mōjino ko. Ej bareinwōt melelein bwe ad eminene ko naj emmōn. Jen aikuij ruj ilo auō ko maktata ilo ran, katak jeje ko rekwojarjar aolep ran ko, im kōmmōni men ko ilo wāwen ko remmōn me ar letok kunad. Elañe jenaj kabwijere ad kōnan im anjo ion mōjino ko ad, jenaj mōnōnō ilo mour in im ilo

mour eo ej itok. Jenaj maroñ kōmmōni elōñ men ko remmōn i'lol in im jibañ in kalek ailiñ in Anij ion lol in.

Ekijkan kien ko an Jemed Ilōñ rej jibañ ñōn kabwijere ad kōnan im anjo ion mōjino ko ad?

Men Ko Jen Maroñ Kōmmōni Ñōn Anjo Ion Ad Mōjino Ko

Ej jab pidodo ñōn anjo ion mōjino ko ad, ak jen maroñ anjo ioir. Ñōn anjo ion ad mōjino ko jen aikuij:

(Jeje ion chalkboard, ak kōlajrōki ion juōn pepa, men kein i'lol lok me jen maroñ kōmmōni ñōn anjo ion mōjino ko ad.)

1. Jela ad mōjino ko.
2. Karōke kin wāwen in anjo ioir.
3. Kajitōk iben Jemed Ilōñ ñōn jibañ kij anjo ioir.

JEN AIKUIJ JELA AD MŌJINO KO

Jeban anjo ion ad mōjino ko elañe jej jab jela kajjier. Kijuij aolep ewōr ad mōjino ko. Ejelok juōn iad ej wānik ak wāppen. Jenaj jela ad mōjino ko elañe jenaj katak kin bedbed ko an gospel eo im keidi men kein iben ta ko jej kōmmōni. Katak ko an gospel eo ej kwaloktok kij men ko jen aikuij im men ko jen jab aikuij kōmmōni. Ilo ad keidi men ko jej kōmmōni iben katak ko an gospel, jenaj jela kaki ad mōjino ko. Men ko jej kōmmōni me rej jab ekkar ñōn katak ko an gospel eo rej mōjino ko ad. Men kein jej aikuij anjo ioir.

JEN AIKUIJ KARŌKE KIN WĀWEN IN ANJO ION MŌJINO KO AD

Ñe jej jela mōjino ko ad, innem jen aikuij karōke kin wāwen in anjo ioir. Juōn wāwen in karōke ej ñōn jeje juōn ian ad mōjino ko innem jeje ta ko jenaj kōmmōni ñōn anjo ion e. Innem jej kōmmōni men ko jar jeje ñōn anjo ion ad mōjino. Kōra Ke Numan, jen America, ear kōmmōne men in ñōn anjo ion juōn ian mōjino ko an.

Ke ear wōr mōjino in kōnan mōñā elap loli. Ñōn mōñā elap loli ej jab emmōn ñōn kij. Enaj kamōjino enbwiniid, im jemaroñ erom nañinmij. Ke ear jela men in. Kin men in ear karōke ñōn anjo ion mōjino in. Ear jeje juōn letta ñōn emake. Ilo letta in, ear jeje aolepen men ko renana me ar walok kin an mōñā elap loli. Ear bareinwōt jeje men ko ear karōke in kōmmōni ñōn anjo ion mōjino in. Innem ear kōmmōni men ko ear jei. Iumin juōn yiō, ear maroñ anjo ion abañ in. Ear ba bwe ear likuun mōñōnō ke ear anjo ion mōjino in.

Ewi wāwen Kōra Numan ear eñjake ke ear anjo ion mōjino eo an?

Ta ko ear kōmmōni ñōn anjo ion e?

JEN AIKUIJ KAJITŌK IBEN JEMED ILŌÑ ÑŌN JIBAÑ KIJ ANJO ION MŌJINO KO AD

Elikin jej jela ad mōjino ko im jar karōke kin wāwen ad anjo ioir, innem jen aikuij jab kōmmōni ta ko jar bebe in kōmmōni, ak jej bareinwōt jar ñōn Jemed Ilōñ bwe en jibañ kij. Ijoke, jen jab aikuij jar wōt ñōn Jemed Ilōñ kin an jibañ kij innem jab jermal ñōn anjo ioir. Jemed Ilōñ enaj jibañ kij wōt elañe jenaj likuun jermal elap ñōn tōbraklok ta ko jen kōnan kōmmōni.

Ad kononoik jen jeje ko rekwojarjar ej bareinwōt jibañ kij ñōn anjo ion ad mōjino ko. Jeje ko rekwojarjar rej kwaloktok kaki armij ro iben elap air tōmak, dri wanjoñok ro me jen maroñ lori. Men ko jej kononoik jen jeje ko rekwojarjar renaj jibañ kij jela bwe jen maroñ bareinwōt tōbraklok jabrewōt men eo jekōnan kin ad tōmak im likuun jermal elap. Kōra Ke Numan ear bōk elap kajur kin an anjo ion mōjino eo an kin an kononoik jen jeje ko rekwojarjar

iumin juōn auō jen ran nōn ran. Jen maroñ bareinwōt bōk elap kajur nōn anjo ion mōjino ko ad kin ad kononoik jen jeje ko rekwojarjar.

Kajitōk iben juōn kōra nōn kwaloki ekijkan jar im an kononoik jen jeje ko rekwojarjar ear jibañ e nōn anjo ion mōjino ko an.

Jen Aikuij Katakina Ro Nejid Nōn Kabwijere Ir Make

Eñin juōn wāwen eo jen maroñ kōjerbale nōn katakin ro nejid nōn kabwijere ir make:

(Jeje ion chalkboard eo ak kōlajrōke ion pepa eo men kein i'lōl lok me jen maroñ kōmmōni nōn katakin ro nejid nōn kabwijere ir make:)

1. Kwaloki kien ko nōn air bokake.
2. Katakina ir nōn lori katak ko an gospel eo.
3. Lelok nōn ir ien ko emmōn nōn kelet bwe ren maroñ katak nōn kabwijere ir make.

KWALOKI KIEN KO NŌN AIR BOKAKE

Dri kanan Devid O. McKay ear ba bwe ien eo emmōntata nōn katakin juōn ajiri nōn kabwijere e make ej ñe ej drettan jilu laplok nōn lalim yiō ko. Ear ba bwe enaj likuun bin nōn katakin ir elañe jenaj kōttar mae ien rej drittlok. Jej aikuij kwaloki kien ko nōn air bokake, bwe innem renaj jela ta ko rej aikuij kōmmōni im ta ko renaj aikuij jab kōmmōni. Kien kein renaj jibañ ir nōn bōprae air kōmmōni men ko renana. Innem, elañe rej wōnmanlok in kōmmōni men ko renana, jen aikuij kajimweiki ir iben yokwe.

Ta unin jej aikuij katakin ro nejid ñe redrik nōn kabwijere ir make?

JEJ AIKUIJ KATAKINA RO NEJID NŌN LORI KATAK KO AN GOSPEL

Bar juōn wāwen in jibañ ro nejid nōn kabwijere ir make ej nōn katakin ir nōn lori katak ko an gospel eo. Elañe rej lori katak ko an gospel eo, enaj likuun pidodo kin air kabwijere air kōnan.

President N. Eldon Tanner ear ba bwe ajiri ro rej jab katak men ko rejimwe im nana ir make iair. Ej aikuij katakin ir. Ej bareinwōt kunad nōn kejbarok bwe rej kōmmōni men ko rejimwe, im nōn kajimweiki ir ñe rej kōmmōn bwir. Ear ba bwe jen aikuij katakin ro nejid kōttan men ko rejimwe im bwir ñe redrik, bwe innem ñe rej ridtlok, renaj jela ta eo ejimwe im kōmmōne e. Ear ba bwe jej aikuij jab kōttar mae ien juōn ajiri ej ridtlok nōn katakin e bwe en tutu ñe etton enbwinin, ak nōn idrak an uno ñe enañinmij. Jej katakin e men kein ñe edrik wōt. Innem ñe ej ridtlok, ej jela ta ko ej aikuij kōmmōni. Im jej jab kōttar nōn ien an ridto bwe ej aikuij etal nōn kwelok ko an Kabuñ eo ak etal nōn jikul, im nōn kōmmōni men ko rejimwe. Jej aikuij katakin ir men kein ñe redrik wōt. Innem, ñe rej ridtlok, renaj jab aikuij keleti nōn kōmmōni ir ak jab, bwe emwij air katak bwe ren aikuij kōmmōni ir. Nōn kobalok iben ad katakin ir ta eo emmōn im nana, jen aikuij bareinwōt kabwijrak ir jen air kōmmōni men ko renana.

Ewōr juōn bwebwenato ilo Baibel eo kake juōn eman etan Ilai eo Iroi ear jab mōnōnō kake kinke ear jab kabwijraki ro nejin jen air kōmmōn nana. Ilai ear juōn eman emmōn eo ear jermal ilo tempel, ak ladrik ro nejin rar nana. Iroi ear jiroñlok Ilai bwe en aikuij kabwijrak ro nejin ladrik jen air kōmmōn nana. Bōtap Ilai ear jiroñlok wōt ro nejin ladrik nōn kabwijrak air nana. Ear jab kabwijrak ir, einwōt an Iroi kakien e. Men in ear jab kōmmōnōik Iroi, im ear jiroñlok Ilai bwe enaj kajeik e kin an jab kabwijrak ro nejin ladrik jen air kōmmōn nana.

Kononoik jen 1 Samuel 3:13. Ta ko Iroi ekōnan bwe jen kōmmōni ijellokin wōt ad katakin ro nejid nōn kōmmōni ta eo ejimwe?

Jen bareinwōt aikuij katakin ro nejid, ñe redrik wōt, bwe rej ro nejin Jemed Ilōñ, im bwe ial in bōk mōnōnō ej ñōn lori katak ko an Jisōs Kraist. Jej bareinwōt aikuij katakin ir bwe Setan ej mour, im bwe enaj kōjerbal aolepen an kajur ñōn kabo ir bwe ren kōmmōn nana im ñōn bōprae ir jen air mōnōnō im air maroñ jeblaklok ñōn Jemed Ilōñ im erom einwōt E.

Ej likuun tokjen ñōn ad kwaloki wanjoñok emmōn ñōn ro nejid lori. Elañe jej jab kabwijere ad make, ro nejid reban kabwijere ir make. Jej bareinwōt aikuij katakin ro nejid iben yokwe. Ñe rej kōmmōni men ko renana, jen aikuij kajimweiki ir iben yokwe, im jab kamōkokoik ir.

Kononoik jen K & K 121:43-44.

*Ta unin jej aikuij kajimweiki ro nejid iben yokwe?
(Bwe renaj jab lōmnak bwe jej kijrāti ir.)*

JEN AIKUIJ LELOK IEN KO EMMŌN ÑŌN RO NEJID BWE REN MAROÑ KŌMMŌNI MEN KO IM KATAK WĀWEN IN KABWIJERE IR MAKE IAIR

Elder Enjio Buj ear ba bwe jej aikuij lelok ien ko emmōn ñōn ro nejid bwe ren maroñ kōmmōni men ko im katak wāwen in kabwijere ir make iair. Jen aikuij bareinwōt nebare ir kin men ko rej jimwe in kōmmōni im jibañ ir ñōn kajimweiki ta ko rej bwir kaki. Elder Buj ear ba bwe jen aikuij tellok ro nejid im kōtlok ir ñōn ekajet kaki ta ko renaj kōmmōni. Juōn dri kaki emmōn ej kōtlok armij eo ñōn kōmmōni bwir ko emake ian. Ñe ajiri eo ej katak emake ian kake bwir ko an, enaj kajeoñ in jab bar kōmmōni ir.

Elder Buj ear ba bwe juōn ien juōn ian ladrik ro nejin ear kelet bwe enaj kajeiki emake ian kin an kōmmōne juōn men eo ear jela bwe ebwir. Kaje eo ladrik eo ear lelok ñōn emake ian ear bwe enaj kar jab kaluij mubi iumin juōn alliñ. Elder Buj ear ba bwe kaje in ear likuun bin me ladrik ear lelok ñōn emake ian, kinke nejin ladrik ear likuun kōnan aluij mubi. Innem ladrik eo ear etal ñōn lolok an būbū, im ear karuwainenetok e ñōn aluij mubi ko iben. Ladrik eo ear jab, meñe jinen im jemen rar jab maroñ jela elañe ear aluij ak jab, kinke ear bed ijo ejakolok jen ir. Ladrik eo ear jela bwe ebwir, im ear jab aluij mubi. Elder Buj ear ba bwe ear likuun mōnōnō ñōn loe nejin ladrik kelet ta eo ejimwe, kinke ejimwe, im ej jab kin an mijak.

Ewi wāwen Elder Buj ej katakin ro nejin ñōn kabwijere ir make iair? (Ej katakin ir men in kōmmōne ejimwe. Innem ej lelok ñōn ir ien emmōn ñōn kōmmōni men ko ilo wāwen eo me renaj katak wāwen in kabwijere ir make. Ej kajimweiki ir iben yokwe ñe rej kōmmōn bwir. Ej kōtlok ir ñōn kajeiki ir make iair ñe rej kōmmōn nana. Ej nebare ir ñe rej kōmmōni men ko remmōn.)

Dri kanan eo Joseph Smith ear ba bwe jen aikuij katakin armij ro katak ko rejimwe, innem kōtlok ir ñōn iroiñ ir make iair. Jen aikuij kōmmōne men in iben ro nejid. Jen aikuij katakin ir katak ko rejimwe innem kōtlok ir ñōn iroiñ ir make iair. Men in ej ta eo Elder Buj ej kōmmōne ilo an katakin ro nejin ñōn kabwijere ir make. Men in ej bareinwōt kwaloki ro nejid bwe jej tōmak ilo ir im liki ir.

Jemlokin

Ñe kijuij make im ro nejid jej katak ñōn kabwijere kij make iad, jenaj mōnōnōlok im naj laplok ad jeramōn. Jej aikuij yokwe ro nejid im kwalok ad meanwōr ñe jej katakin ir ñōn kabwijere ir make iair.

Kunam

Karōke rainin ñōn anjo ion juōn ian mōjino ko am. Katakin ro nejim ñōn kabwijere ir make iair. Lori men ko ar kwaloki ilo katak in. Bar kononoiki katak in ilo mweo imōm.

Men In Kōmmōni Moktalok Jen Am Kwaloki Katak In:

1. *Katak jen buk eo "Katak Kin Gospel," japter 4, "Anemkwōj Eo N̄n Kelet."*
2. *Katak jen buk eo "Katak Kin Gospel," japter 35, "Bokake."*
3. *Karōke n̄n kōbellok ien in kwelok iben al eo etan "Katakin Iō N̄n Etetal Ilo Meram"*
4. *Kapoji pija ko me ear kwaloki ilo katak in, ak bōktok chalkboard im chalk.*
5. *Lelok kunan ro ian kilas n̄n kwaloki bwebwenato ko im jeje ko rekwojarjar ilo katak in.*

Kōmōnōnō Mweo Imōd

Unin katak in ej nōn jibañ kōra kajojo kōmōnmōn ijo mweo imōn juōn jikin me aolepen ro ian pamle eo an naj mōnōnō ie.

Mweo Imōd Ewōr Jelōte Ekajur Ioid

Kwaloki pija ko 31-a.

Elañe pamle eo an juōn ajiri ej ekkañ looir nōn e, enaj ekkañ loon nōn ro jet.
Elañe pamle eo an ej kijrāte e, enaj kijrāte ro jet.
Elañe pamle eo an ej jab kwalok an tokjen, enaj jook.
Elañe pamle eo an ej kajook e, enaj tōmak bwe men otemjej ej kōmmōni ebwir.
Elañe pamle eo an ej kwalok air meanwōr nōn e, enaj meanwōr iben ro jet.
Elañe pamle eo an ej rōjañe e, enaj liki emake ian.
Elañe pamle eo an ej nebare e, enaj kommolol ro jet kin ta ko rej kōmmōni.
Elañe pamle eo an ej mol iben e, enaj mol iben ro jet.
Elañe pamle eo an ej kommolol e, enaj yokwe e make ian.
Elañe pamle eo an ej yokwe e, enaj yokwe ro jet.

Jen Aikuij Kōmōnmōn Mweo Imōd Bwe En Juōn Jikin Ijo Ro Kajojo Ian Pamle Eo Rekōnan Bed Ie

Kijuij kōra ro ewōr kunad nōn kōmōnmōn mweo imōd bwe en juōn jikin ijo aolepen ro ian pamle eo renaj mōnōnō ie, kinke jej bed i'mweo imōd iumin ien elaplok jen leo beled. Ilo ad kōmōnmōn mweo imōd bwe en juōn jikin ijo aolepen ro ian pamle eo renaj mōnōnō ie, jemaroñ kajitōk ibed make: Ewōr ke illu ilo mweo imō? Ekkañ looid nōn ro jet ke? Jej kwalok kōjak ko renana ke? Jej kanijni i'mweo imō ke? Elañe men kein rej bed i'mweo imōd, jej kōmōnmōn ir ke? Elañe ej eindrein, jej jab kwalok juōn wanjoñok emmōn kin ro nejid im ro jet ian pamle ko ad.

Jen maroñ kajitōk ibed make: Jej kwalok meanwōr ke? Jej kajimweiki ro nejid iben yokwe ke? Jej wūjtake ke? Ewōr ke ad tōmak ilo Jisōs Kraist? Jej jibañ ke ro jet ian pamle eo? Jej jar ke ad make iad im iben ro jet ian pamle eo? Elañe jej uak aet nōn kajitōk kein, ewōr mweo imōd ijo ro ian pamle eo naj mōnōnō ie.

Jen aikuij jermal nōn kōmōnmōn bwe mweo imōd ren jikin ijo ro ian pamle eo ad rej katak ie yokwe, kainemōn, im nōn jibañ ro jet. Kijuij kajojo jej aikuij jermal nōn kōmōnmōn bwe mweo imōd rej juōn jikin ijo jej katakin ro nejid ie nōn kōmmōni men ko remmōn, nōn mour ekkar nōn gospel, im nōn kōwāppenlok im kōjermal kabiell ko air. Jen aikuij lelok ien emmōn nōn ro nejid nōn katak, nōn ikkure, im nōn kōmmōni men ko rekōnan kōmmōni. Innem renaj jab etal nōn jikin ko jet ijo emaroñ kipel ir nōn kōmmōni men ko renana ie. Jen bareinwōt aikuij wōr ainemōn im mōnōnō ilo mweo imōd.

Ejelok tokjen em rōt im jej jokwe ie. Men eo etokjen ej bwe mweo imōd ej juōn jikin emmōn im emōnōnō ijo ro otemjej rekōnan bed ie.

Ta eo ej kōmōnmōn bwe mweo imōd remmōn im mōnōnō. Jeje uak ko an kōra ro ion board eo im bwebwenato kaki ir. Bareinwōt kwaloki lōmnak kein i'lōl lok:

Juōn mweo imōn emōnōnō im emmōn ej juōn jikin ijo



1. armij ro rej jouj n̄n dron;
2. Jitōb in Iroiĵ ej bed ie;
3. ro kajojo ian pamle eo rej eñjake tokjeir;
4. armij ro rej jar ibeir make, im iben dron einwōt juōn pamle;
5. ej kweloklok pamle eo aolepen wiik ko ilo kwelok in pamle iben dron n̄e ejota; im
6. ro ian pamle eo rej katak jeje ko rekwojarjar.

Jekdron ad mweie ak jeramel, jen maroñ kōmmōni elōn men ko n̄n kōmōnmōn bwe mweo imōd renaj juōn jikin ijo ro ian pamle eo naj mōnōnō ie.

Kajitōk iben kōra ro n̄n jiroñlok kaki ien ko mōnōnō ke rar bed i'mweo imōd ke rar drik.

Juōn ian men ko jen maroñ wōr ilo mweo imōd n̄n kōmōnmōn bwe en juōn jikin ijo ro otemjej rekōnan bed ie, ej al.

Jeje nan eo al ion chalkboard eo im kwaloki bwebwenato in:

"Elikin ladrik eo nejiō, Fred, ear mōnā, ear kajitōk iba elañe en kar maroñ etal n̄n mweo imōn Jimmy, eo jeran.

"Iar ba, 'Ak kwar bed ijen inne im ran eo lok. Ta unin kwoj jab kajitōk iben Jimmy n̄n itok n̄n mweo imōd?'"

"'Ej jab kōnan itok,' Fred ear ba. Innem ear bar kajitōk iba elañe en maroñ etal n̄n mweo imōn Jimmy.

"Innem iar kajitōk, 'Ta unin kwo kōnan mweo imōn Jimmy emmōnlok jen mweo imōd? Kwe im aolepen ro jeram komij kōnan etal n̄n mweo imōn Jimmy ien otemjej. Ta unin komij kōnan etal n̄n ijen?'"

"Fred ear kōttar jidik innem ear ba, 'Kinke mweo imōn Jimmy ej juōn mweo ej al.'

"Juōn mweo ej al ke?' iar kajitōk. 'Ewi am melelein?'"

"'Kinke jinen Jimmy ej al ien otemjej n̄e ej jermal. Lien Annie ej kōmmōn eindrein, bareinwōt, im jemen Jimmy ej ajwewe n̄e ej itok n̄n mweo imōn.' Fred ear bwijrak innem ear ba, 'Ebbelok wintō ko ian mweo imōn aolepen ien bwe kwo maroñ loi ijo nabwijin mweo, im ewōr wūt ko ilo wintō ko. Aolepen ladrik ro rekōnan mweo imōn Jimmy.'

"'Kwo maroñ etal,' iar mōkaj in ba. Iar kōnan an jako bwe in maroñ bed n̄a make iaō n̄n lōmnak.

"Innem iar reilok mweo imō. Armij ro otemjej rar jiroñtok iō bwe ekar mweo aibujijata i'jikin kwelok. Jar ererak jaki ko elap wōnair i'bellakin mweo, im kein jijet, me jej kōlla wōnair kiō wōt rainin. Jar bareinwōt wōr juōn wa ekāal, me jej kōlla wōnen kiō wōt rainin. Iar ba n̄n n̄a make, 'Emaroñ bwe eindrein ta unin leo beliō ej jab ajwewe n̄e ej roltok n̄n mwin n̄e emwij an jermal.'

"Kin men in iar kelet n̄n etal n̄n mweo imōn Jimmy n̄n loe ta unin nejiō ladrik im aolepen ro jeran rekōnan etal n̄n ie. Ke iar tōbraklok e, jinen Jimmy ear iioni iō iturin kejem. Ekar mwij an karreoiki kolan bōran im ear ekkor bōran ilo juōn tool. Ear bwilōn in loe iō. Ear kajitōk iba n̄n drelōñtok im kōttar ilo ien ej etal n̄n bōklok tool jen bōran.

"Ke iar kōttar kin e, iar reito-reitak mweo imōn. Jaki ko i'bellakin mweo ar likuun meni, enañin bojak im kekeel; ear bellokok wintō ko; ear ridto im jorren jidik kein jijet. Ear libobo tebel eo iben nuknuk emor, im ekar wōr buk ko ion tebel eo. Iturin wintō eo ekar wōr juōn jikin bao jidikdik eo ej al ilo ien an dret drelōñtok wintō ko. Ear bellokok kejam in jikin kōmat, im iar loe air niñniñ eo ej jijet lōllok ion brij erre eo im lale Anni, eo eridotata ian ajiri ro

nejeir ke ej kōmat. Annie ej al. Jinen Jimmy ear etōndikdik aolepen ien; im ke ear bar roltok ear kajitōk iba ta eo iar kōnan jen e.

"Iar itok nōn lale ta eo juōn mweo ej al,' iar ba.

"Ear jab melele, im ear ba, 'Ewi am melelein?'

"Iar ba, 'Nejiō ladrik ear ba bwe ekōnan iwōj nōn mwin kinke ewōr mweo imōn ej al. Kiō ij tōmak bwe ij jela melelein.'

"Kommololtata,'jinen Jimmy ear uak, 'ak mweo imō ej jab likuun aibujuij im kileb einwōt mweo imōm. Ro otemjej rej jela bwe mweo imōm ej aibujuijtata i'jikin kwelok.'

"Bōtap ej jab mweo ej al einwōt mweo imōm,' iar ba. 'Ekijkan am kōmōnmōn bwe mwin ej al.?'

"Jinen Jimmy ear etōndikdik innem ba, 'Elañe kwo likuun kōnan jela, inaj jiroñwōj yuk.'

"Iar ba bwe in kar kōnan jela.

"Innem ear ba, 'Leo beliō ej jab bōk elap wōnen. Ij tōmak bwe eban jabrewōt ien. Kin men jej jab maroñ bōk elōn men ko jekōnan. Jej wiakaki men ko aikuij ko ad wōt nōn ad pamle, einwōt buk ko im katak in al ko nōn ro nejid. Jej bareinwōt eñjake bwe ewōr tokjen enbwiniir ejmour, kin men in jej kōjerbal ad mōnni nōn wiakaki mōnā ko remmōn im renno nōn ir. Kinke ej jab lap ad mōnni, jej bareinwōt wiakaki nuknuk ko ej jab lap wōnair kin ro nejim, im kejbarok im karreoiik ir. Kinke jej kōjerbali enañin aolepen ad mōnni kin aikuij ko ad, ej jab bwe nōn wiakaki jaki ko elap wōnair ak kein jijet nōn mweo. Jej kejbarok men in mweuik ko ad. Jej jab kōnan muri. Ak jej likuun mōnōnō.'

"Iar reilok nōn ladrik eo nejin Jimmy im nejiō ladrik Fred, ro rar ikkure i'lōl. Rar kōmmōn wa jen bok in majit ko im rar likit wit ilo ir. Rar jibliklok wit i'bellakin mweo, ak rar ikkure bajjik, im jinen Jimmy ear jabinebata.

"Ke iar rol nōn mweo imō, ear jab eñjake einwōt mweo imōn Jimmy. Kin men in iar kōbbelok wintō ko bwe en maroñ kadrelōñi dret in al im iar kōmmōni men otemjej joñon aō maroñ nōn kōmōnmōn mweo imō bwe en juōn mweo ej al."

Ewi wāwen kwo maroñ kōmōnmōn bwe mweo imōm ej juōn mweo ej al?

Nōn wōr al ilo mweo imōd emaroñ jibañ in kōmōnmōnlok bwe mweo imōd ej jikin ijo ro otemjej ilo pamle eo emaroñ mōnōnō. Iroi ear ba bwe ej mōnōnō iben al ko rej itok jen buruōd. Ear ba bwe al eo an eo ekwojarjar ej juōn jar nōn e, im bwe enaj uak jar en iben juōn jeramōn.

Jej aikuij likuun kejbarok kake al rōt ewōr i'mweo imōd. Jet al ko ej jab emmōn. Al ko me jej aikuij wōr i'mweo imōd ej ko renaj jibañ kij lōmnak kake men ko remmōn im ad kejbarok kien ko an Jemed Ilōñ. Kijuij aolep jej aikuij katak al in Kabuñ im bar jet al ko remmōn im al kaki ir i'mweo imōd.

Kononoik jen K & K 25:12.

Jen aikuij rōjañe ro nejid nōn kōwāppenlok kabiell in al iair. Kōra Margrit Loner ej jiroñlok kaki wāwen jinen im jemen rar rōjañe e nōn kōwāppenlok kabiell in al ian. Ear ba:

"Ainikien jiniō ear likuun aibujuij. Ear al ien otemjej im iar likuun kōnan roñjake e. Ear al al ko an Kabuñ eo im elōñ al ko jet rej aibujuij. Ear katakin iō al kein ke iar likuun drik.

Jina im jema rar kōnan bwe in kōwāppenlok aō kabiēl in al. Rar kōnan bwe in katak wāwen in kajañjañ piano. Ak kin air jab bwe mōnni, rar jab maroñ wiakake juōn piano. Kin men in, iumin juōn yiō, iar etetal nōn nōn mweo ko an ro jet ian Kabuñ eo ilo ad rā, ro rar wōr piano ko bwe in maroñ kaeminene. Ej jab etto im iar bōk nañinmij in bokbok (pneumonia), im iar jab etal nōn mweo ko ro jet nōn kaeminene. Ak jina im jema rar kōnan wōt bwe in jela wāwen in kajañjañ piano, kin men in rar kelet nōn wiakake juōn kin iō. Rar likuun aikuij in kōtlok elōñ kōnan ko air bwe ren maroñ wiakake e. Jina ear bareinwōt aikuij in jermal nōn kōlla wōnen katak ko aō jen juōn dri kaki. Jermal ko jina im jema ko rar kōmmōni kin iō ar letok aō mōnōnō elaptata ilo aō kajañjañ piano."

Jeje nan ko pija ko ion chalkboard.

Men in bar juōn men eo jen maroñ wōr i'mweo imōd nōn kōmōnmōn bwe en juōn jikin ijo ro otemjej ian pamle eo renaj kōnan bed ie. Jen maroñ likit pija ko an ro ian pamle eo, ro ridto, im men ko elap tokjeir nōn kij einwōt tempel ko, ad dri kanan, im ad Dri Lomor. Jen maroñ bareinwōt likiti i'mweo imōd iben pija ko rej aibujuij einwōt wut ko, wijki ko, riba ko, tol ko, im men in mour ko. Jen maroñ katak wāwen in kōmōnmōn pija ko im kōmmōni men ko jet nōn likit i'mweo imōd. Jen maroñ bareinwōt kaibujuij mweo imōd iben men ko ro nejid rej kōmmōni ilo jikul im ilo mweo imōd. Men in enaj bareinwōt jibañ ir nōn lōmnak bwe men ko rej kōmmōni im ir make iair ewōr tokjeir.

Jeje nan ko wut ko ion board eo.

Wut ko ren maroñ bareinwōt kaibujuij mweo imōd. Jen aikuij kalibwini elōñ wut ko iturin mweo imōd. Jen maroñ bareinwōt kōjermal libuki ko im men ko jet nōn kaibujuij mweo imōd im kōmōnmōn bwe en juōn jikin ijo ro otemjej ian pamle eo renaj mōnōnō in bed ie.

Jeje ion board eo nan ko buk ko.

Bar juōn wāwen in kaibujuij mweo imōd ej nōn likit buk ko iloan e. Kijuij aolep jen aikuij wōr jeje ko rekwojarjar i'mweo imōd einwōt bar jet buk ko remmōn me ro nejid ren maroñ katak men ko remmōn jen ir. Men kein ren aikuij buk rōt rej jibañ kij nōn kōwāppenlok ad mour im nōn jela ta eo emmōn, aibujuij, im mol.

Kononoik jen K & K 88:118, 90:15.

Ta rōt buk ko kwo maroñ kadreloñwōj i'mweo imōm nōn jibañ pamle eo am katak men ko remmōn?

Jeje nan eo ikkure ion board eo.

Ro nejid renaj jab mōnōnō in bed wōt mweo imōd elañe jej jab ikkure i'mweo imōd. Jen aikuij jab katak wāwen in ikkure iben ro nejid im bed ibeir wōt, ak jen bareinwōt aikuij lelok, ilo mweo imōd, men ko me ren maroñ ikkure ibeir make, bwe renaj jab kōnan etal nōn bar jet jikin ko ijo ren maroñ katak men ko renana ie. Jen maroñ lelok nōn ir jet wāwen in ikkure im bar jet men ko remaroñ kōmmōni i'mweo imōd nōn ikkure. Jen maroñ bareinwōt karōk nōn etal nōn ibeir einwōt juōn pamle im piknik, aluij juōn mubi emmōn, ak etal nōn bar juōn jikin ijo enaj emmōn in ikkure kin ajiri ro. Men in enaj kōmōnōnōik ir nōn bed iben pamle eo.

Ta ko bar jet jen maroñ kōmmōni i'mweo imōd nōn kōmōnmōn bwe en juōn jikin ijo ro nejid renaj kōnan bed ie?

Jeje ion board eo nan ko kōkon im erreo.

Bar juōn men eo jen maroñ kōmmōni nōn kaibujuij mweo imōd bwe en juōn jikin ijo renaj mōnōnō ie ej nōn kejbarok bwe en kon im erre. Jej jab aikuij juōn mweo ekileb, elap wōnen

im wōr elōn kein jijet im bar jet men ko nōn kōkon e im karreoike e. Jekdron mweo rōt ibed, jen maroñ kōkon e im karreoik e. Jet ien ad kōnan nōn kejbarok mweo imōd jekōnan jeorloki men in ikkure ko an ro nejid, bwe jej lōmnak rej kattoni mweo. Ak jej aikuij in kememej bwe etokjen men kein nōn ro nejid im bwe rej kōmōnōnōik ir. Men eo jej aikuij kōmmōni ej katakin ir nōn kōrolli men kōn nejeir ñe emwij air ikkure ibeir.

Jemlokin

Jen aikuij kōmōnmōnlok bwe mweo imōd rej jikin ko ijo ro nejid rej mōnōnō ie. Devid O. McKay, juōn dri kanan eo mokta an ad Kabuñ eo, ear ba bwe mweo imōd rej jikin ko wōt ijo emaroñ wōr mōnōnō emol ie. Ear ba bwe jej aikuij kōmōnmōn bwe mweo imōd ren kar einwōt lōn. Ear ba bwe lōn ej juōn mweo ewānik. Kijuij kajojo wōr kunad nōn kōmōnmōn mweo imōd eindrein.

Al juōn al eo etan "Aibujij I'bellakin".

Kunam

Kōmmōne juōn men eo ilo wiik in nōn kōmōnmōnlok mweo imōm bwe en juōn jikin ijo ro otemjej ian pamle ne am naj mōnōnō in bed ie. Kin juōn wanjoñok, kajeoñ in kalaplok am etōndikdik. Kile ta ko ej walok nōn ro jet ian pamle eo ñe kwoj kōmmōn eindrein. Karōke nōn kōmmōne juōn men eo iben ro nejim.

Men In Kōmmōni Moktalok Jen Am Kwaloki Katak In:

1. *Katak jen buk eo Katak Kin Gospel, japter 34, "Kwalok Kabiēl Ko Ad."*
2. *Kononoik jen japter 36, "Bamle Ko Remaroñ Bed Iben Dron Nōn Indreo," ilo buk eo Katak Kin Gospel.*
3. *Bōk chalkboard im chalk.*
4. *Lelok kunan ro ian kilas bwe ren kwaloki bwebwenato ko im jeje ko rekwojarjar ilo katak in.*

31-a Juōn jinen ej kononoiki nōn ro nejin.

Ekkatak Gospel Eo Ilo Mweo Imōd

Unin katak in ej nōn jibañ kij kōmōnmōnlok mweo imōd bwe ren jikin ko ijo ro nejid ren maroñ katak kin gospel eo ie.

Jen Aikuij Katakkin Ro Nejid Gospel Eo

Jemed Ilōn ear kakien kij nōn katakin gospel eo nōn ro nejid. Jen aikuij kōmmōne men in bwe jen maroñ kōmōnōnōik E.

Ewōr juōn bwebwenato ilo Buk In Mormōn kake Inos, eo ear katak kin gospel eo jen jemen (Inos :3-4). Inos ear ba bwe ekar mōkajkaj an roñjake jemen konono kaki mour indreo. Juōn ran Inos ear etal nōn wijki ko nōn kabukōt men in mour ko nōn mōñā. Ke ear kabukōt ir, ear eñjake an kōnan melele men ko jemen ear katakin e kaki mour indreo. Kin men in ear jar nōn Iroi j nōn jibañ e bwe en melele katak ko an jemen.

Inos ear jar iumin aolepen ran eo im boñ eo. Elikkata Iroi j ear konono nōn e im jiroñlok e bwe ear jeorlok jerawiwi ko an. Iroi j ear bareinwōt jiroñlok e elōn bar men ko jet me ar jibañ e melele men ko jemen ear katakin e. Joñon an Inos mōnōnō ekar bwe kin an etal nōn ro jet im katakin ir gospel eo nōn jemlokin mour eo an. Jej katak jen bwebwenato in bwe Inos ear katak kin gospel eo ilo mweo imōn. Meñe ear jab melele aolepen men ko jemen ear katakin e, jemen ear katakin e kake gospel eo.

Baibel eo ej ba "Kwon kibel juōn ajiri ilo ial eo en etal ie, im ñe e ridto e jamin illok jen e." (Jabōn Kennan Ko 22:6). Iroi j ear letok ro jinen im jemen kunair nōn katakin gospel eo nōn ro nejeir im katakin ir nōn bokake kien ko An. Iroi j ekōnan bwe jen katakin gospel eo nōn ro nejid ilo mweo imōd. Ear ba bwe elañe jej jab katakin gospel eo nōn ro nejid, jerawiwi eo enaj bed ion bōrad.

Kononoik jen K & K 68:25-28.

Ia eo ijo ajiri ro ren katakin kaki men ko i'lōl? Ewi wāwen ren maroñ katak kaki mour indreo?

Ajiri ro rej katak kaki men ko ian mour in i'mweo imōir, i'jikul, im jen ro jerair. Ak rej jab katak kaki men ko ilo gospel eo i'jikul ak jen ro jerair. Ro jinen im jemen ewōr kuanir nōn katakin ro nejeir kaki gospel eo. Men in ej juōn kien eo jen Iroi j. Elañe jej jab katakin ir kaki gospel eo, en maroñ bwe jenaj jab maroñ mour ibeir ilo mour eo ej itok. Kin men in jej aikuij likuun kejbarok ad katakin ir. Ejelok bar juōn jikin nōn katakin ir kake gospel eo ijellokin wōt i'mweo imōd. Buk In Mormōn ej kwaloktok kij kake Kiñ Benjamin, eo ear katakin ro droñ nōn katakin ro nejeir im jab kokkure kien ko an Anij ak jumae ak akwāāl iben dron, ak nōn katakin ir nōn bokake kien ko an Anij, nōn etetal ilo ial ko an mol, nōn yokwe dron, im nōn jermal nōn dron (lale Mosaia 4:14-15).

Kōmōnmōnlok Mweo Imōd Bwe Ren Jikin Ko Ijo Ej Katakkin Gospel Eo Ie

Jen aikuij likuun jermal nōn kōmōnmōnlok mweo imōd bwe ren jikin ko ijo ej katakin gospel eo ie. Nōn kōmmōn eindrein jen aikuij:

Kwaloki juōn pija eo ej kilajrōki men ko i'lōl lok, ak jejelok ir ion board eo ñe komij kononoik kaki ir.)

1. rōjañe ro nejid nōn kajitōk kake gospel eo;
2. jar iben pamle ko ad;
3. katakin ro nejid kake gospel eo aolepen ien ko emmōn me rej walok nōn kij;
4. katak jen jeje ko rekwojarjar ibed ad make iad, im iben pamle ko ad;
5. kweloklok ilo kwelok in pamle iben dron ñe ejota aolepen wiik kajo; im
6. kwaloki am nan in kenan nōn ro nejid.

JEN AIKUIJ RŌJAÑE RO NEJID NŌN KAJITŌK KAKE GOSPEL EO

Jen aikuij jibañ ro nejid nōn kōnan kajitōk kake gospel eo. Jet ajiri ro rej jab kajitōk iben jineir ak jemeir kake gospel eo kinke rej lōmnak bwe ro jineir im jemeir rej jab kōnan roñjake kajitōk ko air. Jen aikuij jamin kōtlok ro nejid nōn eñjake men in. Jen aikuij kōmmōni men ko bwe enaj tellok ir nōn eñjake im jela bwe jekōnan roñjake kajitōk ko air im naj mōnōnō nōn uak ir. Devid O. McKay, juōn dri kanan eo mokta an Kabuñ eo, ear ba bwe jen aikuij kwaloki ajiri ro nejid bwe jekōnan uak kajitōk ko air. Ear bareinwōt ba bwe juōn ajiri eo ej kajitōk ibam kajitōk ko ej kōmōnōnōik yuk. Jen aikuij rōjañe ro nejid nōn kajitōk kaki men ko, elaptata kake gospel eo. Emaroñ bwe jejamin jela uak ko aolepen ien, ak ad bukōt uak ko enaj jibañ kij bareinwōt nōn katak.

Ewi wāwen jen maroñ rōjañe ro nejid nōn kononoik kake gospel eo i'mweo imōd?

JEN AIKUIJ JAR IBEN PAMLE KO AD

Jen aikuij jar iben pamle ko ad aolepen jiboñ im aolepen boñ im ilo jabrewōt bar juōn ien ñe jej aikuij jibañ. Ilo ad jar iben ro nejid ej katakin ro ir kake gospel eo. Ej katakin ir nōn yokwe dron, kejbarok dron, im nōn kommolol Jemed Ilōñ kin aolepen jeramōn ko ear lelok nōn ir. Ej katakin ir nōn wūjtake Jemed Ilōñ. Ej katakin ir bwe rej ro nejin Jemed Ilōñ. Ej katakin ir nōn kwaloki air tōmak ilo E im ilo ad Dri Lomor Jisōs Kraist. Ej katakin ir wāwen eo ejimwe nōn kononoik iben Jemed Ilōñ. Ej katakin ir kaki air aikuij in atartar ion E ien otemjej, im ej katakin ir nōn yokwe E.

JEN AIKUIJ KŌJERBALI IEN KO ÑE JEJ BED IBEN RO NEJID IM ÑE MEN KO RAUROK REJ WALOK NŌN IR NŌN KATAKIN IR KATAK KO AN GOSPEL EO

Jej aikuij kōjerbali ien ko ñe jej bed iben ro nejid nōn katakin ir kake gospel eo. Jen maroñ bwebwenato kaki katak ko an gospel ibeir ilo ien in mōñā. Jen maroñ kononoik jen buk ko ak jeje ko rekwojarjar nōn ro nejid redrik ak jiroñlok ir kake juōn men eo ear walok ilo mour eo ad me ear likuun emmōn. Jen maroñ bareinwōt kōjerbali ien ko ñe men in aurok ko rej walok nōn ir, nōn katakin kaki katak ko an gospel.

Ien kein rej ien ko emmōn nōn katakin ir kinke rej likuun roñjake kij. Elañe jej katakin ir ilo wāwen ko emmōn ilo ien ko rōt kein, renaj kememej katak ko jej katakin ir.

Ñāāt eo ej ien ko emmōn nōn ad katakin ro nejid kaki katak ko an gospel?

JEN AIKUIJ KATAK JEN JEJE KO REKWOJARJAR I'MWEO IMŌD

Emwij ad bōk tel ko jen dri tel ro an Kabuñ eo nōn katak jen jeje ko rekwojarjar jen ran nōn ran. Elder Bruce R. McConkie ear ba: "Jen kar kōnan aolepen kōra ro ian Kabuñ eo nōn kononoik jen jeje ko rekwojarjar im lōmnak kaki mol ko indreo me ej bed ilo ir." Elañe jenaj katak gospel eo, enaj pidodolok ad katakin ro nejid nōn katak bareinwōt.

Jen aikuij wōr i'mweo imōd *Buk In Mormōn, Baibel, Katak Im Kalimur Ko, im Bōr Im Elap Wōnen*, me ro ian pamle ko ad ren maroñ katak kaki katak ko an gospel eo jen ir. Enaj bareinwōt emmōn, elañe jen maroñ, nōn wōr bar jet men ko einwōt pija ko im tape ko an jeje ko rekwojarjar, bwe innem ro ian pamle ko ad ren maroñ bareinwōt kōjerbali ir nōn

katak kaki katak ko an gospel eo. Jen aikuij bareinwōt wōr i'mweo imōd buk eo *Katak Kin Gospel*. Ear kapoji buk in nōn jibañ kij katak kaki katak ko an gospel eo im nōn katakin ro nejid kaki ir. Jen aikuij bareinwōt likit juōn ien ejejet aolepen ran kajo nōn katak kake gospel eo iben ro nejid, bwe renaj jab katak kake gospel eo elañe jej jab likit juōn ien in katak ibeir, im elañe jej jab katak ad make iad.

Ewōr elōn wāwen ko nōn katak jen jeje ko rekwojarjar. Jen maroñ katakin ir ibed kijuij make ak iben ro ian pamle ko ad. Eñin jet wāwen ko nōn katak kake gospel eo ibed ad make:

Kwaloki juōn pija eo ej kilajrōki men ko i'lōl lok me rej kwaloki wāwen in katak kake gospel eo ibed ad make, ak jeje lok ir ion chalkboard eo ñe komij bwebwenato kaki ir.)

1. *Kononoik jen jinoin jeje ko rekwojarjar nōn jemlokiir. Kajeoñ in kononoik juōn ak laplok jen juōn japter iumin juōn ran ak kononoik jen ir iumin joñoul lalim minit ko aolepen ran ko.*
2. *Katak jeje ko rekwojarjar ekkar nōn katak eo juōn, einwōt jar ak bokake. Bukōt aolepen jeje ko rekwojarjar me rej kwalok kake katak en im kakōlleik ir.*
3. *Kōjerbali jeje ko rekwojarjar nōn bukōt uak ko nōn abañ ko ewōr ibam.*
4. *Kilajrōk eon ko kwo likuun kōnan.*
5. *Kakōlleik eon ko ilo aolepen jeje ko rekwojarjar me rej kwalok kake juōn katak eo ej einlokōt juōn.*

Lelok ien nōn ro ian kilas eo nōn kwaloki wāwen ko jet me rej kōjerbali nōn katak jeje ko rekwojarjar ibeir make.

Jen maroñ bareinwōt katak jeje ko rekwojarjar iben dron ilo pamle ko ad. Eñin jet wāwen ko jen maroñ kōjerbali nōn katak jeje ko rekwojarjar iben ro ian pamle ko ad.:

Kwaloki juōn pija eo ej kilajrōki wāwen ko jen maroñ katak kaki jeje ko rekwojarjar iben ro ian pamle ko ad, ak jeje lok ir ion board eo ñe komij kononoik kaki ir.)

1. *Likiti joñoul lalim minit ko aolepen jiboñ nōn katak gospel eo iben dron moktalok jemen ej etal nōn jermal im ajiri ro rej etal nōn jikul.*
2. *Kwaloki juōn katak eo ekadru kake juōn katak eo an gospel eo moktalok jen ajiri ro rej ilen kiki.*
3. *Kwaloki bwebwenato ko jen jeje ko rekwojarjar nōn ro redrik.*
4. *Keleti jeje ko rekwojarjar im eon ko me aolepen ro ian pamle eo rekōnan im kōmmōn bwe aolepen ian pamle eo ren kememej ir.*
5. *Keleti juōn eon nōn kononoik jen e. Innem kōmmōni men ko eon eo ej kwaloki. Kin wanjoñak: Kononoiki jen Matu 25:31-40; innem jibañ juōn pamle eo ej aikuij jibañ. Kononoik jen James 1:27 ak Dri Galetia 6:2, innem jibañ juōn lōllap ak lillap.*
6. *Kononoik jen nan in konono ko an dri tel ro an Kabuñ eo ilo ien in kwelok ekileb ian aolepen Kabuñ eo elañe kom maroñ bōk nan in konono kein ilo kajin eo am. Kōmmōni ta ko dri tel ro rej jiroñtok kij nōn kōmmōni ilo air nan in konono.*
7. *Roñjake juōn tape eo me ej kwaloki jeje ko rekwojarjar elañe ewōr ibam.*

Jekdron karōk rōt jen ian karōk kein me jenaj kōnan lore, jen aikuij jinoi ad katak jen jeje ko rekwojarjar iben jar. Jen aikuij kajitōk iben Jemen lōn nōn jibañ kij melele katak ko jenaj katak kaki. Innem, ñe jej melele, jen aikuij kōmmōni ta ko jeje ko rekwojarjar rej kwaloktok kij nōn kōmmōni. Bijōp H. Burk Pitersōn jen ian Bijōpric ej Tel ilo Kabuñ eo ear ba bwe aolepen pamle ko ian Kabuñ eo ren aikuij kononoik jen jeje ko rekwojarjar aolepen ran ko.

Ta unin ewōr tokjen nōn katak jeje ko rekwojarjar iben pamle ko ad? Kelete juōn ian kilas eo ej katak jeje ko rekwojarjar iben ro ian pamle eo an im lelok kunan nōn kwaloki wāwen eo rej kōjeral. Kajitōk iben nōn bareinwōt kwalok ekijkan ej eñjake kake air katak jen jeje ko rekwojarjar iben pamle eo an.

JEN AIKUIJ KWELOKLOK ILO KWELOK IN PAMLE IBEN DRON ÑE EJOTA AOLEPEN WIJK KAJO

Kwelok in pamle iben dron ñe ejota ej juōn ien emmōntata me jen maroñ kōjērbali ñōn katakin ro nejid kake gospel eo. Jen aikuij kōjērbal buk eo elañe ewōr ibed. Elañe ejelok, jen maroñ kōjērbali jeje ko rekwojarjar. Elañe buk ko an jeje ko rekwojarjar rejañin ukōt ilo ad kajin eo, jen aikuij kōjērbali buk eo *Katak Kin Gospel*. Ear kapoji buk in ñōn katak kin gospel eo. Kabuñ eo ear likit jota in Monday kin ad kweloklok ilo kwelok in pamle iben dron ñe ejota. En aikuij bwe ien kein ren ien ko remōnōnō. Ro nejid ren aikuij eñjake mōnōnō kaki kwelok in pamle iben dron ñe ejota im kōnan kobalok ibeir. Jen aikuij bareinwōt katakin ir katak ko an gospel eo ilo wāwen ko me ren maroñ melele.

JEN AIKUIJ KWALOKI AD NAN IN KENNAN ÑŌN RO NEJID

Ro nejid ren aikuij jela wāwen ad eñjake kake gospel eo, kin men in ren aikuij roñjake ad nan in kennan. Ñe en kar eindrein, renaj jela bwe jej tōmak ilo katak ko jej katakin ir. Jen aikuij kwaloki ad nan in kennan ñōn ro nejid ilo aolepen ien ko remmōn ñe rej walok. Ilo air roñjake kaki eñjake ko ad kake gospel eo, im ilo air loi ad mour ekkar ñōn katak ko an gospel eo, renaj bōk ankilair elaplok ñōn kōnan mour ekkar ñōn ir im ñōn kalaplok air jelalokjen kaki ir, einwōt Inos. Air tōmak ilo Iroi j enaj laplok ilo kajur, im air nan in kennan kake gospel eo enaj kajurlok.

Kononoik jen Duteronomi 11:19.

Lelok kunan juōn ian kilas eo ñōn jiroñlok kake eminene ko me ear kamineneik ilo an katakin ro nejin kake gospel eo.

Ad Katak Kin Gospel Ej Bōktok Jeramōn Ko

Ewōr elōñ jeramōn ko jen maroñ bōki kin ad katak gospel eo. Enaj laplok ad melele gospel eo, an nan in kennan naj kajurlok, ad tōmak ilo Iroi j enaj laplok, enaj kakajurlok pamle ko ad, jenaj mōnōnōlok, enaj laplok ad ainemōn, naj kōkejel ad pamle, im yokwe naj bed i'mweo imōd, im jenaj mour ebakelok ad Dri Lomor Jisōs Kraist, im Jemed Ilōñ.

Juōn jinen eo ej katak jeje ko rekwojarjar iben pamle eo an aolepen ran ear ba: "Ewōr elōñ jeramōn ko jen ad katak jeje ko rekwojarjar jen ran ñōn ran. Jej melele lok jeje ko rekwojarjar, jej jinoi ran eo ilo wāwen eo ekon, im jej mōñā ilo jiboñ iben dron. Ro nejiō bareinwōt rej etal ñōn jikul im eñjake mōnōnō kaki ir make, kake ad pamle, im kake jikul im bar jet men ko rej kōmmōni."

Elder Bruce R. McConkie ear ba bwe ad wōr ainemōn im mōnōnō ilo mour in im ad bōk mour indreo ilo mour eo ej itok rej ruo jeramōn ko relaptata ian aolepen jeramōn ko jen maroñ bōki. Ear ba bwe ad bōk jeramōn kein ruo ren maroñ itok wōt kin ad kononoik, katak, im mour ekkar ñōn nan ko an mour indreo me ar jei ilo jeje ko rekwojarjar im kin ad bokake kien ko an Jemed Ilōñ.

Kunam

Karōk ñōn katak gospel eo i'mweo imōm, ibam make iam im iben ro ian pamle eo am jimor. Kabukōt jen ran ñōn ran kin ien ko remmōn ñōn kameleleiki katak ko an gospel ñōn ro nejim.

Bar Jet Jeje Ko Rekwojarjar

Dri Rom 15:4 (jeje ko rekwojarjar rej letok kajetrikririk)
2 Timote 3:14–17 (jeje ko rekwojarjar rej tellok kij ñōn wānik)
2 Nibai 4:15 (jeje ko rekwojarjar rej bed kin ad katak im tōpran)
K & K 1:37 (jeje ko rekwojarjar rej mol im tiljek)

Men In Kōmmōni Moktalok Jen Am Kwaloki Katak In:

1. *Kononoik Bar Jet Jeje Ko Rekwojarjar me ar kilajrōki i'jemlokin katak in.*
 2. *Kapoji juōn pija eo ej kilajrōki wāwen in katak gospel eo ak kilajrōki ir ion chalkboard.*
 3. *Kapoji juōn pija eo ej kilajrōki wāwen in katak gospel eo iben pamle eo am, ak kilajrōki ir ion chalkboard.*
 4. *Lelok kunan ro ian kilas eo nōn kwaloki bwebwenato ko im jeje ko rekwojarjar ilo katak in.*
-

Kapoji Nōn Katakin Ro Jet

Unin katak in ej nōn jibañ kij kapojak nōn katak gospel eo ilo wāwen eo emmōn.

Jen Aikuij Katakin Dron

Iroiĵ ear kakien ro ian Kabuñ eo An nōn katakin dron.

Kononoik jen K & K 88:77–78. Wōn ro jen aikuij katak?

Jen aikuij katak gospel eo nōn pamle ko ad, ro jerad, dri turid ro, armij ro jej jermal ibeir, im ro jej jikul ibeir. Jen aikuij katak gospel eo nōn ro otemjej jekdron air bed iben ro ian Kabuñ eo ak jab.

Jen ien an kōmōnmōn lōl in, Iroiĵ ear jiroñtok kij nōn katakin ro nejid gospel eo. Jen maroñ kōmmōne men in ilo ien in kwelok in pamle iben dron ñe ejota im ilo bar jet ien ko ñe jej bed iben ro nejid. Kinke jinen ajiri ro ej bed iben ro nejin iumin ien ko elaplok jen jemeir, ewōr ien ko emmōn bwe jineir emaroñ katakin ro nejin gospel eo.

Lelok ien nōn ro ian kilas eo nōn kwalok kaki men ko rar walok nōn ir ilo air katakin ro nejeir gospel eo.

Elder Boyd K. Packer ear ba bwe enañin aolep men ko jej kōmmōni ej katakin ro jet. Jej katakin juōn ajiri ñe jej jibañ e kōnak nuknuk ko an. Jej katak ñe jej jibañ juōn ian nejid ledrik jela kōmat. Jej katakin juōn ajiri ñe jej jibañ e kwalok nan in konono ilo ien in kwelok in Kabuñ eo. Jej katakin ro jet ñe jej kwaloki ad nan in kennan, tellok kwelok ko, ak katak juōn kilas ilo Kabuñ eo. Jej katakin ro jet ñe jej kwalok nan ak konono ilo ien in kwelok in Kabuñ eo. Jej katak ñe jej kōmmōni aolepen ian men kein. Jejamin maroñ kabwijrak ad katakin ro jet.

Ewōr elōn ien ko emmōn nōn katakin ro jet ilo Kabuñ eo. Elder Packer ear ba bwe ro kajojo ian Kabuñ rej katakin ro jet iumin aolepen an mour, im Kabuñ eo ej wōnmanlok wōt kin an ro ian Kabuñ eo katakin ro jet. Kin men in, jermal ko an Iroiĵ reban wōnmanlok wōt elañe ej jab emmōn an katakin ro jet.

Jet ien jej katak ñe jej bwebwenato iben dron. Bwebwenato i'lōl lok ej juōn wanjoñak kake men in. Juōn likao ear ba:

"Iban moloklok joñon an jelōte nan ko an bijōp ke iar juōn dikōn. Ij lōmnak bwe ej jaje joñon lap an jelōte iō iben nan ko an. Ear ba nōn iō, 'Ikar kile joñon am wūjtake ilo ien in kwelok ko ilo Kabuñ eo. Ej juōn wanjoñak emmōn kwoj kwaloki kin likao ro jet nōn lori.'

"Ekar jet wōt nan ko, bōtap rar likuun kajur. Mae ien an bijōp kwaloki nan kōn nōn iō, iar jamin lōmnak bwe iar likuun wūjtake. Iar jook, im ij tōmak bwe bijōp ear lōmnak bwe iar wūjtake kinke iar jab kōnan konono ke ro jet rar bed ituriō. Ak jen ien en ear ba nan kōn nōn iō im manlok wōt, iar jinoin lōmnak kake tokjen eo im melelein wūjtak. Ej jab etto im iar jinoin wūjtake. Nan ko an bijōp rar likuun jelōte iō, im iban moloklok ir."

Ro rej katakin juōn kilas ewōr ien ko emmōn nōn jelōte ro ian kilas eo. Elder Tomas S. Mansōn ear jiroñlok juōn bwebwenato kake juōn dri kaki ilo Jikul in Sabat eo ear jelōte e. Ear ba:

"Ekar wōr juōn dri kaki in ilo Jikul in Sabat eo ear likuun jelōte iō. Ear juōn dri kaki elikuun emmōn. Ear katakin kij kake an kōmōnmōn lōl, buñ eo an Adam, kilajrōk eo an Jisōs Kraist. Ear bareinwōt katak kin Moses, Joshua, Piter, Tomas, Paul, im Jisōs ilo wāwen ko ear kōmmōn bwe jenaj kautiej, yokwe, im kōnan lori eman rein meñe jar jañin loi ir.

"Iban moloklok katak eo ear kwaloki juōn jiboñ in Sabat. Ilo ran en ear kwalok ilo ainikien eburomōjmōj bwe jinen Billi ear mij. Billi ekar juōn ian kilas eo am. Jar kile bwe Billi ear jab bed ilo kilas eo i'jiboñ en. Ak jar jab jela ta unin mae ien ad dri kaki ear jiroñtok kij. Etan katak eo ilo jiboñ en ekar: Ej emmōn lok nōn lelok jen ad bōki.

"Iolapen katak eo, dri kaki eo ad ear kilik buk in katak eo im ear kajitōk, 'Ewi joñon ad jāān ilo bujet in kilas in?'

"Juōn armij ear uak, 'Emen tala im jiljilimjuōnñoul-lalim jāān.'

"Innem ear ba, 'Pamle eo an Billi ej likuun buromōj jiboñin. Ewi ami lōmnak kaki ad lolok pamle eo an Billi jiboñin im ad lelok nōn ir jāān jen am bujet nōn jibañ ir?' Aolepeduij ar rejetake. Kin men in jar etal nōn mweo imōn Billi.

"Iban moloklok dren in komjalal an jemen Billi ke jar tōbraklok mweo imōn im ad dri kaki ar lelok nōn e mōnni eo ad. Iban moloklok, bareinwōt, joñon am mōnōnō me jar eñjake. Im iban moloklok melelein elikuun alikkar me iar bōki i'jiboñ en kaki nan ko, 'Ej emmōn lok nōn ad lelok jen bōki.' Inaj kōmmolol Anij ien otemjej kin dri kaki en, me ear katakin iō melelein emol ian katak in."

Ro kajojo ian Kabuñ eo ej juōn dri kaki. Kijuij aolep jej katakin ro jet kake gospel eo kin nan ko jej kwaloki im men ko jej kōmmōni. Ñe jar baptais, jar kalimur nōn Jemed Ilōn bwe jenaj kakirmol kin E ien otemjej, ilo men otemjej, im ijo jabrewōt jikin jen maroñ bed ie, jekdron ad aikuij mij kin e (lale Mosaia 18:9). Elikin ad baptais, ewōr kunad nōn katakin dri turid im aolepen armij ion lōl in kake gospel eo. Jen aikuij bareinwōt katak kin gospel eo nōn ro nejid im ro jet ian Kabuñ eo.

Jen Aikuij Katak Im Kapoji Nōn Katakin Ro Jet

Nōn erom dri kaki ro emmōn, jen aikuij kapoji ilo wāwen ko emmōn. Kijuij kajojo ewōr maroñ in katakin ro jet, ak aolepeduij jen maroñ kōmōnmōnlok. President Devid O. McKay ear ba bwe ejelok juōn dri kaki en maroñ katak kin ilo wāwen eo emmōn men ko ej jab jela kake.

Kajitōk iben ro ian kilas eo nōn roñjake kin lōmnak in wāwen ko nōn kapoji juōn katak eo ilo am kononoik nan kein i'lōl lok:

Likiti juōn ien ejejet im juōn jikin ejejet nōn karōke am katak. Bōk am jeje ko rekwojarjar, buk in katak, pepa ko, penjil ko, im bar jet buk ko kwonaj aikuiji bwe ren bed iturim im kwo maroñ kōjerbali ir.

Jinoi am karōk iben jar. Eñin gospel eo an Iroi me kwonaj katak nōn ro jet. Emwij an kiri yuk kin E nōn katakin ro nejin, kin men in kwoj aikuij kajitōk iben ewi wāwen Ekōnan bwe kwon katak kin katak eo. Jen aikuij bareinwōt jitolok elañe ewōr aikuij ko, bwe innem jen maroñ bōk tel ko jen Jitōb Kwojarjar.

Kilajrōke ion chalkboard eo men ko kwoj aikuiji nōn kapoji am katak. Ta ko kwoj aikuij kōmmōni ilo ien am kapoji?

Ñe kwoj kapoji juōn katak eo nōn katakin ro jet, enaj emmōn elañe kwonaj lori kiltōn kein:

1. Jeje ta unin kwoj katakin ir katak eo. Ilo enañin aolepen buk in katak an Kabuñ eo, ewōr unin katak eo ilo jinoin katak eo. Unin katak eo ej lōmnak eo elaptata me kwo kōnan ro ian kilas eo nōn katak kake, nōn kememej, ak kōmmōne. Jeje un ne am im lōmnak kake e ilo am kapoji katak eo.
2. Kononoik aolepen katak eo bwe kwo maroñ melele e ilo wāwen emmōn. Katak kin katak eo ilo ien elikuun mokta auō in katak bwe kwonaj jela aolepen katak ko relaptata me kwonaj kwaloki im men ko ar kilajrōki kin am kwaloki.
3. Kobaiki aolepen pija ko, lajrōk ko, im bar jet men ko kwonaj aikuiji me kwonaj kōjerbali nōn jibañ am katak. Men kein einwōt pija ko im lajrōk ko rej bōk itok-limo nōn ien in katak.
4. Kilarjōki men ko kwonaj kōjerbali ilo lajrōk in wāwen eo kwonaj kwaloki katak eo ñe kwoj katak. Men in enaj jibañ am bōprae airwaro ñe kwoj katak.

Jen Aikuij Yokwe Ro Jej Katak

Elder Boyd K. Packer ear ba bwe juōn dri kaki emmōntata ej jab katak kin katak eo an wōt, ak ej bareinwōt yokwe ro ej katakin. Dri katak ro me rej jela bwe dri kaki ro air rej yokwe ir renaj laplok air liki ir make, kōnan in kōmōnmōnlok ir make, im naj yokwe ro jet. Emol juōn armij ej jab likuun jela wāwen in katakin ro jet emaroñ likuun jelōte dri katak ro elañe ej yokwe ir im ej kautiej ir im ej kwaloki ir bwe ewōr tokjeir nōn e.

Juōn likao ear jiroñlok kake juōn dri kaki eo ear lōmnak bwe ej jab dri kaki elikuun emmōn. Likao in ear ba bwe juōn ran dri kaki in ear lelok nōn e juōn buk nōn kononoik jen e. Likao in ear ba bwe ear jab kōnan kononoik jen buk eo. Ak ion ran en, ear jinoin kommolok dri kaki eo an kin an yokwe e ilo wāwen eo ebwe kin an lelok juōn buk nōn e. Likao in ear ba bwe jen ran en im manlok wōt, ear likuun roñjake ta ko dri kaki in ear katak.

Ewi wāwen jen maroñ kwaloki ro ian kilas eo bwe jej yokwe ir?

Jen Aikuij Wōr Jibañ In Jitōb Kwojarjar, Elañe Jemaroñ Katak Ilo Wāwen Eo Emmōn

President Brigham Young ear ba bwe elikin jar kōmmōni aolepen men ko joñon ad maroñ nōn kapoji nōn katakin ro jet, jen aikuij jar nōn Jemed Ilōñ nōn jilkintok Jitōb Kwojarjar nōn jibañ ad katak. Jeje ko rekwojarjar rej kwalok bwe elañe jej jab wōr Jitōb Kwojarjar ibed, jen aikuij jab katak. Jitōb Kwojarjar enaj jibañ kij katak ilo wāwen eo enaj jibañ dri katak ro melele katak ko jej katakin ir. Dri kanan Nibai ear ba bwe ñe juōn eman ej kononoik kin kajur eo an Jitōb Kwojarjar, Jitōb Kwojarjar eo enaj bōklok nan ko nōn iloan buruōn ro rej roñjake (lale 2 Nibai 33:1).

Jen aikuij jar nōn Jemed Ilōñ bwe en jilkintok Jitōb Kwojarjar nōn jibañ kij. Jitōb Kwojarjar enaj jibañ kij kapoji katak ko ad, melele dri katak ro ad, im kameleleik katak ko ad nōn ir. Elañe jenaj kajitōk kin an jibañ, Enaj jibañ kij.

Jemlokin

Ewōr kunad nōn katakin ro nejid, ro jet ian Kabuñ eo, im nōn ro rej jab ian Kabuñ eo kake gospel eo.

President Devid O. McKay ear ba bwe ejelok bar juōn kunad elaplok ilo aolepen lōl in jen ad katakin ro jet. Juōn kunan elaptata ian ro ian Kabuñ eo ej nōn katak kin gospel eo.

Iroj ekōnan bwe en emmōn ad katakin ro jet kake gospel eo. Kin men in Ekōnan bwe en likuun emmōn ad kapoji kin ad katak im jar innem katakin ro jet kin kajur eo an Jitōb Kwojarjar.

Kunam

Kelete juōn katak eo an gospel eo nōn katak ilo wiik in. Kapoji, katak, jar im kabukōt ien ko emmōn nōn katakin e aolepen ran ko. Watōke ewi wāwen kwar kōmmōne men in nē ejemlok wiik eo.

Bar Jet Jeje Ko Rekwojarjar

Duteronomi 6:5-7 (katakin ien otemjej)

Mosaia 4:14-15 (katak kin yokwe nōn ro nejim)

K & K 42:14 (katak iben Jitōb wōt)

K & K 68:25-28 (emwij kakien kij nōn katakin ro nejid)

Moses 6:57 (emwij kakien kij nōn katakin ro nejid kake ukwelok)

Men In Kōmmōni Moktalok Jen Am Kwaloki Katak In:

1. *Kakememej ro ian kilas eo nōn bōktok jeje ko rekwojarjar air.*
 2. *Lelok kunan ro ian kilas nōn jiroñlok kaki air eminene ko ilo air katakin ro nejeir.*
 3. *Lelok kunan ro ian kilas eo nōn kwaloki bwebwenato ko im jeje ko rekwojarjar ilo katak in.*
-

Katak Jen Jeje Ko Rekwojarjar

Unin katak in ej n̄n jibañ kij kapoji n̄n katakin ro jet jen jeje ko rekwojarjar.

Jino

J. Ruben Klark, juōn dri kabiliklik eo n̄n president eo an Kabuñ eo, ear ba n̄n juōn kumi in dri kaki ro: "Kunam ejet ej n̄n katakin Gospel eo an Jisōs Kraist, kin am kōjerbali buk ko an jeje ko rekwojarjar an Kabuñ eo im nan ko an ro Anij ear kire n̄n tellok Kabuñ eo an." Jeje ko rekwojarjar rej men in jibañ ko elaptata me ewōr ibed n̄n katakin gospel eo.

Iroi ekōnan bwe jen jela jeje ko rekwojarjar im n̄n katakin jen ir. Ear kakien armij ro me rar mour i'America ilo terre ko etto n̄n bukōt jeje ko rekwojarjar (lale 3 Nibai 23:1) im n̄n katakin ro jet kake gospel eo (lale 3 Nibai 23:14). Ear bareinwōt kakien kij ilo ran kein n̄n katak jen jeje ko rekwojarjar kinke rej kennan kin E im katak kake E. Ear bareinwōt kakkien kij n̄n katakin gospel eo n̄n ro otemjej. Jeje ko rekwojarjar ewōr aolepen men ko jej aikuij kōmmōni n̄n maroñ rollok n̄n iben Jemed Ilōn im erom einwōt E (K & K 1:37).

Jeje ko rekwojarjar rej einwōt *Baibel, Buk In Mormōn, Katak Im Kalimur Ko, im Bōr Im Elap Wōnen*. Nan ko an dri kanan ro an Iroi rainin rej bareinwōt jeje ko rekwojarjar. Jen aikuij katak kin ir im katakin ro jet kaki ir (K & K 68:1-4).

Ia eo jen maroñ loi nan ko an dri kanan ro an Iroi rainin ie?

Jen Aikuij Kōjerbali Katak Ko An Jeje Ko Rekwojarjar Ilo Ad Mour Ko

Jen aikuij kōjerbali katak ko an jeje ko rekwojarjar ilo ad mour ko. Dri kanan Nibai ear kōmmōne men in. Ear jab kōjerbali wōt katak ko an jeje ko rekwojarjar ilo an mour, ak ear bareinwōt katakin ro droōn n̄n kōjerbali ir ilo air mour ko. Ear katakin ro droōn kaki jeje ko rekwojarjar ilo wāwen ko rar maroñ melele (lale 1 Nibai 19:23).

Jeje ko rekwojarjar rej katakin kij men ko an Iroi. Meñe ear jei jet jeje ko rekwojarjar ilo terre ko jemaan, ewōr tokjeir n̄n kij rainin (1 Nibai 19:22). Dri kanan Josep Smith ear ba bwe jen aikuij katak kin jeje ko rekwojarjar im katak kaki dri kanan ro.

Dri kaki ro emmōn rej jibañ kij n̄n katak kin jeje ko rekwojarjar im kōmmōni ilo ran ko ad rainin ta ko jej katak kaki.

Kwaloki pija eo 34-a.

Lelok ien n̄n juōn ian kilas eo n̄n kononoik jen 1 Nibai 16:9-12; 15-30.

Eñin wāwen eo Presdent Spencer W. Kimball ear kōjerbali juōn bwebwenato jen *Buk In Mormōn* n̄n kōmmōni ilo ad mour ko rainin. Ear ba:

"Kwoj kememej ke am kononoik kake juōn kōmbaj, ak Liaona, eo Iroi ear lelok n̄n Liai im pamle eo an n̄n tellok ir ilo air ito-itak. Liaona ear droulul einwōt juōn ball im ear kōmōnmōn jen jinibōrōrō, im ejelok juōn armij ear loe juōn men eo enañin einwōt men en (lale 1 Nibai 16:10).



"Liaona ear kwaloki nōn Liai ia eo e im pamle eo an ren kar aikuij etal ie ke rar tōmak wōt, rar tiljek, im bokake kien ko an Iroi. Ke Liai im pamle eo an rar tōmak ilo Iroi im bokake kien ko an, jeje ko rar walok ion Liaona, ko rar kwaloki ial ko rejimwe kin air ito-itak ie (1 Nibai 16:28). Ak ke rar jab bokake kien ko an Iroi, ejelok jeje ko ar walok ion Liaona, im rar jaje ia eo rej aikuij etal ie (1 Nibai 16:29).

"Emmōn ke ibam nōn wōr juōn Liaona eo bwe innem kwo maroñ jela ta ko kwoj aikuij kōmmōni?"

"Ewōr am Liaona. Ej naetan 'bōklōkōt.' Iroi ear letok nōn kijuij kajojo juōn bōklōkōt eo ej jiroñtok kij men in jimwe nōn kōmmōne. Ad bōklōkōt enaj jiroñtok kij men in jimwe nōn kōmmōne ien otemjej elañe jenaj roñjake e. Ak jen maroñ kelet nōn jab kōmmōne ta eo ad bōklōkōt ej jiroñtok kij nōn kōmmōne. Elañe jej jabokake e iumin ien e aitokin, juōn ien jenaj jab maroñ bar eoroñ e, im enaj bin ad jela ta eo eijimwe in kōmmōne.

"Ad bōklōkōt ej einwōt juōn Liaona, ak juōn kōmbaj. Ewōr juōn ibeduij kajojo. Jen aikuij roñjake e im kōmmōni ta ko ej jiroñtok kij nōn kōmmōni, ak eban jibañ kij."

Ewi wāwen President Kimball ear kwaloki wāwen in kōmmōni ta ko jeje ko rekwojarjar rej kwaloki bwe jen aikuij kōmmōni rainin? Ewōr ke mōttan ko ilo bwebwenato eo me jej jab maroñ kōjberbal?

Jen maroñ kōmmōni katak ko an jeje ko rekwojarjar ilo ran kein. Wanjoñak ko i'lōl lok rej kwaloki ewi wāwen juōn jinen ear kōjberbali jeje ko rekwojarjar nōn katakin ro nejin.

Juōn boñ, Anne, eo ear emen yiō ko drettan, ear ba nōn jinen bwe ear jab kōnan jar. Jinen ear akwelap iben, bōtap Anne ear makoko in jar. Innem jinen ear jiroñlok e bwebwenato kake Daniel, ilo Baibel.

Kajitōk iben kōra eo iben kunan nōn kononoik kiō jen Daniel 6:1-23 ak nōn kwaloki bwebwenato eo jen eon kein.

Elikin ejemlok jinen jiroñlok Anne bwebwenato kake Daniel, ear ba nōn Anne bwe jar ear likuun tokjen nōn Daniel. Joñon an tokjen nōn Daniel ekar bwe kin an jar meñe ear jela bwe en maroñ kar mane e kin an jar. Innem jinen ear kajitōk iben Anne, "Kiō, bwe emwij am jela tokjen jar, kwonaj jar ke?"

Bar juōn ien, Anne im jein Jennifer rar irre iben dron. Irro jimor rar kōnan juōn wōt nejin ikkure. Jineir ear ilok nōn irro im ba, "Emmōn ke ad karājete im lelok komro jimor mōttan?"

Anne ear ba, "Jab. Jouj im jab karājete."

Ak Jennifer ear ba, "Karājete."

Jineir ear uak, "En kar nejin Anne. Komij kōnan jela ke wāwen aō jela bwe e nejin Anne?" Innem jineir ear kononoik nōn irro bwebwenato eo jen 1 Kiñ Ro 3:16-27.

Lelok ien nōn kōra eo iben kunan nōn kononoik kiō jen 1 Kiñ Ro 3:16-27.

Ewi wāwen jeje ko rekwojarjar ar jibañ jinen en nōn katakin ro nejin? Kononoik jen Inos :2-5; Matu 25:1-13; K & K 40:1-3.

Kapoji Nōn Kōjberbal Jeje Ko Rekwojarjar Ilo Ad Katakin Ro Jet

President Harold B. Li ear ba bwe jen aikuij katakin ro ian Kabuñ eo nōn bukōt uak ko ilo jeje ko rekwojarjar nōn kajitōk ko air. President Li ear ba bwe elōn ro ian Kabuñ eo rej jab kononoik jen jeje ko rekwojarjar, im eindrein unin air buuk kaki men ko ej kalikkari ilo jeje

ko rekwojarjar. President Li ear ba bwe juōn abañ elaptata ilo Kabuñ eo ej bwe armij ro ian rej jab kononoik jen jeje ko rekwojarjar.

Ejelok juōn enaj kipel kij nōn katak kin jeje ko rekwojarjar, im jen maroñ loi elōñ unin jab katak kin ir. Ak jen aikuij katak kin jeje ko rekwojarjar elañe jen likuun kōnan melele men ko Iroj ear jiroñtok kij nōn kōmmōni nōn bōk mōnōnō ilo mour in im ilo mour eo enaj itok.

Ewi unin ad kōjermal kin ad jab katak jen jeje ko rekwojarjar? Ewi wāwen jen maroñ anjo ion men kein?

Elañe jekōnan katakin ro jet jen jeje ko rekwojarjar, jen aikuij kōmmōni men ko elaplok jen kononoik wōt jen ir.

Lelok ien nōn ro ian kilas nōn kononoik jen Mōronai 10:3. Ta eo Mōronai ej jiroñtok kij kake ad katak kin jeje ko rekwojarjar?

Mōronai ej ba bwe elikin ad kononoik jen jeje ko rekwojarjar, jen aikuij kōlmenlokjen kaki ir. Kōlmenlokjen ej melelein bwe jenaj katak kaki men ko i'lōmnak ko ad. Innem jen aikuij kajitōk iben Jemed Ilōñ elañe rej mol. Enaj kōjellaik kij kake mol eo kin kajur eo an Jitōb Kwojarjar (lale Mōronai 10:3-4). President Romni ear ba bwe kōlmenlokjen ej juōn wāwen in jar. Ej melelein nōn likuun mwilal in lōmnak kaki men ko.

Jemlokin

Elañe jekōnan katakin ro jet jen jeje ko rekwojarjar, jen aikuij kononoik jen ir im melele ir. Jen aikuij katak kin ir ilo lōmnak ko ad. Jen aikuij jar nōn Jemed Ilōñ iben kōnan ko mol nōn jela elañe rej mol. Innem jen aikuij mour ekkar nōn katak ko an jeje ko rekwojarjar. Innem ñe emwij ad kōmmōni men kein, jeje ko rekwojarjar renaj jibañ kij nōn katakin ro jet iben kajur.

Kunam

Kakōlleik jeje ko rekwojarjar kwo likuun kōnan. Keidi jeje ko rekwojarjar iben am mour. Ilo kwelok in pamle iben dron ñe ejota im ilo bar jet ien ko ñe ro ian pamle eo am rej bed iben dron, kononoik kaki jeje ko rekwojarjar im kōmmōni men ko ilo ir ilo ami mour ko.

Bar Jet Jeje Ko Rekwojarjar

2 Nibai 4:15-16 (An Nibai yokwe jeje ko rekwojarjar)

2 Nibai 32:3-7 (mōñā ion nan ko an Kraist)

Alma 37:38-47 (Katak ko rekwojarjar an Alma nōn nejin Hilaman)

K & K 11:21-22 (Bōk nan an Anij)

Men In Kōmmōni Moktalok Jen Am Kwaloki Katak In:

1. *Kononoik jen Katak Kin Gospel, japter 10, "Naan Ko Rekwojarjar."*
 2. *Kakememej ro ian kilas nōn bōktok air jeje ko rekwojarjar nōn ien in katak.*
 3. *Lelok kunan ro ian kilas nōn kwaloki bwebwenato ko im jeje ko rekwojarjar ilo katak in.*
-

34-a Liai im Liaona eo.

Katakin Ro Jet Kin Kajur Eo an Jitōb Kwojarjar

Unin katak in ej nōn jibañ kij katakin ro jet gospel eo kin kajur eo an Jitōb Kwojarjar.

Jino

Iroi ear kakien kij nōn katakin dron gospel eo. Nōn katakin dron gospel eo ilo wāweneo emmōn, jen aikuij wōr ad nan in kennan bwe ej mol, im jen aikuij katak kin e iben kajur eo an Jitōb Kwojarjar.

President Devid O. McKay ear ba: "Dri kaki ro, jino am ien in kapoji katak ko ami iben jar. Katakin ro jet katak ko ami iben buruōmi in jar. Innem jar nōn Anij nōn kalaplok ami nan in kwalok kin kajur eo an Jitōb Kwojarjar."

Ej jab etto jen ien an likiti Harold B. Li bwe en president eo an Kabuñ eo, juōn armij ear kajitōk iben ta ko enaj kajeon in tōbraklok ilo an jermal ilo Kabuñ eo. President Li ear ba, "Imarōn uak kajitōk ne am iben nan ko an juōn dri kanan eo elap eo Iroi ear kakien nōn etal im bōklok jeje ko an ro droōn jen bar juōn armij. Dri kanan in ear ba bwe Jitōb ear tellok e, bwe ear jab jela mokta kin ta ko enaj kar kōmmōni (1 Nibai 4:6). President Li ear melelein bwe enaj kar kōmmōni jabrewōt men eo Iroi enaj kar jiroñlok e, kin kajur eo an Jitōb Kwojarjar, nōn kōmmōni. Men in bareinwōt jen aikuij kōmmōni ñe jej katakin ro jet. Elikin jar kapoji joñon ad marōn, innem jen aikuij kōtlok kajur eo an Jitōb Kwojarjar nōn tellok ad katak.

Jen aikuij bōk tel ko jen Jitōb Kwojarjar ilo ad katak. Lōmnak ko ad rej jab lōmnak ko an Anij. Ial ko ad rej jab ial ko an Anij (lale Aiseia 55:8–9). Nōn melele lōmnak ko im ial ko an Anij, im nōn katak kin ir ilo wāwen eo emmōn, jej aikuij Jitōb Kwojarjar.

Kononoik jen K & K 41:12–13. Ta ko ar jiroñtok kij nōn katakin ro jet? Ewi wāwen jen marōn bōk Jitōb Kwojarjar nōn kōjermal ilo ad katakin ro jet?

Jitōb Kwojarjar ej melele men otemjej an Anij. Dri kanan Nibai ear ba bwe Jitōb Kwojarjar enaj bareinwōt bōklok ad nan in kwalok nōn buruōn ro rej roñjake kij (lale 2 Nibai 33:1). Melelein men in ej bwe ñe jej katak kin gospel eo iben kajur eo an Jitōb Kwojarjar, kajur eo an Jitōb Kwojarjar enaj kameleleik eo ej roñjake ad nan in kwalok im kōjellaik e bwe en marōn jela ej mol.

Juōn kiñ ekwojarjar etan Benjamin ear kirtok ro droōn nōn iben dron nōn katakin ir.

Kajitōk iben ro ian kilas nōn kononoik jen Mosaia 5:1–2. Ta ko ear kōmmōni armij ro nōn tōmak ilo nan ko an Kiñ Benjamin? Kajitōk iben ro ian kilas nōn kononoik jen Mosaia 5:3–4. Ewi wāwen air tōmak ar jelōte eminene in?

Bōk Tel Ko An Jitōb Kwojarjar

Ro nejin Mosaia rar katakin ro jet kake gospel eo iben tel ko an Jitōb Kwojarjar. Rar bōk tel kein elikin elap air jermal.

Lelok ien nōn ro ian kilas nōn kononoik jen Alma 17:2–3. Ta ko ro nejin Mosaia rar kōmmōni nōn bōk kajur in Jitōb Kwojarjar nōn jibañ ir katakin armij ro kake gospel eo? Kilajrōki men kein ion chalkboard. (Rar katak jen jeje ko rekwojarjar, rar jar, im rar jitlok.)

Elikin juōn dri kaki ej katak jen jeje ko rekwojarjar, en aikuij jar. President Marion G. Rōmni, dri kabiliklik eo kein karuo nōn President Spencer W. Kimball, ear jiroñlok bwebwenato kake ien eo ke lio belen ear jorikrik im ar kajitōk iben nōn katakin juōn kilas. President Rōmni ear ba bwe ear kajitōk iben e nōn katakin juōn katak eo kake mōdenlok eo muktata an Josep Smith.

President Rōmni ear ba bwe ekar wōr, ilo kumi in dri katak ro, juōn kōra eo ear jab juōn ian Kabuñ eo, im bwe lio belen ear mijak kin an kōra in jab tōmak bwe Josep Smith ekar juōn dri kanan ak bwe ear loe mōdenlok eo. President Rōmni ear ba bwe lio iben ear jab jela, emake ian, elañe ej mol. Kin men in, Kōra Rōmni ear etal nōn jinen im ba, "Ij jab maroñ katak kin katak eo. Ij jab jela elañe ej mol bwe Josep Smith ear loe mōdenlok eo."

Jinen kōra Rōmni ear wōr nan in kennan elap bwe men in ej mol. Kin men in ear ba nōn nejin ledrik, "Kwoj jela ke ewi wāwen Josep smith ear bōk mōdenlok eo?"

"Aet," nejin ear uak, "ear bōke e kin an jar nōn Anij."

Jinen kōra Rōmni ear ba, "Ta unin kwoj jab kōmmōn eindrein?"

Kōra Rōmni ear jar, im ear bōk uak jen Iroi j bwe ej mol bwe Josep Smith ear loe juōn mōdenlok eo. Innem ear etal im katak kin katak eo. Ear katak kin e iben kajur eo an Jitōb Kwojarjar, kinke ear jela bwe ej mol bwe dri kanan Josep Smith ear loe juōn mōdenlok eo. Kōra eo ear jab bōk mōdenlok eo einwōt Josep Smith, ak Jitōb Kwojarjar ear kameleleik e im kōjellaik e bwe ej jela ej mol bwe Josep Smith ear loe juōn mōdenlok eo.

Ewi kiltōn ko me Kōra Rōmni ear lori? Keidi men kein iben kiltōn ko jilu ar jei ion chalkboard. Ta unin an katak wōt ar jab kakajurlok e joñon eo ebwe? Ta ko jej naetan nan ko Kōra Rōmni ear bōki? (nan in kennan).

Ta eo e oktak ikōttan ad kononoik jen buk ko juōn men eo emol im ad roñjake juōn armij eo jej liki kwalok bwe ej mol? Lelok ien nōn ro ian kilas eo nōn kononoik jen Mōronai 10:4-5. Ewi wāwen an Jitōb Kwojarjar ej jiroñtok kij mol? Ta ko jej aikuij kōmmōni nōn bōk nan in kennan in?

Kwaloki Am Nan In Kennan

Jen aikuij kwaloki ad nan in kennan jabrewōt ien jej katakin ro jet. Jej aikuij wōr ad nan in kennan kake gospel eo muktalok jen ad maroñ katak kin e. Jeban katak kin juōn men eo jej jab likuun jela ej mol. Ad katakin ro jet iben ad nan in kennan ej melelein bwe jej katakin ir iben jelalokjen emol im ebin bwe gospel eo ej mol. Elañe jej jab wōr ad nan in kennan kake gospel eo bwe ej mol, jeban jibañ ro jet nōn jela bwe ej mol, im jeban wōr kajur eo an Jitōb Kwojarjar ibed (1 Dri Korint 2:12-13).

Elder Alvin R. Dyer ear jiroñlok juōn bwebwenato kake kajur in nan in kennan. Elder Dyer ear ba bwe ekar wōr ruo mijenede ro rar kwaloki nan in gospel eo juōn ran. Rar iioni elōñ armij ro iumin ran en, ak ejelok juōn iair ar kōnan roñjake nōn ir. Enañin ien in jota, rar ilok nōn mweo imōn juōn pamle eo ar bojak in mōñā. Mijenede ro rar kalallal kejem eo. Jinen pamle eo ear ilok nōn kejem eo im ear kajitōk iben mijenede ro ta ko rekōnan. Ke mijenede ro rar jiroñlok e wōn irro, kōra eo ear ba bwe ear jab kōnan roñjake nōn ir.

Ear jinoin kili kejem eo. Ak mokta an maroñ kōmmōne, juōn mijenede eo ear kwaloki an nan in kennan bwe gospel eo ej mol. Juōn mijenede ear likuun buul ainikien bwe ro iloan mweo rar maroñ roñjake e. Ak kōra eo ear jab kadreloñi ir im ear kili kejem. Kin men in mijenede ro rar motlok.

Ear jab tolok air ilok ke rar roñjake juōn armij kire ir, im kajitōk bwe ren kōttar. Ke rar reiliklok nōn loe wōn eo, rar loe juōn ladrik eo 14 yiō ko drettan. Ladrik en ear ilok nōn ir im ba bwe ear itok jen mweo rej ilok jen e, im jemen ear jilkinlok e nōn ir nōn jiroñlok ir nōn rollok. Ke mijenede ro rar jeblakok nōn mweo imōn, jemen ear ba bwe ear roñjake jen iloan mweo imōn ta ko rar ba nōn lio belen, im bwe ejelok juōn men ian men ko rar ba ear likuun bōk an itok-limo mae ien rar kwaloki air nan in kennan. Ke ear roñjake mijenede ro kwaloki air nan in kennan, ear eñjake bwe pamle eo an ar bwir kin air jilkinlok mijenede ro, im bwe en kar aikuij in kirtok ir. Pamle in ear kobalok iben Kabuñ eo tokelik.

Ta unin jemen en ear kirtok mijenede ro bwe ren jeblaklok nōn ibeir?

Lelok ien kiō nōn ruo kōra ro emwij bōk kunair nōn kwaloki wāwen air eñjake ke ear katakin ir kake gospel eo.

Jemlokin

Kijuij ro jinen im dri kaki ilo Kabuñ eo ewōr kunad nōn ukōt mour ko an ro jej katakin ir. Ukōt ej itok kin kajur eo an Jitōb Kwojarjar. Kin ad katakin ir iben kajur eo an Jitōb Kwojarjar, jenaj jibañ ro jet nōn kalaplok air tōmak ilo Iroi, kalaplok air melelein gospel eo, im kakajurlok air nan in kennan. Jenaj bareinwōt bōk jeramōn. Jen aikuij tellokid nōn bōk kajur eo an Jitōb Kwojarjar nōn jibañ kij katak kin gospel. Elañe ewōr ibed kajur eo an Jitōb Kwojarjar, jenaj katak kin mol. Jenaj wōr kajur eo an Jitōb Kwojarjar ibed elañe jenaj katak, jar, jitlok, im bokake aolepen kien ko an Iroi.

Jeje ko rekwojarjar rej kwalok bwe elañe jej jab wōr kajur eo an Jitōb Kwojarjar ibed, jen aikuij jab katak kin gospel eo. Elañe jej wōr kajur eo an Jitōb Kwojarjar ibed, jenaj katak to ko Iroi ekōnan bwe jen katak, bwe Jitōb Kwojarjar ej jela ankilan Anij (K & K 42:14, 16-17).

Kunam

Kabukōt tel ko an Jitōb Kwojarjar kin am katak, jar, im jitlok. Kiltōn kein rej ko ian kapoji in katak. Kōjerbali kiltōn kein nōn katakin ro nejim, ro jeram, im dri turim ro.

Bar Jet Jeje Ko Rekwojarjar

Luk 24:32 (buruōn dri jilik ro rej bwil ilo air)
Jon 14:26 (Jitōb Kwojarjar ej katakin men otemjej)
2 Nibai 32:7-8 (eoroñ Jitōb eo)
Mosaia 23:14 (dri kaki en aikuij juōn eman in Anij)
Alma 5:43-52 (Alma ej kwalok kake Jitōb Kwojarjar)
Mōronai 10:7-10 (men in letok ko ej lelok kin Jitōb in Anij)

Men In Kōmmōni Moktalok Jen Am Kwalok Katak In:

1. *Lori kiltōn ko emwij kwaloki ilo katak in nōn bōk jibañ jen Jitōb Kwojarjar.*
 2. *Lelok kunan ruo ian kilas eo nōn jiroñlok kaki wāwen air eñjake ke ear katakin ir kake gospel eo.*
 3. *Lelok kunan ro ian kilas eo nōn kwaloki bwebwenato ko im jeje ko rekwojarjar ilo katak in.*
-

President Ro An Kabuñ Eo

1. *Josep Smith*

Ear lotak ilo 23 December 1805, ilo Sharon, Vermont, United States of America, ekar nejin Josep Smith, eridto, im Luci Mak. Ear bōk Melkizeded Priesthood ilo May 1829, jen Piter, Jemes, im Jon, (K & K 20:2, 27:12); ear kamol e bwe en Elder eo Muktata (im Aulibōr Coudri einwōt Elder eo Kein Karuo) an Kabuñ eo, 6 April, 1830, ke ear 24 drettan; ear likite e juōn pris laplap, 3 June, 1831, kin Laimōn Wait; ear kamol e bwe en President eo an Priesthood Eutie 25 January, 1832 ilo juōn kwelok eo ilo Ohio ilo United States of America; ear mane e 27 June, 1844, ilo Kalbuuj in Kartej, Illinois, ilo America, ke ear 38 drettan.

2. *Brigham Young*

Ear lotak 1 June 1801, ilo Whittingham, Vermont, United States of America, ekar nejin Jon Young im Abigail Howe. Ear likit e bwe en juōn Dri Jilik 14 February 1835, an Dri Kennan Ro Jilu in Buk In Mormōn; ear kamol e bwe en President eo an Droulul in Dri Jilik Ro Joñoul Ruo 14 April, 1840; ear kamol e bwe en President eo an Kabuñ eo 27 December 1847, ke ear drettan 46; ear mij 29 August 1877, ilo Salt Lake City, Utah, ilo America, ke ear drettan 76.

3. *Jon Taylor*

Ear lotak 1 November 1808, ilo Milnthorp, England, ekar nejin Jemes Taylor im Agnes Taylor. Ear likit bwe en juōn Dri Jilik, 19 December 1838, kin Brigham Young im Heber C. Kimball; ear kamol bwe en President eo an Droulul in Dri Jilik Ro Joñoul Ruo 6 October, 1877; ear kamol bwe en President eo an Kabuñ eo 10 October 1880, ke ear drettan 71; ear mij 25 July 1887, ilo Kaysville, Utah, ilo America, ke ear drettan 78.

4. *Wilford Woodruff*

Ear lotak 1 March, 1807, at Avon, Connecticut, United States of America, ekar nejin Apek Woodruff im Beulah Thompson. Ear likit bwe en juōn Dri Jilik, 26 April 1839, kin Brigham Young; ear kamol bwe en President eo an Droulul in Dri Jilik Ro Joñoul Ruo, 10 October 1880; ear kamol bwe en President eo an Kabuñ eo, 7 April 1889, ke ear drettan 82; ear mij, 2 September 1898, ilo San Francisco, California, ilo America, ke ear drettan 91.

5. *Lorenzo Snow*

Ear lotak 3 April, 1814, ilo Mantua, Ohio, United States of America, ekar nejin Aulibōr Snow im Rosetta Leonora Pettibone. Ar likit bwe en juōn Dri Jilik, 12 February 1849, kin Heber C. Kimball; ear kamol bwe en juōn dri kabiliklik eo nōn Brigham Young, 8 april 1873; ear kamol bwe en juōn dri jibañ in kabiliklik nōn Brigham Young, 9 May 1874; ear kamol bwe en President eo an Droulul in Dri Jilik Ro Joñoul Ruo, 7 April 1889; ear kamol bwe en President eo an Kabuñ eo, 13 September, 1898, ke ear 84 drettan; ear mij 10 October 1901, ilo Salt Lake City, Utah, ilo America, ke ear 87 drettan.

6. *Josep Fielding Smith*

Ear lotak 13 November 1838, ilo Far West, Missouri, ilo United States of America, ekar nejin Hyrum Smith im Mary Fielding. Ear likit bwe en juōn Dri Jilik im juōn dri kabiliklik nōn ro ian President eo Muktata, 1 July 1886, kin Brigham Young; ear likit e bwe en juōn ian Droulul in Dri Jilik Ro Joñoul Ruo, 8 October 1867; ar kōtlok e jen an jermal einwōt juōn dri kabiliklik eo nōn ro ian President eo Muktata ke President Young ear mij, 29 August, 1877;

ear kamol bwe en dri kabiliklik eo kein karuo nōn President Jon Taylor, 10 October 1880; ear kōtlok e ke President Taylor ear mij, 25 July 1887; ear kamol bwe en dri kabiliklik eo kein karuo nōn President Wilford Woodruff, 7 April 1889; ear kamol bwe en dri kabiliklik eo kein karuo nōn President Lorenzo Snow, 13 September 1898; ear kamol bwe en dri kabiliklik eo kein kajuōn nōn President Lorenzo Snow, 6 October 1901, ear jab likiti e nōn jermal in; ear kōtlok e jen jermal in ke President Snow ear mij, 10 October, 1901; ear kamol bwe en President eo an Kabuñ eo, 17 October, 1901, ke ear drettan 62; ear mij, 19 November 1918, ilo Salt Lake City, Utah, ilo America, ke ear drettan 80.

7. *Heber Jeddy Grant*

Ear lotak 22 November 1856, ilo Salt Lake City, Utah, United States of America, ekar nejin Jedediah Morgan Grant im Rachel Ridgeway Ivins. Ar likit e bwe en juōn Dri Jilik, 16 October 1882, kin George C. Cannon; ear kamol e bwe en President eo an Droulul in Dri Jilik Ro Joñoul Ruo, 23 November 1916; ear kamol bwe en President eo an Kabuñ eo, 23 November 1918, ke ear drettan 62; ear mij, 14 May 1945, ilo Salt Lake City, Utah, ilo America, ke ear drettan 88.

8. *George Albert Smith*

Ear lotak 4 April 1870, ilo Salt Lake City, Utah, ilo United States of America, ekar nejin Jon Henry Smith im Sara Farr. Ear likit e bwe en juōn Dri Jilik, 8 October 1903, kin Josep F. Smith; ear kamol bwe en President eo an Droulul in Dri Jilik Ro Joñoul Ruo, 1 July 1943; ear kamol bwe en President eo an Kabuñ eo, 21 May 1945, ke ear drettan 75; ear mij 4 April 1951, ilo Salt Lake City, Utah, ilo America, ke ear drettan 81.

9. *Devid Oman McKay*

Ear lotak 8 September 1873, ilo Huntsville, Utah, ilo United States of America, ekar nejin Devid McKay im Jennette Eveline Evans. Ear likit bwe en juōn Dri Jilik, 9 April 1906, kin Josep F. Smith; ear kamol bwe en juōn dri kabiliklik eo kein karuo nōn President Heber J. Grant, 6 October 1934; ear kamol bwe en dri kabiliklik eo kein karuo nōn President George Albert Smith, 21 May 1945; ear kamol bwe en President eo an Droulul in Dri Jilik Ro Joñoul Ruo, 30 September 1950; ear kamol bwe en President eo an Kabuñ eo, 9 April 1951, ke ear drettan 77; ear mij, 18 January 1970, ilo Salt Lake City, Utah, ilo America, ke ear drettan 96.

10. *Josep Fielding Smith*

Ear lotak 19 July 1886, ilo Salt Lake City, Utah, ilo United States of America, ekar nejin Joseph Fielding Smith im Julina Lambson. Ear likit bwe en juōn Dri Jilik, 7 April 1910, kin Josep F. Smith; ear kamol bwe en einwōt dri jermal in President eo an Droulul in Dri Jilik Ro Joñoul Ruo, 30 September 1950; ear kamol bwe en President eo an Droulul in Dri Jilik Ro Joñoul Ruo, 9 April 1951; ear kamol bwe en juōn dri kabiliklik eo an Ro Ian President Eo Muktata, 29 October 1965; ear kamol bwe en President eo an Kabuñ eo, 23 January 1970, ke ear drettan 93; ear mij, 2 July 1972, ilo Salt Lake City, Utah, ilo America, ke ear drettan 95.

11. *Harold Biñam Li*


Ear lotak 28 March 1899, ilo Clifton, Idaho, ilo United States of America, ekar nejin Samuel M. Li im Louisa Bingham. Ear likit bwe en juōn Dri Jilik, 10 April 1941, kin Heber J. Grant; ear kamol bwe en President eo an Droulul in Dri Jilik Ro Joñoul Ruo, 23 January 1970; ear kamol bwe en dri kabiliklik eo kein kajuōn nōn President Joseph Fielding Smith, 23 January 1970, ke ear drettan 70; ear kamol bwe en President eo an Kabuñ eo, 7 July 1972, ke ear drettan 73; ear mij 26 December 1973, ilo Salt Lake City, Utah, ilo America, ke ear drettan 74.

12. *Spencer Woolley Kimball*


Ear lotak 28 March 1895, ilo Salt Lake City, Utah, ilo United States of America, ekar nejin Andrew Kimball im Olive Woolley. Ear likit bwe en juōn Dri Jilik, 7 October 1943, kin Heber J. Grant, ilo Salt Lake City, Utah; ear kamol bwe en einwōt dri jermal in President eo an Droulul in Dri Jilik Ro Joñoul Ruo, 23 January 1970; ear kamol bwe en President eo an Kabuñ eo, 30 December 1973, ke ear drettan 78; ear mij, 5 November 1985, ilo Salt Lake City, Utah, ilo America, ke ear drettan 90.

13. *Ezra Taft Benson*

Ear lotak 4 August 1899, ilo Whitney, Idaho, ilo United States of America, ekar nejin George T. Benson im Sarah Dunkley. Ear likit bwe en juōn Dri Jilik, 7 October 1943, kin Heber J. Grant, ilo Salt Lake City, Utah; ear kamol bwe en President eo an Droulul in Dri Jilik Ro Joñoul Ruo, 30 December 1973, ke ear drettan 74; ear kamol bwe en President eo an Kabuñ eo, 10 November 1985, ke ear drettan 86.




Josep Smith




Brigham Young




Jon Taylor




Wilford Woodruff




Lorenzo Snow



Josep F. Smith



Heber J. Grant



George Albert Smith



Devid O. McKay




Josep Fielding Smith



Harold B. Li



Spencer W. Kimball



President Ezra Taft Benson

Nan Ko Kab Lōmnak Ko Am

Elañe ewōr am nan ko ak lōmnak ko kake buk in, jouj im jilkinlok ir nōn adress in:

Curriculum Planning and Development
24th Floor
50 East North Temple Street
Salt Lake City, Utah 84150
United States of America

Jouj im kobaïke etam im adress ne am. Bareinwōt, jeje etan buk in im ta ko kwoj eñjake im lōmnake bwe ej emmōn kab nana kake buk in.

KABUÑ EO AN
JISŌS KRAIST
IM ARMEJ RO REKWOJARJAR
ILO RAN KO ĀLIKTATA

MARSHALLESE



4 0231113874 6

31113 874